



BIBLIOTECA NAZ.

Vittorio Emanuele III

XXIII

B

4

NAPOLI



XXIII

B

A



2/

SPECIMEN  
DOCTRINÆ  
VETERUM  
SINARUM  
MORALIS  
ET  
POLITICÆ;



TANQUAM  
EXEMPLUM PHILOSOPHIÆ  
GENTIUM  
AD REMPUBLICAM APPLICATÆ;  
EXCERPTUM LIBELLIS  
SINICÆ GENTI CLASSICIS,  
*CONFUCII*  
SIVE *DICTA*, SIVE *FACTA*  
COMPLEXIS.

Accedit de Litteratura Sinensi disser-  
tatio Extemporalis.

OPERA  
GEORGII BERNHARDI  
BÜLFFINGERI,

Moral. & Mathes. in Collegio Illustri  
Tubingensi Prof. ord.

*FRANCOFURTI ad MOENUM.*

Apud J. B. ANDRÆ & H. HORT.  
M DCCXXIV.



V I R O  
P E R I L L U S T R I , G E N E -  
R O S I S S I M O ,  
A T Q U E  
E X C E L L E N T I S S I M O ,  
D O M I N O ,  
I O A N N I H E N -  
R I C O

S. R. J. LIB. BAR.

D E

S C H V Z ,  
D O M I N O I N A D E L S B E R G ,  
P F L O M M E R N . , E T D E I F R I N G E N ,  
R E L I Q U A ;

SERENISSIMI POTENTISSIMIQUE  
WÜRTEMBERGIÆ DUCIS  
A CONSILIIS STATUS  
INTIMIS,  
EJUSDEMQUE  
AD COMITIA S. R. IMPERII  
RATISBONENSIA  
LEGATO SPLENDI-  
DISSIMO,  
PRÆSTANTIORUM LITTERARUM  
PROMOTORI INTELLIGEN-  
TISSIMO ,

DOMINO SUO ET MÆ-  
CENATI PERQUAM GRA-  
TIOSO.



DOMINE PER-  
ILLVSTRIS, GE-  
NEROSISSIME,  
ATQUE  
EXCELLENTISSIME.

**N**on id sine exemplo est, sed  
rarum tamen, ut VIRIS ad  
Reipublicæ gubernacula se-  
dentibus offerri scripta contingat phi-  
losophica: Tantum scilicet ab eate[m]  
( 3 ) porum



porum felicitate Litterati desciverunt, quā nullum inter litteras & regendi prudentiam divortium publica consuetudine approbatum fuerat antiquitus. T V V M id opus erit, VIREXCELLENTISSIME, si pristina sororum concordia postliminio reducta dignationem, litteris atque in Magnatum ædes accessum fecerit liberiores.

CONSILIUM, quo excutiendos esse Veterum Annales statuisti, & inquirendum Philosophiæ antiquæ in Republica usum, diversis tentatum gentibus, est ejusmodi, ut manifesta sui in Re publica & litteraria utilitate desiderium unicuique ingeneret, aut visendi aut omnino tentandi ejus generis laborem.

Utrum-

Utrumque illud vel ego expertus sum, ubi primum intelligere gratiosissimam illam TVAM, & rei litterariæ auspiciatissimam, voluntatem licuit. Immemor virium, negotio imparium, aggredior operis partem, quam ceteris tamen & faciliorem, & instituto accommodatorem opinatus fui: sufficiens illud, & plane abundans operæ pretium existimaturus, qui obsequium TIBI & cultum, quem venerabundus debeo, demississimum vel conando liceat approbare.

Inscribo opusculum TVO NOMINI, quod TE, VIR EXCELLENTISSIME, judicem præceptorum suorum vel CONFUCIUS admiserit; SINICE nimirum judicare valet, quicunque

normam potest a suo ipsius exemplo desumere.

Non id singulatim demonstrare licet homini scholastico: Præstat eminus virtutem in sublimi positam suspicere; præstat hæsitabundo illam silentio venerari, quam fermone humili, & ad meritorum amplitudinem haud quaquam assurgente taminare illam potius, quam illustrare. Nescio tamen, an posterius id testimonium possint aut negligere, aut ingeniosa cavillatione eludere, cum viderint, tantam de TV A virtutum Excellentia fiduciam fuisse publicam, ut vel SINICA de MINISTRIS Principum præcepta, ardua sane & difficilia, TV O etiam N O M I N E inscripta divulgare licuerit.

Est



Est locus, ubi TVAM, PER-  
ILLVSTRIS atque EX-  
CELLENTISSIME DO-  
MINE, Iconem, SINICO deli-  
neatam penicillo, conspiciatus fui,  
& demisse veneratus; S E R E-  
NISSIMO quoque W V R-  
TEMBERGIAE DVCI,  
EBERHARDO  
LVDOVICO,  
Domino meo Clementissimo, feli-  
citatem illam, anxiiis ab SINICO  
Principe votis expetitam, gratula-  
tus devotissime. Accipe illam non  
minus, quam ceteras TVARUM  
Virtutum enarrationes SINICAS;  
quoniam TVO dudum NOMI-  
NE & EXEMPO commen-  
dari possunt, quascunque Magnati-  
bus inculcavit CONFVCIVS.

Vidi inter illas etiam , quæ non gravatur judicare subjectos ex suis unumquemque facultatibus , atque omnino indulgere , si qui minus possint , quam velint , suis publico laboribus prodesse. Hoc T V V M est , V I R E X C E L L E N T I S S I M E , ex longo tempore , ut vel conantibus favere , & regere minorum quoque operas aut molimina ad utilitatem publicam non dedigneris.

Atque hoc idem est , quo meam facti audaciam Clementiæ T V A E si minus approbare , saltim excusare nitor. Nolim resistere desiderio collocandi operam in parte aliqua I N S T I T V T I , tanto , quantum Eruditi T V A M E X C E L L E N T I A M venerantur , iudice commendabilis : Sed neque destitutam Patrocinio opellam Politico - Moralem vulgare  
au-

ausim; TVO præeunte arbitrato applausus reliqui securus vivo.

Indulxisti illam Auctori gloriam gratiosissime, ut TVIS hoc loco auspiciis agere videri possit, & sua TIBI obsequia testari humillime. Si utilia publico aliqua; si ad virtutem commendandam, si ad excitandum Eru-  
ditorum in perficiendo utili instituto studium accommoda (ita autem con-  
fido) dici contingat: TVVM id be-  
neficium universi agnoscent, & ho-  
stimenti loco suos mecum animos  
conjungent, sociatis precibus divinum  
pro TVA Incolumitate. Numen  
deprecaturi; flagitaturi successus  
Consiliorum, salutis publicæ intentor-  
um, felicissimos; nuncupaturi vota  
pro perenni GENEROSISSIMAE  
GENTIS TVAE amplitudine, glo-  
ria & splendore.

Com-



Communia hæc Civium vota meritis dudum prælustribus debentur, Bonorum omnium suffragio: Felicitatis est, ejusdemque ex TVA Clementia pendulæ, quod publica ejus rei testimonia edere, atque inter religiosas omnium pro TVA salute preces partem occupare pietatis plenissimam liceat homini amplissimis Gratiæ in se collocatæ demonstrationibus devinctissimo,

*PERILLVSTRIS GENERO-  
SISSIMAE QVE*

*EXCELLÉNTIAE TVAE*

Dab. d. 26. Maji,  
cl<sup>o</sup> 15 CC XXIV.

Clienti devotissimo;  
Georgio Bernhardo  
Bülffingero.



# CONSPECTVS OPVSCVLI GE- NERALIS.

**R**ATIO INSTITVTI *explicat novum Historia Philosophica officium atque usum, ab ILLVSTRI VIRO indicatum, positumque in observanda diversarum gentium applicatione Philosophia ad Rempublicam: cum transitu ad praesens institutum, pag.*

I  
SE.

**SECTIO GENERALIS** exponit *Ordinem, Naturam & Merita Philosophia SINARUM Moralis & Politicæ;*  
pag. 22

**SECTIO SPECIALIS PRIMA** *præcipit de Cultura Intellectus, quatenus sollicita boni & mali cognitione instruendus est;* pag. 37

**SECTIO SPECIALIS SECUNDA** *de Emendatione Voluntatis, inflammato Virtutum studio, & vitiorum odio imbuenda;*  
pag. 65

**SECTIO SPECIALIS TERTIA** *de Affectuum Natura, Moderatione*



*deramine, Ufu, & Regi-  
mine; pag.*

106

**SECTIO SPECIALIS**

*QUARTA, de compo-  
sitione actionum externa-  
rum & conversationis  
ad officiorum Regulas,  
pag.*

123

**SECTIO SPECIALIS**

*QUINTA de Officiis  
& Regimine familia, Lu-  
ctu, Ritibusque Paren-  
talibus, pag.*

160

**SECTIO SPECIALIS**

*SEXTA de Officiis Ju-  
ribusque Magistratum  
& Magnatum, pag.*

196

SE-

❧ ( o ) ❧  
**SECTIO SPECIALIS**  
*SEPTIMA de Administratione Imperii uni-*  
*versi, pag.*

229

EPILOGUS instituit compa-  
rationem Prudentia SI-  
NICAE cum Philoso-  
phia & Theologia Mo-  
rali NOSTRA, pag.

272

De Litteratura Sinensi Differ-  
tatio extemporalis, pag.

289

**RATIO**





# RATIO INSTITUTI.

## §. 1.

**P**hilosophiam, antiquis cultam Gentibus, diversis haud pauci studiis indagarunt: In *duas* tamen *classes* plerique omnes referri facile possunt. Alteri *historica* persecuti sunt, *dogmatica* alteri: sectarum illi origines, auctores, fata, successionem enarrare instituerunt; isti dogmata exponere, impugnare aut defendere. Utrique multa publico utilia, scientiis præsertim augendis proficua, exposuerunt: *Possè* tamen *plura* erui, vel eo solo argumento intelligitur, quod *philosophia* veteris cum *Repubblica* *comparationem* ex instituto hactenus non attenderint.

Dux classis scriptorum de Philosophia Veteri.

## §. 2.

Non excurram latius ab argumento præsentì, neque adeo *singulatim* persequar, quid in ipsa etiam *historia philosophica* compilatione plerique aberraverint? Est ille *communis* cum *Historia Litteraria* pæne

Eorum triplex officium.

A

Uni-

Univerſa defectus, ut, inſuper habito atque deſerto ſine principali, ad acceſſoria parum cauti operam atque laborem ſuum plerique tranſtulerint. Illud, niſi fallor, agendum erat, ut ex hiſtoria conſtaret, 1. *quæ veritates unoquoque tempore inter homines cognitæ, & demonſtratæ fuerint?* 2. *quibus illæ artiſiciis inventæ?* 3. *quibus feliciter uſibus adhibitæ?* Primum; ut ne laborem & ætatem excelsa ingenia inſumerent in eruenda demum, quam alii dudum retexerant, veritate; ſed ingenium exercerent in eadem novis potius acceſſionibus augenda; quid eſt elegantius illo *Verulamii*, aut verius? „Tunc demum homines vires ſuas noſcent, cum non eadem infiniti, ſed omiſſa alii præſtabunt „ vide *Impetus Philoſophicos* pag. 251. edit. Amſtel. An. 1685. Alterum ut imitari magnos Viros, & perfringere illorum exemplo objectas hucusque difficultates liceret aliquanto felicius; *Mathematicorum* in evolvendis aliorum ſcriptis ea cura eſt, attendere ad artiſicia non minus, quam ad ipſa Auctorum theoremata, neque illud ſterile aut infelix ſtudium eſſe cotidie experiuntur: *Tertium*, ut maculam ſcientiis abſtergere contingeret, qua inutiles illæ, & rebus gerendis parum accommodæ, jure nonnunquam, aliquando injuria, creduntur. Nihil de eo dicam, quod ſola hæc via ſit, quæ ad judicia de *Anteſſorum* Noſtrorum *Meritis*

sis legitima, eademque excitanda posterorum industria simul inservientia, secure ducat.

## §. 3.

Equidem in *Primo* elaboraverunt aliqui Defectus Eruditorum, & antiqua veterum scita ordine exposuerunt: *Amplior* ramen facti in primo commissi, utilitas foret, si certa ab ambiguis, à demonstratis probabilia, opiniones, imo suspensiones philosophorum à scientia discrevissent attentius; si progressus quoque doctrinarum, successivo labore à conjecturis ad scientiæ certitudinem provectorum, attigissent; si generalius institutum, non intra Græcos aut Romanos fines, aut omnino sectæ alicujus, Stoicæ, Epicuræ, Platonicæ, Academicæ, Pythagoricæ placita cum *Iusto Lipsio*, *Petro Gassendo*, *Marsilio Ficino*, *Sam. Toucherio*, *Joanne Schaffero* conclusissent, sed ad exterarum quoque gentes *Thomæ Stanleji* exemplo extendissent.

## §. 4.

*Secundam* tanto facilius partem neglexerunt Defectus Viri etiam industrii, quo professor in secundo lapsus fuerat: Cum enim artificia à do. Viris scientia illustribus adhibita, haud raro notitiam postulent vitæ, studiorumque & gestorum; accidit, ut tata inquirere Virorum, & vitas scribere, & annos eruere occoeperint Eruditi. *Institutum* est vel ideo externe blandiens, quod usum facti aliquem exempla doceant, & diffi-

cile negotium possit Eruditionis haud proletariæ famam Auctoribus conciliare. Ita vero factum est, ut brevi *omnem* Historiæ philosophicæ *ambitum* ea philosophorum & sectarum notitia, successu ad proferenda scientiarum pomœria parum idoneo, Auctores circumscripserint. Sunt *plura* ejus generis errata in recentissima Historiam Litterariam colendi methodo: sed quæ ad præsens argumentum nihil attinet edisserere. Conf. *omnino* Reverend. Dom. Cancellarii D. CHRISTOPH. MATTH. PFAFFII *Introductionem ad historiam Theologia Litterariam* Edit. noviss. 1724. in Prolegom. §. 3. p. 15. seq.

Defectus  
in tentio.

§. 5.

*Tertium* infelici fato neglectum est publice; nequesciam, qui discrete hoc egerit, ut *Philosophia* usus in *Civili* vita, olim aut hodie præstitos, explicare traderet. Libellus est mole exiguus, momento & pondere non vulgaris, quo Philosophicam *Petrus Silvianus Regius* Historiam excussit, indicem subinde digitum eo intendens, ut *vitam Philosophorum* cum doctrina contenderent Lectores solliciti. Demulsi animum lectio opusculi, vel ideo præstantis, quod neglectam aliis partem, etsi in compendio, attingeret. Illud in mentem non venit, *desse præcipuum* adhuc Philosophiæ fructum: quem illum? *Applicationem* ejus ad negotia quoque

que publica, ad regendos feliciter Cives,  
ad Imperia ex æquo & justo admini-  
stranda.

## §. 6.

Posse*s mirari* insuper id habitum esse *Occasio*  
ad nostra usque tempora: Cum *antiqui* emenda-  
enunciaverint, felices tum demum tionis ne-  
Respublicas fore, quando aut *Philos-* glecta.  
*sophi imperent*, aut *philosophentur Imperan-*  
*tes*. Equidem id dictum est ejusmodi,  
ut ad Philosophiam *Europaam*, curiosulam  
illam, & minus gravem, subtilibus maxime  
quæstiunculis, & extra Civilis vitæ com-  
mercium positis fœtam applicari liquido  
non possit. Igitur id effatum repeti qui-  
dem ex consuetudine, & magnifice in  
Declamationibus laudari, non exami-  
nari & perpendi, minus etiam demon-  
strari contigit. Potuissent alioquin *hoc*  
*eloquio* duce in illam eruditi cogitatio-  
nem incidere, ut attenderent, *an exem-*  
*plis* id antiqui cognoverint, *an argumen-*  
*tis*? Primum eos ad excutiendos veterum  
gentium annales instigasset: *Alterum* ad-  
monuisset de philosophia sua civili vitæ  
propius accommodanda. *Utrumque* pu-  
blico egregium, & honorificum fuisset  
Consilii Auctoribus.

## §. 7.

Sed vero *aliud* hic defectum suspicor: Causæ  
Rarior ille casus est, quo scientia abstru- neglectus.  
sioris philosophiæ & rerum gerendarum  
prudencia copulantur. *Alteri* subtilia

venantur : *Alteri* postulant utilia. Quibus *otium* est & patientia, legendis vel audiendis antecessorum Commentationibus necessaria, illorum quoque animus eam sensim sine sensu formam induere solet, cujus vestigia scriptis & sermonibus suis Auctores intulerunt : Sic illi ut plurimum *ant* antiqua tenent, *aut* ejusdem generis nova prioribus sive substituant, sive adjungunt ; scholæ discen-tes plerique, non vitæ. Ex adverso, qui *gravioribus* destinantur negotiis, raro tantam sibi patientiam imperare possunt, ut per præliminares spinas & dumeta eousque sese penetrent, ubi fructus liceat percipere laborum & scientiæ. Et quis illud jure exgat, ut, qui gerendis occupantur negotiis, de scientiis quoque ordinandis admoneant homines otiosos, aut illi præcipuè rei perficiendæ admotos?

## §. 8.

Merita  
Magna-  
tum in  
scientias.

*Quoties* tamen *cumque* felicibus id fati accidit, ut scientia quoque rerum philosophicarum præfulgerent, qui rebus gerendis præessent, utile illud scientiis & publico auspiciatum fuit. Possem hic in partes vocare ex *recentiori* & *veteri* historia non paucos: Unum è Recentibus *Baconem Verulamium*, Angliæ Cancellarium, allegabimus magno suo merito ; Illius enim Viri, hortantis & conantis, operæ

ex multa parte debetur, quod purgatam ineptiis *philosophiam Naturalem*, otiosis veterum vitilitigationibus perfectè dissimilem, & plurimis in vita etiam Civili usibus insignem, hodie possidemus, colimus & perficimus.

## §. 9.

Auguror *similia* pro *Morali* philosophia, si fuerint inter Eruditos, qui filum sequi, ab ILLUSTRIMANU porrectum, seu velint, seu possint. CONSILIUM est, ut *Philosophiam Gentium*, quatenus ad *Remp.* gerendam feliciter aut secus applicata est, industrii scriptores colligant. Si mentem assequor, id operis institutum erit, ut ex antiquorum monumentis doctrinæ sapientum inter diversas receptæ gentes etuantur; exponantur perspicuè, ordine, & breviter; inflectantur autem ea methodo, ut simul innotescat, quid publicæ rei attulerint sive commodi bonæ, sive detrimenti periculosa? *Historiam* illam operam interpretor, *perpetuo* tamen *judicio* distinctam: Alteram partem alteri comitem dari reor, ut mutuo suffultæ certius consistant. *Simile* id *exemplum* foret, quo secuti *Verulamium*, in naturali quoque scientia *historiam judicio* jungimus, *illam* quidem observationibus atque experimentis contentam, *istud* scientia & conclusionibus exercitum.

Consilium  
Illustris  
Viri de  
Philosophia  
Gentium ad  
Remp. applicata.

## §. 10.

Fructus  
Consilii  
in emen-  
danda  
Philoso-  
phia.

Facile id mente unusquisque præci-  
piat, *usum* facti *multiplicem* fore, si digna  
consilio opera accesserit, & labor fini  
responderit. Numerarem inter præci-  
ptos, si Viros scientia præstantes excita-  
re illo stimulo liceret, ut *philosophiam* su-  
am *omnem* niterentur *accommodare* ad uti-  
litatem publicam. *Veteres* aliquos in eo  
negotio sedulos fuisse, si non aliunde con-  
staret, *Sinarum* certe, & *Lacedæmoniorum*  
exempla demonstrarent: æmulari illos,  
evitare naves tamen, & augere utiliter  
inventâ, quid impedit? *Duo* sunt, quæ  
communiter *peccari* arbitror: aliqua in  
propinquo posita negligimus applicare,  
aliqua non cœusque persequimur, ut ap-  
plicari possint. *Utrique* generi remedia  
ex antiquis repetere aliquando licet: at-  
que, ubi non licet, ipsa hæc necessitas  
cognita animum ad inveniendas novas  
quoque veritates, spero, sollicitabit. Da-  
bimus dicti specimina in decursu ipsius  
hujus promissidis, suo conservanda lo-  
co, ne nimium præfatio excreseat.

## §. 11.

In colli-  
gendis  
Virtutum  
Exemplis,  
excitan-  
disque  
ad imita-

Dum verò excitati hoc stimulo Eru-  
diti suam quoque operam ad juvandam  
scientiis Reipublicæ curam transferrent:  
ille certus instituti usus foret, quod *colle-*  
*cta* in fasciculo *exempla* prostant, &  
*præcepta* virtutum ac prudentiæ, quot-  
cun-



cunque eorum memoriae conservarunt <sup>tionem</sup> veterum documenta. <sup>Animis.</sup> Posse factis Heroum excitari animos, & instrui quoque feliciter: experientia magistra cognitum est ex longo tempore. Quis nescit, *Maximos Belli Duces*, ingenti numero, existisse, quorum domestico, adeoque certiori, testimonio constat; ex Antecessorum gestis ardorem illos & gloriae stimulum, sed & prudentiam rerum atque circumspectientiam nactos, imitatos, atque supergressos esse? Nihil dubitode *Civilis* prudentiae consultis existimare similiter: iisdemque Exempla imitationis ex antiqua ejusmodi historia; Rei autem publicae illius æmulationis commoda haud vulgaria polliceri. Si *Flavium Vegetium*, si *Sextum Julium Frontinum*, si *Ælianum* milites & militiae Duces amant, quod *rei bellicae* praecepta & artes, veterum exemplis in fasciculum collectis, edoceant: Idem in *civilibus* artibus, scientia & prudentia, approbati intelligentibus posse non ambigo. Non reipublicae *facies mutata* est magis, quam bellandi ordo: neque difficilior praeceptorum atque exemplorum Civilium ad praesentia tempora applicatio est, quam est altera fortitudinis bellicae, olim exercitae, ad praesentem.

§. 12.

Eadem ratione ab ejusmodi instituto <sup>In Usibus</sup> <sup>etiam rerum la.</sup>

A. 5

rius exten-  
dendis.

etiam id expecto, quod in *Litteraria* Re-  
publica ex aliquo tempore deprehensum  
est perquam utile. Sunt anni forte sexa-  
ginta, ex quo commodior simul,  
atque *amplior* inter Eruditos *communica-*  
*tio* effloruit, Societatibus partim institutis,  
partim editis ephemeridibus. Utile id  
factum fuit, atque inventori Diariorum  
*Hedonvillio* hodieque gloriosum: *Extra-*  
*cta* sunt *tenebris inventa*, & in publicum  
vulgata, quæ aut intra paucorum noti-  
tiam perstitissent, aut in ipsa manu in-  
ventoris jacuissent sterilia, culta deinceps  
ab aliis, atque usui adhibita publico.  
Suspisor, esse multa inter Gentium An-  
nales recondita, litteratoribus fortasse  
aliquibus nota, sed quibus aut non va-  
cet, aut non liceat illa publicis quoque  
usibus applicare. Si collecta illa vulgari  
contingeret, eo quidem habitu induta,  
ut excelsiora Illustrium Virorum Inge-  
nia, hispida sua & hirsuta barbarie, non  
ab ipso statim limine absterrent: spe-  
rare, egregia Veterum sive præcepta  
sive exempla, à situ & pulvere vindica-  
ta, capiendis in re dubia consiliis, & ju-  
dicandis negotiorum eventibus haud in-  
feliciter adhiberi posse. Salthm id *uni-*  
*versaliter* usurpari posset, vel declinari,  
quod remotissimæ loco & tempore gen-  
tes utile aut damnosum hac parte com-  
pererunt.

## §. 13.

Tacco alia, quæ magno numero enarrari possent. *Lucem historiae* Civili haud parvam ex eo labore inferri posse arbitror. Sunt recentia, Patrum nostrorum ætate, exempla *revolutionum*, in *Gallia, Anglia*, & passim, quarum sive causas sive adjumenta Prudentes è publica quoque doctrina, & morali præcipuè, laxiori æque ac superstitiosa, haud raro repetunt. Inter veteres, vel *Plutarchi* testimonio, *Spartani* exemplo sunt: quorum cum philosophia *Lycurgi* stetit & concidit Respublica. Supperunt alia quædam ejus generis: & conjicio, etiam plura subinde talia deprehensum iri, quæ nondum publicè ab Eruditis observata sint, & exposita.

## §. 14.

Ex adverso etiam illud suspicor haud levi conjectura ductus, quin specimini- bus etiam nonnullis persuasus: Possit Philosophiæ & *doctrina publica* faciem; & fata, & periodos, & *inflexiones* haud raro intimius intelligi, & conjici earum momenta, causasque & origines, & fines denique è mutatis Rerum publicarum formis; facta doctrinæ ad gubernandi rationem accommodatione non infrequenti. *Rara enim sunt exempla*, quale *Nicolao Machiavello* debemus, ut ingenium Monarchiæ ad seditiones usque

In cruen-  
dis gesto-  
rum Civi-  
lium caus-  
sis.

In dete-  
gendis  
Philoso-  
phiæ fati-  
& fontibus.

que adversum, obtinendo servandoque Principatui leges, & artificia præscribat atque commendet: Frequentiores *Hobbesi*, qui Philosophiam suam & doctrinas Dominatui aptant, apertius aut occultius.

## §. 15.

Ufus mi-  
scellanei.

Ut nihil de eo dicam, *posse* Viros cognoscendis hominum ingeniis, atque studiis mirificè inter se se dissidentibus intentos, plurimas ex ejusmodi gentium collatione veritates indagare; *posse* diversos ratiocinandi agendique modos inter se componere; *posse* aliquando ex factis intelligere, quæ; pro suis judicando moribus, impossibilia pronunciasent; *posse* antiquarum & peregrinarum gentium præceptis, exemplis, consiliis, conventibus flectere suorum animos; *posse* antiquorum periculo & erratis discere; & quæ sunt ejus generis infinita, facile perspicacioribus obvia; quorum planè luculentum, idemque perquam salutare exemplum non ita pridem exhibuit Vir Illustris, *Scipio Maffei* in libello utilissimo, *della Scienza Cavalleresca*, cujus Libro secundo integrum caput octavum huic instituto impendit, ut ex factis & sententiis aliarum gentium, præcipuè Sinarum, ostenderet, quæ sit vera de honore tuendo, & fortitudine, aliis plane speciminibus quam vindicta & duellis demon-  
stran-

stranda, hominum sapientum sententia.

Vid. ejus p. 276---280.

§. 16.

Atqui verò id Ingenii est, & doctrinæ Difficultas  
operis, &  
facilitas  
specimi-  
nis.  
non vulgaris, & experientiae rerum cir-  
cumspectioris, si quis *omnem* istam ope-  
ram ita velit suscipere, ut enarratas pau-  
lò ante utilitates ex isto labore haud in-  
aniter sperare liceat: *Erunt* fortasse ta-  
men inter Eruditos, quibus neque vo-  
luntas deest, neque facultas elaborandi  
in ea parte utiliter, postquam de insti-  
tuto admoniti fuerunt. *Facilius* hoc est,  
experiri vires *in specimine*, ut integrum  
sit abstinere manus à ceteris, quibus di-  
gne expediendis non sufficiant. Id nisi  
liceret, nollem ego quicquam conari,  
conscientia imbecillitatis. Visum est  
verò, *gentem exstare*, cujus doctrinam dif-  
ficile non sit ea Methodo exponere, ut  
totam Imperio accommodatam esse Le-  
ctores conspiciant. Illam igitur occu-  
pare partem, & pro ratione otii, quod  
parce obtingit, explicare malui, quam  
ipsi mihi deesse, ubi copia facta est,  
approbandi obsequium, & in bonas li-  
teras ardorem. *Voluntatem* in potestate  
mea solam habeo: illam *conando* demon-  
strare licet; etsi ipsum exquisitè opuscu-  
lum perficere non liceat homini ab suf-  
ficienti vacatione, scientiaq; & adminicu-  
lis destituto,

§. 17.

## §. 17.

Philoso-  
phia Sini-  
ca est in-  
stituto  
aptissi-  
ma,

*Sinica* verò Gentem illi instituto plu-  
rima commendarunt. Est *Philosophia* il-  
la omnium, quas nosse datum est, *anti-  
quissima*: Est philosophia non privati ho-  
minis, sed *universa gentis*, ejusdemque  
amplissimæ: Est philosophia gentis à  
*Civili prudentia* commendatissimæ: Est  
*classica* per universum latè patens Impe-  
rium *libris* vulgata: Est *ex Imperatorum*  
*antiquissimorum dictis, factisque* compo-  
sita, & eorundem auctoritate firmata:  
Est *practica* tota, a subtilitatibus perfe-  
cte omnibus pura, & ad regendos co-  
mitter ac juste populos ubique accom-  
modata: Est adeoque *nata* quasi & facta  
*ad presens* de Philosophia Gentium ad  
Remp. applicata *Consilium*.

## §. 18.

Antiqua  
scilicet  
Confucii  
doctrinis  
perita.

Loquor autem de *antiqua* Gentis phi-  
losophia: *Recentiorem* illi dissimilem con-  
fiteor in non paucis. Possent illiusquo-  
que *mutationis præludia & origines* attingi,  
si id locus postularet. Quod præ ma-  
nibus est specimen, è CONFUCII do-  
ctrina totum desumitur: cujus tanta se-  
quioribus etiam temporibus inter Sinas  
veneratio mansit, ut *Tartarus Rex HI-  
CUM*, seculo post Chr. Nat. duodeci-  
mo incunte, *Regis* illum honoribus af-  
fecerit, & Magnatibus factum impro-  
ban-

bantibus sequenti illud sententia excusaverit:

„ Tametsi CONFUCIUS non ea conditione fuerit, ut hos honores mereatur: attamen ejus DOCTRINA digna est, quam ritu REGIO veneremur. „ \*

Cui addas, licet, *morem*, hodieque observari solitum, quo Viri doctrina, virtute, sapientia & in gesto Magistratu integritate præstantes ab Imperatoribus solent in album & ordinem referri *Discipulorum Confucii*, ut nimirum in partem veniant honorum, qui statim illi temporibus à Præfectis Urbium exhibentur. \*\*

De

\* Extat factum in Tabula Monarchiæ Sinicæ Chronologica, quam *Philippus Comptus* Latinam fecit, & Confucio suo subjunxit, fol. 72. Cui tamen loco conferendus est alter fol. 79. ubi de *Tai su* seculi decimi quarti ferè exeuntis Imperatore refertur:

„ Confucio gentis magistro honores jubet deferri non regios, quos quidam Imperatores soliti erant deferre, sed eos duntaxat, qui *Sien su*, id est, Magistris vita functis conferri soliti, uti viventibus conferebantur. Vetat etiam eo ritu honorare Confucium, quo reliqui spiritus aut idola coluntur; cum enim, inquit, *Litterati*, qui diem obierunt, à reliquis spiritibus diversi sint, par est, quotannis eorum memoriam diversa quoque honoris significatione ritumque renovare, eoque duntaxat, qui pristinae cuiusque conditioni, & quam gessit olim, dignitati compensat. Vetat insuper statuas Confucii aut ejusdem discipulorum consari & erigi. „

\*\* Accipe verba *Compti* in *Hiao sum*, medio seculo XII. imperante: „ Floruit sub hoc Imperatore,

Chin

De *Cultu* ipso *Confucii* & discipulorum liceat hoc loco manum abstinere; quoniam exponi, nisi prolixè, & à superstitione ad Civilem observantiam restringi, nisi cum alterius certantium partis invidia, non potest. \*\*\* §. 19.

*Chu hi* veterum Librorum interpres celeberrimus, Variis perfunctus muneribus sub 4. Impp. post mortem honoratus titulo *Ven Cum*, id est, Litterarum Principis, & cum ceteris *Confucii* discipulis consecutus ritulos posthumos; quorum nomina ip tabellis in Gymnasio *Confucii* exponuntur, qui mos hodieque viget: Nam ubi constar de Viri virtute, sapientia, & in gesto Magistratu integritate, solent eos Imperatores in album & ordinem referre *Con-discipulorum Confucii*, ut in partem veniant honorum, qui statis temporibus à Præfectis urbium exhibentur. „

\*\*\* Forassis tamen id impunè licet, exhibere verba Imperatoris *Tum lo*, seculo decimo quinto incunte Anno scil. Chr. 1505. scepra capeissentis, quæ invenio in Vita *Confucii* ab iisdem Viris Eruditis publicata. Decretum Imperatoris, *Confucii* Gymnasium honoris gratia adituri sic habet: „ Ego venetor *Confucium* Imperatorum & Regum Magistrum. Imperatores & Reges Domini sunt populorum. *Confucius* autem sectam populorum institutionem proposuit tria illa vincula (qua sunt Regem inter & subditos, parentes & filios, maritum & uxorem: ) normam irem quinque universalium virtutum (pietatis, justitia, prudentia, fidelitatis, civilitatis) & *Sinenlis* Imperii magnam symmetriam & formam: omnia hæc *Confucius* declaravit, ut omnia secula erudiret. Convenit igitur Personam meam pergere ad magnum Gymnasium, & munera offerre vita functo Magistro, eo consilio & intentione, ut litteratos honorem, & doctrinam magui faciam. „



## §. 19.

MEMCI rationem quoque habendam fuisse non pauci forsitan postulaverint: Est enim ille suppar ætate Confucio, ejusdemque Commentator, quem elegantius & majori ordine scripsisse ferunt. *Utinam* illi voto licuisset satisfacere; neque enim peperci studio, ut Sinarum Libros à R. P. *Francisco Noëllo* Pragæ Anno 1711. editos nanciscerer. Nescio, quæ causæ illos faciat rarissimos? Utor editione R. P. *Philippi Coupleti*, quam *Ludovici Magni* jussu Parisiis 1687. in fol. excudi curaverat, complexam *Confucii Monumenta*, tribus Libris classicis comprehensa, & à RR. PP. è Societate Jesu, *Prospero Intorcetta*, *Christiano Herdrichio*, *Francisco Rougemontio*, atque ipso, quem diximus, *Philippo Coupleto* in latinum sermonem conversa. Neque tamen id ægrè Lectores rulerint, *Confucium* sine *Memcio* exhiberi: Verum est, Sinas *Memcium* inter summos referre Viros; eo sc. loco collocant *Tençen*, *Cemçen*, *Cu su* & *Mem çen* discipulos *Confucii*; *Confucium* ipsum inter Summos Summum faciunt & primum, Magistrum quippe: *Memcium* vocant *Ta xim*, secundum sapientem: *Confucium* *Chy xim*, summe sapientem.

## §. 20.

Curiosa  
Sinica  
transmis-  
suntur.

Ad *Curiosa* quod attinet Litteraria, non illis in hac promulsade locum licet concedere. Transeo quæ mihi innotuerunt, de *Litterarum* fatis; de *Litteratorum* statu & gradibus; de Sectis eorum & *Hæresibus*, sive antiquis sive recentibus; de stultitia *Atheismi* Sinensibus Eruditis obtrusa; de moribus gentis & *Officiorum* ordine; de conditione *Annalium* & *Chronologia* Sinicæ; de fide denique auctoritate & fatis *Librorum* Imperii *classicorum*. Si quid ejusmodi amplius explicandum esse intellexero: non ipsi illud *Commen-*tationi inseram, sed peculiari loco exponam, utpotero. A *Controversiis* autem *Theologico-Historicis*, de Cultu *Confucii*, & *majorum*; de *Tabella*, *Litteris King Tien*\* ab

\* Noli hic interpretationem interferere, quoniam de illa controvertitur. RR. PP. *Dominicani* eam formulam vertunt: *Colito Cælum*, & materiale intelligi volunt ex sententia Sinarum. RR. PP. *Jesuita*: *Colito Cælum*, (intellectuale scil.) aut Cæli Dominum interpretantur: cum *Tien* non minus, quam *Tien-Chu DEum* inter Sinas denotet: cumque omnes descriptionis circumstantiæ huic potius significatui patrocinentur, quam alteri de cultu materialis Cæli. vid. *Breve Ristretto delle Notizie* regia dedotte circa l'uso delle *Tabelle* colle parole Cinesi KING TIEN *Cælum colito*, presentato alla sacra Congregazione del S. Officio, in Settembre 1699.

ab Imperatore *Cham hi* An. 1675. die 2. Jul. cum RR. PP. Jesuitarum Collegium visitaret, inscripta, & in Templis Christianorum ab iisdem PP. suspensa; de modo tractandi Catechumenos, & Neophytos; de Cultu *Chim Hoam*, spiritus tutelaris, coram cujus tabella sacramentum fidelitatis præstant Mandarinum Sinarum, & similibus, sermonem penitus abstinco.

## §. 21.

Illud non abs re fuerit monuisse: Scribitur scribere me, nixum auctoritate RR. PP. fide RR. ex societate Jesu, Editorum Confucii. Et si PP. Editorum enim me non fugiat, fuisse *Virum Eruditum*, qui suspectam reddere eorum fidem conatus fuerit, quasi in sua versionem minus religiose mentem Confucii expressissent, aliter aliquando inflexa, aliquando supplementis aucta Philosophi doctrina: *Nolim* tamen ipsi statim accusationi tantum tribuere, ut dolose Eruditissimos Viros in eo negotio versatos esse existimem; *maxime*, cum non meminerim, RR. PP. è religiosa S. Dominici familia, satis cetera attentos in re Sinica priorum Adversarios, ejusmodi aliquid iisdem exprobrare: *Alienis* tamen me oculis cernere confiteor. Ideoque tanta Editorum fides erit apud Lectores meos, quanta est Editorum Confucii, quorum ego verba sequor, & *versionem* exhibeo.

## §. 22.

Antiqui-  
tas Philo-  
sophiæ Si-  
nicæ.

Unicum illud, quod de *antiquitate* Philosophiæ Sinicæ dixi, non penitus sine argumento dicam. CONFUCIO illam Annales Sinici ætatem asserunt, ut, nostris calculis, sexto ante Christum natum seculo claruerit; Platone igitur nostro & Socrate superior. *Illum* vulgo *Auctorem* nominant Philosophiæ Sinicæ: contra voluntatem Viri, qui *præconem* se, non *inventorem* haberi postulat.

Tertius Sinarum classicus Liber, Parte IVta; fol. 36. sic insit: „ Confucius ait: *Præco* sum, seu *relator*, & non *Autor* doctrinæ, quam palam facio. Credo & amo antiquitatem, ex qua studiosè *suffuror*, & *excerpo*, quæ ad rem meam sunt; imitatus in me ipso famosum illum *Senem Pûm*, quippe qui *prior veterum monumenta* simili conatu tradidit posteritati. „

Exemplum ille imitatus est famosi Senis, *Pûm* dicti: Referunt hunc Annales Sinici ad familiam inter 22. Imperatorias secundam, *Xam* dictam, eandemque integris quinque seculis ante Confucii ætatem finiunt: Et is ipse senex tamen ex antiquioribus sua similiter collegisse scribitur. Utcunque autem res habeat quoad ætatem & gesta senis illius \*:

Si


\* Nolum enim dissimulare, quod eodem loco allegat.

Si solum illud attenderis, quod de *Confucio* cognovimus, & *Confucii* testimonio de antiquorum monumentis, gestisque & doctrinis liquido constat; nihil tam antiquum est in philosophia *Grecæ* omnis, imò nec in *Barbaricæ* deprehenditur, quod contendì aut anteponi possit. Neque enim lubrica adeo est *fides* Annalium *Sinicornum*, ad isthac tempora pertinentium, ac illa fabellarum à *Chaldeis* obtrusarum nobis, aut gloriationum *Ægypti*: Publicis quippe *tabulariis Imperii* condita sunt, & magna sollicitudine curantur antiqui temporis documenta.

## B 3

## SECTIO

to f. 36. Reverendi Editores dicant, „ ex narratione *Sinensium* hunc *Laò Pùm* septingentos vixisse annos vegeto corpore, attigisseque tempora familiæ *Xam*, qua imperante Magistrarum quoque gesserit, „ Statuent igitur Lectores ipsi, quousque fidem habere narrantibus velint? Num excusanda ætati sufficiat longæ vitas, antiquis illis temporibus familiaris? cum nostra etiam ætate ætates aliquando ejus generis casus obtingant, cujusmodi illos merito censeas, quos *Olaus Rudbeckius* memorat superiori seculo in *Suecia* vixisse, quando ex Catalogis defunctorum 12. parochiatum ab Anno 1600.—1673. præter 232. homines nonagenarios refert aliquos ad annum usque 140. ascendisse vivendo, alium quendam ad annum 156. & unum denique ad Annum 260. qui septimam ex se generationem viderit, vid. ipsius *Atlantica*, sive *Manheim*, vera *Japheti* posterorum sedes & patria; Et *Nouvelles de la Republique des Lettres* 1685. m. Janv. Art. VIII. p. 58.



# SECTIO GENERALIS

## DE

# PHILOSOPHIA SINI- NARUM MORALI.

§. 23.

Ordo Præ-  
ceptorum  
Sinico-  
rum.

**O**rdinem quidem in enarranda philo-  
sophia Sinica illum tenebimus, quem  
ipsi *Sina* in præceptis commendant, &  
officiis mutuo sibi subservientibus postu-  
lant. Scio, *communem* illam adeo *contu-  
meliam* esse, qua confusionem *Sinis* ex-  
probrant Philosophi nostrates, ut neque  
circumspecti cetera scriptores, ab ea im-  
putatione sibi temperaverint. Torren-  
tem antehac ipse secutus, aliam cœpi  
mentem induere, ubi *Confucium*, Philo-  
sophum *Chinæ* Principem, inspicere &  
evolvere datum est. Certum est, non  
majorem in libellis quibusdam *ordinem  
doctrinae* observari, quam vel inter apo-  
phthegmata *Plutarchi*, aut *Maximiliani à  
Fredro*, aut *Rochefucalpii Ducis* (de *Ro-  
chefoucault*) monita Politico-Moralia  
deprehendas; Sed verò *officiorum* mutuo  
sibi succedentium exquisitas *subordinatio-  
nis*

nis Leges non sine voluptate contueor. Vincimus nos sanè docendi methodo, non malè cohærenti: An & officiorum subordinatione sollicita simul, atque ad praxin aptata, id nondum dixerò, neque maturius aliorum iudicium antevertero. Explicabimus ordinem quoque, & sequemur Sinicum, ut omnino gentis morem exprimamus.

## §. 24.

Duo sunt doctrinæ omnis Sinicæ suprema capita: Alterum pertinet ad culturam naturæ Rationalis; alterum ad renovationem populi. Ethicam illud & doctrinam moralem explicat: hoc Politicam complectitur. Privata illæ virtutes sunt, prima parte imperatæ: Publicæ sunt, quæ secundo loco commendantur. Addunt aliquando tertiam, non tam diversum à prioribus præceptum, quam utriusque prioris præcepti requisitum.

In primo Sinensium libello classico, *Ta Hio*, id est, scientia Principum dicto, Auctore *Confucio*, commentatore *Cem* seu secundo ejus discipulo, in lucem publicam edito, ita à principio scribitur: „Magnum, adeoque Virorum Principum, sciendi institutum consistit in excoliendo seu excolendo rationalem naturam à Cælo inditam. Consistit deinde in renovando seu reparando populum. Consistit demum in sistendo firmiter, seu perseverando in summo bono. „

Utriusque *Partes*, quibus utrumque illud officii  
partis Officium absoluitur, sequentes enumerant.  
licia specialia.

*Ad* poliendam quidem *Naturam* rati-  
onalem postulant *primo*. excoli intellectum sci-  
entia rerum omnium, eoque, dum in  
discernendo bono & malo non amplius  
aberret: *Tum* verò imbui voluntatem a-  
more boni & virtutis intensissimo, odio-  
que vitiorum implacabili, & naturalem  
hanc emendati intellectus sequelam esse  
arbitrantur, atque assueverant: *Inde* affe-  
ctus coërceri volunt, & caveri mentis  
perturbationes: *Postea* componi actiones,  
& cum ceteris hominibus consuetudi-  
nem ad honesti regulas & decori. *Al-*  
*teram* de instituendo *populo* partem sic or-  
dinant, ut arbitrentur, cum, qui suam  
ex antedictis personam dirigere possit,  
possit familiam quoque exemplo & præ-  
ceptis instruere, eoque boni patris fa-  
miliæ locum occupare: Ex eo gradum  
ad altiora faciunt, rati, qui familiam pos-  
sit ad virtutem componere, illum ad-  
moveri ad *Magistratus* posse, & *privata*  
quoque, ut illi vocant, *Regna* dirigere;  
saltem eo admittendum non esse, si quis  
primum perficere non valeat. *Denique*,  
qui privatum solerter *Regnum* aut *Dy-*  
*nastiam* gubernare queat, illum esse *Im-*  
*perio* gerendo accommodum & parem  
prædicant, non alium.

*Primo*



Primo Sinenſium libello, quem ante allegavimus fol. 3. ita Philoſophus mentem edifferit ſuam : „ Priſci volentes expolire naturam rationalem in Imperio, prius rectè adminiſtrabant ſuum ipſorum *privatum Regnum*. Volentes autem rectè adminiſtrare ſuum Regnum; prius rectè inſtituebant ſuam *familiam domesticam*. Rurſum volentes rectè inſtituere ſuam familiam; prius rectè componebant ſuum ipſorum *corpus*. Volentes rectè componere ſuum corpus; prius rectificabant ſuum *animum*. Volentes rectificare ſuum animum; prius verificabant ſuam *intentionem*. Volentes verificare ſuam intentionem, prius perficiebant ſuum *intellectum*. „ Equidem hic longe elegantior locus foret, ſi illum liceret cum integra *Cham Colai* interpretatione huc tranſcribere, ſed prolixior eſt, quam pro ſpecimine.

Poteſt id *noſtris moribus* incommodum videri, & *ſaltum* faciens, quando à familia ad Magiſtratus tranſeunt; Ceffabis ille quidem *ſcrupulus*, ubi inferius oſtendero, quales illi magiſtratus, & quæ Imperantium officia poſtulent.

§. 26.

Illud facile per dicta intelligitur, ſubtilitatum in ea Philoſophia, & ſpeculationum, & controverſiarum haud magnam rationem haberi; ut luculen-

Definitio  
Philoso-  
phisinica

tius id pateſcat *definitionem* exhibebimus *philosophi*. Philosophum quidem haud raro definiri video à *Confucio* & discipulis, nunquam tamen à sola scientia. Mancam Sinæ definitionem arbitrantur, qualem nostri sequuntur, qui Philosophiam putant eſſe divinarum humanarumve rerum notitiam: *Exercitationem* illi adderent virtutis, & præcipue postularent. Si malunt exempla, quam præcepta, ſequi noſtrates, & facta exprimere potius in definiendo, quam Regulas: antiqui *illi* è contrario exempla præceptis contraria non attendunt, & definitionem Philosophi ex jure faciunt, & factis nituntur exprimere.

Libro Scientiæ Sinicæ, à R. P. *Completo* ut ante diximus editæ, Tertio, P. III. fol. 34. *Confucius* ita præcipit: „*Verus Philosophus* ampliffimo quodam studio verſatur in Libris ſcientiisque omnibus; omnia examinans reſtringit exigique ad Regulam rectæ rationis. Ex ſic quidem fieri poterit, ut is à *veritate* & *virtute* nunquam deſſectat. „ Magiſtrum imitatur diſcipulus *Cemcius*, ejusdemque Libri Parte IV. fol. 47. & 48. inquiens: „*Homines Litterati* non debent non eſſe amplo magnoque animo, forti item & conſtanti. Onus quippe ſeu munus, quod ipſorum humeris

meris impendet, admodum grave est, & iter, quod decurrendum habent, longinquum. *Vera* sinceraque *virtus* proprium est ipsorum munus; nonne revera grave? rursus cum mors supervenit, tum demum cessat labor, & tanti oneris sustinendi necessitas: Nonne ergo longum est? nonne diuturnum, quod spatium adæquat totius vitæ? „ Eodemque folio & Confucius accedit, verbis: „ *Philosophus*, qui firma fide credit, quam forte doctus est veritatem, nec parit labori & studio, is in quadam vitæ perpetuitate constabit sibi metipsum usque ad mortem, semperque illi *optime* conveniet cum virtute, & rectorationis dictamine. „

§. 27.

Neque id *attributum* saltem esse existimant, quod philosopho extrinsece accedat; sed *requisitum*, quo constituatur. Neque ornamentum solum, sed partem plane; quin ipsum in ea parte *nervum philosophia* quærunt, negaturi appellationem, si quis hic defecerit. Nimirum illi, si quam remittere partem teneantur, theoreticam dimittunt, & Philosophi nomen practice talibus conservant.

Ita *Confucius* L. III. P. II. fol. 14. „ Si quis audire velit *Philosophus*, & tamen abjiciat veræ sapientiæ virtutisque studium, talis qui sit, quomodo mereatur vel

vel sibi conciliet *Philosophi* nomen ac famam? „ Atque iterum P. I. fol. 8. prolixius „ *Quisquis* est virtute præditus, dum *potu ciboque* reficitur, non hoc agit, ut saturetur, oppleatque se & ingurgitet, sed ut vivat, viresque reficiat: in *edibus* etiam, quas habitat, non sectatur impensius vel commoda sua, vel delicias. Adhæc impiger ac sedulus est in obeundis *negotiiis*, & cautus ac prudens in *verbis*: & talis cum sit, haudquaquam tamen *sibi* vel ipse *placet*, vel fidit, sed ultro adit, & studiose *sectatur*. *Viros* sapientia præditos ac virtute, & horum *consiliis* & *exemplis* ceu *Regula* quapiam dirigitur. Revera quisquis est hujusmodi, potest dici *philosophus*, & hoc *sufficit*, ut talis dicatur. „

## §. 28.

*Antea Philo-  
sophiæ  
tractatio  
nostra col-  
lata.*

Accepimus, quod philosophi institutum sit? Dubitari fortassis posset, *an religiose* illud *servari* contingat? Namque est nostri sæpe aliud omne præstant, quam promittere in prolegomenis. *Qui practicas* olim philosophias in *Rubro* sunt polliciti, *subtilitatis* nigrum oppleverunt. *Emendarunt* errata Antecessorum suorum *Viri Eruditissimi*, successu utili & glorioso. Obtinuimus eorum opera, ut præcepta morum *ordine* exposita conspiciere liceat, & mutuo *copulata*: vidimus eorum *facto* *lacunas* suppleri, quæ neces-  
sarias

satias ut quam maxime doctrinas occuparunt. Eo igitur nomine gloriam ab Eruditis commeruerunt, & nostro etiam suffragio retinebunt. Non id in illo tamen injurium fuerit, si deesse aliqua admonuero. Visum mihi est aliquando, *præcipi* optima quidem, sed *non* inculcari *modum* & artificia, quibus illa liceat in *praxin* traducere; *exponi* præcepta quidem, non *suaderi* tamen, ut fieri posset, motivis tanto negotio paribus; explicari *generalia* magis, quam enumerari *specialia*, & ad vitam proxime accommodata. Sed vero Practicam philosophiam postulare utrumque arbitror: & quoniam in hoc etiam negotio non nihil antiqui *Sina* præstiterunt, doctrinam illorum tanto majoris facio.

## §. 29.

Placet, abstinere *Philosophum Sinam* à *Sinæ* abstinere à theorecticis nihil ad scopum conducentibus: placet, multum esse in suadenda virtute, in proponendis majorum exemplis, in observandis ritibus atque officiis.

Discipulorum de Magistro hoc testimonium est, L. III. P. IV. fol. 40. 41. 3. *Oda* trecentæ, id est, sententiæ priscorum Regum & Sapientum, metro ligatæ: *Chronica*, seu Res ab iisdem Regibus ac majoribus suis vel recte vel perperam gestæ: Denique studiose observa-

vata & exercita ab iisdem Regibus Officia & Ritus. Hæc tria erant ea fere omnia, de quibus *passim* dislerebat Confucius. De quatuor rebus nonnisi *rarisime* & brevibus. De rebus scilicet *exoticis*, inusitatis, peregrinis; de monstris atque *prodigiis*; de factionibus atque dissidiis & *perturbationibus* publicis; denique de *spiritibus*, quod eorum virtus & efficacia, natura usque adeo subtilis ac sublimis sit, & ab humano sensu remota, ut de illa debite loqui sit periculum. „

## §. 30.

Demonstrat ab Exemplis Regum.

Placet inusitatus *demonstrandi modus*, nostris quidem auribus non nimium consuetus, quo præcepta sæpenumero non argumentis firmantur, sed Regum atque Imperatorum exemplis: Optimos id Reges, populum obsequentem demonstrat, ubi *sufficit* præceptis, & *præsto est* ab ipsis Principum factis commendatio.

Perpetuum hoc est, ut Exempla Imperatorum *Tao, Xun, Ven Vam*, & similium loco rationum sint, probandis virtutum præceptis addendarum. Nolim igitur excerpendis ejusmodi sermonibus locum occupare: maxime, cum illustra inferius recurrant, ubi *de officiis Imperantium* ex Confucio philosophari debetur.

## §. 31.

Placet *motiva* etiam nostris communissima, sic *inflecti*, ut aculeum ex forma inflectunt *motiva*. Nihil est in omni suasionem *vulgatius* eo, quo *nominis immortalitas*, & apud posteritatem gloria hominibus ad virtutem instigandis inculcari solet: sed nihil eo argumento *dilutius* videri potest, si ex eventu rei atque in animos effectum judicandum sit. Si quod argumento *pondus* est: credam, illud eo casu & modo trahere momentum, quo Sinas illo usos esse deprehendo.

Publica scilicet *carminum* antiquissimorum *recitatione* (videor mihi antiquos apud Tacitum Germanos agnoscere, heroum facta carminibus celebrantes haud vulgari efficacia) commendant bene meritorum memoriam. Libro Primo sunt plura ejus rei specimina: Unicum adduco. fol. 11. „ Oda ait: O quam priores Reges (*Vên vâm, & Vù vâm*) non sunt in oblivione: Namque in Regibus posteris etiamnum resplendet illorum virtus ac probitas, & perseverat illorum amor. Et populi etiam posteri etiamnum gaudent illorum lætitiis & fruuntur illorum providentia & commodis. Hac de causa clapsis à morte ipsorum etiam seculis omnibus nulla eorumdem erit oblivio. „

## §. 32.

Inrer me-  
dia virtu-  
tis urgent  
Exempla.

Placet *media* suppeditari ad virtutem; non præcepta solum; placetque id præcipue, *exempla* omnem hoc loco paginam facere; atque illud eousque, ut sine exemplis præcepta judicentur inutilia.

*Utrumque* illud inferius recurret: De *secundo* tamen bina liceat loca hic ad-  
jungere. L. quidem III. P. VII. fol. 92. *Confucius* ait: „ Ipsa persona guber-  
nantis alios, si recta sit, & ad omnem  
virtutem composita, etiamsi nullis uta-  
tur monitis vel adhortationibus, ultro  
tamen ad omnem virtutem & laudem  
convertent se subditi, exemplo sc. gu-  
bernatoris pertracti: è contrario ipsa  
persona si non sit recta, licet assiduis sti-  
mulis & adhortationibus utatur; tamen  
non sequentur subditi. *Allicient enim*  
*verba*: sed potentius *advertent facta*. „  
Id de *Magistratu* dictum: *Generale* est  
alterum, cum de *Viro perfecto* quaesitus  
L. III. P. I. fol. 14. ita respondet: „ Ta-  
lis est, ut prius re ipsa factisque compleat  
suos sermones, quibus instituere desi-  
derat alios: ac deinde sua ipsius facta &  
exempla prosequatur alios instituendo: „

## §. 33.

Finem stu-  
diorum le-  
gitimum  
praescri-  
bunt.

Placet *finem* inculcari studiorum, legi-  
timum sane, sed rariorem; congruum  
illis, quæ ante diximus, eleganter enun-  
ciatum; & *Sinico* more, id est, per exem-  
pla probatum. Ita



Ita Confucius L. III. P. VII. fol. 104.

„Prisci studebant litteris optimisque disciplinis primum ac potissimum propter se, fructum virtutis & sapientiæ inde petentes. Homines verò ætatis nostræ student literis propter alios, a quibus scil. vel inanem plausum expectant, vel honoris ac rei familiaris amplificationem.„

§. 34.

Placet denique illud ante cetera, distinguere sollicitè, quæ magis minusve principalia sunt. Marcida videri possunt, & arctis constricta limitibus, quæ tradi aliquando videas de obligationum collisione, neque memini, aliam officiorum comparisonem vulgo institui: sed vero inter Sinica morum documenta non pauca deprehendo, nec inelegantia.

Seduli sunt in Comparatione officiorum.

Specimina facti, ut forte succurrunt, è pluribus aliis hæc sunt: primo Scientiæ Sinicæ Libro fol. 12. ita lego: „Confucius dicebat: Audire & decidere lites ego possum perinde ac alius quilibet homo: Verum, quod foret necessarium, esset efficere, ut populus, ceterique homines mutuo sese honore & amore prosequentes abstinerent à litibus, quod utique majoris faciendum.„ Idem sæpenumero philosophus inculcat: vide, si placet, L. III. P. VI. fol. 82. Alia comparisonis species est L. III. P. VII. fol. 98. his verbis: „Qui habet vir-

tutem, procul dubio habet etiam in promptu sermones ac documenta, quibus eam alijs commendet. Ceterum qui habent sermones in promptu, non tamen certa necessariaque consequentia habent virtutem. Rursum, quisquis excellit integritate innocentiaque vitæ, procul dubio robore quodam animi & fortitudine est præditus. Fortis tamen hand necessario certovè præditus est ea, quam dixi, integritate., De Collisione autem alius L. III. P. VI. fol. 80. Discursus est Magistri cum discipulo: „Cucum consulit Magistrum de recta ratione gubernandi. Confucius respondet: Sit affatim annona Tuis subditis. Sit affatim militum, rerumque necessariorum ad usus bellicos. In populo denique vigeat fides, quæ respondeat fidei beneficentiæque ipsiusmet Principis. Adhæc Cu cum: probe quidem rem intellexi, sed nova dubitatio suboritur, quid si omnino non possit aliter fieri, quin hic unum e tribus hisce dimitteretur, ecquod primo loco dimitteres? Confucius respondit: Dimitterem milites. Armabit scil. inermem turbam suam, cujusque fides erga Principem, mutuusque amor & concordia præstabit invictos. Cu cum denuo quærit: quid si omnino non posset aliter fieri, quin hic quoque demeretur aliquid: ex his duobus,

De Philosophia Sinarum Morali. 35

bus, victu scil. ac fide, utrum prius patereris tolli? *Confucius* respondet: tolli paterer seu dimitterem *victum*; quippe ab omni ævo omnes omnino sumus mortales. Malebat igitur *Confucius*, subditos cum fide mori, quam hujus expertes a sua hominum conditione discedere. Certe ubi populus expertus est mutæ fidei, adeo non erigitur, aut coalescit in Remp. ut contra eum interire necesse sit. „

§. 35.

Possent *plura* allegari in Sinicæ Gentis & antiquæ illius Philosophiæ laudem: sed *nolim* illa cumulare hoc loco, ut ne *Commentatorum morbo* teneri videar, de quibus recte, sed & acute T. P. de Croufaz, Systeme des Reflexions, ou Logique T. 1. p. 277. „Les *Commentateurs*, dit il, ressemblent aux *Amans*, il tournent tout en beau, ils admirent des bagatelles. Tout est de poids, tout est de prix dans ce, qui les occupe, & apres avoir fini un Ouvrage, ils font encore, comme ceux, qui ne sauroient vivre sans une passion. Ils changent d'objets sans changer de discours. Le dernier Ouvrage, sur le quel ils travaillent, est toujours le plus admirable, si on les en veut croire, mais dès qu'on pèse bien tout ce, qu'ils en disent, on trouve, qu'ils ont déjà parlé des autres avec

C 2

autant


autant d'exaggeration. La passion profite tout.,,

## §. 36.

Diversa  
de Sinis ju-  
dicia.

Speciatim vero *Sinica* gentis existimationem scio diversissimam esse inter Europæos: ideoque cautius hac in parte ver-  
sandum arbitror. Nihil verius est judicio R.R. PP. e Societate Jesu, Conditorum Diarii Trivultini; Exhibeo illud, & approbo, etsi meos etiam hac parte errores detegat. Ita illi in Commentariis Criticis ad A. 1722. m. Aug. art. 82. p. 1415. 1416. „Il est vrai, comme l'a très bien remarqué M. de Fontenelle, que nous ne pouvons nous figurer nous autres François, qu' on ait le sens commun à six mille Lieues de France, & voila pourquoi on releve dans un étranger des mots, qu' on regarderoit comme fort peu de chose dans la bouche d' un honnête homme François. Nous ressemblons un peu en cela à M. Jourdain, qui est tout étonné de voir un Turc parler Turc. Il faut pourtant convenir, qu' à certains égards la Chine a ses la Roche Foucaut, ses la Bruyere &c. Il seroit à souhaiter, que les Ouvrages Chinois parussent nés en France. En perdant le vernis étranger, ils plairoient peut-etre moins à bien des gens, mais beaucoup plus aux Connoisseurs, qui à force de s' armer contre le préjugé commun,

mun, donnent dans un autre contrai-  
re, & qui crainte de trop estimer ce,  
qui est étranger, ne l'estiment pas as-  
sés.,, *Quis medium tulit in omnibus?*  
Si qua falli oporteat, malo laudare ni-  
mium, quam culpâre. Interpretor opti-  
me, quod possum: Neque *Sinas* ab eo  
privilegio reor excludendos esse. Pla-  
cuit mihi *præjudicium Leibnitii*, in Re-  
cueil de diverses Pièces T. II, fol. 209.  
„Si je me trompe, j'aime toujours mi-  
eux de me tromper à l'avantage, qu'au  
désavantage des personnes.,,



## SECTIO PRIMA SPE- CIALIS.

DE

## CULTURA INTEL- LECTUS.

§. 37.

*Primam* præceptorum Sinicorum par-Ratio or-  
tem absolvit *Cultura intellectus*: Eam dinis ab  
emendationi voluntatis omnino præ-emenda-  
viam volant. *Duplicem* de illa re senten-tione In-  
tiam deprehendo virorum: *altera* neces-tellectus.  
sitatem asserunt illius præsuppositi; *alte-*  
*ra*

va sufficientiam. Si credere *Sinis* licet, ad rectitudinem reduci intentio *non potest, nisi* intellectus ea veri bonique perspicacia imbutus sit, ut solícite & exquisíte possit a malo bonum discernere. Ex adverso, *sufficit* ad voluntatem inflectendam, boni atque veri cognitionem seriam atque certam possidere.

## §. 38.

Dubia  
Nostra-  
rium un-  
de?

Inter *Europaeos* disputatum est acriter, & prolixè de utroque enunciato. Causam facti illam arbitror, quod *nostri* haud raro *Culturam intellectus* vocent, illam rerum a Civili vita remotissimarum indagationem, qua subtiles, anfractuosasque, & spinosas quaestiones otiosi nectunt, otiosiores resolvunt: *Emendationem voluntatis* aliquando absolvant generali & vago quodam virtutis amore, ejusdemque veritatem magis affectuum ardore metiantur, quam in sollicita circumspectaque, universali sane, sed & applicata, firmataque solidis fuleris, animi ad bonum propensione quaerant. Aequum vero est, ex utraque parte novum agnoscas; *illinc*, emendandae voluntati nihil aut parum conducere quaestiuuncularum notitiam; *hinc*, non posse voluntatis emendationem enarratam obtineri, sine plena boni & mali cognitione praevia. Quid igitur *Sinae*? Illi culturam intellectus interpretantur cognitionem

tionem ejus, quod bonum est, & publice proficuum: Voluntatis emendationem in deliberato, constantique & universali virtutum omnium amore, & vitiorum odio implacabili solerter collocant. Non igitur illis dubium id esse potuit, in quo Nostrates lapsi sunt. *Tum* vero isthæc *etiam* errandi occasio esse potuit eruditibus nostratibus, quod *notitiam* a *persuasione* non omnes discreverint. Non est *viva* illa cognitio, utcunque sublimis, & in speculatione egregia videatur, de qua animus, hic & nunc, quod dicitur, cum de actionibus suis sive perpetrandis sive perpetratis judicium instituit, vel instituere debet, persuasus non est. *Viva* illa demum est, cui mens plene assentitur, & quæ voluntati est motivum agendi. Ita factum est, ut ex *altero* latere subtilitates praxi non necessarias, ex *altero* flectendæ voluntati generalem notitiam insufficientem esse, Eruditi deprehenderint; incauti solum, ubi universalem nimis conclusionem inrulerunt.

## §. 39.

*Melius* igitur id *Sinarum* exemplo sic ordinem, ut *necessario* *præmitti* debere intellectus in doctrina boni & mali culturam; *sufficere* vero ad flectendam voluntatem illius cognitionem & persuasionem solidam, asseveratam, atque ab

Testimo:  
nia Sina-  
rum.

homine individualiter sibi & actionibus suis applicatam, arbitrer.

De necessitate locum allegavi superius §. 25.

pag. 24. De *sufficiencia* duos hic exhibeo, firmandæ non solum *sententia*, sed & limitationi additæ appositos: Libro Primo scientiæ Sinicæ fol. 4. & 5. ita Philosophus, priorem gradationem ordine reciproco persecutus, disserit: „Rebus omnibus intime penetratis & exhaustis, tum deinde vis *intellectiva* consummata erit & perfecta: vi *intellectiva* consummata, tum deinde *intentio ac voluntas* verificabitur, id est, non errabit, vel appetendo, quod malum sit, vel fugiendo quod bonum: intentione verificata tum deinde *animus* rectificabitur, *nullo* pravo *affectu* a sua rectitudine desciscens: animo rectificato, tum deinde etiam *corpus bene compositum* erit, nihilque aget a decoro & morum probitate alienum. Propria persona seu corpore bene composito, tum deinde *familia domestica* illius exemplo bene instituta erit: familia domestica recte instituta, tum deinde etiam *privatum regnum* recte administrabitur: privato Regno sic bene instituto, tum deinde *totum* etiam *Imperium* optime institutum paco perfruetur. „ Adde locum, quem supra exhibuimus §. 26, ex L. III. P. IV, f. 48.



## §. 40.

Conveniunt huic scopo, quæ com-  
mentantur de *Natura rationali*; conve-  
nit *generale* moralis disciplinæ *principium*,  
quoniam & facile est; & suasionis argu-  
mentum in se ipso convenit. *Summam*  
theoriæ explicabimus, additis etiam,  
quæ nostri fortasse requirerent, *curiosis*,  
etsi *parce* traditis inter antiqua gentis mo-  
numenta.

## §. 41.

*Rationem a Cælo* inditam homini asse-  
runt, sed excolendam esse. Culturæ ne-  
glectum esse errorum causam, & vitio-  
rum originem. Neminem quidem o-  
mnino assequi dictamen Rationis: Re-  
gulam tamen Rationis esse in omni ho-  
mine; sic ut *rudēs* etiam & *fœmina* pos-  
sint ad cognitionem mediæ, hoc est, vir-  
tutis, pervenire. *Studendum* vero lite-  
ris, optimisque disciplinis, priscorum  
exemplo, primum ac potissimum *pro-*  
*pter se*, fructum virtutis ac sapientiæ in-  
de petendo, non propter alios, a qui-  
bus vel inanem plausum expectare liceat,  
vel honoris & rei familiaris amplifica-  
tionem, vid. superius §. 33. Inutilem lu-  
cubrationem esse, quam nequeas factis  
proferre: *Illum* officia non scire, qui ne-  
gligat. In officiis præcipue distinquen-  
dum esse magis principale & *radicem a*  
*ramis*; & subordinationem exactissime  
ser-

Summa  
Theoriæ.De Lumi-  
ne ratio-  
nis.

servandam. *Praferendam* animi culturam imperio: *Combinandas* autem litteras & Republicæ curam, cum fieri possit. &c. Scientiæ quidem (abstractæ) studium præcipi populo non posse, sed Legum tamen. Philosophum versari in scientiis omnibus. Nihil prodesse scientiam tamen, nisi medium (id est, virtutem) noveris eligere; & quæ sunt similia.

Nolim omnia speciminibus illustrare, & verbis Sinarum, sed *aliqua* tamen. Liber II. scientiæ Sinicæ, qui Chum-yum id est, Medium sempiternum dicitur, ita fol. 40. „Id quod a Cælo est homini inditum, dicitur natura Rationalis: quod huic conformatur natura & eam consequitur, dicitur regula seu consentaneum rationi: \* restaurare quoad exercitium hanc regulam se suaque per eam moderando, dicitur institutio seu disciplina virtutum.,, Eodem L. II. fol. 43.

Con-

\* Potest hic locus videri obscurior. Differunt autem hic, mea sententia, natura rationalis & consentaneum rationi, ut inter nos distingui solet ratio, & dictamen rationis; ingenita facultas cognoscendi verum atque bonum, & iudicium ipsum, sive actuale, sive habituale. Dixeris hoc consentaneum rationi respondere conscientiz, quam nostri vocant, docenti, eidemque habituali non minus, quam actuali; modo attenderis, habitualement hic intelligi non consequentem solum, sed præcipue antecedentem & bene constitutam. Non hæc deduco latius, quoniam in nostris compendiis explicati abunde solent, & sæpenumero,

Confucius ait: „Causam, cur mortalium plurimi per Regiam hanc medii viam non incedant, ego quidem probe novi: Prudentes enim hujus seculi illud transgrediuntur, & quia plura, quam hoc medium & altiora se intelligere arbitrantur, medium quasi parvum & non sufficiens negligunt; rudes vero non pertingunt ad medium, quia aut non norunt, aut difficultate territi, diffidunt eo pervenire - - - - quod vero passim sic peccetur, oritur ex defectu examinis; cum enim Regula illa sit homini intima, actiones quæ a natura procedunt, utique nonnisi ex dicta Regula plerumque procederent, siquidem hoc foret probe cognita, e. g. hominum nullus est, qui non bibet in dies & comedit; & tamen in re tam obvia pauci valent dignoscere rectos sapes, seu rectum judicium ferre de potus & cibi tot condimentis vitiati natura & efficacitate, quam si accuratius explorarent, non toties temperantiæ limites excederent., L. III. P. VIII. fol. 114. ait Philosophus: „Homo potest illustrem reddere, & magnificare normam rationis: Non autem citra conatum arbitriumque hominis norma rationis per se valet magnificare hominem.,,

Discrimen  
Sancti &  
Sapientis  
Sinici.

*Culturam* ipsam aliis *facilem* & quasi connaturalem arbitrari videtur, aliis affirmat esse *difficiliorem*. Hoc discrimen est *Sancti & Sapientis Sinici*: Illum sine violento passionum conflictu, coelitus virtuti præparatum, facile ad scopum pervenire dicunt; hunc non nisi studio, & labore multo, & meditatione & exercitatione adhibita.

*Definitionem*, secundo Sinensium classico Libro fol. 67. traditam, hanc lego verbis Philosophi: „Vera solidaque perfectione dotatum esse, *Cælestis* quædam est *ratio* omnibus indita; at vero post *hujus jacturam* ad recuperandum denuo hanc veram solidamque perfectionem contendere, seu per conatum ad eam, quam amisit integritatem redire, *humana* quædam via & *ratio* est. Quod spectat ad verâ solidâque perfectione dotatum; quia talis profecto a Cælo proficiscitur, ipse quidem ex parte sua non sibi vim inferens, sine ullo passionum conflictu agit, & tamen sine negotio attingit scopum & finem; non ratiocinatur, & tamen rem assequitur, cum magna denique tranquillitate absque ulla commotione rationem sequitur, & attingit virtutem: atque hoc *Sanctorum* est. Quod autem spectat ad eum, qui per conatum ad veram solidamque perfectionem

fectionem contendit, quia ab ipsomet homine pendet, qui cum labore eam assequi conatur, opus est, ut serio prius secum ipse meditetur, & examinet singula; quo facto deinde seligit sibi bonum, & hoc selecto dein fortiter manu tenet ac conservat; atque ea sapientium Virorum, præ modo dicta longe inferioris ordinis via & ratio.,,

## §. 43.

*Sapientes* postulat & describit haud raro Confucius, non *Stoicos* tamen, qui, si fides est adversariis eorum, humanam quasi naturam exuere teneantur, sed quales obtinere & liceat & expediat: An *Sanctum* quoque inter homines dari existimet; non possum liquido determinare. Se illum non esse, sed e longinquo sequi, diserte aliquoties profitetur: nec illum sibi visum esse inter homines arbitratur.

An detur  
sanctus inter  
homines?

Libro III. P. IV. fol. 42. „Hominem *sanctum* ego adhuc quidem non potui videre; ut queam videre aliquando Virum virtute & *sapientia* *præstantem* ceteris; hoc quidem adhuc fieri poterit., Et paulo post fol. 44. „quod attinet ad *sanctitatem* cum solida illa sinceri animi perfectione, quibus præditum me vulgo autumant: equidem ego qui ausim mihi arrogare? An fortasse id unum significant, in exercitio & conatu, quo ad perfectionem

fectionem contendo, non me languescere: in docendo & instituendo alios non defatigari? Tunc quidem poterunt dici significare quidpiam: *Hoc enim solum*, & non amplius me posse fateor.,

Tum vero in *Civili* hac vita perfectum ejusmodi Virum non præcise postulari innuit Confucius, sufficere gradus aliquanto parabiliores. Cave tamen existimes, illum *torpori* favere: desperationi obviat; torporem alibi excutit, locis sat efficacibus §. 58. memorandis. Sed vero expende, si placet, ipsum hunc locum laxiorem!

L. III. P. VII. fol. 100. ita lego concludi video enumerationem aliquam virtutum in antecedentibus factam: „At hæc omnia unus quî complectatur? Concipere animo perfectionem tantam possumus: invenire qui illa præditus sit, ægre possumus. Attamen ætatis hujus nostræ perfectos Viros quid magnopere necesse est esse tales? Certe si quis videns lucrum, protinus meditetur justitiam, item videns discrimen Reip. vel Principis; alacriter exponat offeratque vitam; in veteribus autem pactis & promissis non obliviscatur, nec inficietur suos universæ vitæ sermones, & fidem semel datam nunquam fallat: Hujusmodi qui sit, etiam poterit suo modo censeri vir perfectus.,

## §. 44.

Illud memoratu dignum, a R. P. Coupleto in Chronologia Sinica fol. 39. & in Vita Philosophi fol. 120. allegatum; subinde illum solitum dicere, *Virum sanctum in occidente existere*: Eoque Philosophi verbo, ad posteros propagato, & oblata sibi in somno specie *Herois* commotum, Imperatorem Min ti annis post Chr. nat. 65. misisse *Legatos occasum* versus, quæsituros Virum sanctum, & sacram Legem: Luctuoso tamen per universum Imperium *eventu*. Nimirum illi, non ausi longius procedere in Insula mari rubro vicina idolum quoddam & statuam hominis *Foe*, qui 500. circiter annis ante Confucium floruisse dicebatur, cum execrabili Lege Imperio intulerunt: *felices* vero & *æternum* de patria sua merituri, si salutarem Christi doctrinam, iisdem fere temporibus ad Indos, & per universum orbem propagari coeptam, domum retulissent!

## §. 45.

Dubiam nostratibus *fidem veterum Sinarum* Novatores fecerunt. Multæ sunt in eam partem lites Eruditorum: Aliqui Theologiam illis Naturalem universam abjudicant, *atheos* omnes Sinarum Litteratos esse caussantur. Incubuit illi sententiæ firmandæ P. *Belius*, ut ostenderet, florere Imperia posse, etsi verum de

Dictum  
Confucii,  
de Sancto  
& illius  
Effectus.

An Vete-  
res Sinae  
fidei Athei?

de Deo sensum cives exuerint. Sed vero videntur Celebres Viri miscuisse Recentiores Sinarum Doctores cum antiquis. Laborant Novatores Sectæ Foe Kiao in torquendis pro sua sententia antiquissimis Librorum classicorum enunciatis: quæ fateor tam aperta esse, ut, nisi dissentiat origini suæ translatio, providentiam Numinis cujusdam intelligentis Confucio & coævis, & antecessoribus, & proxime sequentibus cultam esse, exploratum mihi videatur. Et si pauca sint rei testimonia, luculenta tamen illa haberi postulo, cum dicitur Cælum, vel ut alii interpretantur, Cœli Imperatorem accommodare se bonis, & remunerare virtutem; sapientem unius Cœli arbitrio acquiescere, & ordinationem illius expectare, nec de illo conqueri; & quod præcipue attendi velim infra rediturum §. 57. & 101. in cogitationibus quoque suis nihil admittere, cujus conscium esse Cælum nolit.

L. III. P. VII. fol. 106. Confucius ad discipulum inquit: Nemo est omnium, qui me norit. Et rogatus asserti causam, sic pergit: „Primum quidem non ego indignor Cœlo, non etiam culpo mortales: orsus ab inferioribus non sine labore & constantia res disco, & sic paulatim gradum faciens ad sublimiora evado ac penetro. Interim, quod perspectum



Quum me habet, ipsum est Cœ-  
lum.,,

## §. 46.

Longè etiam antiquior est *concertatio* Testimo-  
quæ L. III. P. X. fol. 149. 150. recense-  
tur, habita Anno ante Christum Natum  
circiter 1770. inter Principem Tam, &  
Dynastas, qui persuadere Principi vo-  
lunt, ut jugum Impii Regis Kie, ulti-  
mi e familia Imperatoria *Chen* dicta, excu-  
teret: In ea Cœli voluntatem ultro ci-  
troque sibi Princeps & Dynastæ oppo-  
nunt.

nium Aa-  
tiquissi-  
mum.

Princeps quidem: „Ego timeo supremum  
Cœli Imperatorem.,, Dynastæ, popu-  
lum cœlitus ad ipsius amorem esse infle-  
xum; ipsum cœlitus instructum ad libe-  
randum populum, Regem Kie esse cœ-  
litus reprobatum, his sententiis, & si-  
milibus: „Duntaxat Cœlum creat po-  
pulum cum suis passionibus: Cœlum.,  
impertitur Regibus fortitudinem &.,  
prudentiam: Venerabundus obtempera-  
Cœli mandato ac voluntati: Eum, qui.,  
indigne tractat spiritus, & crudeliter.,  
populum Regalem, Cœlum non con-  
servat: qui adoraverit & coluerit Cœli.,  
Legem, æternum conservabit Cœli vo-  
luntatem erga se: supremum Cœlum.,  
fideliter juvat subditum sibi populum.,  
impius vero homo ille (*Rex Kie*) exēssit.,  
a se subjectionem: Familiae Hia sunt mul-  
ta.,

„ta scelera, Cœlum jubet, ut extingua-  
 „tur: Cœliratio ac Lex est, beare pro-  
 „bos, pessundare improbos &c. &c.

Plura sunt in ea disceptatione memo-  
 rabilia: Unum hic monere convenit,  
 occurrere & alibi *exemplum non* dissimile,  
 quo in Tyrannum Magnates insurrexe-  
 rint, causam a vitiis ejus, & Imperii pe-  
 riculo trahentes; *videri* etiam Libro se-  
 cundo fol. 54. in fine, *quod probetur* fa-  
 ctum a Confucio.

## §. 47.

De Anima  
 post Mor-  
 tem super-  
 stire.

De animarum immortalitate specimen  
 elegans est, ubi *Puon-Kem*, decimo quin-  
 to ante Christum natum seculo, ratio-  
 nes Magnatibus & populo redditurus,  
 inter alia hæc urget:

„Ego si diutius hic commoratus me pari-  
 „ter & vos perdidero, quo tandem pa-  
 „cto justissimas iras & comminationes  
 „effugiam Tam Atavi mei, cujus ani-  
 „ma in Cœlo nunc degit, & procul du-  
 „bio me unum calamitatum omnium, quæ  
 „vobis obvenient, reum aget, expro-  
 „brans mihi inclementiam meam, qui  
 „cum servare vos possem, perire tam  
 „crudeliter siverim..

Ceterum illud facile admitto, sectam  
*Foe* huic doctrinæ errores assuere Pytha-  
 goricos, & *Metempsychosin* admittere,  
 fundamentum somniorum & menda-  
 ciorum, quo *Benzai*, sacerdotes idolo-  
 latræ

Iatræ, graviter illudere populis solent. Nolo autem plura de Animarum post mortem permanentia, quoniam adeo illa nobis cognita est sententia, ut notum sit, certare R.R. P.P. Missionarios huius ordinis, an Sinæ cultum illis animabus tanquam in tabella residentibus exhibeant in parentalibus suis officiis, & eorum annua repetitione?

§. 48.

*Liberales Artes* sex numerat *Confucius*, sed reipublicæ accommodatas, non scholæ; vitæ, non otio; usui velificaturus, non curiositati. Postulat, ut aut reipublicæ regendæ animum Cives applicent, aut, ubi ad Magistratus gerendos non adhibentur, artibus operam dent liberalibus: *Humilibus* quidem illis, sed *utilibus*. Simplicitatem illæ sapiunt antiqui temporis: Suntque ut diversis locis indicatum deprehendi, ars *aucupandi*, *piscandi*, *aurigandi*, *jaculandi*, *agricultura* & *res hortensis*.

Artes Sinensium liberales.

L. III. P. V. fol. 53. *Confucius* data per rusticos occasione sic loquitur: „Inter sex artes nostrates liberales duæ sunt ad ingenium rusticorum magis accommodatæ, *aurigandi* scil. & *jaculandi*., fol. 55. „Ego adolescens cum essem, conditione sui satis humili; idcirco Magistra paupertate doctus multa nunc culleo; sed humilia vulgariaque (*aucupari*

D 2

scil.

scil. piscari, aurigari, jaculari &c.) Ego primis ætatis meæ temporibus non admotus fui gerendæ reipublicæ: idcirco didici, perdidicique artes liberales., L. III. P. VII. fol. 91. „*Fan chi* pertæsus corruptos mores ætatis suæ, rogavit doceri *Agriculturam*. *Confucius* respondit: Ego non sum instar veterani *Agricolæ*, peritus artis rusticæ: peritos consulito. Rursus itaque rogavit doceri *rem hortensem*: *Confucius* respondit: Ego non sum instar senioris hortulani; Tuadi, & consule, quorum id munus est.,

*Muscam* tantum abest, ut contemtu habeat, ut, alius elevatam, inter præcipua domandorum affectuum subsidia collocet, & inter Imperii fulcra connumeret: *Sinensem* tamen *muscam* *Vir* philosophus in animo habet, cujus indolem tertia speciali sectione explicabimus. Redeamus ad Practica, Sinicum secuti genium.

## §. 49.

Primum  
Philosophiæ  
Moralis  
Principium.

Universale & *Primum* philosophiæ Moralis & Politicæ *Principium* est, ut *metiamur alios ex nobis* tanquam similiter affectos, eisdemque omnes amore sincero, atque universali, *ut fratres*, imo *ut nos ipsos* complectamur. Antiquius est *socialitatis* principium, quam ut cum *Hagone Grotio*, aut *Samuele Pufendorfio* natum videri

videri debeat : Confucius illo non semel utitur. Neque ille *negativa* solum officia ex illo fonte ita deducit , ut *perfectam* hominibus obligationem imponat : *Duplici* illam concordiam , socialitatem , ex seipso mensuram , *capite* absolvit , nullo facto obligationis discrimine. Quod Tibi fieri non velis , vetat alteri facere : Hoc est *vulgatius* , & præstitum quoque facilius interdictum. *Sublimius* illud est : facere aliis , quod Tibi velis fieri. Utrumque aut combinat Philosophus , aut indifferenter usurpat. De utroque locum exhibebo.

Libro III. P. II. fol. 16. ita *Confucius* ad discipulum : „ Heus tu , mi discipule , mea doctrina *in radice* sua *unum* quid est , seu in uno maxime fundatur principio , quo ipse utor deinde in ordine ad omnes reliquas actiones. *Cem çu* Magistri mentem feliciter affecutus , prorsus , inquit , res habet , ut dicis. *Confucio* non multo post egresso , discipuli ab *Cem çu* sciscitati sunt dicentes : Ecquid obsecro significant illa Magistri verba ? ad quos *Cem çu* sic ait : *Confucii* doctrina *fundamentalis* & *unicum* recte vivendi principium hoc est ; *quicquid* agas agere vere , ex animo , totisque viribus , & a *Tuo* ipsius corde gradum facere ad alios : seu talem Te esse erga alios , quales esse velis alios erga Te ;

atque hoc sufficere, nec alia re esse opus.,  
 Et P. VIII. fol. I 14. „ *Cu cum* sci-  
 scitando ait: Num forte extat unum  
 aliquod vocabulum, secundum quod ve-  
 lut normam quampiam possit quis per  
 omnem vitam operari? *Confucius* re-  
 spondit: Nonne istud vocabulum est  
*Xu*? scil. Tibi quod non vis, ne facias  
 erga alios. „

§. 50.

Modus  
 applicandi  
 perquam  
 elegans.

Sufficerent illa ad rei veritatem: Præ-  
 stat autem, & *modum* ostendere, quo prin-  
 cipium *applicent* Philosophi Sinæ ad spe-  
 cialia. Duplex causa est, quare locum  
 ex Primo libro classico eximium transi-  
 re silentio non possum. Vulgatum id  
 verbum est inter omnes etiam nostrates,  
 quod principii loco *Confucius* veneratur:  
 Neque memini tamen, exinde deduci  
 officia *erga Majores*, & præcipue adver-  
 sus *Posteritatem*; Officia sane, quæ mo-  
 mentum haud leve trahunt, atque effi-  
 cacia in non paucis casibus argumenta  
 faciendorum æque ac omittendorum  
 præstarent, si posterorum quoque ra-  
 tionem haberi frequentius contingeret.  
 Tum vero *ad ipsos* quoque *Principes* &  
*Imperantes*, tanquam populi patres at-  
 que matres, applicari id dictum elegan-  
 tissimi præcepti accommodatione, &  
 vocabuli interpretatione video.

Locus inter multos alios insignis hic est:

L. I.

L. I. tol. 26. 27. „ Quæ Tu averſaris in *ſuperioribus*, ne agas cum inferioribus; quæ averſaris in *inferioribus*, ne agas cum ſuperioribus: quod item odiſti in *anteceſſoribus*, in eo ne præcas Tuis poſteris; & quod odiſti in *poſteris*, in eo ne ſequaris anteceſſores: quæ denique damnas in iis, qui ſunt a *dextris*, ne agas cum iis, qui ſunt a *ſiniſtris*; & contra, quæ improbas in iis, qui ſunt a *ſiniſtris*, ne agas cum iis, qui ſunt a *dextris*. Verbo: quod Tibi fieri non vis, alteri non feceris. Atque hæc eſt & dicitur vera meſura normæque ratio; qua uſus probus quiſque Princeps illud (quid Patem tandem conſequitur; ut factus ipſe cum ter Patre populo ſuo velut *Cox unum* & anima una, tria.) eadem, quæ populus, velit nolitque, Pater jam verius dicendus populi, quam Dominus. Carmen ait: laudabilis amabilisque ejusmodi Princeps plane eſt populi Pater ac mater. Populus quibus gaudet, gaudere, & populus quæ averſatur averſari, hoc dicitur eſſe populi patrem & matrem. Regem actiones ſuas omnes ex populi ſui affectu & voluntate metiri moderarique, filiorum inſtar ipſum fovendo ac tuendo, res eſt, qua populus devinciri inprimis, ſubditique omnes ac ſinguli mirifice gaudere ſolent. Si itaque hoc eodem Rex etiam ipſe gaudet, ut, quod populus in votis, hoc ipſe in

opere habeat; istud est, Regis cor in subditorum suorum animos ita transfusum esse, ut iisdem, quæ isti desiderant, ille gaudeat; & quæ hi oderunt, etiam ipse avertetur, plane patris instar ac matris filium suum intimo affectu complectentis. Unde & *populus* hunc ejusmodi *Regem* vicissim patris utique & matris loco habebit; qui est præcipuus meritis alios ex se ipso effectus. „

§. 51.

Modus  
cogno-  
scendi Ho-  
minum  
Animos.

Video excrefcere paginas, nisi frena adducam: ad primam igitur philosophiæ partem declarandam *nonnisi* duo argumenta adjungam. Referimus ad moralis doctrinæ theoriam communiter quoque *methodum cognoscendi alios* juxta sese *homines*. Magnifica nostro ævo polliciti sunt quidam philosophi: Dubites tamen, an præcipuam promissorum partem expleverint sua Temperamentorum enarratione parum perfecta. Non est hic locus edisserendis illius argumenti defectibus idoneus; illud omnino animi oblectavit, ubi primum animadverti, meam judicandi rationem consentire antiquis Sinarum placitis. Si Temperamenta *ex corpore* dijudicantur *solum*: indicia sunt animi mirifice lubrica. Cum *ex animo* per actiones hominis externas intelliguntur: ambages arbitrator, ex actionibus animum, ex animo *tem-*



temperamentum, ex temperamento  
 rursus animum conijcere. *Salvo meliori  
 iudicio*, malim cum aliis ita rationes sub-  
 ducere meas: Certum est hominem non  
 appetere, nisi quod bonum arbitratur:  
 Collectis igitur & collatis pluribus ejus-  
 dem hominis actionibus, præcipue illis,  
 quibus intercurrere affectus solent, tan-  
 quam e casibus *specialibus* licet *generaliter*  
 intelligere, quales ille res bonas & ap-  
 petibiles judicet: Ita *generalia* istius prin-  
 cipia intelligo, quæ mutuo comparata,  
 notis inter Recentiores Logicos artifi-  
 ciis, eo attendentem deducunt, ut in-  
 telligat, in quonam *generalissimo* omnia  
 consentiant, & quomodo illa *mutuo* si-  
 bi *concedant*, aut *prædominentur* collisa. Sic  
 vero arbitror, ubi satis actionum obser-  
 vaveris, posse illarum *fontes* intelligi,  
 & *finis* dijudicari, & in posterum divina-  
 ri, quid unoquoque casu futurum sit.

## §. 52.

*Confucium*, opinor, haud multum ab *Ex doctri-*  
 ea theoria abesse, cum indicat, quo pa- *na Sina-*  
 cto in ferendis caute judiciis, *verba fa-*  
 ctis, facta fini, finem *specialem* generali, &  
*proximum* ultimo subordinare necessum  
 sit; neque enim differunt hoc loco fines  
 actionum ab agendi rationibus & moti-  
 vis. Præstat vero ipsum audire Philo-  
 sophum.

Libro igitur III, P. I. fol. 13. & 14. sic lego:

D 5

17 Con-

„ Confucius ait : Probos ab improbis discernere sæpe est difficillimum. Ut tamen discernas , primum quidem observa , is , quem perspectum vis habere , *quid agat rerum ac moliatur ?* Improbi namque fere committunt , quæ iniqua sunt ac turpia , probi vero , quæ cum honestate justitiaque sunt conjuncta. Sed quoniam hæc non sunt omnino certum probitatis argumentum ; penitus inspicere & considerare attentius *operis* cujusque *finem* , ipsi quo animo scilicet , quove consilio , quæ honesta , iustaque sunt , faciant ; quippe si fecte & simulate , si pravo perversoque consilio , quanvis optima sint , quæ agunt , probi tamen censeri , quando sic agunt , haudquaquam poterunt. Sed neque hic consistere poterit , quisquis errare non volet , erit illi procedendum ulterius & exquirendum , is , qui probus esse videatur , *in quo* , sive quibus in rebus studiisve *conquiescat ?* Si enim quæ facit , cum fide justitiaque , quæ item bono fine atque consilio , parum tamen volens , & quasi per vim coactusque faciat , sic ut animus ipsius non ex ipsa virtute vel honestate operis , sed aliunde quietem & oblectamentum petat ; certe nec consummata dici poterit probitas illa , nec esse , qualiscunque tandem fuerit , diuturna. Porro , si quis usus fuerit hujus-

Jusmodi animadversione & examine, cum homines quo pacto lateant? cum homines quo pacto lateant? quomodo non perspectos habeat? facile profecto, ac citra periculum erroris, probos ab improbis, a vitio virtutem discernet.,

## §. 53.

Ultimum hoc capite praeceptorum Officia  
genus illud attendere juvat, quod in docen-  
*officiis docentium* atque *discientium* continetur. tium.  
Norunt *Sina*, quantum Reipublicae interfit futuros ad virtutem Cives praeparari: *Summam* igitur in eo curam ponunt, ut *liberiorum* educationi atque *institutioni* exquisitè prospiciant. Duabus id negotium partibus absolvitur: altera *ad Parentes* pertinet, inferius declaranda ex instituto; altera *ad doctores* refertur & discipulos. Eorum officia summam collecta velem ob causam numero, quod nullo nostrorum Compendio Morali *figillatim* inserta aut exposita vidi. *Confucius* igitur *sententia* & *exemplo*: (namque e factis illius praecepta faciunt & *Sinae*, & ego Compiler more Sinico) *legitimus Doctor* in institutione tenet ordinem, neque negligit minora, neque urget nimium, sed pedetentim progreditur ad altiora; distinguit adeo fundamentum seu radicem a ramis; nihil celat ad virtutem pertinens; tentat & distinguit discipulos; accommodat sese fini discientium,

um, & ingeniis, & profectibus, & moribus; doctrinam neque obtrudit, neque circumforaneus est, neque tenebrius; Captat vero occasiones, quas potest; repellit neminem, nisi inertem; non vult esse inutilis cucurbita, sed tamen incorrigibiles non adit; affabilis est, & modestus præcipue; agnoscit imbecillitatem, & fatetur ignorantiam; detestatur errore novo excusantes priorem; sedulus non fatigatur docendo; exigit omnia ad normam Rationis; discordes autem sectas fert tranquille; ipse est eclecticus; sed nequaquam Novator; accommodat se omnibus, ut de omnibus bene mereatur; doctrinam habet coherentem, quam iudicio magis, quam memoria tenet. Veterum quoque libros factis magis, quam verbis citat; & in universum primum agit, tum docet. Discipulos habet pro filiis; juvenes veretur ob spem futurorum profectuum, & in Republica usum; gaudet eorum virtute; malitiose peccantes abnegat; immemores corrigit; familiaritate fidentes facit, ut, dum vota eorum exquirat, animum cognoscat; eorum alacritate, etsi minus apposita, utitur in rem suam; sed spiritus reprimat; aliquando recte redarguit; pungit similibus; auditores magistrum suum recta monentes audit, approbat, lætatur; ægrotos visitat; moritu-

titutos luget; mortuorum meminit, & prædicat virtutem, & exempla condiscipulis commendat; omnes caute judicat; commendat ad officia cum magno selectu, prout unumquemque diversis eorum generibus aptum esse intelligit; mortem non curat, si doctrina & virtutis studium perennet; illi autem sollicite invigilat, & minantibus periculis metuit, atque ut potest cavere nititur &c.

*Elegantius ista sonant, a Confucio enunciatæ: L. III. p. IX. fol. 128. inquit: Bene beateque vivendi rationes ac præcepta de via forte audita protinus de via proloqui, & auribus vix dum percepta, per os illico profundere; neque hoc agere, ut ea Tibi ipse primum applices, quam impertias aliis, virtutis quædam projectio est, contemptus ac repudiatio. „ Eodemque loco fol. 129. 130. factis potius quam verbis docendum esse, in simili sic indicat: „ Posthac ego velim nihil fari amplius. Miratus vocem discipulus; Magister, inquit, siquidem posthac nihil profaris; tum nos discipuli quid discemus, & consequenter aliis referemus? quid posteris impertiemur, quando nihil ipsi accipimus? Respondet quærenti Confucius: Calum quomodo fatur? qua voce, qua ratione nos docet ac instituit? Ecce quatuor anni tempestates, ut peragunt cursum*

sum suum ? ut item universæ res felicissime procreantur ! Declarant hæc scilicet & silentio maxime facundo deprædicant arcanum illud principium suum, in quo uno vertuntur omnia. Cælum igitur, quod rem tam arcanam tam diserte loquitur, quo tandem modo loquitur ? Sed vero hæc sufficiant de Doctoribus in specimine.

## §. 54.

Officia  
discipuli-  
um.

*Discipulorum* officia passim tradita, & e frequentibus Confucii auditorum exemplis a me derivata, in compendio hæc fere sunt, digna quæ imitationem, atque omnino æmulationem inter nostros excitent : *Esto* docilis, in studendo impiger, in consulendo diligens, in meditando solers; Magistro docenti attendat sollicite, audita quotidie repetat, & exerceat præcipue; Conjungat meditationi exercitationem, & vice versa; discat omni occasione, tempore, loco; adhibeat conatum, proponat dubia, inferat plura per se, & deducat nova ex antiquis; discat, quasi nondum affecurus; quæ non satis percepit, hæsitanter edicat; proficiat ex monitis etiam asperis; gaudeat callide insinuat; omnia factis expleat; Magistri doctrinam ut sublimem & profundam veneretur; eidem non cedat studio virtutis; sed neque se illi de cetero anteferat; præcepta magistri an-

no-


notet, ejus de se sententiam exquirat, doleat, si illi non probatur, & emendet culpam; fatis ejus adversis angatur; errantem admoneat; prænumeret minerval pro facultatibus suis; de seipso sentiat modeste; audita prius sibi applicet, quam aliis profundat; decore sollicitè studeat; sciens & virtuosus esse, quam videri malit; seipsum subinde de profectibus examinet; cumque non omnia possit ipso opere explere, angatur & attendat sibi; alios se meliores & peritiores consulat; imitetur etiam; & condiscipulos hortetur ad imitationem; discat illos, ut intelligat, quibuscum possit inchoare studium virtutis, quibuscum decurrere, & quibuscum absolvere liceat; & quæ sunt pluræ ejus generis.

*Non hoc specimen foret, sed volumen, si singula verbis firmare vellem Philosophi. Duos hic locos allegabo L. III. P. IV. fol. 37. Confucius ait: „In schola sapientiæ non adhibentem conatum, hunc ego quidem non erudiam. Item non aperientem mihi verbis mentem suam, quia scil. vel nolit, vel non possit: cum nec ego intelligam, nec errores ejusdem vel dubia habere potero perspecta. Denique proponente me unum quadrati angulum, & tamen non ex hoc reliquos tres angulos per se inferenti; huic certe non*

non repetam amplius eandem frustra crambem. „ Prolixius id secundo libro fol. 67. 68. persequitur, generalibus quinque Regulis, quibus studiosum sapientiæ instruit : „ 1. Ut rerum omnium rationes causas & congruentias non obiter & carptim, sed *plane* lateque *perdiscat* studiosus sapientiæ & virtutis ; qui enim assequi conatur solidam perfectionem, multa serio perdiscat necesse est. 2. quia vero in iis quæ didicit, erunt forte, quæ nec dum ita novit, quin dubia quædam suboriri possint, oportet, ut præmature discutiat quærenda, *examinans* singula, & *consulens* de his Viro sapientes & rerum petitos. 3. Quamvis explorata videatur habere omnia, quia tamen primum est, aut excessu aut defectu quopiam peccare, necessarium deinde erit, ut non oscitanter, sed sollicitè, attente & studiose secum ipse iterum iterumque ratiocinando *meditetur*, atque expendat singula. 4. Oportet insuper, ut non confuse, sed clare *distinguat* res inter se, bonum a malo, verum a falso mature dijudicans. 5. Quibus denique sic perfectis necesse est, ut non fictè, sed solide & *constanter optetur*, seu res, de quibus apud animi nutum suum prius ipse statuerit, totis viribus exequatur. „ Et post pauca addit : „ Si quis igitur hoc revera a se impetrare possit,



possit, ut sine intermissione saltem conetur servare dictas quinque regulas, quamvis ipse rudis fuerit & ab arte ac Natura parum juvari se sentiat, tandem tamen evadet clare intelligens; & quamvis sit modo mollior & imbecillior, tandem aliquando fortis evadet exercitio virtutum.,



## SECTIO SECUNDA

SPECIALIS.

# DE EMENDATIONE VOLUNTATIS.

§. 55.

**C**Utrum intellectus *excipit* emendatio voluntatis. Quo utramque vinculo Sinenses conjungant, antea exposuimus; Hoc loco id persequi convenit, quod de virtute generatim prædicant, & speciatim ad diversas virtutum classes applicant. *Stoicos* horrida, lubrica *Epicureos*, *Aristotelicos* sterilia præcipere, vulgata omnium sententia est: *Sinas* video idonea & humanæ vitæ accommodata, solida & tuta, fecunda etiam & utilia suadere. De natura virtutis, & pretio, & præmiis, & amplitudine, & mediis præcipue ratiocinantes cum voluptate audio.

Ingressus  
ad tractationem.

E

§. 56.

## §. 56.

Virtus debet esse interna.

Abfit ut externa *virtutis simulacra* probent: Internam postulant, & *solidam* illam, & constantem; adeo quidem, ut *Confucius* de aliorum virtute iudicaturus e factis, sane splendidissimis, illa quidem & approbet, & suorum imitationi impense commendet, de interna animi soliditate iudicium constanter suspendat. Illustre factiejus *exemplum* inferius occurreret, ubi sexta speciali sectione officia Ministrorum dignitate motorum e Sinen-  
sum præceptis allegabo.

Testimonium aliud hoc loco accipe ex L.

III. P. IX. f. 128. „Qui oris externa specie graves, constantes, severi sunt, & tamen intus, in animo inquam sui, mobiles & flaccidi, ii recte *comparantur* cum abjectis improbisque quibusdam hominibus, qui cum *noctu fures* sunt, *die* tamen gravis & *honesti* viri personam gerunt: Sic & isti sunt prorsus ad ius quorundam vel perforantium vel traehentium parietem nocturnis horis latitum.,,

## §. 57.

Regimen Cordis sollicitum.

Cor, inquit L. II. fol. 41. hominum cum est, sed mobile & inconstans; cum privato affectu ducitur, *Cor hominis* vocatur; cum ex rectæ Legis dictamine agit, *Cor rationis* audit; Jubet igitur attendere Cordi præcipue, & motibus suis.

etiam

etiam intimis atque subtilissimis; ita ut ne cogitationem quidem habeas, cujus conscium esse Cœlum nolis; Simulator enim homines fallit, non Cœlum; cui purum mane & vesperi animum offerre oportet.

L. III. P. VI. fol. 79. Confucius mœrentem discipulum sic admonet officii: Interiora animi discutiens severo examine, nec inveniens tamen quidpiam vel erroris vel culpæ, cujus eum pœniteat pudeatve, sic prorsus, ut nihil egerit rerum, quod non vulgari possit inter homines, nullam voverit animo cogitationem, cujus nolit conscium esse Cœlum, ejusmodi

E 2

vir

Phrasise est Imperatoris Sinici, sed recentioris *Ginsum*, de quo ita lego in Chronologica Monarchiæ Sinicæ tabula, jam ante allegata, fol. 70. „Anno Imperii 26. (est Annus post Chr. N. 1050.) cum post magnam sterilitatem pluisset tandem, Principique gratularentur Procures: Omni, inquit, illo tempore, quo aquarum penuria laboratum est, ego quotidie succensis rite odoribus Cœlum deprecabar: nocte cum audirem tonitru, surrexi de strato, cingulum sumens & pileum, sub dio constiti, (attendite Lectores!) & simul atque pluit, procidi in genua, & salutans reverenter Cœlum, gratias eidem egi, ac sic demum ausus fui ad cubile meum reverti: Nunc rem unam inprimis expeto, ut mihi fidenter significetis, qua in re forte peccem: etenim vereor, ne inane nomen geram: & pluris quam par est faciam apparatus exteriorem. O quam præclarum est, & quanti refert, vespere & mane asferre animum usquequaque purum, quoties Cœlum clam quoque & privatim deprecamur.,,

vir quorsum obsecro tristetur? quorsum timeat? Eadem parte VI. fol. 73. negandi intentione ita quærit Philosophus: „Discurrat quispiam ac *disputet* de rebus optimis, nec *copiose* modo, sed etiam *solidis* firmissimisque rationibus, sic, ut talis habeatur ab omnibus, qualem sonat ipsa oratio, *an* hic *illico* censendus erit vir virtutis solidæ, an fucatus & fictus? „

## §. 58.

Homo debet, *Gaudere* virtute.

Neque sufficit Confucio, *studere* homines virtuti, vult ut graviter & omni cura in eam incumbant, ut persistant in incepto tramite, ut virtutem virtuti accumularent, ut semel apprehensam fortiter teneant, & quod omnino tenerunt est & admirabile, ut homines virtute *gaudeant*, quemadmodum gaudent venusta corporis forma atque oris elegantia. *Fortius* præceptum est, cum admonero, *Confucii* ætate Regnum inter Sinica fuisse aliquod, in quo Dignitates, census & officia nonnisi illis patebant, quos aut linguæ facundia commendaret, aut venustas corporis ornaret. Id sequentem Philosopho sententiam & loquendi *formulam* expressit, aliquoties obviam.

Libro III. P. V. fol. 58. „Ego adhuc non vidi, qui sic gauderet virtute, sicut *gaudet* quis formosi oris corporisque elegan-

cia & venustate. „Idemque L. III. P. VIII. fol. 113. cum dolore philosophus repetit: „Proh dolor! Actum est. Ego nondum vidi, qui gauderet virtute, sicut quis gaudet eleganti forma corporis.,,

Neque vero isthæc ex accidenti dicta intelligas; *prima*, quæ occurrit expositio præcepti de Emendatione voluntatis ista est, obvia L. I. scientiæ Sinicæ, fol. 13. ubi sententiam Magistri de veritate & sinceritate intentionis ac voluntatis ita Cēm cū discipulus Confucii secundus, & Commentator explicat:

„Verificare a fallacia suam voluntatem est non semetipsum decipere, sicut aversa-  
tur quis foetida, sicut gaudet speciosis pulcrisque visu. Hujusmodi dicitur sibi satisfaciens. Igitur perfectus Vir tam serio attendit & invigilat suo interiori.,,

*Plenior* vocabuli declarationem ipse etiam *Confucius* exhibet, cujus exquisita plane interpretatio legitur L. III. P. II. fol. 15.

„Ego nondum vidi quemquam, qui gau-  
deret virtute, & abhorreret a vitiis seu,  
improbitate. Utriusque *ratio hæc* est,  
quod eum, qui gaudeat virtute, ve-  
lim tam inflammato illius studio & amo-  
re teneri, ut *nihil eidem* anteponat.,,  
Rursus, qui abhorreat ab improbitate,  
eum sic volo operam dare probitati, ut.,

„non patiatur, *ne tantillo quidem*, quod  
 „vitiosum sit, affici & inquinari suam  
 personam.,,

## §. 59.

Excusatio  
 imbecilli-  
 tatis refu-  
 tata.

*Impossibile* id præceptum causabuntur,  
 & imbecillitatem allegabunt humanam,  
 quibus incommodum est, blandientes  
 sensuum voluptates commutare solidis  
 virtutum præmiis: illos ita *Confucius re-*  
*darguit* hoc ipso loco, contendens si vel  
 unius diei spatio in illam serio curam ho-  
 mines incumberent, fieri & obtineri  
 posse, quod ipsi supra vires positum ca-  
 istimaverint. Pergit enim:

„Veruntamen an est credibile, dari quem-  
 piam, qui generoso determinatæ mentis  
 consilio *velit*, adeoque possit vel *unius*  
*diei* spatio impendere *omnes* vires suas  
 in studium virtutis, & tamen ad eam  
 non pertingat? Ego certe *nondum* vidi  
*quemquam*, cujus adhuc vires non suffi-  
 cerent. Fortasse tamen dabitur, qui re-  
 vera tam imbecillis sit: atego certe *ne-*  
*dum* vidi quemquam.,,

## §. 60.

Classes  
 studioso-  
 rum virtu-  
 tis tres.

Quæ cum ita sint, mirum non est dis-  
 cernere philosophum ipsius quoque vir-  
 tutis studiosos in *tres* classes; *infimum* il-  
 lis locum asserere, qui naturam ejus &  
 necessitatem intelligant; *proximum* illis,  
 qui virtutem studio affectuque suo pro-  
 sequantur.

sequantur; *supremum* his, qui lætabundi  
capotiantur.

Libro III. P. III. fol. hæc verba sunt:

„Confucius de tribus quasi classibus ho-  
minum virtutem profitentium sic ait:  
Si qui *intelligunt* ac satis perspectum ha-  
bent, quid sit virtus, & quanto opere sit  
expetenda, non sunt æquiparandi cum  
iis, qui *amant*, id est, qui virtutem stu-  
dio affectuque prosequuntur: sed hi  
quoque virtutis amantes non sunt æqui-  
parandi cum illis, qui jam læti *potiun-  
tur* eo, quod amant.,,

§. 61.

Fundamentum virtutis in ipsa cordis Funda-  
mentum  
veritate & rectitudine quærunt. Impe- virtutis  
ratoris Yao, secundum Chronologiam unicum,  
Sinicam, mille & sexcentis ante Confu-  
cium annis, hoc ad successorem Xùn  
dictum refertur in Xu Kim, antiquissimo  
gentis Libro:

„Oportet, ut serio examine Cor identidem  
depures a pravis & privatis, quæ tacite  
se se insinuant, affectibus. ----- Radix  
& fundamentum, cui innititur recta or-  
bis Terrarum administratio, unius est  
Cordis Rectitudo & norma.,,

§. 62.

Succinit vero Confucius eleganti lo- Virtutes  
co, quo *regulas vitæ universales* quinque; Generales,  
tria vero ad easdem exercendas *media*; Tres: Re-  
& *fundamentum* illorum unicum, in soli- gulæ uni-  
versales  
di-quinque.

ditate cordis, & veritate ejus, & rectitudine situm enumerat.

Lib. II. fol. 61. 62. „Totius orbis universales & obvix regulæ seu vix sunt quinque: Ea vero, quibus practice exercentur illa, sunt tria. *quinque Regula* sunt, videlicet 1. *Regem* inter & subditum iustitia. 2. *Parentes* inter & filios amor. 3. *Maritum* inter & uxorem debita ab aliis distinctio, seu fides conjugalis. 4. *Fratres majores* natu inter & minores subordinatio. 5. Denique mutua, quæ *amicos* inter sunt, Concordiæ & Consuetudinis officia. Hæ quinque sunt orbis hujus generales vix ac Regulæ. At vero *prudencia* in discernendo bonum a malo; *amor* quidam *universalis* erga omnes; & *fortitudo* in prosecutione boni, & fuga odioque mali, *tria* hæc sunt orbis generales seu *Cardinales virtutes*, per quas perfici debent quinque Regulæ. Id vero, quo exercentur tres illæ virtutes, est *Unum quid*; seria nimirum & vera *Cordis soliditas*, veritas & rectitudo; Nam si ex ficto & fallaci corde dictarum virtutum una procedat, ea profecto non erit virtus censenda, sed vitium.,,

## §. 63.

Corollarium de  
Animi  
Motibus.

Quod si igitur virtutem (externam scil.)  
c fallaci corde profectam, vitium appel-  
lant Sinæ, ut modo vidimus, mirum  
non



non est, tantam præcipi vigilantiam & sui attentionem, ut neque *minimi* & subtilissimi in animo *motus* excipiantur. Fateor, illud liquido nondum a me deprehensum esse, an ipsos *primos* animi *motus* ita in vitio ponant, ut *imputari* illos posse, & poenas homini accersere opinentur? an ea *tantum* de causa, illis attendere jubeant, ut ne quas in mente turbas excitent, & voluntatem ad malas actiones cum efficacia pelliciant? Utunque illud sit; non enim arbitror, id *Theologia* nostræ *adversum* fore, si ea *Stis* cognitio tribueretur, argumentis quidem, qualia in *Epilogo* indicabimus: Enunciatum *Confucii* dignum est, quod ubique legatur, & sæpenumero.

Libro quidem secundo, pæne ab initio fol. 41. inter plurima ejus generis effata, sic loquitur: „*Motus animi* id fere sunt, quod non apparet, quia *reconditi*, & sibi soli noti; sunt item id, quod non est manifestum, quia admodum *subtiles*, & minimum quid: \* ideoque

E 5

per-

\* Si molestam hic *Tautologiam* Lectores nauscent: fateor mihi sic intelligi sermonem, ut *prima* enunciatio respiciat ad cognitionem *aliorum*, sunt enim in homine *reconditi*, neque cuiquam noti hominum præterquam ipsi: *secundam* refero ad *ipsum* hominem, qui motus illos experitur; sunt enim adeo *subtiles*, ut non raro attentionem solliciti hominis eludant, multoque magis effugiant cognitionem

perfectus Vir tam solícite invigilat Cordis sui secreto, & cautus est in internis, quæ solus ipse intuetur. Quo deinde fit, ut qui *aliis reconditi* & abstrusi sunt, intimi scil. cordis recessus, ei tamen soli pateant; qui item *subtilissimi* sunt, ac percipi vix possunt, minutissimi scil. animi motus, sive ad bonum sive ad malum, ei tamen soli manifesti omnino sunt,, Et L. III. P. I. fol. 9. sic lego: „*Oda trecentæ*, id est, doctrina, quæ trecentis priscorum Sapientum odis continetur, *unico verbo* totæ comprehenduntur, dum dicitur: *Nostra mens omnis & cogitatio sit absque ulla pravitate*; quippe si id, quod turpe vel iniquum est, ne *prima* quidem cogitatione delibamus, multo minus illud reipsa, factove aliquando suscipiemus.,

## §. 64.

Virtus  
consistit in  
tenendo &  
regendo  
medio.

*Theoretica*, si quis postulaverit; in tenendo medio virtutem collocat Philosophus. *Integer* ita *libellus* inscribitur, inter classici secundus. Brevior sententia est L. III. P. VI. fol 72. *Cu cum* quærit de condiscipulis *Su* & *Xam*. respondet Confucius: *Su* excedit; *Xam* non pertingit. *Ambo* deerrant a medio. Ad exceptionem vero discipuli: ergo *Su* antecellit

---

tionem eorum, qui sibi ipsis attendere negligunt. Scio, quid dicam? verum hic locus non est edisserendi mea, seu Confucii philosophemata.

tecellit sapientia alterum: Laconice iterum Magister inquit: *Proprius* sapientiæ locus est medium; quod qui transilit, similis est non attingenti. *Alibi* tamen in *regendo* magis *medio*, eodemque ad rationis dictamen conformando virtutem collocat. Ejusmodi est; cum Libro Secundo dicto *Chum-Yum*, id est, de medio sempiterno, fol. 41. inquit, *passiones* animi priusquam pullulent, dici *medium* seu esse in medio, quia sunt adhuc indifferens quid ad excessum & defectum; sed ubi pullulent, & rectæ rationis dictamen attingant, dici *Consentaneum*.

„*Passiones animi*, ut sunt gaudium ex Prosperis, ira ex adversis, tristitia ex jactura, hilaritas, seu læta fruitio rei obtentæ, priusquam pullulent prodeantque in actum, dicuntur *medium* seu esse in medio, quia sunt adhuc indifferens quid ad excessum vel defectum: At ubi pullularunt, & omnes attigerunt rectæ rationis dictamen, dicuntur *consentaneum*, seu quidam passionum inter se & cum ipsa ratione concentus. Et quidem, cum sunt in medio; orbis universi *magnum principium* ac omnium bonarum actionum fundamentum dicuntur: Cum sunt rationi consentanea, orbis Universalis *Regula*, seu Regia humani generis via dicuntur. „

Pretium  
Virtutis.

*Pretium* virtuti tantum statuunt, ut majus non possint: Sine virtute nihil sunt facta, quantumvis splendida: illa lucrum est sapientis, illa voluptas durabilis: auro & gemmis omnibus excellentior: potior Imperio.

Verba dabo Legati cujusdam Regni Cù,

qui a Magnate Regni Cín de opibus gemmisque pretiosis quæsitus, etsi patria illis non careret, ita tamen respondisse legitur in Primo Scientiæ Sinicæ Libro fol. 30.: „Cù Regnum nihil habet, quod reputet pretiosum; solam & unicam virtutem reputat pretiosam.,, quid videtur de sententia Ven cum Reguli in Regno Cín, qui ob novercæ invidias regno excesserat, & defuncto postmodum Patre in luctu constitutus alibi terrarum latitaverat; admonitus autem ab hospite, qui operam suam & arma obtulit Regulo, ut Patrium Regnum armatus repeteret, ita respondit: *Mortuus ego homo nihil habeo, quod ducam pretiosum.* ne quidem ipsum Regnum, quo ultro excessi; *Sola virtus, & pietas erga parentes est, quam duco pretiosam, & ita quidem, ut malim carere regno mîhi debito, quam arma capiendo, frangere luctus jura, & lædere pietatem demortuo Patri debitam, quæ arma capere*  
hoc

hoc luctus tempore prohibet., vid. l. c. folio 31. ut placet exemplum Regine *Kiam*, ducentis ante Confucium annis claræ, quæ mariti *Siven Vam* mores detestata detractis sibi inauribus gemmisque Regem adiit? dicens: „*Tu o Rex gaudes luxuria, & oblivisceris virtutis, quam ego præ lapidibus pretiosis longe pluris facio.* &c. Fuit illa adeo *efficax oratio*, animumque Imperatoris ita immutavit, ut ex eo tempore ad virtutem rectumque Regimen sese applicuerit, quod postea duodecim adhuc annis cum laude administravit.

Atque hinc est, quod virtutem omnibus, ipsi etiam vitæ, anteponat Philosophus.

Libro III. P. VIII. fol. „Confucius ait: Vir excellenti magni que animi, idemque Vir virtutis solidæ, non flagitat vivere sic, ut damno sit virtuti suæ: imo datur, qui prodigat vitam, ut consummet virtutem.,

§. 66.

Gloriæ ferax est, e longinquis finibus, Consecra-  
ut tamen ipsa sibi sufficiat, si desit gloria Virtu-  
ria: nunquam desertæ instar est, sed cultis.  
tores & sectatores suos habet: originem e Cœlo reperit: præmia sua non casu obtinet, sed certo secum trahit, inter illa est cibus quoque & census, qui virtutem non destituit, sed sequitur: denique

nique securos ab interitu Cultores præstat Virtutis studium.

L. III. P. VIII. fol. 115. „Confucius ait: *Populo in virtute plus est, quam in aqua & igne.* Aquam & ignem ego vidi, qui calcaret, & periret., Nondum vidi, qui insisteret virtuti, & periret., atque iterum: Philosophus laborat de Virtute; non laborat de *Cibo*: Et vero ipsam agriculturam fames subinde sequitur & insperata sterilitas; at in virtutis studio census & fructus nunquam deficiunt. quare philosophus angitur de virtute, non angitur de paupertate.,

§. 67.

Obtingunt  
Cœlitus.

Præmia virtutis aliqua modo attingimus: *neque illa casu* obtinentur, sed *Cœli munere.* Digna sunt relatu verba Libri secundi Scientiæ Sinicæ fol. 35. Confucius eo loco deprædicat obedientiam Imperatoris *Xun* erga Parentes suos, cuius hæc præmia enumerantur.

„Ideo magna illius virtus *non casu*, sed destinato haud dubie consilio, obtinuit suam illam a Cœlo dignitatem, seu Imperii Coronam virtutis præmium: Item haud dubie obtinuit suos tam amplos census, & immensas opes illas, quas ambit oceanus: haud dubie obtinuit suum illud toto orbe tam celebratum nomen, famamque tantam: haud dubie denique obtinuit illud dulce præmium lon-

gævvz

grævæ ætatis, proprium scilicet præmium  
filialis obedientiæ.,

§. 68.

Sape animum subiit admiratio, quâ Naturalia  
fiat, ut incurii homines *Naturalia Mora-* quoque  
*libus* opponant? Naturalibus accidit Phæno-  
caussis, ut grando cadat, & fruges per- mena sunt  
dat: Non id igitur pœnam licebit inter- Virtutis  
pretari vitiorum antecedentium? aut confecta-  
cautelam adversus futura alioquin crimi- ria.  
na Cælitus adhibitam? Reddunt agri &  
vineæ liberaliter: Num id virtutis præ-  
mium antegressæ, aut secuturæ allec-  
tamentum haberi non debet, quoniam  
ordinatis Naturæ viis liberalitatem Deus  
indulset? Num aliud Principium est, quod  
Naturam condidit & conservat & regit,  
aliud, quod Moribus invigilat? Si unum  
est, num illi aut sapientia deficit, aut  
potentia, aut voluntas coordinandi con-  
ciliandique Naturam moribus, & præ-  
mia virtutibus. Rectissime hic Sina ratio-  
cinantur. De ordinato enim *Naturæ cur-*  
*su*, tanquam virtutis confectario, ita  
Philosophus eodem Libro II. fol. 42.

„Ubi perspecta fuerint medium & consenta-  
neum, tum demum Cæli quoque ac  
Terra status quietus, permanens ac paci-  
ficus, & omnium rerum uniformis pro-  
pagatio vigorque consequetur., Quæ  
plenius loco allegato Commentatores Si-  
nici ita persequuntur: Nam, si homo  
agat

agat semper juxta rectam rationem, quandoquidem hic unum veluti corpus cum universo efficiat, consequens erit, ut etiam Cœlum & Terra juxta normam sibi inditam agant, Planetæ influant absque vitio, quatuor anni tempestates absque defectu decurrant, juvenes optatos vitæ annos, senes finem Naturæ consentaneum, res denique omnes debitum sibi statum & locum consequantur.,

## §. 69.

Inter Mo-  
tiva ad  
Virtutem  
eminent  
Exempla.

De *Motivis* virtutum, & illorum opposita inflexione diximus aliquid in superioribus, §. 31. hoc loco illam placet prudentiam evolvere, quæ *exemplis* persuaderi populos volunt, non præceptis. *Veritatem facti* ex primo Sinarum classico ostendam, tum vero *argumenta* rei indicabo, quæ mihi succurrant, fulcienda tamen testimonio quoque Sinico.

Philosophus L. I. fol. 20. ita: „*Tao & Xün* rexerunt Imperium pietate & clementia, & populus secutus est illos. *Kie & Chen* rexerunt Imperium crudelitate actyrannide, & populus item secutus est ipsos, imitando illorum improbitatem & scelera. Si quandoque ea, quæ *publici ejusmodi* Reges mandaverant, *contraria* erant iis, quæ ipsi amabant agere, tum populus non obsequebatur; quia scil. videbat ipsos alia *foris* præcipere,



pere, & alia *domi suæ* agere. Hac de causa probus Rex *prius* habet virtutem in seipso, ac tum *deinde* eandem recte exigit ab aliis; prius sine vitio in semet ipso, tum deinde recte illud reprehendit in aliis; quod vere est *ex se metiri alios*, & virtutem qua prior ipse plenus sis, in alios diffundere. Ubi enim virtus Tuo ipsius exemplo ac fama ad alios semel dimanaverit, tum enimvero his excitatus populus imitari Te volet, & si quis: Tu vero tum demum docere illum optimisque legibus instituere efficaciter poteris; secus operam perdes, &c.

§. 70.

*Generalis* hic de exemplorum ad movendos homines efficacia *sermo* est: itaque illa, quæ ad Imperantes pertinent, *causæ illius prærogativæ*. specialiter suo quoque loco servabimus. *Seneca* verbum habetur: „natura contumax est animus humanus, & in contrarium atque arduum nitens, sequitur facilius, quam ducitur.„ *Causas* facti illas videor mihi deprehendere. *Præcepta* voluntatis arbitrium adstringunt; *exempla* liberum illud invitant solum: Inferiorem illa quandam subinnuunt; *ista* ad æqualitatem admittunt: dubiam illa facti possibilitatem aut facilitatem relinquunt; *ista* & possibilitatem semper, & facilitatem aliquando, manifestant: *illa* generalia minus fortiter animum afficiunt;

ciunt; *ista* specialibus applicata casibus in oculos, imaginationem atque adeo mentem feliciter incurrunt: *Illa* perficendi methodum, auxilia, casusque & circumstantias non complectuntur; *ista* semper comprehendunt, plerumque ostendunt: *Illa* facilius excidunt memoria, neque recurrunt, ubicunque debuerant; *ista* frequentius obvia familiarem animo actionem, & facile obviam memoria reddunt: *Illa* intellectum sola sui utilitate aut necessitate sollicitant; *ista* etiam affectus, & gloriae stimulos, æmulationem, &, si neglexeris, pudorem, & ejus generis alia simul animo & efficaciter admovent: *qua* sane omnia, pluribus si necesse fuerit aliis augenda, sunt ejusmodi, ut Sinicum per exempla suadendi morem optime commendent, ut demonstrent quoque veritatem effati, L. III. P. VI. fol. 83. obvii.

Ibi *Ki cam çu* de modo gubernandi ex Confucio sententiam rogans, sic ait: „Ego, si interficiam passim improbos & exleges, ut ita commodius accersam promoveamque probos & observatores legum: quid videtur? „*Confucius* respondet: „*Tu* si quidem gubernas, ut par est: quorsum utare suppliciis tam crebro? Tu expete tantummodo, quæ recta sunt & honesta, constetque hoc omnibus; *Statim* populus exemplo Tuo probus

probus evadet. *Gubernatoris virtus* quotiescunque rebus factisque palam se facit, *ventus* est: *subditorum* vero infirmæque plebis virtus, *herba* est: Herbis si superveniat ventus: procul dubio hæc se submittent, & obsecundabunt vento, quocunque faciles impelli.,

## §. 71.

Transeo ad *media* virtutis acquirendæ, conservandæ, augendæ. Præcipuam hanc philosophiæ moralis partem esse arbitror; atque omnino indoleo illi defectui, si quando in philosophia explicanda parcius id institutum attingitur. Equidem quæ illa doctrinæ *sufficiencia* est, si virtutis studium Magister commendet, neque modum tamen indicet, quo illum sibi habitum induere Auditores possint. Itaque omnino magnificatio in ea parte *præcepta Sinica*; sunt enim effectui præstando apposita. Memini *Religiosum Senem*, atque in hac Regione Theologum, commendare juveni mihi ante cetera omnia quotidianum *conscientiæ examen* tanquam inter plurima præstantissimum proficiendi in virtute artificium. Illud ita *Sina* postulant, ut disertis verbis tanquam præ omnibus necessarium esse unicuique dicant, seipsum intus in jus vocare, & examinare, & condemnare, & punire.

Inter Media Virtutis est *Examen sui forium.*

Verba sunt L. III. P. III. fol. 26. „A&um

F 2

est,

est, proh dolor! quotus enim quisque reperiatur hac ætate nostra, qui suimet severus censor sit, idemque testis, accusator, & iudex----- Ad quæ discipulus *Chum cum* fol. 27. : „Ut quis *domi* suæ secum ipse *severus* sit, & rerum quamvis minimarum rationem exigat ab se, & sicubi peccatum est, etiam pœnas; at vero *foris*, &, dum gerendæ sunt Res publicæ, tunc uti *remissione* quadam indulgentiaque in gubernando suo populo: nonne expedit? Contra vero *domi* suæ, id est, in sua ipsius persona *remissum* esse, sibi que indulgere, & dum gerendæ sunt res publicæ, *similiter* esse *remissum*; nonne hæc est nimia plane remissio, & quæ cedat in damnum, non unius tantum, sed multorum? *Confucius*: Discipuli mei verba omnino vera sunt.,

## §. 72.

Exemplo  
*Cemeli*  
quotidia-  
num.

Specialius vero exemplum est discipuli *Cem cu*, qui id a se examen *quotidie* institui sic memorat.

Libro III. P. I. fol. 3. „Ego *quotidie* de *tribus* maxime rebus examino me ipsum. *an* scil. pro homine quopiam negotium tractandum susceperim, & non tractaverim illud ea, qua par erat, cum fide & contentione animi, nec ita prorsus ac si mea res ageretur, & non aliena? *an* cum sodalibus & amicis meis familiariter

riter & amicorum more agens, haud tamen egerim eo candore eaque fide, qua oportebat agi, contentus inani quadam specie benevolentiae observantiaeque & mendacio verius amicitiae, quam amicitia? Denique an doctrinam mihi traditam a Magistro meo non recoluerim, eamque exercitaverim impigre & constanter?,,

## §. 73.

Eodem pertinent praecepta, quod attendendum sit animi motibus, etiam <sup>Media</sup> intimis; quod vitia emendanda sint, non <sup>miscellanea</sup> pallianda excusationibus; quod errorum causas ipsis nobis, non aliis tribuere oporteat; quod firmum animo statutum inculcandum sit, nihil rationi contrarium admittendi; quod discernendi sint affectus, iisdemque invigilandum solícite; quod ad fugam vitiorum usus disciplinae conducat. Ita perfectionem cordis recuperari putat philosophus victoria sui ipsius: media ejus asserit attentionem sui, observantiam aliorum, & charitatem.

Verba Philosophi ex integro ejus discursu excerpta hæc dabo. L. III. P. VI. fol. 78. 79. „Vincere seipsum atque ita redire ad primævum illud temperamentum naturæ rationalis, hoc est, obtinuisse cordis innocentiam & perfectionem. Ut quis operam det recuperandæ illi perfectioni, hoc dependet ab ipso et homine.

quomodo id dependeat ab aliis hominibus? *Series victoriarum* sui ipsius hæc est: Contra rationem, ne quid cernito: contra rationem ne quid audito: contra rationem ne quid effator: contrarationem ne quem animi corporisve motum suscipito.,, *Alteri* de eadem quaestione ita respondet:,, Sic egredere tua domo, tam præfens tibi tamque attentus ad omnia, atque si visum eas magnum quendam honoratumque hospitem. Sic impera Populo, fidei indicito opera publica, ac si offerres magnum sacrificium rite peragendum, i. e. reverenter subditos tracta. Denique tibi ipsi, quod non vis fieri, vide ne conferas in alios., Iterumque eodem loco ad eandem quaestionem a loquaci propositam: „Ut recte loquaris, recte prius agas necesse est: ad hoc autem necessaria est Cordis custodia, sed hæc rursus est difficultatis plenissima.,, Alibi vero querenti, quomodo Vir sapiens queat evadere, & supra vulgus eminens? P. VII. fol. 110. respondet: „Excolat sese, ut hoc pacto rectus evadat per assiduam *sui ipsius vigilantiam* & attentionem. Excolat sese ita, ut expleat *vota aliorum*, sicut optat expleri sua ipsius. Excolat sese, & partas virtutis industriæque opes tam *large diffundat*, ut procuret pacem, expleatque vota universi populi.,,

## §. 74.

*Impedimenta* virtutis illa philosophus *Impedi-*  
recenset, quod *alteri* spirantes *altiora* *menta ex*  
transgrediantur limites, *alteri* timidiores *utroque*  
& *abjecti* non attingant. Itaque non mi- *extremo.*  
nus ad virtutem excitat discipulos, quam  
ab extraordinariis & splendidis mage  
quam solidis virtutibus dehortatur.

Exhibui locum superius ex L. II. fol. 43.

quo nihil potest dici fortius, aut verius.

Non opus est difficili ratiocinatione, ut  
intelligas, aut socordiam obstat vir-

tutis studio, aut male consideratum ar-

dorem vitare bonum cetera animum.

Optem, ut hæc dicta conferant expe-

rientiæ, quicunque deviationibus ho-

minum ita solent attendere, ut earum

causas simul & fontes indagare soleant,

examine rariori sane, sed perquam utili,

& cautelas unicuique plurimas suppedita-

taturo. Quænam hæc miseria est, quod

sive necessaria, sive utilia subinde negli-

gimus? Sed vero hæc alias dicere pro-

lixius & explanare licet. Tu, si placet,

repete Confucii locum modo allegatum

§. 41. excerptum.

## §. 75.

Vidimus vitiorum fontem & virtutis *Correctio*  
scopulos, charybdi hinc, inde scyllam. *Erroris*

Admonitionem exemplo Confucii opti- *Confucia-*  
mam arbitror, quam ipse in sequentibus *na.*

allegati Loci, fol. 45. 46. adjungit.

„Sunt, qui temere transiliunt medii limites, dum sectantur virtutes nescio quas inusitatas & reconditas, ac gaudent patrare miranda quædam, ut posterioribus seculis sint, qui nomen eorum deprædicent. Sed ego certe non fecerim ejusmodi rem; quod *passim* nosse convenit & agere, id nosse & agere studeo. Perfectus Vir aggreditur *viam ordinariam*, & ideo in ea constanter progreditur: At sunt, qui vel inusitata & abstrusa, nec non majora viribus suis temere affectant, vel tametsi virtutis viam, eo quo par est modo sint ingressi, tamen in medio ipsius viæ cursum abrumpunt & turpiter deficiunt. At ego certe non possum, nec velim sic sistere; quæ cœpi, conabor perficere.,,

*Alia virtutis impedimenta* attingemus in sequenti tertia speciali sectione, ubi *de affectibus* ex instituto. Persequamur cetera, quæ restant, de Virtute præcepta, etsi summatim omnia.

§ 76.

Ampliu-  
do virtu-  
tis.

*Amplitudinem* virtuti maximam facit. *Universalem* enim omnium in omnes amorem postulat.

„Probus atque perfectus vir amplitudine quadam charitatis ac beneficentiæ, (ita Philosophus L. III. P. I. fol. 15.) *quæ de omnibus* bene mereri desiderat, & *communem* generis hominum concilia-

tio-



tionem & consociationem colere actueri. *Universalis* est, & non particularis. Contra vero *improbis* ac vilis abjectique animi homo *particularis* est, privatis affectibus ducitur, amicitiam sceneratur, & beneficia sua meritaque privatis emolumentis & commodis seu pretio quodam sordide divendit; adeoque non est universalis. „

## §. 77.

Illud facile confiteor, exquisitius præceptum mihi extra sacras literas nullum, unquam oculis usurpatum esse, ac illud, quo charitatem Confucius universalem & præcipit & explicat, & ab effectibus commendat. Dabo integrum, etsi prolixum sit: potest instar universæ morum disciplinæ haberi.

De Charitate Universalis præceptum Confucii exquisitum.

Ita autem ille L. III. P. III. f. 34. & 35.

„Sanctitas illa vel *Charitas*, pietasve, quam exigo, mi discipule, est affectio animi constans & consentanea rationi, qua quis abjecta propria utilitatis commodive cura, totius orbis homines amplectitur, haud secus ac si unum quid idemque secum forent, atque adeo communem cum iisdem sensum tam inter prospera, quam adversa & habet & prodit. Exempli causa hujuscemodi pius ipsemet desiderans erigi ac florere, protinus consilio, & ope, & opera, etiam erigit quoscunque alios, quos vel nativa

tenuitas imbecillitasque depressos humi teneat, vel gravior fortunæ casus ex alto dejectos afflixerit, prostraveritque. Similiter ipsemet volens feliciter res penetrare, non sustinet videre alios, qui vel errant cæci, vel laboribus ac difficultatibus victi succumbant, sed ipse per se nihil non tentat, ac molitur, quo opituletur & his & illis, atque ita etiam penetrare facit alios, & perfringere objectas difficultates, & ex errorum ignorantiaque tenebris feliciter tandem eluctari. Hæc porro charitas pietasve, ubi mortalium animis semel infederit, tum vero *totus orbis* unius erit instar familiar, quin & *hominis unius instar* homines erunt universi, & quicquid ubique rerum est, propter admirabilem illum summorum, mediorum, infimorum inter se mutuo nexum atque ordinem, unius & ejusdem substantiæ esse videbitur. *Alios itaque diligamus sicut nos ipsi diligimus* : Alios ex nobis metiamur : Labores aliorum & commoda ex nostris æstimemus. Denique ut paucis omnia complectar, nosse e propinquo, id est, a nobismet ipsis *desumere comparisonem* ad alios, quibus adeo contingere velimus aut nolimus id omne, quod ipsi nobis contingere volumus aut nolumus : hæc demum potest dici virtutis *Gin*, seu memoratæ charitatis ac pietatis exercitandæ ars ac Regula.,

## §. 78.

Utcunque vero Universalem *Sine* a- De subor-  
morem hoc loco exigant : non tamen dinatione  
eo facto officia confundunt, aut mutuo Amoris  
omnia coaquant : *Norunt* etiam illi *dis-* monitum  
*crimina*, atque alios anteponunt aliis, Philoso-  
parentes præcipue, & propinquos; in phi.  
amore; in iustitia, unicuique id, quod  
convenit, tribuente, atque ex amore  
proflua, discernunt magis minusve sa-  
pientes atque probos.

Libro II. fol. 60. 61. sic lego : „ Amor  
ille universalis non est quid extrinsecum  
homini, sed ejus naturæ proprium quid  
& innatum, dictans omnes amandos es-  
se : atque adeo *amare hominis est*; at-  
tamen *præ ceteris amare parentes*, est  
ejus præcipuum ac primarium munus,  
a quo deinde ad reliquos amandos gra-  
dum facit. Ex hoc item amore oritur  
*justitia illa distributiva*, quæ est ipsamet  
convenientia; \* atque adeo justum es-  
se, æquitatis est. Et quamvis ea in hoc  
fita sit, ut *unicuique*, quod suum est,  
tribui velit, tamen *præ reliquis* colere  
sapientes & probos, hos promovendo ad  
digni-

\* Velim Lectores huic justitiæ genesi attendere, &  
evolvere notionem illam, qua justitiam hic di-  
vident, amorem secundum convenientiam, id est,  
sapienter administratum. Puto, utilia Judicibus  
Corollaria hinc scaturire : Utinam illa tam fre-  
quenter observari coningeret, ac illa facile intel-  
ligantur consequi.

dignitates & munia publica est hujus quidem justitiæ præcipuum munus. Hoc in amandis parentibus & magis aut minus propinquis discrimen, & in colendis iis, qui magis aut minus sapientes ac probi sunt ordo, ab *officiorum harmonica* quadam *ratione* seu symmetria nascitur: secundum quam symmetriam, utpote commensuratam cum Cœli ratione, res omnes diriguntur.,


§. 79:

An liceat  
aliquos  
odisse?

Atque hæc quidem subordinatio est, qua explicari difficilis locutio possit, aliquoties obvia, qua

Libro III. P. II. fol. 14. dicitur: „*Solus ille, qui probus est, tuto potest diligere homines, tuto potest odisse homines.* „

Præterquam enim, quod e Catalogo eorum, quos odisse liceat & conveniat, L. III. P. IX. fol. 132. exhibito, appareat, *vitia* potius, quam homines, *fugam* potius & averſationem hominum, quam odium proprie dictum, aut plane studium malefaciendi hisce locutionibus intelligi: Sunt loca quoque, ubi id *comparate* intelligi debere manifesto deprehenditur.

L. III. P. IX. fol. 127. ubi  virtutum magis illustrium genera, & sex vitiantia ipsas virtutes recensentur, primum id locum obtinet: „ Qui gaudet amplissimo

fimo charitatis sinu complecti omnes, & de nullo non mereri bene, nec gaudet interim discere, quis esse debeat charitatis istius usus & modus: hominis huiusmodi vitium, in quod videlicet ipsa virtus degenerabit, erit ruditas, cæcitasque, dum scil. cæco impetu benevolentia, ceu vento incitatus, sine iudicio & modo beneficia delaturus sit. „

Idemque alibi, cum de *promiscua* in bonos atque malos beneficentia agitur, inculcat, *projectionem* id *beneficentia* ratus, qua proborum hominum meritis & exemplorum efficaciam detrahatur.

L. III. P. VII. fol. 105. & 106. hanc narrationem invenio: „ Forte quispiam dixit: *Beneficiis* compensare *odia* & *injurias*, de hoc quid videtur Tibi? *Confucius* respondit: Qui sic agat, ecqua re tandem compensabit benefacta. *Dispar* enim esse debet *merces* ac ratio ejus, qui bene meretur, & illius, qui male. Mea igitur hæc est sententia: *Eo, quod rectum justumque est, compensato injurias & odia: Benefactis compensato Benefacta.* „ Quæ verba sic exponit *interpres Sinicus*: „ Injuriam quis intulisse mihi vilis est, non illam ego recordabor, nec considerabo, *ut mihi est illata*, sed æqua rationis trutina expendam singula ejus momenta, ut queam statuere, *quid hic odio, quid amore, quid fuga,*

*fuga*, quid *prosecutione* dignum sit? *Ex-*  
*penis* omnibus, si comperiam, cum  
 qui me læsit, aliis tamen ex capitibus &  
 simpliciter esse amore dignum: Ego  
 certe ob privatam offensionem nullas in-  
 vidus offundam tenebras ipsius laudi ac  
 virtuti. At si multa sint, quæ odiosum  
 reddant, ac merito exterminandum;  
 parebo tunc rationi, quæ improbitatem  
 aliaque *vicia odio prosequi* & extermi-  
 nare nos docet. Atque *hoc est*, eo quod  
 rectum justumque est, odia rependere.,

§. 80.

De Amo-  
 re inimi-  
 corum.

Accedo hic sententiæ *RR. PP. Jesuita-*  
*rum*, Editorum libri, qui dignam *philo-*  
*sopho* ethnico sententiam, & *pharisaico*  
 pronunciato multoties mitiorem & hu-  
 maniolem prædicant, ad Lucem tamen  
 Evangelicam haud assurgentem, etsi alio  
 loco, in *officiorum* Libris parum abesse  
 videatur Philosophus, quando illius hæc  
 sententia refertur:

„Beneficiis compensare odia, hoc enim-  
 vero est perampli pectoris virtus & pie-  
 tas. „

Sunt profecto Veterum Græcorum  
 sententiæ idem cum philosophia Chri-  
 stiana præceptum urgere visæ, sed ubi  
 causam suasionis attendere contigerit;  
 longissime infra hujus perfectionem sub-  
 sistere deprehenduntur. Tale est Philo-  
 sophi Spartani, *Aristonis*, effatum, à *Plu-*  
*tar-*

*rarcho* in *Apophthegmatis* relatum, quod  
 ita lego apud *Ablancourtium*: „ Comme  
 „ non loüoit le mot de Cléoménès, qu'  
 „ il faut faire du bien a ses amis , & du  
 „ mal à ses ennemis : Nullement , dit  
 „ Ariston , il faut faire du bien à tous,  
 „ pour conserver les uns , & pour acque-  
 „ rir les autres. C'est aussi un mot de So-  
 „ crate. „ Tale est *Vespasiani* apud eun-  
 dem *Ablancourtium* dans les *Apophteg-*  
*mes* des Anciens : „ Ayant fait du bien  
 a son ennemi, il dit, il s'en souviendra. „  
 Recte illud & philosophice satis : *Chri-*  
*stianorum* tamen *sublimior* agendi ratio est  
 & motivum, uti docebimus in *Epilo-*  
*go* ; ubi simul illum philosophis hodie-  
 nis metum eximere dabitur, quo veriti  
 sunt præcepta sua extendere ad amorem  
 usque inimicorum ; quasi scil. id *Reli-*  
*gioni* præjudicaret *Christianæ*, si etiam  
 hoc ipsius præceptum approbetur, &  
 confirmetur & demonstretur (utinam  
 etiam expleatur!) a philosophis. Cer-  
 tum est, *argumenta* illi probando suffi-  
 cientia suppeditari a ratione *Naturali* ;  
*Exemplum* atque ex illo *motivum*, qualia  
 CHRISTUS reliquit, non suppeditari :  
 Ut & nihil de viribus dicam, præstando  
 officio necessariis & sufficientibus. Non  
 id igitur *Religioni* mihi erit, tribuere  
 eam *Confusio* cognitionem, si habuit ;  
 erit vero, eidem asserere illam, si non ha-  
 buit,

## §. 81.

Transitus  
ad specia-  
lia.

Generalia quidem *satis* prolixè excus-  
simus pro specimine : pro rei merito *ni-*  
*mis* concise. Non possum vero, quin &  
*specialium* virtutum aliquot exempla prio-  
ribus adjungam; sed neque omnium vir-  
tutis specierum, neque omnia speciei  
unius.

## §. 82.

Fortitudo  
in doman-  
dis affe-  
ctibus.

De Fortitudine primo loco. Dupli-  
cem illam deprehendo, *togatam* unam, al-  
teram *sagatam* : & priorem quidem sive  
*publicam*, sive *privatam*. Postremam *Con-*  
*fucius* refert ad domandos affectus, ad  
obfirmatum in persequenda virtute ani-  
mum, ad ferendas sine ultione injurias.

L. III. P. II. fol. 21. Confucius : „ Ego  
„ nondum vidi Virum fortem. „ Ad-  
„ stantium aliquis : „ *Xin cem* nonne est  
„ fortis? „ *Confucius* respondet : „ Cem  
„ discipulus meum obsequitur appetitio-  
„ nibus pravis & oblectamenti sensuum:  
„ quomodo censeri potest vir fortis?

## §. 83.

Fortitudo  
*Triplex*,  
Australi-  
um, Bore-  
alium, &  
Discipu-  
lorum Sa-  
pientiz.

*Togatam* vero, & publicam præcipue,  
privata nixam *antefert* Philosophus *saga-*  
*tæ*. Describitur L. II. fol. 45. *discursus*  
*Confucii* ad discipulum, quo nihil potest  
exactius dici, & in rem præsentem ac-  
commodatius. Illum integrum exhi-  
beo, etsi prolixum, ut non præcepta so-  
lum,



lum, sed ipse etiam enunciandi modus sese Lectoribus commendent.

„Discipulus *C'hi lu*, ut erat indolis bellicosæ, & appetens gloriæ militaris, quaesivit de fortitudine. Sciscitatur ex eo Confucius, & ait: an quaeritur hic de hominum illorum, qui in Australi Regione degunt, fortitudine? an de illorum, qui Borealem Regionem incolunt, fortitudine? an vero de vestra, qui sapientiam colitis, fortitudine? *Largius leniusque* se gerere, & cum indulgentia quadam in suorum institutione, non castigando semper, nec justo severius, eorum desidiâ vel tarditatem, nec ultionem aut pœnas exigere a refractariis, sed eos patienter ferre: Ea demum est *Australium* regionum fortitudo, \* quæ hominum animos paulatim student rationi subicere. Et hoc Viri perfecti præstare possunt. Impavidum & securum cubare lanceas super loricasque; medias inter mortes versari, & tamen non perterritescere, nec affici tædio vitæ ejusmodi, *Borealem* quidem Regionum fortitudo est: & hæc fortes & robusti præstare possunt. Quoniam tamen multum hic temeritatis adesse solet, me-

G dii-

\* Equidem nos Europæi lenitatem diceremus: sed vero fortem eò animum requiri & difficultatis patientem, neque in periculis timidum agnovi, ex quo hanc Confucii sententiam meditarus fui.)

dique regula crebro admodum violari; non ea est fortitudo, quam a vobis expecto, discipuli mei. Itaque Vir perfectus sui *Unius victoria* semper intentus, ad mores & ingenia aliorum se fingit quidem & accommodat: attamen, ut est sui Dominus, non patitur sese velut diffluere, neque depravari inertium molliumque consuetudine & exemplis, nec in omnibus sine discrimine obsequitur & hæc fortitudo proh! quanta est! Rursus in medio aliorum a recto aberrantium ipse unus rectus stat, & neutram in partem inclinat: hæc fortitudo quanta est? Item, si in Regno vigeant virtus & Leges, & ipse Magistratum gerat, hos tamen honores inter non mutat mores, nec eam vitæ normam, quam privatus servabat, adeoque nec inaniter intumescit: hæc fortitudo proh! quanta est! Contra vero si in Regno jaceant virtus & Leges, si magna sit rerum perturbatio: ipse tamen, quamvis prematur inopia, & aliis atque aliis ærumnis affligatur, etiam reductus ad ipsam usque mortem, inter hæc non mutatur, suscepti semel propositi semper tenax, hæc quoque fortitudo proh! quanta est, & quam eximia! Nimirum sita est illa in assidua sui ipsius victoria. *A vobis* ergo, discipuli mei præ illa Australium & Borealium Gentium fortitudine,

*De Emendatione voluntatis.* 99  
& expeto & expecto fortitudinem ejus-  
modi.,

§. 84.

Præceptum id auro contra carum est omnibus, seriam in virtute de acqui-  
renda operam navantibus: Et commen-  
tarii loco esse potest, ampli satis & per-  
spicui, in vulgatum illud & neglectum  
axioma: „fortior est, qui se, quam qui  
fortissima vincit moenia.,” Neque *belli-*  
*cam* tamen *fortitudinem* contemnit Phi-  
losophus, sed æquitati & justitiæ post-  
ponit.

Fortitudi-  
nis Bellicæ  
pretium.

L. III. P. IX. fol. 131. eidem *Cu lu* qua-  
renti: „Vir gravis & eminens supra vul-  
gus hominum nonne plerumque *primas*  
defert *fortitudini*? Confucius respon-  
det: Eminens Vir ejusmodi non forti-  
tudi, sed *æquitati justitiæque* *primas* de-  
fert. Certe Vir gravis & præstans, si-  
quidem sit instructus Robore illo animi  
corporisque, & intorim non instructus  
sit temperamento rationis & æquitatis;  
facile causam præbebit gravissimis Im-  
perii perturbationibus: Uti & plebeji  
homines habentes simile Robur, & ca-  
rentes moderatrice illa sui roboris æqui-  
tate, nullo negotio Rapinas & latroci-  
nia exercebunt.

§. 85.

Vult autem a temeritate liberam, quam  
G 2 raro

Cautela  
adversus  
temerita-  
tem.

raro usui, damno sæpissime, nunquam honori fuisse pronunciat.

L.III. P.IV. fol. 38. Eidem *Cu* in sciscitanti: „Si Magister ducturus esset tres exercitus: tum quemnam sibi adjungeret in Collegam? *Confucius* ut vanos martiosque discipuli spiritus reprimeret, sic ait: Inermis ac nudis manibus qui aggrediatur indomitam tigrem; & sine rate vel scapha committat sese spatioso rapidoque flumini; mille item inter mortes verferetur; & tamen non aliquo teneatur metu: *Hunc* ego sane *nolim* mecum copias ducere. Raro namque temeritas ului fuit, damno quam sæpissime, honori nunquam. *Necesse est* quidem, non perturbari in rebus asperis; sed quando se offert discrimen anceps & improvisum, tum vel maxime præsentis animi uti consilio, & considerate vigilanterque se gerere, quanquam multo etiam *malim* talem & conari, & vero gaudere percipere animo futura, & aliquanto ante constituere, quid accidere possit in utramque partem?,,

§. 86.

**Prudentia.** Ducunt nos ultima ad *Prudentiam*, quam in cauta rerum dijudicatione & perspicacia, in præmeditatione futurorum casuum, in sollicita atque aliquando tecta consiliorum ad Reip. usum applicatione collocat Philosophus. *Necessitatem* hoc verbo indicat: L.III.

L. III. P. VIII. fol. 113. proverbium est: „  
Præmeditatio nisi sit ultra mille stadia,  
tum calamitas est sub ipsa mensa  
& strato. „ Eadem P. VIII. fol. 114.  
„qui non dicit, hoc quomodo? illud  
quomodo? Ego nescio ejusmodi homi-  
ne quid faciam; actum est.

Naturam atque *modum* ejus hoc edisse-  
rit effato.

L. III. P. III. fol. 24. „*Iterum* seu *bis* ex-  
pendere mature omnia, hoc enim vero  
convenit: *Nec* opus est deinde *cuncta-  
ri* diutius ac deliberare; ne dum justo  
prudentiores sumus, contra ipsam pru-  
dentiam vel maxime peccemus. „

*Differentiam* Prudentiæ, pro diverso  
*Reip.* statu accommodatæ, in Illustri spe-  
cimine attingit; quod totum huc trans-  
fero;

L. III. P. III. fol. 24. Confucius ait; „*Nim-  
vù çù* præfectus Regni Guçi, quando in  
Regno viget probitas, prudens audit  
apud omnes. Si quando Regnum est  
sine lege ac probitate sic ut perturbari  
incipiat ac periclitari; ipse tempestatu sub-  
ducens sese, sic latitat, ut a vulgi ocu-  
lis remotus, prudentia sua & consilio  
fulcire labantem Remp. non cesser. Ce-  
terum quia hæc privatus & clam præ-  
stat; ipse tum rudis audit, meticulosus  
& ad res gerendas imperitus. At ego  
sane sic judico, quod ad ejus pruden-

tiam, qua pacis tempore in Regno eminet, facile possit quis pertingere, illumque imitari: At vero ad *prudentissimam* ejus *ruditatem* illam, dum perturbata sunt omnia, incolumitati propriæ publicæque consulentem, non potest nisi difficillime, & a paucissimis pertingi.,

§. 87.

Comites  
Prudentiæ.

*Necessarias* autem Prudentiæ has *Comites* Philosophus arbitratur: virtutem primo interiorem; gravitatem deinde & auctoritatem; denique moderationem atque temperamentum actionum omnium.

L. III. P. VIII. fol. 115. „Confucius ait: Prudentia assecutus quidpiam, nisi *virtute interiori* valeas idem conservare, licet forte adeptus sis, procul dubio amittes. Prudentia quidpiam assecutus, & virtute interiori valens conservare; nisi quoque adhibeas morum gravitatem & *auctoritatem* ad recte gubernandum: tum subditi non te verebuntur. Prudentia quidpiam assecutus, & virtute interiori valens conservare, exteriorem item morum gravitatem & auctoritatem adhibens ad recte gubernandum; nisi moveris subditos *convenienti ac debito modo*: nondum perfecta res est.,

§. 88.

Virtutes  
sex Cardinales & ea-

Ultimam aliquoties partem commendat, eidemque tantum tribuit, ut virtutes

tutes sine illa omnes vitiari arbitretur. rum temperamen-

Locus est L. III. P. IX. fol. 127. ejus initium jam ante allegavimus §. 79. Ibi ita Philosophus: „Discipule mei Yeu! Num tu audivisti aliquando *sex virtutum* magis illustrium nomina? *Sex* item *vitiantia*, seu obscurantia ipsas virtutes? Discipulus assurgens respondit: nondum audiui. Tu ergo hic paulisper consiste, inquit *Confucius*, quoad ego exponam Tibi. Qui gaudet amplissimo *Amor* *charitatis* sinu complecti omnes, & de nullo non mereri bene, nec gaudet intelligere: *universa* rim discere, quis esse debeat charitatis istius usus, & modus: hominis hujusmodi vitium, in quod scil. ipsa virtus degenerabit, erit Ruditas cæcitasque, dum scil. cæco impetu benevolentiae, ceu vento incitatus, sine judicio vel modo beneficia delaturus sit. Qui gaudet prudentia seu *veris perspicientia*; nec gaudet interim discere & indagare, & consulere: hominis hujusmodi vitium erit perpetua quædam ambiguitas & incertitudo fluctuantis animi. Qui gaudet *Veracitas*; *fide*, seu dictorum conventorumque constantia & veritate; nec gaudet interim discere, tempus & modum scilicet: hominis hujusmodi vitium erit crebra & gravis offensio, cum damno vel suo vel aliorum. Qui gaudet rectitudine &

**Candor:** *candore*, dolos autem & ambages & quicquid fictum est ac simulatum odit; nec gaudet interim discere, quis hic quoque modus servari debeat; hominis hujuscemodi vitium erunt angustiae coarctati animi, & trixæ perquam difficiles, in quas cum nimis candidum, & dissimulare nescium, tum simplicitas sua, tum fraus aliena conjiciet. Qui gaudet *generose ac fortiter* quidlibet agere & pati; nec gaudet interim discere, quis virtutis hujus sit usus ac modus; hominis hujuscemodi vitium erit, Reipublicæ perturbatio & rebellio. Qui gaudet adamantino quodam robore animi atque *constantia*; nec gaudet interim discere, ubi, quando, quomodo, quanta cum moderatione sit adhibenda; hominis hujuscemodi vitium erit stultitia & amentia.,,

f. 89.

**Emendatio Viuorum:** De Virtutibus & earundem Cultura diximus hucusque: de *vitiorum emendatione* tribus quasi verbis attingam philosophi sententias.

L. III. P. VIII. fol. 115, inquit Confucius; „*Peccare, nec emendare, hoc ipsum dicitur peccare.*„ L. III. P. VI. fol. 72. cum audiret, dolere discipulum, quod Masicam ejus arma resonantem improbaverit, eoque ut toto die edulium non admiserit, hoc illum verba com-

men-



mendat; „qui peccavit, sed quod peccatum est, vult protinus emendare, is progressum fecit haud poenitendum,, Idem præceptum L. III. P. V. fol. 59. occurrit: „Peccasti? ergo ne dubites aut verearis \* emendare, quod peccatum est., Insigne illud elogium est, quo discipulum *Yên Hoëi* Confucius ornat, inter cetera testatus: „*Neque is etiam bis unquam peccabat.*., Simile illi est aliud L. III. P. VII. fol. 104. Præfecti in Regno *Guei*, nomine *Ki Pe Yo*, Cujus legatum Confucius de Domino suo sci. scitatus est. Cum respondisset *Legatus*: „Dominus meus desiderat imprimis emendare & imminuere peccata sua, sed necdum potest compos votorum fieri;., Eo deinde egresso *Confucius* exclamans ait: „O egregium Ministrum! o egregium Ministrum! qui videlicet tam paucis verbis tam uberes amplasque laudes heri sui complexus est!.,

G 5

§. 90.

\* Erunt fortassis, quibus hoc præceptum magis superfluum & tantum non ridiculum videbitur, quam utile & sapiens; si quis enim agnoverit se peccasse, hoc ipso illum peccari potius, quam emendationis pudore suffusum iri existimant, Ignoverint mihi, quibus ita videbitur: secus sentio. Accidit, ut id emendare pudeat homines, in quo illi se peccare aut peccasse non diffitentur. Si meo hîc nomine philosopharer, facile illius rei ordinem, causas & remedia Lectoribus liceret ostendere: Sed *Sina* hîc sumus, & Sinicam prosequimur doctrinam.

§. 90.

Excusatio  
omissio-  
rum.

Finiam vero aliquando & hanc sectionem, exemplo, si quid iudico, prælustri coronatam. Similia de *ceteris* virtutibus infinita invitus prætereo: sed *promulsi*dem exhibeo, non convivium.



## SECTIO TERTIA SPECIALIS.

DE

### REGIMINE AFFECTUUM.

§. 91.

Ratio Ordinis.

Qui voluntatem inflammato Virtutis amore imbutam, & viriorum odio implacabili obsessam possidet: ille cavendis animi perturbationibus, affectibusque in bonos fines dirigendis par esse creditur a Philosopho. *Ordinis causam* breviter & nerveose reddit *Confucius*; eadem sententia & *necessitatem* virtutis praviæ, & *efficaciam* ejus in reprimendis animi perturbationibus indicans.

L. III. P. IV. fol. 45. „ Vir probus nunquam non æquanimis, tranquillus, ac  
pla-

placidus est. Improbus vero nunquam non turbato & amaro est animo.,

## §. 92.

*Descriptionem* perturbationum animi ideo negligendam non esse arbitror, quod exquisitè consentiat *recentissimis* inter Germanos Philosophiæ Practicæ institutionibus a Celeberrimo Viro Philosopho & Mathematico editis ante quadriennium. *Generale* Viri principium est: Connitendum esse ad perficiendum suum & aliorum hominum statum: Perfectiones in Metaphysicis meditationibus explicat per consensum plurium (sive personarum, sive rerum, sive partium, sive attributorum, sive graduum &c.) ad idem aliquod principium, finem, institutum. &c. Inde generalem omnium inter homines actionum consensum postulat, & siquæ earum alteris repugnent, in vitio dissensum collocat. De Harmonia generali *sententiam Confucii* aliquoties expressam supra quoque exhibuimus §. 77. neque difficile foret, *plura* in eam rem *testimonia* allegare.

Perturbationes Animi repugnant Principio Actionum Generali.

## §. 93.

*Unum* huc pertinet, de perturbationibus animi, quas *in eo* Confucius collocat, *si quis* velit aliis ea, quæ non sunt arbitrii sui & potestatis (ita non consentiunt, vires & voluntas) *aut*, quæ sunt inter sese pugnantia. (Sic altera alteri vol-

Inferunt dissensum.

li-

litio dissentit : ) *Postremum* latius patet, quam communiter advertitur; non licet autem *meo* more philosophari, ubi interpretem aut *compilatorem* ago tantum.

L. III. P. VI. fol. 81. sic lego : „ Tam vero, ut ostendat *animi perturbationem* nihil fere esse aliud, quam velle aliis ea, quæ non sunt arbitrii sui vel potestatis, vel quæ sunt inter se pugnantia, sic ait: Amando quempiam, optare eum vivere; odio habendo quempiam, optare eum mori; imo etiam optato modo ipsius vita, mox rursus optare eundem mori, cum jus vitæ necisque sit penes Cælum: (idemque est de moribus aliis varii & inconstantis animi ) hoc ipsum est obnubilato, perturbatoque esse animo. „

§. 94.

**Affectio-** Eodem sensu *privatas* sæpenumero *af-*  
**nes priva-** *fectiones* redarguit, quatenus adversas pu-  
**ta.** blicis.

Dedimus Imperatoris Yao sententiam §. 61. Discipulum Confucii *Qu Yen* illi conspirantem L. III. P. III. fol. 31. inveni : Laudaturus enim sui, cui præerat, oppidi Virum *Mie min* dictum, „ Est hic vir, inquit, homo perquam serius & rectus, qui per Regiam virtutis viam incedens, nunquam declinat *ad obliquas privatarum affectionum* semitas; Ita-  
quo

que nisi detur publicum negotium, non  
admodum frequens venit etiam ad meas,  
amici tamen sui, ades.,

## §. 95.

Præcipue huc illa cura pertinet, qua *Perfectus*  
*Philosophus consensum affectionum* primo, *Vir ac-*  
tum & actionum, cum statu uniuscujusque *commo-*  
conspirantem postulat; Neque enim opi- *dat Appe-*  
nor, virtuti aut *Reipublica* periculosior *tus & A-*  
*pestis* esse potest illis animorum pertur- *ctiones*  
bationibus, quibus unusquisque alia si- *statui suo.*  
ve optat, sive quærit, quam quibus ipse  
aut agendis aut ferendis aptus natus est.  
Qui unam hanc animi harmoniam per-  
suadere aut infundere posset, magnam  
ille rem, & inter omnes utilissimam præ-  
stituisse censendus esset.

Eleganter L. II. fol. 48. 49., *Perfectus Vir*  
*proratione sui status*, quem hic & nunc  
obtinet, res agit; nec capit quidpiam  
ab hoc suo statu alienum. Si dives est,  
& honoratus, agit ut dives, & honora-  
tus; sic tamen, ut illicitis voluptatibus  
& luxui se non dedat, nec arrogantia  
sua fastuque offendat quenkquam. Si pau-  
per est & ignobilis, agit ut pauper &  
ignobilis: sic tamen, ut nihil Viro gra-  
vi & probò indignum committat. Si  
extra patriam suam sit *alienigena*, agit  
ut alienigena, seu ita se gerit, ut poscit  
status degentis inter extraneos, sui sem-  
per similis. Si versetur in arumnis ac  
la-

laboribus, agit pro ratione status æ-  
 rumnosi, tenax semper magni propositi.  
 Denique perfecto Viro nullus est *vita-  
 status*, quem ingrediatur, ubi non sit  
*sui Dominus*, & sua sorte contentus;  
 adeoque sibi succedat ex sententia. Idem  
 si constitutus in *superiori* loco est &  
*dignitate*, non inclementer tractat in-  
 ferioris ordinis homines, metum iis in-  
 cutiendo; si autem constitutus est in  
*inferiori loco* & dignitate, non adulatur  
 superioribus, favores eorum captans.  
*In hoc totus est*, ut perficiat seipsum, &  
 non requirit quidquam ab aliis: adeo-  
 que nunquam indignatur cuiquam. *Superne*, non conqueritur de Cœlo, quod  
 prospera non conferat, aut eum affli-  
 gat adversis. *Inferne*, non criminatur,  
 nec culpatur homines; quibus adversita-  
 tum aut defectuum suorum causam non  
 tribuit. Nimirum sua semper sorte con-  
 tentus nihil expetit a statu, quem obtinet,  
 alienum. Ideo perfectus Vir commora-  
 tur in *plana* quadam & quieta *Regione*,  
 & æquo animo expectat *unicam Cœli*  
*circa se ordinationem*: Improbus e con-  
 trario præceps ambulat vias periculosas,  
 & per fas ac nefas quærit plane gratui-  
 tam sibi *non debitam sortem* & feli-  
 citatem; quam si obtineat, mere equi-  
 dem fortuito obtinuisse censendus est. ,

## §. 96.

Prolixum sane, sed exquisitum hoc <sup>Momen-</sup>præceptum est, quo tot officiorum <sup>tum ejus</sup>genera ex una animi cum statu nostro, & <sup>præcepti.</sup>actionum cum magno virtutis proposito, concordia deducuntur; Unum etiam eo sufficiens, ut Reip. turbas omnes; ut familiarum mutuo æmulantium, & opes eo facto suas instrumentum, & dissidia publico exitialia eo pabulo nutrientium, ruinas; ut singulorum in audiendis factis supra vires positis, in ambiendis, quibus non sufficiant, negotiis, in exhaustiendis cum publicæ rei detrimento facultatibus, temeritatem coërceat. Utinam ita frequens factum foret, quam utile est consilium!

## §. 97.

*Classes perturbationum communiore* <sup>Perturba-</sup>*quæ* <sup>tionum</sup>*num* <sup>quatuor</sup>*numerant, easdemque omnes* <sup>classes.</sup>*refrænandas esse docent, sic tamen, ut ambigant, an illis ita remotis, ut in actionum motiva non influant, prima illa, quæ homini indita fuerit, innocentia eo facto restauretur? Primum nominant nimium gloriæ appetitum, tam sui complacentiam, iracundiam deinde, & avaritiam.*

L. III. P. VII. fol. 97. Discipulus *Twenhien* instituit quæstionem ejusmodi: „ Si quis immunis esset a *vitiis quatuor* maxime vulgaribus; atque adeo si quis per-

nimum appetitum gloriæ præcellentia-  
que; item per sui complacentiam ja-  
stantiamque; per iracundiam denique;  
cupiditatem habendi *nihil omnino* face-  
ret: posset is, opinor, censerī præditus  
primâ illa, quæ hominī indita fuit, vir-  
tute & innocentia. *Confucius* respon-  
det: non agere quidpiam cum iis, quas  
enumerasti perturbationibus animi,  
potest id quidem censerī *perquam rarum*  
& difficile: Veruntamen *de primævo*  
illo rationis Imperio innocentiaque an  
præditus sit, nec ne, equidem *ego non*  
*scio.* „

## §. 98.

Earum di-  
stributio  
secundum  
ætates.

*Ætatibus* Nostri Philosophi affectus  
adjudicant, eo consilio, ut intelligatur,  
quid præcipue cavendum sit diverso tem-  
pore. *Idem Confucius* institutum tenet:  
Et eodem modo illos partitur; *adolescens*-  
*tibus* voluptatem; *Viris* rixas; *senibus* a-  
varitiam dissuadet. Causas propensio-  
num *a sanguine & spiritibus* non inelegan-  
ter deducit. Ut enim animus corpori  
dominator datus sit; certum est, cum  
sequi typum quasi illum, quem corpo-  
ris constitutio exprimit. *Quæcumque* id  
causâ vel ordine fiat (aliena enim hoc  
loco disquisitio est) fieri illud tamen,  
*experientia* cognoscimus. *Confuciana* igitur  
philosophia *Stahlianæ* Temperamen-  
torum theoria non male consonans hæc  
est:

L. III.



L. III. P. VIII. fol. 119. , Sēſator Vir-  
tutis habet *Tria* ſibi cavenda. *Adole-  
centia* tempore , ſanguine & ſpiritibus  
necdum conſiſtentibus , quod caven-  
dum, eſt res Venerea. Proceſſus ad  
ſuam *maturam aetatem*, ſanguine ſpiriti-  
busque jam corroboratis , quod caveat,  
ſunt rixæ. Proceſſus ad ſuam *ſenectu-  
tem* ſanguine ſpiritibusque jam languen-  
tibus , quod caveat , eſt cupiditas ha-  
bendi.,

## §. 99.

Etiſi vero caveri & *extirpari perturba-* Affectus  
*tiones* Sina poſtulent ; *Affectus* tamen *exui* non etadi-  
*non* volunt , injecto illos freno regi at- candi, ſed  
que ad utilia transferri ſuadent, Ut id regendi  
obtineant feliciter, non ſolum *objecta* o- ſunt.  
ſtendunt, quibus applicari affectus ex-  
pedit, & *modum* quoque determinant,  
ſed & ipſi *affectibus* ad ſtudium virtutis  
commendandum atque perſuadendum  
appoſite *utuntur*. Cum enim loco ſupe-  
rius exhibitio §. 64. ipſas in ſeſe paſſio-  
nes indifferentes eſſe , & ſi rectæ ratio-  
nis dictamen omnes aſſequantur, bonas  
fieri, diſerte pronunciant; unicum id  
ſuperreſt, ut intelligant ſapientia ſtudio-  
ſi, quibus rebus? *quinam?* & *quanti* poſſint  
legitime adhiberi affectus? Inde eſt, quod  
ſollicite admoneant , de quibus rebus  
*gandendum* ſit? de quibus *angi* conveniat?  
quas *timere* oporteat? & ſimilia.

H

L.III.

L. III. P. IX. fol. 119. Confucius ait :

„ Utilia sunt *tria gaudia* : Perniciofa tria gaudia. Gaudere debito usu officiorum musicæque ; gaudere proloqui aliorum recte dicta & facta ; gaudere multorum sapientum amicitia : *utilia* sunt. Gaudere superbiz vanitate ; gaudere otio vitæque licentia ; gaudere epularibus jocis ac voluptatibus ; *perniciosa* sunt gaudia. „ Iterumque eodem loco :

„ *Sapiens* ac probus habet *tres timores*. Timet Cœli mandatum ; timet magnos viros ; timet Sanctorum verba.

*Improbis* ac stultus non agnoscit Cœli mandatum, adeoque nec veretur. Aspernatur magnos viros. Explodit sanctorum verba. „ L. III. P. II. fol. 16.

„ *Noli mœrere* propterea, quod careas publica dignitate. *De hoc* angaris, quod iis careas virtutibus, propter quas eveharis. *Noli mœrere*, quod nemo sit, a quo ipse cognoscaris : *De hoc uno* scil. nobis *elaborandum* est, tales ut simus, qui mereamur cognosci. „ L. III. P. VIII. fol. 14.

„ *Philosophum affligit* impotentia sua : non affligit, ab hominibus nesciri. *Philosophum affligit*, transigi vitam suam, & nomen suum nondum celebrari, aut nihil dignum fama peregisse. „ L. III. P. IV. fol. 36.

„ Virtutem non coluisse studiosius, de optimis scientiis ac disciplinis non differuisse crebrius ; audivisse,   
 quæ

quæ recta & consentanea sunt rationi, nec tamen ad ea valuisse me transferre; denique vitia non valuisse pro voto emendare: *Hac quatuor sunt meus dolor, & iusta moeroris causa.*

§. 100.

*Elegans præcipue illa suasio est, & nostris moribus inconsumpta, qua tristitiam discipulo nimiam Confucius dissuadet. Angeretur ille fratrum causa rebellium & transfugarum, quos proxime perituros esse prælagiebat. Confucius ex occasione, alia quærenti, modum & temperamentum inculcat in moerore servandum Sed vero Condiscipulus ex instituto solatium illi casui applicat. Primo ostendit, mortem atque vitam a Coeli arbitrio pendere; philosophum illi acquiescere. Hoc solidum est, sed consuetum in eo negotio argumentum: Alterum est rarius, & fortasse Sinis tantum non particulare; quo illi modum ostendit, habendi omnes homines pro fratribus. L. III. P. VI. fol. 79. exhibentur utriusque sermones. His verbis:*

*„ Suma Nien cum angeretur fratrum causa, quos proxime jam perituros esse prælagiebat, miserum me! inquit, hominum plerique habent fratres natu majores, & minores natu, & ego unus, uti male suspicor, jam nunc illos non habeo. Cu hia condiscipulus moerentem*

H 2

tem

tem solaturus ait: Ego audiui quandoque Magistrum meum, cum diceret: *Mors & vita habent inviolabilem quandam a Cælo Legem.* Opes item & honores in arbitrio sunt & potestate Cæli, atque adeo neque hæc neque illa arbitrii sunt nostri. Quocirca *verus philosophus unius Cæli arbitrio acquiescens unam rem agit*, nimirum attendit sibi perficiendo, & nihil amittit negligite, quod in hunc finem usui esse possit. Cum aliis vero cujuscunque sint ætatis & ordinis hominibus, observantiam benevolentiamque exercet: Veruntamen sic, ut suis temperata sint ritibus officiisque omnia. Porro qui de se, deque aliis sic mereatur, ei, *quotquot existunt homines quatuor maria intra*, (id est, in orbe universo, Sinica quidem locutione;) *omnes sunt maiores nata fratres vel minores, ex uno quasi sinu ejusdem matris effusi.* Philosophus ergo, quorsum angatur, quod nullos habeat fratres? ,

## §. 101.

Era Ma-  
gistro.

Dedimus verba discipuli, *Magistri dictum* ut generale adversus immodicum metum, & tristitiam inordinatam omnem, *remedium* commendare licet.

Eodem loco, discipulus hic *Su ma Nien* percontatus de Viro probo, hoc responsum fert a Confucio. „Vir probus nec tristatur, nec timet, quemadmodum Tu facis

facis, qui propter fratres rebelles & transfugas te conficis immodico metu ac mœrore. „ Excipit discipulus: „ Nunc igitur, qui nec tristatur nec timet, *hoc ipso* dicetur vir probus. „ Equidem id Magister non dixerat; neque reciprocam propositionem esse, indicaverat? de cotamen nihil ipse monet, sed in præcepto pergit, & asserti sui, quod Vir probus neque tristetur, nec metuat immodice, causam allegat verbis ad §. 57. exhibitis, quæ cum brevia sint, & præstantia, eodem libro bis scribi, & sæpe legi merentur. Accipe illa, & perpende: „ Interiora animi discutiens severo examine, nec inveniens tamen quidpiam vel erroris vel culpæ, cuius eum pœniteat, pudeatve, sic prorsus, ut *nihil* egerit rerum, quod *non vulgari* possit *inter homines*, nullam voverit animo *cogitationem*, cuius nolit *conscium* esse Cælum, ejusmodi Vir, inquam, quorsum obsecro tristetur? quorsum timeat? „

## §. 102.

Illud autem in hac tertia sectione præcipuum arbitror, quod *affectus* ipsos *adhibere* soleant Sinensium sapientes *ad virtutum studia* hominibus commendanda. Illustre specimen est in *Musica Sinensi*: Cujus adeo typum enarrare non abs re fuerit. *Institutum* Musicæ *Morale* fuit, & virtuti, non voluptati destinatum. Ex-

Ufus Affectuum ad Virtutem exemplo Musicæ.

ternus vocum concentus Umbram referebat doctrinæ, atque illius in animo harmoniæ, quam Carmina cantu comprehensa præcipiebant. Si quid *ex nostris institutis* simile est Sinarum Musicæ, *cantiones* nostras eo loco habebimus, *sacras* illas, eodemque effectû, si dextre adhibeantur, commendabiles. Inde est, quod ipsum etiam concentum laudat.

L. III. P. IV. fol. 48. „*Tacentes ac reponentes humi erigimur quodammodo per Odarum librum. Erecti consistimus, in omni vita decorum constantiamque servantes, per Officiorum Libros (Ritus illi & Ceremonias complectuntur:)* „*Ad extremum perficimur per Musicam, illam scilicet, quæ ipsas voluntates nostras doctrina sua harmonica demulcet.*„

§. 103.

Moralis  
scil.

Sed *carminis* tamen *contenta* suavitati sonorum anteposit; nempe vehiculum esse voluit concentum, non objectum principale.

L. III. P. II. fol. 12. „*Musica plurimum delectabatur philosophus, non quidem adeo propter suavitatem, quæ mulcebat aures, quam propter utilitates, quas summi pariter infimique ex illa percipiebant, quotiescunque præscorum more instituebatur; sic prorsus, ut quandoque Regni totius innovatio quædam morumque singularis emendatio sequeretur.*„

tur,„

tur. „L. III. P. VIII. fol. 127. *Odorum* praesidio possumus *sociales* evadere, & affabiles & jucundi. Ut enim *Musica* sonos apte temperat : sic & *Poesis* ista motus & appetitus nostros.,

hocque *aliam ab alia Musicam* solícite distinguit.

L. III. P. VIII. fol. 113. „*Musica* ea sit, quæ *Xao* dicitur cum choris tripudiantium. Missas facito Regni *Chim* cantiones : procul amanda loquaces : Regni *Chim* cantiones turpes, loquaces, periculosæ., & P. IX. fol. 129. „Odi *Musicam* Regni *Chim* ; perturbat enim & deliciis enervat priscorum eam, quæ *Ta* dicitur, *musicam*, *verecundiæ*, *modestiz*, *gravitatis* *Magistram*.,

Distinguit etiam *alios ab aliis Auditores*.

Ita enim L. III. P. II. fol. 2. monet ; „*Homini* non probo, qui, inquam, vera solidaque virtute non sit instructus, cui tandem sint usui ritus, ceremoniæ, officiaque exteriora ? Rursus, homini non probo, cui tandem sit usui harmonia concentusque *Musicus* ? Etenim cum ab ipso animo virtutibus imbuto, seu radice sua profluere debeant officia ritusque omnes ; si quidem non adsit animus huiusmodi, profecto inane quoddam humanitatis simulachrum merumque mendacium ritus omnes officiaque erunt. Rursus, cum necesse sit animum virtutis

expertem variis concuti motibus, assidueque perturbari, inutilis profecto in tanta motuum interiorum discordia, concordia omnis instrumentorum vocumque erit.,,

§. 104.

Unde tanta ejus dignatio?

Mirum videri posset, *tantam* Musices dignationem fuisse apud Philosophum, ut *aquivaleant locutiones*, \* sive Musicam concidisse, sive regnum pessundari dicat :

L. III. P. IX. fol. 138. 139. sunt querelæ ejusmodi : „ Magnus Magister Musices, cui *Chi* nomen, migravit in Regnum *Gi*, qui secundæ mensæ, seu refectionis Regiæ Musicam regebat, *Cannomine*, migravit in regnum *Cu*; &c.

Sed vero *Ode* & *Carmina* musico inculcata concentu ea erant, ut de iis liceret asserere:

L. III.

- Ne absurda isthæc & somniantis Philosophi dicta arbitrentur Lectores, dicam, ut mihi videatur? Suppono gentem, quæ publicis ad virtutem populo persuadendam concionibus destituatur, quæ solo Imperantium exemplo & decretis regatur politicis, in qua tamen virtutis præcepta ab antiquis fuerint relata in odas, eademque Musices beneficio vulgata in populo, cum fere in modum, quo sacræ religionis mysteria cantionibus vulgari, inculcarique & familiaria hominibus reddi solent. Supposito hoc ordine intelligitur cum musica stare & concidere morum præcepta & notitiam, cum notitia fugere exercitationem, ruere instituta publica, & dissolvi vincula reipublicæ.



L. III. P. IX. fol. 127. 128. „*In Odis* velut in speculo possumus contemplari, quid nos maxime deceat? quid rursus dedeceat? hæc autem contemplando *per-moveri* salubriter. Eædem nos docent, quo pacto *domi* serviamus patri; absentes vero & procul a *domo* serviamus & Principi. Quisquis non exercitat sese in primis odarum capitibus *Chen nan* & *Chao nam*, hic similis est homini directæ ad parietem facie consistentis, id est, *in-utis* ad omnia, utpote, qui nec uno passu queat progredi, nec quicquam rerum contemplari.,

§. 105.

Jucundum est, quod L. III. P. II. fol. 10. legitur de *Epithalamio* Regis *Ven vum*, & hoc ipso, quem modo recitavimus loco intenditur. Duobus enim primis odarum Capitibus continetur *Epithalamium* illud Regis, & laudes utriusque Conjugis, quod primum quidem de suo ipsorum animo excolendo sapienter laboraverint: tum de familia recte instituenda; ac denique de Regni totius ad Septentrionem siti administratione, cujus præclaram normam ad Australia inde Regna traduxerint. Testimonium de festo, Carmine & Musica nuptiali adeo decorum est, & virtutis plenum, ut nostris Templorum consecrationibus pro exemplo esse possit, non nuptiis solum.

H 5

Fi-

Specimen  
talis Musi-  
cz in Epi-  
thalamio  
Regis *Ven  
vum*.

*Finiamus* hanc partem eo affectuum musica moderandorum, domandorumque specimine.

L. III. P. II. fol. 10. „ Confucius ait : Car-  
men Epithalamium *Quanciu* dictum,  
*latum* quidem est, ac festivum, & non  
obscœnum : *Mœstum* est, quatenus ex-  
primit amantis desiderium, variosque af-  
fectus animi ; *non tamen* est ejusmodi,  
quod afficiat quenquam vehementius ac  
perturbet. Diu erat, quod Virginem,  
cui *Tai su* nomen, eximiis naturæ do-  
tibus ac virtutibus ornatam Rex *Ven-*  
*vam* in uxorem sibi expetierat. Et *ar-*  
*debat* ille quidem amore desiderioque  
virginis : Veruntamen *sic* ardebat, ut  
nihil ageret, vel diceret, philosopho Re-  
ge indignum. Ubi vero *nuptiarum dies*  
tandem adfuit ; quamvis *aula* festo Con-  
centu Musicorum *tota* resonaret : adeo  
tamen *nihil* audiebatur, quod verecun-  
das aures offenderet ; ut *e contrario* pe-  
tulantiores motus animi coërcerent exi-  
mia, quæ carminibus illis continebantur,  
documenta. „

Non hic opus est de usu hujus Exempli  
admonere. Quicumque illud nostris con-  
tulerit moribus : facile causam divina-  
verit, quare illud hoc loco nequaquam  
omitti posse aut debere censuerim.

## SECTIO QUARTA SPECIALIS.

DE

# COMPOSITIONE ACTIONUM EXTERNARUM.

§. 106.

**I**nternam animi compositionem vidimus, præcipuam illam & difficiliorem, testimonio discipulorum Confucii: *Inde gradum ad externa facimus, eorundem more.* Personam suam, aut *corpus suum* ad honesti decorique rationes *componere* appellant, si quis in actionibus externis omnibus virtutem sequatur, intendat, augeat, & factis quasi suis edoceat, & persuadeat. Legitimus hic *transitus* est, a privatis atque internis animi virtutibus ad publicas atque ad Regimen aliorum applicatas: Neque enim *interna* animi re-  
 ctitudine, nisi *ipsis nobis* prosumus; si præire viam *aliis* oporteat, *externis* id actionibus fieri debet; sed iis tamen, quæ ex intima cordis sinceritate scaturiant.

riant. Ita ordine sibi officia succedunt; quod præ manibus est præceptum de conversatione & consuetudine cum hominibus, antecedanea sui *fundamenta* in prioribus habet; *finis* suos in sequentibus nanciscitur.

## §. 107.

Institu-  
tum Se-  
ctionis.

Plurima hoc loco congeri possent, est enim hæc sectio e prolixioribus: sed *selecta*, dabimus aliqua; & ea præcipue, quæ nostris quidem aliquando Compendiis moralibus inseri aut diduci non solent, et si præ aliis necessaria, & utilia sint, neque incognita docentibus. Dabimus primum aliqua de externo corporis habitu, & morum compositione, tum de sermone, de amicitia, de dispensandis opibus, de fama & similibus pauca superaddam.

## §. 108.

Virtutes  
exteriores  
sele mu-  
tuo tem-  
perantes.

Generatim Philosophus *Naturalem* simul aliquam *dispositionem* postulat ad ornatum quoque & compositionem exteriorem, & *Culturam* ejus temperatam: *Illam* ut simplicitati consulat morum, & affectationem præcludat; *hanc*, ut simplicitatem a ruditate secernat. *Semper* enim *duo* sibi subordinat aut adjungit. officiositatem gravitate adstringit; severitatem temperat comitate. Auctoritatem postulat, sed lenit quoque animi facilitate: familiaritatem a contemptu præ-

præservat mutua familiarium observantia. Ardori reprimendo iudicii maturitatem: cunctabundæ prudentiæ opponit occasionum captandarum necessitatem. Docet id tum exemplo suo, tum præceptis. L. III. P. IV. fol. 45. utrumque conjungitur. Discipuli enim & Magistri exemplum prædicant, & effatum repetunt.

„*Confucius*, inquiunt, blandus erat, comis, affabilis; & tamen idem venerandus & compositus. Gravis erat ac severus, ubi res postulabat; idem tamen haudquam morosus, asper, truculentus. Officiosus, observans aliorum, & reverens: sic tamen, ut per quam temperate, suaviter, ac citra molestiam ac fastidium. „*Verba Magistri* illa referunt: „Comis & officiosus est quispiam; at sine debito modo ac mensura: utique fatigabit se gratis, nec raro cum molestia fastidioque aliorum. In negotiis tractandis consideratus est ac sollicitus: at sine debita moderatione, utique erit perplexus, & qui ad singula quæque hereat, ac trepidet. Fortis est quispiam, & strenuus: at sine prudentiæ moderatione, ac freno, sic ut res quas vis temere aggrediatur; is utique perturbator erit rei domesticæ ac publicæ. Denique rectus est quis ac justus; at sine modo & discretione, nihil valens dissimulare: talis utique sepe an-

pe angetur animo, seque ipsum irretiet  
periculis ac molestiis.,,

§. 109.

Conjun-  
ctio Natu-  
ræ & Cul-  
turæ, ad-  
versus  
Rudica-  
torem &  
Ostenta-  
tionem.

*Necessitatem præceptorum*, naturali indo-  
li accedentium, philosophus inde repe-  
tit, quod alioquin rudis & rustica futu-  
ra sit exterior hominis compositio: *In-  
dolem naturalem* ideo præsupponit præce-  
ptis, ut ne affectatio e factis eluceat.  
Scopulum enim existimat, si quid du-  
rum, coactum, affectatum, male col-  
locatum in actionibus deprehendatur;  
& ostentationem id interpretatur virtu-  
tis, ipsi quam maxime virtuti damno-  
sam.

L. III. P. III. fol. 32. inquit Philosophus:  
„Si simplex naturæ idoles excedit exte-  
riorem ornatum & compositionem, id  
est, si *natura* sibi prorsus *relieta* est, ni-  
hilque vel subsidii vel ornamenti accepe-  
rit ab arte vel cultura, tum illa procul du-  
bio rude quiderit, rusticumque & agre-  
ste. Contra si ars, seu verius *ornatus*  
ille cultusque *exterior excedit naturalem*  
illam simplicitatem; tum affectatum ne-  
scio quid, mere politicum, & mere con-  
cinnulum existet. At vero si *interiori*  
naturæ simplicitati & candori *exterior*  
ille cultus & ornatus ita *societur*, ut ci-  
tra excessum alterutrius vel defectum si-  
bi mutuo grata cum diversitate, sed &  
iusta cum proportionem respondeant. Tum  
demum

demum verus existet *Kiun çu*, existet, inquam, illustre quiddam & numeris suis absolutum, Viri scil. gravis ac politi pulcerrima sane species; sicut & pulcerrimam solet efficere in ipso corpore apta figura membrorum cum suavitate quadam coloris conjuncta., Alter, contra ostentationem, locus e pluribus similibus hic esto L. III. P. ultima fol. 143.

„*Çem çuait*: quam magnifice gravis est totius oris corporisque habitus amici mei *Çu cham*; sed vel ideo perquam difficile est una cum illo exercitare internam solidamque virtutem, sic ut vel ipse ex aliis, vel alii vicissim ex ipso proficiant: quid enim adjumenti mutui ad interiorum animi cultum speretur, quando magis videtur laborari de ostentatione quadam virtutis, quam de virtute ipsa.,

§. 110.

*Tria* cognovi antiquorum philosophorum genera, præ ceteris singularia: singula his dictis redargui, & in viam reduci possunt. qui cultum & humanitatem omnem negligunt, naturalibus saltim instinctibus regi soliti, ab antiquis *Cynici* appellati sunt, *Diogene* auctore nomen a mordacitate, vel moribus nacti. Qui virtutis gloriam in ostentatione collocarunt, & magnificis sententiis, agendi etiam ratione a ceteris mortalibus, quasi longe infra se positis, ipsi sese discernentes,

Comparatio Confucii cum Cynicis, Stoicis, Aristippo.

nentes, *Stoici* fuerunt, splendore magis, quam atdore virtutum clari. Terti, qui cum *Aristippo* & similibus comtuli & crispati, in externo corporis habitu & ornatu nimii, moribus ad assentationem compositis, amores potius, quam Philosophiam profiteri visi sunt. Arbitror *Confucium* media hic *via* ingredi, & cultum, sed temperatum; concedere simul & præcipere; virtutis speciem & apparentiam postulare, sed neque quæsitam minis, neque incrustatam solum, aut fucatam.

## §. III.

Confucius  
de Cultu  
Externo  
judicat  
diversi-  
mode.

Utrunque autem in commendando cultu etiam externo multus fuerit, *dupliciter* tamen de observato illius neglectu pronunciaſſe legitur: *Aliquando Diogenem* ejusmodi *Sinicum*, hominem incultis moribus, sed virtutis non expertem, adversus discipulorum suorum accusationes defendit; *aliquando* alium vitiis immersum, etiam ob neglectum in externis gestibus & morum elegantia cultum graviter reprehendit. Utrumque locum exhibeo, quia *morem* simul indicant *Sinicum*, quo id indecens habetur, *disco- operto capite* salutare hospitem, aut *decussatis cruribus* sedere.

L. III. P. III. fol. 26. 27. *Cu sam pé çu* illud a Confucio per discipulos quæſito testimonium accipit, „Potest & ipse Magistr-



gistratum gerere; Vir enim moderatus est, nec qui minutiis intentus majora negligat. Ea occasione retensent interpretes, fuisse illum Virum tantum aut sui, aut gravitatis Sinicæ contemptorem, ut laceris incessest vestibus, sine pileo, adeo non erubescens paupertatem suam, ut palam illam ostentaverit. *Confacins* visendi gratia adibat hominem: Ille autem, *discooperto*, ut erat, *capite* hospitum excepit. Indignantibus Confucii discipulis, quod neglecto ritu operi capitis hospitem salutasset, „quorsum, inquit, o Magister adis hominem usque adeo agrestem & rusticum? Ad quos Philosophus; „Placet mihi recti hominis simplicitas; rusticitas utique non placet. At huic ego mederi pervelim.„ Sed vero *aliud* iudicium est L. III. P. VII, fol. 110, 111. ubi *Xuen-jam*, inconditis corruptisque moribus homo, sectator philosophiæ *Lao Kiun decussatis* sedens *cruribus* Confucium sibi notum expectabat. „Ille igitur agrestes hominis mores aliaque totius vitæ vitia animo damnans sic ait: Olim quidem *in* adolescens cum esses, non fuisti submisso animo & observans natu majorum; *Grandior factus* nihil habuisti virtutis & laudis, quod prædicaretur: *Senior jam*, nisi moriaris ocius, hoc enim vero erit esse damno quam plurimis pravo exemplo

& moribus. Hoc dicto, *scipione* leviter percussit ipsius *crura*, sic quoque debita gravitatis ac decori moniturus agrestem hominem.,

§. 112.

De sermo-  
ne factis  
confir-  
mando.

Sunt illa ejusmodi, ut *pro gentium moribus* admittant latitudinem: sed vero reliqua conversationis inter homines necessariae praecepta strictiorem sui observantiam postulare omnibus videbuntur. De *Sermone* instituendo, temperando, judicando elegantia praecipit, quibus facile nostras de sermone naturali, de falso loquio, restrictione mentali, & ambiguitatibus theorias commutavero. *Principale* hoc est *officium*, respondere operibus verba, verbis opera.

L. III. P. VII. fol. 104. „Sapiens erubescit sua ipsius verba, si quando vincant, seu excedant sua ipsius facta., L. II. fol. 48. „Vir perfectus in quotidianis quoque sermonibus circumspectus est, & si quid fuerit, in quo deficiat, adeoque non expleverit officium suum, tum non audet non sibi vim facere, ut tandem id expleat. Si ei nimia suppetat verborum copia, non item audet totam effundere; adeoque severus suimet censor hoc agit, ut verba respondeant operibus, & opera respondeant verbis.,

§. 113.

Motiva  
Taciturni-  
tatis.

Ex illo etiam fonte *taciturnitatis studium*  
Phi-

Philosophus commendat, & parcum esse sermonem præcipit. Posset aliquis vereri, ut *multos* id præceptum *homines* redderet, si injungeretur severius; sed vero inter virtutis studiosos, neque multus requiritur sermo, neque nullus subsisteret. *Longe petitus* est facti *exemplum*, namque & Confucius, sua jam ætate, de priscis loquitur: neque tamen eo minus commendabile est, & æmulatione dignum.

„*Prisci*, inquit Philosophus L. III. P. II. fol. 17. sermonem non proferebant, nisi raro & perparce: Pudore quodam suo impediti scil. quod intelligerent *se rebus* factisque propriis *nondum* pertingere, quo pertingebant *sermone*.„

Placet hoc motivum omnino præstans, & cohibendis vaniloquorum hominum gloriationibus appositum. Nostris tamen moribus atque ingeniis accommodatius est alterum, L. III. P. III. fol. 19. quo *effectus loquacitatis* molestiores indicat.

„Obtruere & opprimere alios garruli oris promptitudine, plerumque indignationem movet, odiumque apud homines.„

Fortasse *illud efficax* foret haud paucis *argumentum*, si exemplum Confucii Nostrates aliqui sequerentur; quo *fratris filiam* discipulo elocavit, præmium studii in sermone prudenter temperando collocati.

L. III. P. VI. fol. 70. ita lego: „Discipulus *Nān-yum* quotidie iterum ac tertio repetebat odam *Pe quei* dictam, qua tum alia documenta, tum ea potissimum continentur, quæ *prudenter* ac *considerate loqui* nos docent: Confucius *obeam rem* sui fratris natu majoris filiam in uxorem ei tradidit.”

Neque desunt *argumenta* nostris *consuetis*; Ejusmodi est, sermonem esse irrevocabilem, esse ad demonstrandam virtutem adeo insufficientem, ut grandiloquentia; garrulitas, facundiæque affectatio prodant animum virtute vacuum, & quæ sunt similia.

L. III. P. VI. fol. 80. 81. ita inconsideratum condiscipuli sui sermonem redarguit *Cu cum*: „O quam deplorandus est tuus ille sermo judiciumque de Viro sapiente! Sermo quidem talis, ubi semel temere ab ore prolapsus est, etiam *trahentibus quatuor equis*, non tamen redibit ad linguam, seu jam est irrevocabilis.” Eadem P. VI. fol. 73. Confucius ait: „Discurrat quispiam, ac disputet de rebus optimis, nec copiose modo, sed etiam solidis firmissimisque rationibus, sic ut talis habeatur ab audientibus, qualem sonat ipsa oratio; an hic illico habendus erit vir virtutis solidæ, an fucatus & fictus? „Eodem Libro P. VII. fol. 103, quæstionem ita decidit:

„Quo-

*De compositione actionum externarum.* 133

„Quotiescunque hominis cujusdam sermones non imbuuntur *verecundia* quadam seu modestia & moderatione; sed cum temeritate jactantiaque proferuntur: Tunc rebus factisque explorare illos perquam difficile est. Nactus ergo loquentem *grandia*, quid is agat, observa; memor, inopiam factorum cum verborum copia non raro conjungi., Et P. IX. fol. 129. inquit: „affectati sermonis & facundiz, nec non blandiusculi oris homines, *pauci* veræ virtutis sunt.,

§. 114.

Cetera de sermone præcepta huc ferre redeunt: In sermone etiam familiari non ostentandam esse prudentiam privatam, sed cum ad virtutem dirigendum esse.

Miscellanea de Ser-mone præcepta.

L. III. P. VIII. fol. 114. „Plures simul commorantes per totum diem, si in colloquiis inter se non attingant *virtutem*, sed gaudeant proferre in medium privatam prudentiam: o quantum laborabunt!, *perdere illum verba*, qui cum indigno loquatur; *perdere hominem*, qui cum digno non loquatur.

L. III. P. VIII. fol. 112. „*Dignus* est quispiam, quicum instituas sermonem, & tamen si cum eo non instituis sermonem: *perdis hominem*. *Indignus* est quispiam, quicum instituas sermonem, & tamen si cum eo instituis: *perdis verba*. Prudens nec perdit hominem. nec perdit verba.,

respiciendum esse, & quis dicat? & quid dicatur? eleganti formula.

L. III. P. VIII. fol. 114. „Sapiens, nec ob sermonem evehit hominem: Nec ob hominem, qualiscunque is sit, aspernatur ac negligit sermonem.,,

In *Regnopacato* sermonem esse posse fidem & fortem; in *turbato* & agro circumspexit ac submissionis plenum.

L. III. P. VII. fol. 98. „Si in regno quopiam *viget Lex* auctoritasque boni Principis: fidenter fortiterque loquere; fidenter fortiterque age. In Regno si *jacent Leges* auctoritasque Principis: tunc nihilominus fidenter quidem fortiterque *agendum* est; attamen *sermone* solito plus facilitatis ac submissionis habeant, ne alioquin agri corporis morbum exasperes potius, quam ei medearis.,,

Denique sufficere, ut nudam veritatem sine quaeritis floribus & fuce quis enunciet.

L. III. P. VIII. fol. 115. „Verba percipiantur, & hoc sufficiat.,,

#### §. 115.

De Amicitia Epicuri & Confucii collati.

Sermoni *amicitiam* subjungimus. Inter *Veteres* quidem philosophos *nastratos* pauca de colendis amicis praecepta exstant, *Epicureis* praecipue philosophis debita, quorum id ante ceteros eximium fuit, officia amicis praestanda non praecipere solum, sed omnino exhibere. Plurima sunt in eam partem documenta veteris historiae: Egregium est *Ciceronis* testimonium,

nium, \* quo sententiam exhibet *Epicuri*, quod omnium rerum, quas ad bene beateque vivendum sapientia comparaverit, nihil sit majus amicitia, nihil uberius, nihil jucundius; quod testatur, non oratione solum, sed vel maxime *vita & factis & moribus* id comprobasse *Epicurum*, adeo quidem, ut, cum in omni antiquitate vix *tria* amicorum *paria* inveniantur, ut ad *Orestem* pervenias, profectus a *Theseo*; *Epicurus* in una domo & ea quidem angusta, magnos, magna-que amoris conspiratione consentientes tenuerit amicorum greges, idemque fiat etiam nunc ab *Epicureis*. *Confucius* tamen & hoc loco *altius* sapuisse videbitur, cum non parandæ saltem jucunditati vitæ, aut voluptati, etiam illi, quæ animum oblectat, sine corporis illecebris, sed omnino virtuti acquirendæ & augendæ universam de Amicitia philosophiam subordinavit.

§. 116.

Alios igitur *utiles* amicos prædicat Philosophus, alios *perniciosos* dissuadet.

L. III. P. VIII. fol. 119. „*Utiles sunt tres amici: Perniciosi tres item amici. Amicus rectus, amicus fidelis; amicus multa audiens: utiles sunt. Amicus exterius solum compositus & gravis; ami-*

Amici utiles qui?  
quomodo?  
& quo fine parandi?

I 4

cus

eus blandus ac mollis; amicus loquax & garrulus: perniciosi sunt.,,

*Parandos per virtutis studia; adhibendos ad virtutis mutua augmenta:*

L. III. P. VI. fol. 88. inquit discipulus *Cem*  
*en.* Sapientes per literarum artiumque liberalium studia & exercitationes, fitas potissimum in exemplis, institutis, monumentisque priscorum Sapientum, sibi conciliant & associant amicos; per ipsos vero amicos mutuo sese adjuvant ad omnem virtutem & perfectionem animi.,,

## §. 117.

Non contrahenda  
 cum deterioribus  
 amicitia.

Ut id obtinere liceat securius, deligi in amicos vult *meliores* nobis, saltem non peiores; ne damno sint nobis, non usui. *Indignas* nimirum illos arbitrantur, qui nec nobis possint, nec sibi velint esse utiles. Atque *ita* prius ab absurditate præceptum liberant, ne impossibiles amicitias esse cavillettur quispiam, si nonnisi melioribus accedere liceat, neque enim uterque est melior. *Positiva* locutio est magis, quam comparativa: cum bonis amicitiam commendans, cum malis interdicens. Tum vero *ad amicitiam illa & familiaritatem* pertinet, non ad qualemcunque cum hominibus consuetudinem, ut modo intelligetur.

L. III. P. I. fol. 6. Confucius inquit: „Ne contrahas amicitiam aut familiaritatem cum quopiam, qui sit deterior, quam



sis tu ipse; quippe damno tibi futuram,  
non ului. Imo quos Te meliores esse  
Viros cognoveris, hos sectare, his jun-  
gere.,, L. III. P. X. fol. 140. *Cum* his  
sic præcipit, & priorem sententiam in-  
terpretatur nobis.,, *Cum* his, qui digni  
sunt amicitia, quia scilicet recti sunt, sin-  
ceri, amantes discere, & tales vicissim,  
a quibus ipse discas, conjungere quam  
volueris ætissimo amicitia vinculo. *Eos*  
vero, qui non sunt digni illa, quod nec  
Tibi possint, nec sibi velint esse utiles,  
procul abs te remove.,,

## §. 118.

Excipit *Cum* *etiam* loco allegato, & po-  
stulat, ut vir sapiens studiose *cola sapien-* Imbecil-  
*tes*, & amplissimo quodam charitatis si-  
nu admittat reliquos omnes, & benigne-  
complectatur: ut exornet atque extol-  
lat eos, qui egregiis sunt instructi doti-  
bus, & miscratur imbecilles, quos jacen-  
tes erigat, & consilio ac opibus sustentet  
& roboret: *Recte* illa ex sententia Con-  
fucii. Sed *nimis* est ex antecedenti il-  
latio.

„Qualescunque ergo alii sint, & qualiscun-  
que sim ego ipse, *neminem* unquam ve-  
lim repellere. Ego forte sum magnus  
aliquis sapiens? De hominibus ecquis  
erit, quem non admittam & comple-  
ctar? Ego contra non sum unus de sa-  
pientibus, sed e vulgo homo rudis &

tenuis? tunc certe alii facile nec injuria repulsuri sunt me & neglecturi: quorsum igitur illa repulsio mea aliorum hominum? qua fronte, qui ipse despiciabilis sim, despiciatui quemquam habeam?

Ex doctri-  
na discipu-  
li *ſu hia.*

Itaque respondet discipulus *Cu hia*, & alios ad minora valere dicit, alios ad majora; illos non postulat negligi, sed nec anteponi, nec æquiparari majoribus. Exemplum est ab agricultura & Imperio sumtum, *cujus ego hunc finem* arbitror, ut intelligatur ad consuetudinem ordinariam admitti etiam viliores posse, ad sublimiorem, familiariorem, & interiorem sapientes expeti & quæri debere. Est hic *orientis genius*, enunciare sententiam similibus, in quibus haud raro divinationis locus est. Dabo igitur verba, ut se mutuo consequuntur.

„*Cu hia* discipulus ait: Quamvis exilis ars atque ratio ad res maxime vulgares & exiles, v. g. agriculturam & exercitationes mechanicas accommodata, omnino tamen habet spectabile quid, & dignum, quod oberves & discas. At si extendere volueris eandem deinde exilitatem, & accommodare ad res sublimes & remotas a vulgo, e. g. administrationem Imperii, familiarque Regiæ; vereor, ne tunc protinus in luto hæreas, nec quicquam proficias. quocirca vir sapiens, idem-  
que

que gerendæ Reip. jam admotus non tractat res hujusmodi.,

§. 119.

Esse illam & *Confucii mentem* diversis Consen-  
e locis intelligitur. *Postulat*, ut bonis siente Ma-  
cohabitemus, etsi paucioribus, & omni- gistro.  
no barbaris quoque; *vult* ut commer-  
cia malorum, etiam si potentum, sed  
cum prudentia tamen, evitemus; *vult*,  
ut sapientibus adjungamur, eosdemque  
imitemur: *Iterum* tamen ostendit, *quo-*  
*modo* versandum sit cum bonis & malis;  
*quomodo* cum imbecillibus; *quomodo* cum  
peccantibus; *quomodo* agendum cum iis,  
quos incorrigibiles experimur?

L. III. P. VIII. fol. 120. „Contemplare,

*alterius* quod *bonum* sit, tanquam eo  
nondum perveneris: Contemplare *alte-*  
*rius* quod *malum* sit, tanquam si con-  
tingeres bullientem aquam? Ego vidi  
ejusmodi hominem: Ego audiavi ejus-  
modi proverbium., L. III. P. VI. fol.

„*Vir probus & sapiens perficit* verbo &  
opere *aliorum* hominum *virtutes* & lau-  
des, juvando scil. imbecilles, timidos  
ac jacentes erigendo, subdendo calca-  
ria currentibus: nequaquam vero tue-  
tur aut confirmat perditorum hominum  
licentiam & improbitatem. Stulti vero  
improbique viam tenent plane contra-  
riam huic viæ.,

## §. 120.

Officia A-  
micorum  
mutua.

Officia amicorum mutua recenseri il-  
la video; *adjuvare se mutuo in studio vir-*  
*tutis.*

Ejus rei specimina jam allegavimus.  
adeoque *monere errantes*, sine importuni-  
tate tamen, & magna cum fide recta et-  
si libere *monentes* magni habere & *sequia-*  
*lacriter; incorrigibiles* deferere.

L. III. P. VII. fol. 88. *Cu cum* consulit de  
Amicitia, respondet Magister: „Magna  
cum fide & benevolentia commoneto  
peccantem, & comiter affabiliterque di-  
rigit in viam, a qua is aberravit: quod si  
nihil efficere hic potes; tum quidem tu  
desiste prudens, ne alioquin importu-  
nitate Tua ipse tibi sis dedecori.,, L. III.  
P. II. fol. 17. *Cu yen* inquit: qui mi-  
nistrat Regi, si importunus sit, hoc ipso  
probrum sibi accersit: qui item *apud*  
*sodales & amicos* suos *importunus*, hoc  
ipso alienabit ab se animos illorum. Sed  
caveant hic (addit *Interpres Sinicus*) vi-  
cissim Viri Principes, & quicunque amici-  
tias colunt, ne dum monentur paulo li-  
berius, repugnanter id accipiant, audi-  
antque cum molestia, quod tamen cum  
fide benevolentiaque dicitur: Pericu-  
lum est enim, ne *vero amico* protinus  
succedat *blandus*, & fido monitori im-  
probis assentator, qui eosdem non mo-  
do

do ferri sinat precipites, sed ultro quoque in exitium & ruinam propellat. „ adhibere *reverentiam*, neque nimia familiaritate mutuo sibi vilesce, & exuere observantiam :

Elegans est L.III. P. III. fol. 23. in eam rem Confucii testimonium de Praefecto Regni *Çô* ; „ *Tén pîm chûm* omnes explet numeros in colenda cum hominibus amicitia : Est enim amicus *vetus*, & tamen *reverens* : Velut si amicitia foret etiamnum recens. „

*communicare* mutuo *sua*, nec indignari, cum ex usu detrimentum capiant, aut omnino absumantur.

L. III. P. III. fol. 25. Confucius exquirat vota discipulorum : Respondet *Cu lu* : „ Desidero ego currus & equos ; induique bonis ac levibus pelliceis. Et *hac omnia cum* amicis habere *communia* ; eisdem quoque res meas atterentibus longo usu & prorsus absummentibus, tamen neutiquam indignari ; nec id moleste ferro. „

§. 121.

Praecipue fidem Philosophus mutuam <sup>Momen-</sup> postulat ; eandemque obtinere docet, <sup>tum ho-</sup> & ad alia *majora valere*, maxime ad con- <sup>tum Pra-</sup> ciliandos superiorum animos diserte testatur, eleganti gradatione.

L. II. fol. 66. „ Qui constitutus est in inferiori dignitate, si non prius conciliat-  
tum

tum sibi habeat animum Superioris sui, & in suprema dignitate constituti, nequit fieri, ut populus recte ab eo & pacifice gubernetur. Conciliationis autem animi apud superiores & supremos magistratus datur sua quoque ratio & Regula, cui innititur: ut datam scilicet fidem servet amicis suis & æqualibus. Etenim si non ex animo servet quis fidem cum amicis, nec poterit obtinere gratiam, benevolentiam & fidem apud superiores & supremos magistratus: hi enim non dabunt fidem fallenti, quamvis amicus & familiaris sit, qui falsus est. Ut autem quis servet fidem cum amicis, datur & sua regula & ratio quædam: si enim non serio obsecundet quis & obsequatur, adeoque fidem quodammodo fallat, parentibus, hoc ipso nec fidem servabit cum sociis & amicis. Ad obsecundandum vero parentibus datur etiam quædam ratio & regula &c.

*Neque illa consulunt solum Philosophi Sinæ, sed præcipiunt:* Ita enim inter præcepta de pactis servandis, colendaque iustitia, & prudentia præcipit *Yen çhè*:

L. III. P. I. fol. 8. „ Ad amicitias quod attinet ac patrocinia, quibus nitare, eos Viros haudquaquam negligere, quos sua spectata fides ac probitas amore dignos reddidit, quibus adeo possis uti patronis ac defensoribus in omni casu & fortuna. „

§. 122.



L. III. P. IV. fol. 38. „ Divitiæ siquidem possunt *humanis viribus* industriisque obtineri; ad eas obtinendas vel agasorem, si necesse fuerit, ego quoque agerem. Si copiæ & opes non possunt *humanis viribus* industriisque comparari, sed a solo Cælo dependent: sequar scil. ipse, quod amo, & teneor, & possum, lumen, inquam, ductumque rationis a Cælo mihi inditum. „

§. 125.

Præcepta  
Confucii  
sublimia.

Eodem argumento commendat discipulus acquiescentiam in arbitrio Coeli, loco superius exhibito: *Confucius* autem severior est, & *plura* postulat, quam auli fuerunt *philosophi Europæi* omnes. Magnifice de se sentiunt, qui utcunque valent inopiam ferre, ut non incipiant illicitas artes sectari, aut indignari Cælo, & hominibus: Magnifice, qui divitias ita regunt, ut non insultent aliis, aut fas justumque omne conculcent. *Utrumque illud & Confucius* postulat.

Locum de Sapiente divite & paupere, dedi superius §. 95. Testimonium de discipulo. *Hoei* hoc exhibet Magister L. III. P. VI. fol. 73. „ Meus *Hoei* o quam is prope aberat a vera virtute: *sæpe* ad *extremam* rerum penuriam reductus fuit, & ne tum quidem a suscepto virtutis proposito recedebat. „ L. III. P. VIII. fol. 112. *Vir probus* ac sapiens durat in egestate gravi:



gravi: stultus & improbus in egestate gravi constitutus hoc ipso dissolvitur animo. „

Sed longe sublimius praeceptum est, quo postulat, ut pauper & dives gaudeat suis officiis, non expleat solum. Egregius in eam rem sermo est L. III. P. I. fol. 8. quem integrum exhibeo.

Discipulus *Cu cum* percontans a Confucio, ait: si quispiam sit pauper & tamen sublevandae paupertatis gratia haud aduletur cuiuspiam; si divitiis affluat, nec tamen extollatur superbia: de huiusmodi quid censendum? Confucius respondet: *sua laude dignus est is quidem, non is tamen*, qui impleverit numeros omnes veræ laudis, veræque virtutis; adeoque nec dum comparandus *cum eo, qui pauper sit, & sua illa paupertate contentus gaudeat; dives sit, & tamen gaudeat officiis; mansuete scil. moderateque se gerens, sine fastidio vel arrogantia, & in omnibus obtemperans rationi.* „

§. 126.

Fieri id posse *suo* philosophus exemplo Exemplum ipsius. comprobat, ubi victus sui rationem exponit, & voluptatem etiam cum illa solidam, e virtute pendulam, consistere asseverat.

L. III. P. IV. fol. 46. „ Confucius agebat: Vescor fere admodum vulgari parabili-  
que cibo; poto *lympham*: &, dum bre-

vi somno reficio vires, inflecto cubitum, capitique subjicio, & is mihi pro cervicali est. Hoc interim affirmo, quod *sua philosopho voluptas* etiam constet hæc inter. Habet omnino *suas virtus delicias*, medias inter asperitates. Quisquis autem expers est virtutis, etsi idem sit dives & opulentus, adeoque, sicut fere usu venit, honoratus: apud me certe erit instar volantis nubis.,,

§. 127.

Quid improbus dicitur Confucio?

*Volantem* Confucius *Nubem* vocat improbum, etsi divitem: quid ita? certus est, non illum posse fortunam ferre nec asperam, nec prosperam; deijci altera, altera efferri, in utraque miseriam aut invenire, aut accersere sibi. Dic; quis ille hominum status sit, qui fortunatos cetera facit miseros? qui beneficia convertit in venenum? quo nec carere opibus, nec uti homines possint, miseri copia, miseri inopia?

L. III. P. II. fol. 14. diserte Philosophus;

„*Improbi* haudquaquam possunt longiori tempore commorari cum ærumnis & paupertate; haud item possunt longiori tempore commorari cum faventis fortunæ lætitiis. *Vir* interim *probus*, quæcunque fors casusve incidat, in una con- quiescit virtute. *Vir* etiam prudens non emolumentum & lucrum suum petit ex virtute.,,

*Faci-*

*De compositione actionum externarum.* 147

*Facilius* tamen est, Confucii sententia, cum divitiis non efferri, quam non deijci in paupertate.

L. III. P. VII. fol. 100. Confucius ait: „Versari in paupertate, & tamen non odisse illam, perquam difficile est. Esse divitem, & tamen esse sine fastu, vel superbia: facile est.,,

§. 128.

Transco plura ejus generis præcepta: *Modus*  
De modo acquirendi, & dispensandi *acquiren-*  
addo paucissima. *Duplex* ille est philo- *di opes,*  
sopho, prout de probis quaeritur, aut improbis. De *posterioribus* ita differenter audio.

L. III. P. VIII. fol. 129. „Ti, qui conditione & moribus viles & abjecti sunt homines, quomodo hi servire possunt Principi & Reip. quam etiam afferant raras facultates ingenii & industriae? Omnino non possunt, quippe homines hujusmodi priusquam obtineant, quod expectant, anguntur intimis sensibus, donec per fas & nefas id obtineant. Ubi vero jam obtinuerunt: rursus tamen anguntur & discruciantur, ne amittant. Atque ubi timetur amitti, quod sic acquisitum est opum & dignitatum, jam nihil est, quo non pertingatur. Nihil, inquam, est tam abjectum, tam turpe, tam iniquum, quod non agant, & patientur.,,

K 2

De

De prioribus alia plane sententia est :  
L. III. P. II. fol. 14. ubi sic pronunciat :

„Opes & honores ea sunt, quæ mortales appetunt. Verum si non sit consentaneum inspirationi, illa obtinere, *verus Philosophus* neutiquam in illis persistet. Ultro scil. se his abdicabit. Rursus inopia & humilitas, vilitasque ea sunt, quæ mortales oderunt ac fugiunt: *Verus* autem *Philosophus*, tametsi forte non secundum ipsum jus hæc illi obvenerint; ipse tamen haudquaquam id ager, ut ab se per fas & nefas inopiæ vilitatem avertat.,,

## §. 129.

Modus  
dispensan-  
di in  
Exemplo.

Denique *dispensandarum* opum & beneficiorum exemplum ipse ac præceptum exhibet *Philosophus* L. III. P. III. fol. 27.

28. Cum enim discipulorum Confucii aliquis ab ipso ob publica negotia in aliquod vicinum Regnum ablegatus fuerit, alter deinde discipulus *pro matre absentis* magistrum adiit rogavitque, ut præberetur eidem milium per modum annonæ. Dedit ille modicam plane mensuram, & repetita prece auxit, sed parvo saltem: Discipulus igitur de suo illi majorem multo, quam par erat, mensuram adjunxit. Correcturus immodicam liberalitatem Magister, ostendit *factum suum* nequaquam ex avaritia profectum, sed *attemperatum* fuisse officiis; nimirum absen-

absentem esse divitem & locupletem, ut qui splendidum & probe pastum equum conscenderit, & levibus optimisque pelliceis indutus fuerit: se autem semper audivisse;

„Virim probum ac prudentem elargiri *egentibus*, non superaddere divitibus.,,

Ejusdem commatis est alterum eodem loco, cum enim discipulo *Tven su* in censum præfecturæ *stipendium* obtulisset, recusasset autem discipulus: Confucius, factum improbens, admittere censum, superflua inter egenos dispensare jubet:

„Ne recuses, inquit, *stipendia* a Rege statuta. Si *superflua familia* Tuz sunt, admittas tamen, ut dispartiaris inter tuas villas, pagos, vicos, & oppida, curæ Tuz commissa, in quibus utique egeni & pauperes.,,

§. 130.

Plura de institutis *pauperum* bono subservientibus adjungi possent historica, nisi festinandum esset adsequentia; *Pas-* De Institis pro Pauperibus.  
*sim* enim a Regibus dispositum est, ut egenorum & *precipue senum* e publico cura habeatur. Illud *unum hic* attendivelim. Fecisse *Sinas* pro sua, qua florent, prudentiâ, quando *non solum* meminerunt egentium, *sed vel maxime* cavent, ut ne multi fiant egentes. *Preposteram* illam curam puto, quæ ad eos solum at-

tendit, qui jam tum miseri sunt: *Prudentiorem* illam, quæ primo vigilat, ut ne quis fiat egens culpa aut sua, aut aliorum, tum vero, si infortunia caveri omnia non potuerint, ut ceterorum opera egeni juventur. Non jam de *officio Civium* mutuo sermocinari placet; placet de *utilitate* illius curæ respectu *Reipublicæ* breviter admonere. Certum est, *aucto* egenorum numero *dupliciter* ceteros onerari, partim quod alendi aut juvandi sint plures, partim quod eorum, qui ad hanc operam concurrunt, subinde fiant pauciores; dum successive alii atque alii ad egestatem ipsi reducuntur, ut aut minus largiri valeant, aut ipsi necessarii habeant ab aliis necessaria flagitare. *Augetur* vero in Republica numerus egenorum, *nisi alterutrum* fiat ex sequentibus; ut, *aut* in universum prospiciatur, & removeantur, saltem diminuantur causæ, quibus ad egestatem populos reduci contingit; *aut* tanta hominibus jam egenis subsidia præstentur a divitibus, ut non animam solum ducere, & extremam sedare famem possint, sed ipsi iterum ad ejusmodi vitæ genus redire, ut suo sibi labore & industria parare queant necessaria. *Postremo* huic vereor, ut ubique facultates sufficiant; atque ut sufficiant, quanta hic cautela opus est ad evitandos scopulos? quanta

pruden-

dentia, ad circumscribendum limitibus institutum? quanta arte, ad persuadendam hominibus, saltem nostratibus, eam beneficentiæ plenitudinem, quæ instituto illi deberetur? Nolim descendere ad *Specialia*: etsi utilia publico; sed hoc loco aliena. *Volui* indice saltem digito ostendere, quorsum illi dirigere attentionem debeant, qui serium juvandi pauperes animum sibi inducunt. *Volui* rationem reddere providentiæ Sinicæ, quæ pauperum curam duplici absolvit capite, cautela antecedanea, & subsidio consequente.

De *Priori* locum allegabo inferius, sectione sexta, ubi præcipit Philosophus, quomodo prospiciendum sit necessitatibus populi, ne egeat. De *Posteriori* accipe Exemplum Imperatoris antiquissimi *Tao* quem bis mille & trecentis ante Chr. N. annis collocant Sinenses. De illo *Phil. Completus* in Chronologia Sinica fol. 3. „Fuit hic Imperator simul & Legislator, uti & *Xun* successor, uterque totius posteritatis Principibus norma & exemplar; erga pauperes pius, de ætate grandævus reverens. Quod eorum cætus numerus in singulis urbibus hodieque annona Regia alatur, hinc manifeste creditur. „Conferentiam, quæ de Imperatore *Ven Vam* recensentur ad L. I. fol. 9. 10.

De Culcu  
Exteriori  
Vestium,  
Rituum,  
Acc.

Cernitur opum administratio in vesti-  
in quoque & officiis Civilitatis; neque  
minima hæc pars est illius curæ, quæ  
circa externam hominis compositionem  
necessaria est, vel utilis. Sed non li-  
bet hic esse prolixioribus. Unicum hic  
præceptum allegare placet, ubi sapien-  
tior nonnullis Europæorum *Confucius* ap-  
paret. Si quæ in *vestium* aut *ceremonia-*  
*rum* agendi externarum Ratione muta-  
tiones fiant; sunt autem sapissime inter  
nostrates: Tum diversa hominum stu-  
dia videas. Quis nescit *leviculos* dari, &  
dari *morosos* homines: Alteros absurda,  
aliquando etiam minus honesta imitari  
promptissime; Alteros repugnare licitis,  
atque utilibus, & serio illud quoque,  
& pertinaciter. *Facile dicitur*, caven-  
dum hic esse & excessum & defectum.  
Sed quo *criterio* discernitur uterque? Num  
recte *Confucius* officia & honestatem fa-  
cit normam accommodationis illius,  
der mode, und des Ceremoniels.

L. III. P. V. fol. 53. 54. sic lego: „*Con-*  
*fucius* ajebat: Ex subtiliori cannabe  
contextus pileus olim erat officiosi ritus,  
ususque proprius. Nunc vero ætate  
nostra sericus est in usu, isque minus  
sumtuosus, & minus operosus. Ego,  
*licet* hic a Priscorum usu discedatur;  
quoniam tamen *band* peccatur: equor  
mal.



multitudinem, & hac in re servo tempore. Salutare Principem, idque eminus & ex atrio inferiori mos ac ritus erat Priscorum. Nunc vero salutare Principem superius in ipsa Aula, revera nimium quid est & quasi arrogans. Quocirca licet hic adverser multitudini: Ego tamen sequor priscum ex inferiori atrio salutandi morem.

§. 132.

Famam vero etiam communiter ad bona hominis externare ferri constat. De illa non male Confucius, mea sententia. *Popularem* famam neque nihili habet, neque certum & sufficiens de probitate aut meritis testimonium esse concedit; vult examinari illam, & a sincero spurium secerni. *Præfert* illi famam inter probos, odiumque apud improbos contractum.

De fama  
Populari  
Philosophia  
Confucii.

Accipe verba viri. L. III. P. VIII. fol. 114.

„*Multitudo* adit quempiam? omnino examinetur! *Multitudo* gaudet quopiam? omnino examinetur.,” P. VII. fol. 96.

„*Quæ cum* quærit: *Populares omnes* si gaudeant quopiam, quid Tibi videtur? *Confucius* respondet. Necdum id sufficit, & certi quid de virtute ejus & sapientia statuatur. At si populares omnes oderunt quempiam, quid de illo tibi videbitur? *Confucius* ait: hoc quoque necdum sufficit. *Longe melius* est, tu-

K 5

tius.

tiusque, si popularium probissimi qui-  
que gaudeant illo; & si eorundem im-  
probissimi quique oderint illum. De  
hoc *ausim* ego *tuto* affirmare, Virum  
esse probum & sapientem.

*Tria* sunt, quæ hic a Confucio didici.  
*Fieri potest*, ut omnes prædicent non me-  
sentem. quid ita? Pars regitur externis:  
pars relationibus. Pone illam incipere;  
hanc sequi; sic omnes aut plurimi lau-  
dabunt ultra meritum; alteri, quod nor-  
mani judicandi nesciant, alteri quod fa-  
ctorum & personæ circumstantias. Quis  
nescit artificiola, quibus fit, ut popula-  
rem auram indulgentia, adulatione, de-  
sidia, ignorantia (sive vera sive affecta-  
ta) neglectu officiorum (homini, litte-  
rato, civi, Christiano, &c. incumben-  
tium) captent homines & obtineant in  
omni statu, publico & privato? *Fieri  
potest*, ut omnes culpent bene meritum.  
Quid ita? Pars præit ignorantia & affe-  
ctu: Pars sequitur negligentia, aut ze-  
lo. Quis nescit causas, quibus invidia  
virtuti adhæret & invidiæ calumnia,  
& odium calumniæ, & odio iterum  
calumnia, & sic Circulum hunc esse di-  
cerem, uti indignissimum, sic vitiosis-  
simum quoque, nisi latius propagaret  
odium calumnia. Est hæc ejusmodi ge-  
nealogia, quæ amplius subinde diffun-  
ditur, non redit in seipsam. Calumnia

Titii facit odium in Sempronio; & sic deinceps. *Fieri autem non potest*, quin probus sit, quem optimi quique amant, pessimi quique oderunt. Quid ita? discrimen utriusque affectus ostendit, non sequi illos turbam, sed *ex sua* quemque *scientia*, & *ingenio* agere. Quis autem hypocrita omnes simul probos, quibus cum versatur (loquimur enim de popularibus) atque omnes simul improbos fefellerit? vide, si placet, Confucium, quem supra loquentem feci §. 52.

§. 133.

Est vero eximia quoque illa admonitio, & circa famam judicandam caute-  
la, quando *clarum dici*, & *clarum esse* Philosophus discernit. *Alterum* enim externum est, nec in potestate sapientis positum, nec sapientiae indicium infallibile; *Alterum* internum est, in facultate hominis situm, neque cum indignis commune, sed proprium sapienti. Aliis *illud* mediis acquiritur: aliis *istud*. *Alii* sunt, qui priorem celebrant; *Alii*, qui posteriorem. Allegabo locum, ut simul intelligatur, quomodo ingeniiis quaerentium responsa Confucius attemperaverit.

Quid sit,  
dici clarum,  
& esse clarum?

L. III. P. IV. fol. 83. „Discipulus *Cucham*, qui magis laborabat, ut audiret, quam ut esset bonus ac sapiens, quaestionem instituit ejusmodi; Litteratus quispiam guber-

gubernator, quomodo hic poterit dici  
Vir clarus & illustris? Confucius, ut  
ulcus detegat, quærit vicissim, quidnam  
id est, quod Tu vocas clarum & illu-  
strem esse? *Cu cham* respondet: aliud  
nihil est, quam si quis versatur in Regno  
quoque iam administrator, omnino audire  
bene, & sermonibus omnium celebrari,  
*Confucius* ad hoc ait: quod ipse dicis  
hoc quidem est audire bene, & illustrem  
dici: At non est clarum esse & illustrem.  
*Diversa* namque sunt dici & esse. *Ego*  
itaque sic sentio: quod is, qui clarus &  
illustris est, de nulla re minus laboret,  
quam ut vulgo talis habeatur. Solidus,  
sincerus & rectus est: Et gaudet officio  
& æquitate: prudenter expendit sermo-  
nes tum suos, tum alienos: quin etiam  
diligenter observat os ipsum oculosque,  
priusquam certi quid de quoquam sta-  
tuat: Posthæc autem assidue meditatur,  
quo maxime modo cedat & submittat sese  
aliis. *Huiusmodi* sane *Vir* sive versetur  
in Regno Principis administer, procul  
dubio perillustis erit; sive versetur domi  
sue Paterfamilias, procul dubio perillustis  
erit. Jam vero qui bene audiunt, & popula-  
ri tantum fama clari sunt: hi modestia qua-  
dam & gravitate exteriori studiose captant  
virtutem; virtutis, inquam, nomen & fa-  
mam, cum interim rebus ipsis ac factis ad-  
versentur virtuti. Idem rursus tam placi-  
do tamque fidenter persistunt in virtute,  
umbra,

umbra, inquam, illa simulatæ virtutis, ut jam non sit ulla dubitatio, quin talis revera sit, qualem se mentitur esse. Adeoque sive is versetur in Regno, haud dubie celebratur a Principe; sive versetur domi, haud dubie quoque celebratur a suis. At profecto *celebritatem hujusmodi* execratur, quisquis est probus ac sapiens. „

§. 134.

*Neque vero diuturna est gloria, quæ si-* Laus ex  
Virtute  
simulata.  
*mulatis tantum virtutibus nititur, & scaturit. Non jam repeto, quæ de cognoscendis hominum animis, eoque detegendo virtutum fūco Sinæ præcipiunt; Nimis id difficile est adversari internis animi dispositionibus, & abnegare illas sermone & factis; quam ut ita caute versari liceat, ut non aliquando vera actionum motiva e circumstantiis factorum eluceant, atque internam animifaciem conspiciendam præbeant.*

Itaque L. III. P. IV. fol. 42. „ Confucius inquit: Non habens, & tamen simulans se habere, vacuus & inanis doctrinæ, & virtutis, & tamen simulans harum copiam & plenitudinem; exilis ac tenuis, & tamen ostentans magnitudinem nescio quam, & excellentiam: simulator hujusmodi, tametsi forte per *exiguum* tempus imponat hominibus, vehementer tamen laborabit in servanda

da fingendi constantia, sicut non pate-  
 scat aliquando fraus & simulatio.,,

## §. 135.

Alia Præ-  
 cepta re-  
 missive.

De Negotiorum gestione; *officiositate*  
 & gravitate; de concilianda sibi, tuen-  
 daque *Auctoritate*; De modo agendi cum  
*infirmis*, cum *peccantibus*, cum *resipiscen-*  
*tibus*, cum *ladentibus*, cum *familiaribus*,  
 cum *captivis*, cum *agris*, cum *moribun-*  
*dis*, cum *lagentibus* &c. plura possent al-  
 legari haud inutilia: sed nimia hæc se-  
 ctio foret; transeundum est aliquando ad  
*Publica* & *Politica*, postquam generale  
 de hac quidem sectione præceptum Con-  
 fucii enarravero.

## §. 136.

Summa  
 Præcepto-  
 rum hujus  
 Sectionis,  
 ex Confu-  
 cio.

Præcipua quidem *remedia*, a Confu-  
 cio commendata, sunt *imitatio sapientum*,  
 sine qua non arbitratur fieri posse, ut per-  
 sonam quis rite suam excolat: deinde  
*conciliatio Auctoritatis* inter filios: & per-  
 petuum *virtutis* non fucatæ *studium*. Ipsa  
 autem hujus partis *officia novem* conside-  
 rationibus absolvit: poscit attentionem  
 ad ea, quæ videt; itemque ad ea, quæ  
 audit; speciem oris serenam & placidam;  
 statum corporis, reverentiæ indicem; in  
 dictis fidem; in factis sedulitatem; in du-  
 biis studium consulendi alios; in ira con-  
 tentione aut vindicta moderationem ob-  
 damna consequentia; in occasionibus  
 augenda rei familiaris memoriam æqui  
 & juris.

L.III.

LIII. P. IX. fol. 120. Confucius ait : „ Vir-  
tutis & sapientiæ studiosus adhibet no-  
vem considerationes. Dum conspicatur  
quidpiam, seu lustrat oculis; meditatur  
*perspicaciam*, id est, clare probeque per-  
cipiendum sibi esse, quod oculis obji-  
tur. Audiens quidpiam, meditatur acu-  
tam *vim audiendi*, probeque percipien-  
do voces & vocum significationes. Ad  
speciem habitumque oris, quod attinet,  
meditatur *serenam* quandam *placidita-  
tem*, qua non alius color est, qui ani-  
mos sibi potentius suaviusque conciliat.  
Quod attinet ad statum conformatio-  
nemque totius corporis, meditatur *gra-  
vitatem* cum reverentia conjunctam. Ubi  
loquendum est, meditatur *fidem* ac ve-  
racitatem, qua lingua scil. cordi respon-  
deat. Dum agit quidpiam ac molitur,  
meditatur *sedulitatem*. In rebus dubiis  
ac perplexis secum meditatur ipse, quem  
*consultat* potissimum, & qua ratione sibi  
lumen petat in illa caligine. Concitari  
sentiens animum iracundia, & studio  
contentionis ac *vindicta*, mature secum  
ipse reputat *incommoda*, damnaque nasci  
solita. Videns offerri copiam rei fami-  
liaris augendæ, protinus ob oculos sibi  
ponit *ius & æquum*. „

## SECTIO



# SECTIO QUINTA SPECIALIS.

DE

## REGIMINE FAMILIÆ.

§. 137.

Ratio ordinis.

**A** *Privatis* virtutibus *tener* transitus est *ad publicas*: fieri enim solet intermedio amore & potestate & officio Parentum atque liberorum. Diximus, quem ordinem *Sine* teneant & postulent & sufficientem judicent. Quid dici certius, & esse securius potest effato simul & consilio *Philosophi*, quo tuetur, *illum Magistratibus* lubentem obedire, *quicumque* domi didicerit obsequi *parentibus*?

„ L. III. P. I. fol. 1. quempiam esse hominem, qui domi quidem obtemperet Parentibus & debitis officiis obsequiisque prosequatur majores natu; & tamen foris gaudeat adversari legitimis Magistratibus: profecto rarum hoc est atque inusitatum. Rursum non gaudere quempiam adversari magistratibus, & eundem tamen gaudere seditiones ac turbas excitare, & perturbare remp. hactenus quidem nondum accidit. „

*Quid*



*Quid ex adverso efficacius est illo de Magistratibus, quo indicat, subditos certatim in virtute efflorescere, si & Magistratus gaudeant officiis erga suos Parentes? lenita scil. per praeuntem Magistratum, duritate Legum apparente, & invisa hominibus; quos male habet alieno vivere arbitrio, donec necessitatem facti argumentis intelligant, aut præsument exemplis utilitatem.*

L. III. P. IV. fol. 46. „Si quidem is, qui Magistratu fungitur, solide constanterque se gerat erga suos parentes: tum procul dubio subditi hoc exemplo certatim quoque efflorescent in virtute. Idem, si antiquiores ætate vel meritis haud negligat abjiciatve; tum subditi non minus facient, & cives suos vel annis graves vel meritis colent, ac fovebunt. „

## §. 138.

Liceat hic *liberalius* philosophari; quoniam id *Sinica* doctrinae & prudentiae præcipuum caput est, attendere educationi futurorum Civium. *Non illa privatorum tantum* cura esse deberet; *interest reipublicae*, an bonis moribus cives, an obsequiositate? an cultu & veneratione Superiorum imbuantur? *Interest* id fieri, cum maxime flexilis est animus, neque contrariis repugnat affectibus. Serum est, homines sine perpetuo obsequii exerci-

Momen-  
tum Præ-  
cepti.

tio adultos, & omnino licentiæ, vel suo tamen arbitrio adfectos, externis de-  
 mum argumentis, præmiis scil. & pœnis a magistratu propositis flectere & redu-  
 cere in officiorum semitam. *Illud inti-*  
*mius* mentem afficit, *si a primis* statim an-  
 nis venerationi juvenes adsuescant; ut  
 enim *non dicam*, diutius exercitium fir-  
 mius animo hære; ut *non dicam*, æta-  
 tem illam & indigere aliena directione  
 & admittere illam facilius; ut *non dicam*,  
 acquiri habitum ante, quam contrariæ  
 tentationes id exercitium reddant diffi-  
 cile; ut *non dicam*, esse illud exercitium  
 vel ideo facile, quod benefactoribus ob-  
 temperare, hoc est, præcipue parenti-  
 bus obsequi, quam maxime æquum &  
 naturale videatur; ut *non dicam*, evitari  
 eo facto fratrum & familiarum divisio-  
 nes & discordias, & perniciem, & quæ  
 sunt similia: *hoc unum dico*; eum, qui  
 parentes colat, colere illos quoque &  
 venerari, & obsequio prosequi suo, quos  
 videat a parentibus coli suis. Ita enim  
 homines solent, eodem alios affectu pro-  
 sequi, quo vident eosdem respici ab eis,  
 quos magni faciunt ipsi, & venerantur  
 & amant. *Nihil* in hoc argumento &  
 sententia *novum* esse arbitror, aut minus  
 vulgare; *Utinam* ejus consequentia fo-  
 rent a que communia, neque protrita  
 vulgo parentum dignitas gradum ad  
 con-

conculcandam Magistratuum autoritatem civibus dudum præparasset!

## §. 139.

Scio, quid hic in mentem venire *Le-* Solvitue  
*etoribus* possit, esse hoc præceptum *can-* objectio.  
*tionis* subjectum; *aliquando* nimiam esse  
 posse parentum existimationem apud li-  
 beros. Quid enim? si malis moribus pa-  
 rentes indulgeant? quam profunda imi-  
 tationis semina liberis imprimer exem-  
 plum in tanta veneratione habitum!  
 quam difficulter illius vim infringere da-  
 bitur, & contrarios exemplo majorum  
 habitus persuadere! *Duplex* huic diffi-  
 cultati *responsio* debetur: *Pro Sinis* audi  
*Bernierium*; \* de nostris moribus ipse di-  
 cam. *Sic ille* „Sapienter vero rebus pro-  
 vidit DEUS! Accidit etiam, ut non  
 virtuosus Pater, sed filii naturaliter a-  
 mans, eundem instituat ad virtutem.  
 Sed vero qui fieri potest, ut vitiis Pa-  
 ter indulgeat, ea in Civitate, in qua u-  
 nusquisque sic educatur, ut a juventute  
 animum virtutis existimatione, amore,  
 reverentia, modestiaque & submissione  
 plenum induat, excitatus exemplo Pa-  
 rentis, Avi, Cognatorum, vicinorum-  
 que, & Patrum familias omnium, quos

L 2

ipfi

\* Est locus in Ephemeridibus Gallorum, *Journal des Savans*, ad A. 1688. 7. Junii. p. 29. 30, edit. Am-  
 stelod.

ipsi cognoscere datum est? Nonne hereditaria unicuique familiae virtus erit, & a maioribus ad posteros transibit ordine non interrupto? „*Elegans* vero hæc ad objectionem *responsio* est, sed ad Civitatem pertinet *bene constitutam*, aut erigendam noviter a virtuosis. Sentio, quam id *non ubique* introduci possit institutum. Posses, nisi copia obrueret, mirari, Viros Religiosos & de generali morum corruptione tristitia quidem, sed iusta, conquerentes *illud* argumentum non attingere frequentius, & urgere; argumentum, inquam, *quo monemur*, tantam esse hominum in præceptuientium malitiam, ut institutorum etiam optimorum, quale hic recensuimus, *introductionem conari* vix (anne vix quidem?) liceat. Non attendo hic repugnantiam eorum, qui ab aliis sumere virtutum exempla tenerentur, liberi a parentibus, a senioribus juniores, a Magistratu Cives &c. Hoc quæro, *qualis ille* rerum status est, *in quo* subdubitare sapientes possint, *an expediat* maximam liberis erga majores venerationem inculcare? in quo videas, prostare tot scelerum exempla, a maioribus posita, & imitatione exprimi posterorum, ut *periculum* subeat, *qui præceptum* ex omnibus maxime rationi conveniens, & in *parentum reverentia* atque imitatione positum, commendaverit si-  
ne

ne limitationibus & cautelis numerosc additis. Sunt *plura* hujusmodi instituta, utilissimaque eadem & honestissima, quæ dubites, an reduci per præsentem rerum faciem aut liceat, aut ea perdurante conveniat? Sed vero in generales querimonias hic non effunduntur: maneamus in consideratione Philosophica familiæ.

## §. 140.

Sumus vero *nos Europæi* homines vehementer *Theoretici*, quibus non desunt *explicationes* rerum ingeniosæ; desunt *applicationes* ingenuæ. Diu est, quod Philosophi nostrates *originem Imperiorum* e familiis, ut illi vocant, segregibus derivare consueverunt; Philosophica quidem conjectura, non pro veritate historica: Neque tamen eo facto pelli sunt, ut magistratuum quoque & Parentum sive officia, sive jura inter se connecterent. Aliter *Sine*, quorum id præ ceteris illustre est prudentiæ specimen, quod officia & jura Parentum ita temperent, ut publicis adversus magistratum officiis exquisitè subserviant. Nimirum *Paterfamilias* est quidam domi suæ Imperans: *Imperator* est universorum Pater. *Illius* tanta est inter suos autoritas, dignitas & veneratio, ut jubar aliquod majestatis habere videatur: *Hujus* tanta in suos clementia, tam tener affectus, ut Pater-

Fructus  
Theoriz  
de Origine  
Civitatum.

num is animum haud fallaci indicio significet. Specimina utriusque dicti in sequentibus edam: *Hic* eo libet respicere, ut conijciam *ejus prudentia originem & causas.*

## §. 141.

Videtur mihi, inter antiquos *Sinas* ipso facto accidisse, quod nostri theoretice Philosophi tradunt, ut segreges familiae sensim coaluerint in regna, eoque & Patrum familias magna manserit autoritas & cum Magistratibus similitudo propinquior. *Conjectura* meae has causas habeo. *Antiqua* est adeo forma regiminis, ut *Sinensium Annalium* fide Legislatores Gentis, iidemque regiminis fundatores proxime diluvium accedant Noachicum; \* Attingit igitur antiquitas politicae

---

\* Juxta Chronologiam quidem Graecam Interpretum septuaginta duorum: Superant enim, si Codicem Nostrium Masoreticum sequi velimus, Annalium Sinicorum fide refertur *Fo hi* conditor Imperii ad Annum 2952. ante Christum Natum, & exhibetur series Imperatorum inde ab Anno ante Chr. N. 2697. non interrupta ab *Hoam ti* ad praesentem & amplissimi Imperii Moderatorem. Masoretici vero Codicis designatio non supra Annos 2292. ad Christi nativitatem numerat a Diluvio. *Non ego* pro fide illorum Annalium laboro, refero verba ephemeridum Gallicarum, *Journal des Savans*, ad A. 1688. 12. Julii, ubi Novam de China Relationem R. P. *Magailani* recensentes, p. 166. ita Diarii Autores loquuntur: „Leur Empire, (de Si-  
nis

litiæ *id tempus*, quo dispersæ adhuc familiæ, & segreges haud paucæ fuerunt : successu temporis coitura, quod vel vi adigerentur minores, vel sponte homines accederent, pellecti placida aliarum gubernatione. Nimirum, ut silentio involvam, orientis extremi incolas a barbara & agresti vita ad humanitatem paulatim reductos memorari a Conditore Gentis *Fo hi*, unicum illud e certiori Sinarum Historia allegabo. Quod nostri suspicantur, fore, ut, si quæ præ ceteris familiæ tranquille & pacifice & abundanter viverent, aliæ illis sua sponte se adjungerent : Id *Sinica* factum testatur *Chronologia*; cujus fide constat, cum Imperans clementer, justeque & pacifice regnum administraverit, pluri-

L 4

ma

nis sermo est) est si ancien, que l'on rapporte son commencement à deux cens ans après le Déluge. Cette opinion est si bien établie dans la Chine, qu'il seroit dangereux de l'y revoquer en doute: & ce fut pour cela, que les *Jesuites Missionnaires* obtinrent du Pape la permission de suivre la version des Septante, différente en ce point de la vulgate, & du Texte Hébreu. „ Sequitur vero & commendat eundem difficultates istas solvendi modum & *Bernierius*, allegatis etiam de Imperatorum Sinicorum serie verbis R. P. Martinii, quod de ea ne dubitari quidem possit. vid. Journal des Savans A. 1688. 7. Junii p. 25.

ma aliquoties \* regna sponte se illius fidei tradidisse. *Non* potest id intelligi *de regnis*, qualia hodie Sineses habent amplissima: restringendum potius ad vicos aut pagos, aut oppida, e familiis segregibus conflata. Idigitur si recte conjicio: facilis suspicio est, unde illa officiorum Patris & Principis *contemperatio*? unde subordinatio? unde Parentum autoritas? unde Principum temeritudo? unde fides civium? unde flos Imperii? quis non congratuletur Imperio, in quo cives fratrum, Imperans Parentum, subditi filiorum locum occupent, & officia expleant? Num hæc est exquisita originis Civitatum (non theoria, sed) applicatio? Veniamus ad specialia, quousque hic licet, de familiis præcepta.

## §. 142.

Officium  
Conjugum.

*Conjugum officia* naturali ordine præmittam debitis Parentum erga filios, filiorum erga Parentes, & fratrum inter sese officiis. *Generale* est, quod supra retuli,

\* Memini, me aliquando 40. aliquando 75. ejusmodi regna in clientelam Sinesem sponte concedentia legere. Sed vero cum locus jam non succurrat scribeuti, dabo alium, qui indeterminate loquitur. Ad L. I. fol. 21. ita Editores inter cetera Legislatoris Xún encomia: Certe Annalium testimonio constat, quam plurima Barbatorum Regna, & populos tam fortunati Principis fama commotos illi sese ultro subjecisse. „



tuli, maritum inter & uxorem, debita a reliquis distinctio: fidem ita exprimi conjugalem facile agnoscas. Accedit modestia & verecundia & concordia. Ejus rei hæc specimina deprehendi in libellis Classicis: *Turpe* est, cum conjuge eodem curru considere. *Turpe* est, uxorem repudiare. *Turpe* est ducere uxorem ejusdem cognomenti, & quæ sunt similia. Succurrit memoriæ exemplum fidei conjugalis recentius quidem, sed plane Heroicum, cui & Imperator Tai çu, seculo decimo quarto exeunte regnans, monumentum erigi curavit.

Ita autem *Phil. Completus* in Tab. Chronologica Imp. fol. 79. sub eodem Imperatore: „Inciderat in latrones cum uxore & Patre quidam *Sui* dictus: Parentibus senem interficere, filius vitam pro paterna obtulit: eisdem vero vim nuptæ parentibus inferre, *at*, inquit illa, *nefas hoc marito superstite*. In ignem igitur paratum præcipitant juvenem, quod conspicata mulier, in eundem se præcipitat, ibique maritum complexa abit in cineres. Huic fidei & pietati illustre monumentum erigi curat Imperator, qui & castigat insanam alterius pietatem, qui ut ægrotanti matri valetudinem ab idolo exoraret, proprium ei filiolum sacrificaverat.„

Officia recens Nu-  
ptz.

Officia recens nupta illa Philosophus enumerat; *parentibus* mariti observantiam, pacem *cognatis*, obedientiam *marito*, benevolentiam *inferioribus* & curam debet ita, ut universa domus ejus exemplo bene ordinata sit & composita.

L. I. fol. 23. „Carmen ait: malus persica cum ineunte vere, o quam pulcra! o quam amœna! *talis* est sponsa seu *recens nupta*, cum transit in domum sponsi, *ubi*, quod convenit, præstat suis domesticis, singulis, quod suum est, tribuens, mariti sc. parentibus observantiam, pacem cognatis, marito obedientiam, benevolentiam inferioribus & curam; ex quo illud vicissim consequitur, ut omnes ac singuli ejus domestici tam erga ipsam, quam ad invicem debite item se habeant; adeoque domus tota ejus unius exemplo bene ordinata sit & composita. „ Idemque de L. II. f. 49. confirmat alio Carminum testimonio. Oda ait: „ Ubi uxor tua est amans concordia, ibi *familia* est *instar pulsantis Cymbala*, suavissima illa domesticæ pacis, mutuæque concordia voluptate perfruens: Rursus fratres natu majores & minores ubi concordant, horum concordia gaudium utique diu perseverat, dimanans perpetuo in filios & nepotes. Atque ita & recte ordinatur Tua domus.

mestica familia , insuper exhilaratur &  
Tua Uxor, & filii & nepotes.,

§. 144.

*Cuinam* elocanda sit uxor , Confucii Cui elo-  
canda  
uxor.  
exemplo declaratum video. Affero id  
pro curiositate : neque enim spero plu-  
rimos exemplum secuturos esse.

Libri III. Pars III. fol. 18. sic incipit :

„Confucius dicebat de discipulo suo,  
*Cum ye cham: Convenit ei uxorem dare,*  
quippe viro plane integro & *matura so-*  
*lidæque virtutis.* Nam, tametsi sit inter  
atro fune vinctos, id est, carceri man-  
cipatos ; id tamen accidit aliena culpa  
calumniantis innocentem , non accidit  
ipsius culpa. *Confucius* itaque suam ei  
filiam nuptui dedit. Iterum Confucius  
de *Nan yun* discipulo suo: Vir hic est  
*rare prudentia* , & *solidæ adultæque*  
*virtutis* ; itaque si in regno vigeant vir-  
tutes ac leges , ipse non negligitur , sed  
ad regni munia adhibetur. Si vero  
regnum sit sine virtute & legibus , tum  
sua prudentia servat se ab interitu & pe-  
riculis incolumem. *Propterea* Confu-  
cius sui fratris filiam ei in uxorem de-  
dit. Confer etiam superius §. 113.

§. 145.

De Parentum officiis Philosophi Sinæ Officia  
Paren-  
tum.  
breviter *multa* præcipiunt. Omnia ver-  
tuntur eo , ut *exempla virtutum* filiis præ-  
ant , neque amore cœci eorundem vitiis  
in-

indulgeant, sed eosdem & corripiant, & doceant. Primum aliquoties jam admonuimus: de secundo autem

L.I. fol. 17. sic lege: „Homines in illis, quos propinquitatis amore diligunt, mox a recto deflectunt, dum plus vel minus, quam par est, diligunt. Parentes enim ac propinqui diligendi quidem sunt, si tamen Patrem delinquere in aliquo contigerit, monendus est a filio de delicto: sed & si filius peccaverit, corripiendus a Patre est & docendus. Quod si horum alteruter, non quo recta ratio, sed quo sanguis & affectus trahunt, inclinet: illius utique amor non rectus, sed curvus quodammodo est, quia a rectæ rationis Regula desciscens - - - propterea, qui ament alios, simulque noverint, nec dissimulent eorundem vitia, vel contra aversentur, simulque noverint & observent eorundem bona, in orbe rari sunt. Hinc proverbium datur, quod ait: homines amore cæci non agnoscunt, nec vident suorum filiorum vitia; & fascinante eos avaritia, non norunt sui proprii agri fertilitatem.,,

## §. 146.

Cut ita  
breviter  
exponatur?

Postulabunt fortasse nostrates, ut, quoniam in hoc officio momentum Sinæ magnum collocant, specialiter illa, aut prolixè etiam enarrentur. Persuadeo mihi,

hi, non deessent illis consilia quoque specialia, in Memcio, aut in Libris officiorum obvia. Nescio etiam, an eo referri debeat, quod in Tabula Chronologica refertur ad Annum Christi 1482. ubi dicitur adventasse a Regulo *Fuen chen* Legationem, quæ monumenta Librorum de obedientia & recto regimine postulaverit? Inter documenta Confucii, tribus primis Libris classicis comprehensa, non deprehendo nisi generalia. Sic L.I. fol. 9. legitur:

„Cum præcipua Patris virtus sit amor erga filios ex piis visceribus profluens: *Ven vam* agens Patrem sistebat in hoc filiorum amore; quem prodebat identidem non indulgentia quadam vitiosa, sed assidua ad omnem virtutem institutione, quæ adeo ad nepotes, horumque deinde filios feliciter propagata est. „

Num ea omissionis ratio est, quod exemplum unusquisque a majoribus sumere posset, inchoatum a Legislatoribus, atque ad posteros propagatum? Num sufficit Amor naturalis serio virtutis studio conjunctus, excitatus, adjutus, restrictus, correctus? Num illa negotio præcepta sufficiunt, quæ inculcavimus Doctoribus, Sinarum exemplo? Num sufficit Parentes ingerere liberis præcepta, quæ largiori manu ipsi Philosophum præscribere, illico intelliges?

## §. 147.

Officia Li-  
berorum  
in summa  
quadam.

*Filiorum* sane *adversus Parentes* officia, sive obedientiam haud raro philosophus describit. non eodem modo tamen, etsi sensu perquam consimili. Consueverat nimirum attemperare responsa moribus quærentium. Vivis vult morem gerere filios, & servire debitis officiis, *mortuos* lugere per triennium, & quotannis colere debito ritu atque apparatu; *injusta præcipientibus* negat parendum esse; ait, cavendum, *ne dolore* afficiantur *ex vitiis* filiorum; *alendos* esse non promte solum, sed & *cum reverentia* & amore filiali; *obedientiam* præstandam esse *ex animo*, constanter, & cum alacritate, præstandam esse *morosis quoque* & asperis; *monendos* esse reprobos, sed plurima *cum cautela* & veneratione; *non abeundum* longius *sine parentum notitia*, ut, cum opera liberorum utilis esse queat parentibus, facile præsto esse possint; à *majorum* & parentum *institutiis* non facile deflectendum esse &c.

## §. 148.

Quomodo  
alendi  
Parentes?

Dabimus *aliqua* ex illis, quæ nostros maxime mores condemnant. Rarum est ali parentes a liberis, quod Confucius tamen ideo parvi pendit præ obedientia, quod etiam brutis exhiberi illud officium possit; neque adeo, si amor atque honor filialis delit, discrimen in-  
terce-

tercedat inter sustentationem Patris, & domestici canis velequi. *Qua* hæc sententia est in auribus *Europæis*! Quis nostrum ita philosophari audet?

L. III. P. I. fol. 12. Confucius ait: „Hæc ætate nostra *obedientes* vulgo ii dicuntur, qui possunt alere parentes suos: sed profecto, si nihil præterea requiritur, a brutis quoque animantibus obedientis nomen ac laudem petere quis poterit; quippe si agamus de canibus & equis, hi quoque omnes possunt habere, qui eos alant. Atque adeo, si desit reverentia; si, inquam, cura illa sustentandorum parentum non ab amore proficiscatur & honore filiali. Ecquid erit, unde statatur discrimen inter sustentationem patris & domestici canis vel equi?

## §. 149.

Vulgatior doctrina est e Christianorum Legibus, ubi factis animum & obedientia ex animo, & morosis quoque & asperis obtemperandum esse, Confucius præcipit. Utriusque specimina hæc præsto sunt.

L. III. P. I. fol. 12. Confucius respondet: oris alacritas, sive constans alacritas illa filialis observantiæ, quæ adeo in ipsa fronte totoque ore amantis ac reverentis filii eluceat, difficilis est illa quidem, sed profecto nota prope certa veræ germanæ-

manæque virtutis. *Obsequia* quippe domestica præstare filii quoque *inviti* atque inobedientes possunt: uti, cum domi quidpiam est faciendum, fratres natu minores ac filii familias utique subeunt majorum loco id, quod laboriosius est; rursus cum suppetant vina & dapes, tunc procul dubio tam parentibus, quam fratribus majoribus natu minores officiose ministrant epulas: sed hi *an idcirco* statim censeantur obedientes esse? Enim vero *si non hæc promte*, constanter, & cum alacritate quadam animi corporisque præstiterint, obedientiæ veræ nomen ac numeros haudquaquam impleverint., Alterum præceptum est L. III. P. II. fol. 16. 17. ubi Confucius ait: „*Filius constanter* morem gerat, *serviatque* Patri & Matri. Si tamen ab eis forte peccaretur, *leniter* ac pedetentim *commoneat*. Quod si viderit, eo esse animo parentes, ut non obsequantur monenti: *superfedeat*, iterumque solita prodatur observantiæ argumenta; & *nequaquam* verbo vel facto eis *adversetur*. Quod si etiam laboribus molestiisque, imo etiam *verberibus* obruant ipsum, castigantque; eis tamen haudquaquam succenseat filius.”

§. 150.

Exemplum perfecte elegans.

*Incundum* est facti exemplum, quod de discipulo aliquo Confucii Annales mem-



morant, commendato propter obedientiam ab ipso etiam Confucio L. III. P. VI. fol. 70. „*Mim çu Kien* nomen est homini prorsus laudabili. Matrem ille amiserat infans prope, duxeratque Pater uxorem alteram. Ex ea nati sunt duo filii, quos illa fovit ut mater, & adversus brumæ asperitatem suffultis gossypio vestibibus muniit, privignum in-terim, ut noverca negligens. Eum forte pater brumali die jussérat currum agere: quando male amictus puer tantum non obriguit frigore. Pater cognita rei causa indignabundus statuit uxorem domo ejicere: quod animadvertens pius filius, supplex & cum lacrimis: *Parce*, inquit, *o genitor, parce matri, ut parcas filiis: Hac enim si maneat, ego duntaxat unus patiar incommodi quidpiam; ac si dimittitur, jam tres omnino filii plurimum patiemur.* Fregit amoris illa vox iram patris, & ex noverca matrem fecit.

## §. 151.

*Quanta* esse debeat cura liberorum in observantia sua erga Parentes, arbitror etiam *ex minutiis* intelligi, ad quas illam philosophus extendit; cujusmodi sunt, quando postulat, ut filius subinde ætatem reminiscatur Parentum, partim scil. ut latetur, partim ut pertimescat: intelligi *ex tempore*, ad quod obedientiam extendit, etiam post obitum parentis.

M

L. III.

Sollicitudo in observantia Parentum.

L. III. P. II. fol. 17. „Patris & Matris *an-*  
*nos* seu ætatem probus ac pius filius as-  
 fidue reminisci debet, non potest citra  
 culpam ignorare, partim ut lætetur ipse,  
 partim ut pertimescat., Atque *eodem lo-*  
*co.* „quisquis parentibus vix jam fun-  
 ctis totos tres annos non discesserit a  
 patrio more & instituto, is poterit nun-  
 cupari obediens: „ atque *iterum* :  
 „quamdiu Pater & mater superstites sunt,  
 filius ne longius seu in longinquiore  
 terras evagetur. Veruntamen si gravis  
 quæpiam necessitas longius proficisci co-  
 ègerit, sciant omnino Parentes, ubi ter-  
 rarum filius versetur? „

§. 152.

Supersti-  
 tio inter-  
 currens.

Non tamen illud nego, *superstitiosus*  
 videri, quod de cura membrorum cor-  
 poris habetur inter Sinica quoque mo-  
 numenta. *Præceptum* enim *antiqui carmi-*  
*nis*, quo dicitur:

„Esto timens ac pavidus, sollicitus & cau-  
 tus, ad instar appropinquantis profun-  
 do rapidoque fluminis alveo, vel ad in-  
 star calcantis tenuem glaciem, ne quid-  
 piam committas, quod parentes con-  
 tristet, vel offendat.,

cousque *Cemcius*, Confucii discipulus  
 & commentator extendit, ut moribun-  
 dus pedes atque manus ostenderit con-  
 vocatis suæ scholæ discipulis, hoc di-  
 cto:

„Agite,

„ Agite , retegite meos pedes , retegite meas manus : quæ a parentibus acceperam sana, quoad potui , integraque conservavi, quo promptius ea diutiusque in eorundem obsequium impenderem. Id me docuit Odarum liber, dum ait: esto timens &c. „

Potest hoc tamen excusari, potest etiam commendari: Illud, credo, miserum videtur, quod eodem argumento multi, Tartaro imperante, maluerint aquis aut laqueo suffocari, quam Capillitium amittere; ineptum quoque illud, quod honorarius putent Sinæ, laqueo vitam finire, quam Capite minui, quod intolerabile sit, ad Patres suos & majores remeare absque capite, & hoc opprobrio manes patrios affligere, seseque reos sistere tam nefandi criminis, cujus causa corpus, quod a Parentibus integrum acceperunt, *Acephalorum* instar mutilum & truncatum iis spectandum offerre cogantur, vide L. III. P. IV. fol. 48.

§. 153.

Uno denique fasciculo collecta *adole-* Officia A-  
*scantum officia* L. III. P. I. enumerat Con- dolescen-  
fucius *sequentia*: obedientiam erga Paren- tum.  
tes, observantiam in majores natu, pro-  
pinquos, consanguineos, cives & popu-  
lares quoscunque, præcipue bonos &  
probatissimos quosque, constantiam &  
prudentiam in suscipiendis negotiis,  
M 2 amor

amor universalis erga omnes ; Tum vero præstitis iis, si otium suppetat & facultates, Literarum studia, & in odorum libris diligentiam. *Applaudo sane inverso ordini*; nostris moribus literæ, cædemque succo ut plurimum vacuæ adolescentibus occupant ; discendæ sunt linguæ, ex omnium hominum usu & negotiis gravibus rejectæ ; oneranda est præceptis, nihil ad usum civilem pertinentibus, memoria, judicium negligitur, virtutis studium aliquando ne attingitur quidem. *Utri rectius ?* Confucius cum suis, literas tum demum admittentibus aut commendantibus, cum virtuti prospectum est ? an Europæi, neglecta aut obiter attenta aut mulierculis commissa, aut in formulis posita virtutis cura literis tenerum animum, iisdemque sæpenumero inutilibus, haud raro periculosis, admoventes atque imbuentes ?

Audiamus Philosophum L.III. P.I. fol. 4.

„ Fratres natu minores ac filii familias, si *intro* seu domi suæ degunt, tum quidem *obediant*, serviantque parentibus, quanta possunt contentione tam animi, quam corporis. Si autem sint *foris*, tum observent *maiores natu* propinquos suos, & consanguineos, cives item ac populares, iisque sua præstent obsequia. Si quid operis negotiique suscipiant, *con-*  
*stant.*

*stantiam* afferant, cœptaque perficiant; proinde maxime semper *attendant* principio & fini cujusque operis; atque adeo veraces & sinceri quoque sint, sibi que consent in operibus suis. Amplo quodam & *universali amore* diligant omnes, cum omnibus pacem colant: sic tamen, ut *arctiori* \* quodam vinculo benevolentiae & familiaritatis jungantur optimis quibusque Viris ac probatissimis. Et *hac* quidem sunt adolescentum officia *maxime necessaria*: quibus exacte præstitis, si suppetat eis pauxillum otii ac virium; tum laudabiliter adhibebunt illas in addiscendis *literis* & mandandis memoriae \*\* *priscorum Sapientum*,

M 3

Ma.

\* Obiter admoneo hic refutari duplicem in *Sina* sectam, quatum altera omnes æqualiter amandos esse præcepit, altera negavit attendendos esse alios juxta sese homines, aut eorundem rationem habendam. Confucii tempore utraque exorta est, altera *Me* dicta, *Yam* altera. Sic enim lego in Tabula Chronologica ad An. 597. ante Chr. N. fol. 13. „Circa hæc tempora hæreses ortæ *Yam* & *Me*. Hic docet omnes æqualiter amandos, nullo ne Parentum quidem discrimine; *Yam* curam sui duntaxat habendam, ne Regis quidem ratione habitam.,

\*\* Velim, attendant Lectores nostri ad hunc ordinem. Non ego meum interpono judicium, quoniam id breviter exponi & demonstrari non potest. Judicet per seipsum unusquisque: *utri* rectius? *Nostri*, cum institutioni & exercitationi virtutis omni præmittunt ea, quæ non intellecta memoriae mandantur: an *Sina*, qui intelligere prius, & exercere

Majorum nostrorum, odis, quibus egregia plane documenta cujusvis ætatis institutioni, sed imprimis adolescentiæ, perapposita continentur. „

§. 154.

Responde-  
tur obje-  
ctioni.

Atque ut *ne rudes* ejusmodi adolescentes fore quis exprobet, & doctos postulet magis, quam virtute præditos: discipulus eodem loco scrupulum hoc ordine eximit, ut *ejusmodi juvenem*, cui facultas non sit colendi literas, qui tamen obtineat, exerceatque virtutes memoratas, omnino studuisse & *præclare doctum* esse pronunciet.

Ita

---

cere malunt virtutum documenta, quam imprimere memoriæ? An *soli* juvenes valeat memoria? an specie saltem externa decipimur, qui solam verborum quorundam recitationem continuo ordine factam putamus esse opus memoriæ? An *sola* valent memoria juvenes? an ceteris quoque facultatibus, si exerceantur illæ, & conformiter circumstantiis? An *tanti* est memoriter aliqua recitare, etiam non intellecta, ut æquivalet exercitationi virtutum, etiam illarum solum, quæ cadunt in tenellos animos? An *tanti* ille fructus est, quem ex nostro more percipimus, quantus foret ex eodem inverso, aut correcto saltem? sunt hæc quæstiones, nisi fallor, utiles; quibus attendere sit operæ prærium. Neque enim dubito, multa hic negligi ex ignorantia metaphysicæ, hoc est verioris, distinctionisque de Anima humana doctrinæ. Transcant autem illa hoc loco.

Ita autem citato loco fol. 5. *Cu hia*, discipulus Confucii: „*Si delectetur quis* Viris probis ac sapientibus sic, ut commutet & quasi transferat in hos amorem, quo ferri solet in res visu pulcras & delectabiles; *Iem* in præstando probi filii officio tam erga patrem, quam matrem, si valeat, seu velit & conetur exhaustire vires suas; *adhac*, si debita subditi officia sic præstet adversus suum Regem aut Principem, ut valeat, sive non dubitet exponere propriam quoque personam ac vitam, quotiescunque res ita postulaverit; *Denique* cum sodalibus & amicis suis vivens familiariter, si tales instituat sermones, ut ubique locum habeat fides ipsius ac veracitas; *quisquis hujusmodi fuerit*, tametsi forte sint, qui dicant, eum necdum studuisse, ego certe semper & sentiam, & dicam eum studuisse, & *præclare* quidem esse *doctum*.

§. 155.

Inter *remedia* plantandæ obedientiæ & reverentiæ erga Parentes illa veneror præcipue, *quod ad dignitates* & Magistratum aditus *nemini* pateat, qui non ante luculenta obedientiæ testimonia parentibus exhibuerit: *quod obedientiæ premium* aliquando vel ipsum Imperium fuerit, plerumque autem sit elevatio ad honores & munia; *quod in ipsa familia domesti-*

Media in-  
culcandæ  
Obedien-  
tiæ.



ca constitutis anni cujusque diebus, natalitus v. g. Parentum, liberi eodem graviter & cum Majestate stantes adire tenentur humiliter, coram illis prosterni aliquoties, facie in terram demissa, modestiam suam testaturi; & observantiam, & amorem, & reverentiam animi intimam; quod agris assistere teneantur, atque ipsi per sese officia præstare, neglectis etiam negotiis privatis, adeo quidem, ut neque longius abesse sine Parentum venia liceat, ne forte, cum opus est, operam suam in juvandis parentibus collocare prohibeantur; quod mortuos lugere per triennium teneantur, & modo, quem nostri, scio, impossibilem judicarent, nisi exempla prostant luculentissima.

## §. 136.

Descriptio  
Luctus Sini-  
ci.

Scilicet eousque Sinæ progrediebantur antiqui, ut per integrum triennium abessent publico: dignitatibus sese abdicarent suis; domo non excederent; conclavia atque utensilia omnia permutarent in simpliciora, exulare jussu ornatu; non nisi humilibus sellis considerent; neque vinum biberent, neque cibis vescerentur delicatioribus, leguminibus contenti; vestibus uterentur crassioribus, albi coloris tanquam luctui inter ipsos significando destinati; lectis abstinerent tenebrioribus; sermonem ipsum fletibus intermissum tristitiæ testandæ accommoda-

da.



darent; neque alia sui appellatione uterentur, quam *miserorum ingratorumque filiorum*, qui sua pietate adeo non promeruerint parentum longævitatē, ut potius negligentia sua & delictis fata illorum præcipitaverint; denique ut quotannis statō die, Parentum emortuali funnerum repetitio luctuosa fieret, ceremoniis iisdem atque ad id officium universa familia congregaretur, demortuis quasi præsentibus & vivis honor atque cultus exhiberetur magna cum observantia, recitatis eorundem factis, expositis eorum vestibus, vasis, instrumentis, insignibus & similibus, adhibitis quoque ritibus & Musica, quibus defuncti olim usi fuerant &c. \* *quæ sane omnia sunt ejusmodi, ut venerationem Parentum non testentur solum, sed quam maxime ingenerent, & quasi per continuam a majoribus traditionem in posterorū propagent.*

## §. 157.

Dabimus aliqua Viri Philosophi verba ex more nostro; ut intelligatur, *a* *lu-* *Lu-* *Triennil*  
*M* *5* *ctu* *Universa-*  
*lis in obitu*  
*Parentum,*

\* Transtuli hæc, compendio exhibita, ex Ephemeridibus Gallorum, *Journal des Savans* 1688. p. 31. 32. ubi *Bernierius* brevem hanc luctus descriptionem exhibet. Prolixior locus est apud Confucium, L. II. *Scientia Sinica* fol. 55. 58. quam ut hic exhiberi debeat; neque is omnia complectitur, ex alijs adjungenda diffusius.

*Et trienniali neminem fuisse exceptum, adeo quidem, ut Imperii successor eo tempore in hortos aut solitudinem secederet, imperandi regulas a Tutore aut sapientibus interea edocendus.*

L. II. fol. 56. „In obitu *Patris* aut *matris* triennii luctus pertingebat ad ipsum usque *Imperatorem*. Et in hoc *Patris* ac *Matris* trienniali luctu non habebatur distinctio nobilis ab ignobili, sed una eademque erat *omnium ratio*; quia quæ parentes promeriti sunt de filiis, & quæ filii vicissim debent parentibus, sunt in omnibus paria, & eodem pretio æstimanda,,

§. 158.

An suffi-  
ciat Luctus  
Annuus;  
disputatio  
Discipuli  
& Magi-  
stri.

Cumque alibi *discipulus Cai ngo* noviter introductum *annui* tantum *luctus ritum* in quæstione ad Magistrum *argumentis defendere* aliquibus niteretur, quod remoti ab officiis civilibus per triennium ipsa desuetudine posthac in idonei futuri sint; quod musicam per triennium non exercentes, ipsam dediscant: quod ipsa rerum natura plurimarum rerum principium & finem annuo spatio definiat, & tunc novas protrudat & prioribus substituat: Magister illi antiquitatem opponit, & Majorum leges, & conscientie morsus in hunc modum: L. III. P. IX. fol. 130. 131.

„*Veteres quidem officiorum & rituum libri*  
pre-

*praescribunt filiis, ut in funere parentum per tres annos vescantur oriza admodum vulgari & male purgata, potent aquam, cannabina veste, aspera sc. & humili utantur. Tu nunc unico igitur exacto anno quando jam luctum abjeceris vescens denuo alia illa puriore oriza, denuo indutus aliam vestem sericam & pretiosam, an tu tranquillo eris animo? non Te cruciabit conscientia neglectae pietatis?,,*

*Discipulo autem, se tranquillo animo fore asseveranti, contrarium testatur de Viro probo & sapienti Magister Confucius.*

*„Viro probo ac sapienti, versanti in luctu & lordibus propter amissos parentes, vescenti licet opiparis & deliciosis dapibus, non tamen ea dulcescunt ac sapunt. Idem audiens forte concentum Musicum, sic eo non delectatur, atque si non audiret. Idem quamvis molliter ac deliciose cubans, non tamen ullam capit quietem. Tanta piimceroris vis est: tantum, tamque perenne optimorum parentum desiderium. Quocirca nunquam committet, ut contrahat legendi spatium a majoribus constitutum: Nunc autem tu, quando sustines id facere, fac sane, quod libitum fuerit.,,*

*Egresso deinde discipulo, rationem di-*

*Et* ceteris exponit, & a parentum cura triennali triennalem quoque luctum derivat: prolem enim natam & fotam per tres annos, eximi demum & Patris matrisque sinu testatur.

„Discipulus *Tu* \* non est vera germanaque virtute præditus, quando statuit, tam facile mores antiquos negligi posse & *instituta* majorum violari, quæ tamen videntur *consentanea* naturæ legibus atque *rationi*. Etenim proles nata & fotata per tres annos, deinceps eximitur e Patris matrisque sinu: quid ergo justius, quam ut *amori* trium annorum totidem quoque annorum pietate & *luctu* liberi respondeant? Hic certe trium annorum luctus & maxime vetustus est, & per Imperium totum vulgatus, & usitatus luctus. An forte *Tu* discipulus perceperit quoque trium annorum curam & amorem a suis parentibus, veri reliqui mortalium, quod adeo patrocinetur huic novitati & errores tueatur ætatis nostræ? „

§. 159.

In funeri-  
bus quid  
caven-  
dum? quid  
sectan-  
dum?

In ipsis Parentum funeribus damnat *par-  
simoniam*; damnat vero & *vanitatem*: lu-  
ctum postulat *internum* præcipue, & in ri-  
tibus *gravitatem*.

Testimonium est L. III. P. X. fol. 142. 143.

7n.

Idem est, qui & *fai ngo* vocatur.

„*Iusta dum persolvuntur mortuis, maxime quidem parentibus, pius filiorum luctus penitus exerat sese in vehementi quadam commiseratione, intimoque sensu animi lugentis ac desiderantis amissos parentes; & sistant hic filii, nec magnopere laborent, tametsi ad luxum & apparatus ætatis nostræ, in quo sæpe plus est vanitatis, quam pietatis, copiarum non suppetant.*„

§. 160.

*Subordinationem autem in ritibus parentalibus exactam postulat, atque in suorum quoque funeribus accurate attendit, ab aliis neglectam graviter perstringit.*

Subordinatione in ritibus.

Exemplum facti hoc esto: L. III. P. II. fol.

§. „Confucius ait: Quotiescunque peragitur gravis ille ritus *Ti* dictus, qui proprius est Imperatorum, & quo solent hi quinto quoque anno in parentali majorum suorum aula honorare familiæ conditorem, & qui ex illo deinde prognati sunt Imperatores: Etsi principio satis graviter & rite multa fiant; ubi tamen jam vinum novies de more oblatum est, novies item libatum, quicquid deinceps agitur, quia oscitanter agitur & exigua cum reverentia ego, quidem non aveo vel gaudeo spectare, tametsi ratione officii mei cogar assistere. Verum quod hic omnium maxime mihi displicet, est, quod honores illos  
foliis

solis Imperatoribus debitos, & uni *Chen cum* quamvis regulo tantum ab Imperatore *Chim Fam* Nepote propter eximia prorsus Viri in totum Imperium merita concessos; ) *nunc* videam aliis quoque regulis ejusdem *Chen cum* posteris deferri, *contra jus* omne, moremque Imperii.

§. 161.

De Natura  
& Fine  
Cultus Pa-  
rentalis.

Longum foret enumerare *ritus* in ejusmodi parentalibus sacris adhiberi solitos: sufficit indicare breviter, *tales fuisse*, ut reverentiam testarentur atque propagarent. Scio quid inter Europæos ex longo tempore litigatum sit, de cultu Parentum inter Sinas usitato; de cultu item Confucii ipsius, Magistri sapientiæ. Ex documentis, \* quæ vidi, *Civilem*

\* Sunt hæc scripta RR. PP. a Societate Jesu Missionariorum, quæ licuit evolvere; *Francisci Xaverii Philipucci* Præludium *de Cultu Confucii*, Lugduni & Parisiis 1700. *Prosperi Intorcetta* Testimonium *de Cultu Sinenſi* A. 1668. datum, editum A. 1700. *Jacobi le Faure*, dissertatio Theologico-Historica *de avita Sinarum pietate* præsertim erga defunctos, & eximia erga Confucium magistrum suum observantia, ibid. 1700. *Informatio Antiquissima* de Praxi Missionariorum Sinenſium Societatis Jesu, circa Ritus Sinenſes, data in China, annis 1630. & 1640. a P. *Francisco Furtado*, Vice-Provinciali Sinenſi, edita ibid. 1700. *Apologia pro Decreto S. D. N. Alexandri VII.* & praxi Jesuitarum circa cærimonias, quibus Sinæ Confucium & Progenitores mortuos colunt,

vilem esse utrumque conficio, & similem, testandæ venerationis atque gratitudinis causa institutum. De antiquis quidem Sinis, eorundemque in Majores cultu id mihi testimonium est, e Libro scientiæ Sinicæ secundo fol. 58. ubi ex instituto ritus enumerat Confucius; eosdemque ita concludit:

„Denique serviebant *modo mortuis*, sicut servierant *viventibus*: Rursum serviebant *olim mortuis*, ac si servirent iisdem salvis ac superstitibus: Atque hic sc. erat *obedientia apex*.,

Finem ipsius cultus parentalis L. III. P. X. fol. 155. expositum deprehendo; & plane eum, qui consilio Civili, non cultui religioso accommodatus sit. Inter cetera enim facta Imperatoris *Vu Vom*, tandem id quoque recenset Philo-  
sophus:

„Ad extremum quæ circa populi sui gubernationem valde cordi habuit memoratus Imperator & magni ponderis ac momenti esse duxit; tria fuerunt: sub-  
dito-

---

colunt, ex Patrum Dominicanorum & Franciscanorum scriptis concinnata. Lovanii 1700. *Audiat* vero & altera pars! Neque hæc decisionem comprehendere judicentur meam; siquidem §. 18. monui, abstinere me a certamine. Refero hie testimonia, ut deprehendo: indico, quid consequi videatur ex iisdem illis, ut jacent. Cetera Viris, quorum interest, salva plane & intacta relinquo.

ditorum *annona*, ut semper affatim esset earum rerum, quæ vulgo sunt ad vitam sustentandam necessaria: *Funera* & exequiæ, ut debito ritu modoque peragerentur: *Parentalia* denique seu honores funebres & solennia quædam fercula statis annis temporibus in memoriam defunctorum parentum ac majorum offerri solita: quibus *admonerentur filii* gratæ pietatis & observantiæ erga Parentes etiamnum superstites, quando videbant eam erga progenitores jam pridem demortuos tam accurate solliciteque exerceri. „

## §. 162.

Parentum  
Auctori-  
tas sepes  
Magistra-  
tum.

Non possum ego applausum denegare *solicitudini antiquorum* Sinæ LLtorum & Philosophorum, qua Parentum auctoritatem, quanta potuerunt, maximam liberis commendarunt; *sepem* illam interpretor *pro* tuenda dignitate magistratum; *impossibile* videtur (cum Sinis philosophari placet) ut magistratui obedientiam neget, qui eam & a Patre didicit, & a filiis postulat suis; *impossibile*, ut repugnet, cui a teneris annis, nihil æque exemplo & præcepto & ritibus inculcatum est, quam cultus, veneratio, obsequium in parentes, ipsos etiam magistratui subditos; *impossibile*, ut novis rebus studeant, qui solennibus festis docentur amare, quæ prisci; studere illis, quibus prisci;



prisci; imitari ea, quæ prisci fecerant; & quæ sunt similia, quæ prolixius non repetam.

## §. 163.

*Unum tantum huic sectioni liceat ad- Quous-  
jungere. Uicunque arctior & major apud que Pa-  
Sinenses quam nostros communicatio retarum &  
inter Patrem atque filium obtinere ex di liberorum  
ctis videatur: non eo tamen eousque communi-  
porrigi illam Confucius admittit, ut Pa- catio ex-  
rentum siue sapientia siue vitium impu- tendatur  
tetur filiis. Locutionem a sacrificiis inter  
Sinenses usitatis sumit; rufum colorem ad-  
hibebant sub Imperio Chen, rejiciebant  
maculosum. Ait igitur Confucius:*

Discipulus meus *Chum cum*, tametsi *Pater*  
ei sit vilis & abjectæ conditionis homo,  
variis item notatus vitiorum maculis,  
adeoque *maculosi bovis* instar: *Ipse ta-*  
*men virtute insignis rufi* instar est *vi-*  
*tuli*. *Uti igitur* stulto certe improbo-  
que filio, nec virtus patris, aut sapientia  
ornamento esse potest: *ita nec impro-*  
*bitas stultitiaque patris* fraudi esse debet  
probo filio & sapienti, adeoque digno,  
qui ad publica munia adhibeatur.,

## §. 164.

*Herilem statum* referri a Sinensibus ad *Officia*  
Patrium jam ante vidimus, ubi totius fa- *Heri &*  
milie regimen incumbere Patri, aut uni- *servi ele-*  
versam domum matris exemplo conti- *ganter*  
neri in concordia & flore intelleximus. *indicata.*

N

Pla-

Placet binas saltum observatiunculas addere speciminis loco. *Magna Confucio differentia est, sapienti servias, an improbo? Sapienti facile servias. Quid ita? metitur vires Tuas & facultates, & iisdem accommodat mandata. Intelligis officium heri? Sapienti difficulter oblectamentum faxis. Quid ita? admittit non nisi honestum. Intelligis officium servi? ipsam quoque sententiam, eleganter enunciatam, & per contraria illustratam apposite.*

L.III. P.VII. fol. 96. 97. ita *Confucius* :

„ Viro *sapienti facile est quidem servire, & iussa quolibet Imperantis exequi* :  
 At *difficile est sane eidem præbere oblectamentum*. Etenim si offeras oblectamentum ipsi non consentaneum honestati & rationi, non admittit. Agendo vero de ipso ut est imperans aliis, semper utique metitur vires & facultates eorum, quibus quid imperat. *Stulto contra difficile est servire; ac perquam facile præbere oblectamenta* : quippe si demulces illum & oblectas, quamvis id turpiter & illicite, oblectatur tamen. Agendo vero de ipso, ut herus est, seu *Præfectus populi, importune & inclementer exigit ab suis res omnibus numeris absolutas.* „

§. 165.

Cautela  
circa tuam

Vidimus *Herum se accommodare subiectis,*

Etis, cavet Philosophus tamen, ut ne *auctoritas*, quam ille semper salvam voluit in omnibus hominum actionibus & consuetudine, aliquod inde damnum ferat. Circumspectius hic agi vult, ut ne *contemptum familiaritas* inferat, aut *querelas* generet *severitas*.

L. III. P. IX. fol. 132. Confucius ait :

Solas fere mulierculas, & infimæ conditionis homines, cujusmodi sunt, qui nobis famulantur, perquam difficile est sic tractare, ut tamen contentos habeas. Etenim *si propior* illis fiasper indulgentiam quandam & facilitatem : jam non submisisse se gerent, sed insolescent, nec Te (uti par erit) colent; ac verebuntur. *Si Te removeas* ab eis, nec nisi perraro cum ipsis agas, idque cum auctoritate quadam & severitate : jam querentur, & odio habeberis uti austerus, illiberalis inhumanus.,

§. 166.

Diximus de patrio Regimine & officiis familiæ. Qui domum eo ordine suam continere didicit, illum Sinæ populo præficiunt & ad gubernacula transferunt : non sane, quod existiment, illum magnis illico sufficere, qui parva possit dirigere;

„ Vir eximius, inquit Confucius L. III. P. VIII. fol. 115. non potest *parvis ex rebus*, quamvis eas præclare gesserit,

N 2

illi-

illico sciri seu statui, etiam potens esse, seu idoneus *ad res magnas* suscipiendas & tractandas.,

*Sed* quod istum quidem *preparatum* putent, & eos minimum *arceri* magistratibus atque dignitatibus præcipiant, qui vel suam personam vel familiam ex honesto & decoro componere non valeant.

L. III. P. VII. fol. 93. inquit Philosophus: „Si quis recte instituat suam ipsius personam in suscipiendo Magistratu, ecquid habebit negotii vel difficultatis? Contra si non possit recte instituere suam ipsius personam, quo pacto tandem reget instituatque alios? „



## SECTIO SEXTA SPECIALIS.

DE

## OFFICIIS MAGISTRATUUM ET MAGNATUM.

§. 167.

Ratio dicendo-  
rum.

**A**D Magistratum pervenimus & Dynastas. Eorum *poteſtatem, ordines & jura* enumerare non possum, quod desunt

*De Officiis Magistratum & Magnatum.* 197  
sunt mihi officiorum & rituum libri, in Europa, quod sciam, nondum editi. *Peregrinantium* relationes, opinor, attendi non debere, ubi ex authenticis omnia documentis eruere constitutum est. Quæ igitur in *libellis meis classicis* deprehendo, illa summatim persequar, primo ad magistratus quoscunque animum attendens, deinde ad ministros Principum & Regulos.

§. 168.

Magistratui neminem admoveri volunt, Magistrati <sup>tum non</sup> nisi idoneum; eoque postulant, ut <sup>suscipiant</sup> privati <sup>nisi idonei.</sup> præparent industriam, ad moti officio <sup>suscipiant</sup> exerceant; recusent dignitatem, cum ei gerendæ non sunt idonei, tantum abest, ut ambire indignis liceat.

L. III. P. IX. fol. 120. „Privatus adhuc degens tum præparat suas recte gubernandi rationes & industrias: Post vero publico fungens officio fidelis administri, tum sc. exercitat suas, quas præmeditatus fuerat rationes & industrias. Ego audi vi hoc proverbium: At necdum vidi ejusmodi hominem, „ Est L. III. P. III. fol. 19. *exemplum declinati* ob indignitatem suam *muneris*: „Confucius jusserat discipulorum unum, *Cietiao cai* dictum, gerere magistratum. Respondit ille: Ego hujus rei nondum teneo, vel assecutus sum sufficientem peritiam, ut eam ausim suscipere. *Confucius*

N 3

Confucius

*fucius* audito discipuli sui responso, prudentiæ modestiæque pleno, admodum gavisus est. „

§. 169.

Quinam  
sint ido-  
nei?

*Idoneos* autem illos prædicat Philosophus, qui moderati sunt, lenes, minime tetrici; qui non negligunt majora, intenti minutis; qui neque lenti, neque timidi; certi autem promptique consilii; perspicacis atque omnia penetrantis ingenii; qui arte valent, & ingenio ad res omnes idoneo; maturi studiis, non elevati affectu præcipiti, & quæ sunt similia. Non ego rationes consilii allegabo, etsi facile succurrant: testimonia adducam aliqua, quæ ceteris elegantiora videntur.

L.III.P.III.f.26. inquit Confucius: Discipulus meus *Yum* vir est admodum moderatus, lenis, minimeque minutus ac tetricus: dignus proinde, quem faciant Austrum versus respicere, sive obverso ad meridiem vultu jus dicere. \* „ L. eodem P. eadem fol. 29. ubi ex Confucio quaesivit de discipulis ipsius Regni *Lu* præfectus, an admoventi possint gerendæ rei publicæ? de singulis ita magister respondit: „ Discipulus meus *Yen* vir est haudquaquam lentus aut timidus: sed ad-

mo-

\* Id est, dignum judico præfectura: Namque apud Sinas non modo Regis aula, sed omnium etiam Præfectorum Regionum tribunalia *Austrum* respiciunt. vid. l.c. fol. 26.

modum certi promptique consilii; quique adeo lites quaslibet sapienter decidere, & quæcunque etiam intricata & difficilia negotia expedire queat. Discipulus meus *Su* est perspicacis, & omnia penetrantis ingenii, quo rerum causas, negotiorumque rationes omnes ac fines perquam facile cognoscit: In gerenda itaque præfectura quid habeat negotiū vel difficultatis? *Kien* discipulus meus arte valet & ingenio ad res omnes apto; ad gerendum itaque magistratum quod attinet, quid impedimenti quæso habeat, quo minus eum præclare gerat? Parte autem VI. fol. 75. Cum discipulus Confucii *Chu lu*, præcipuus administer præpotentis familiæ *Ki* gratia sua & auctoritate perfecerat, ut condiscipulo *Chucuo* præfectura alicujus ditiunculæ *Pi* concederetur, indignabundus Magister: Mihi crede, *damno Tu es huic homini*, optimæ alioquin indolis ac spei, dum *immatuum* ad munus publicum inconsulte promoves. „

§. 170.

*Ambire Magistratum licet*, ex Philosophi sententia, *cum* in regno Leges vigent & virtutes: sin illæ jaceant, indignum arbitratur, servire tempori, & augeri vel le opibus ac honoribus.

L.III. P.IV. fol. 49. „ *Si quando* in Imperio est virtus legumque observantia;

N 4

Phi-

Quando  
conveniat  
ambire  
Magistra-  
tus?

Philosophus palam se facit : *si vero in Imperio deest virtus ; tum latet privatus quidem , sed tutus . E contrario , quando regnum habet virtutem , quando vigent leges ; tunc autem privatæ vitæ otio marcescere , & velle vivere pauperem , & adhuc negligi , pudendum est . Jam vero , quando regno deest virtus , & jacent Leges : tunc eum , qui dici vult Philosophus , servire temporibus , & velle augeri opibus ac honoribus , indignum quid est , maximeque probrosum & pudendum .*

§. 171.

Et quibus  
artibus ?

*Si modum* quis requisierit , quo perveniri ad dignitates atque Censum ex *Confucii* sententia possit & liceat : dignum illum Philosophoprehendimus . *Prudentiam* adhiberi vult in sermonibus , atque negotiis , præcipue illis ; quæ cum periculo & difficultate conjuncta sint : *Cautè* enim considerateque *vivendi artibus* perveniri ad dignitates atque census existimat . Enarrat illa , cum discipulus ipsum accesserat , operam Philosophiæ daturus , ut obtineret literarum doctrinæque præsidio dignitates in republica , & , qui illas consequuntur , amplos census . *Dubitò* , an eadem nostrorum responsio foret , quæ Confucii : Audiamus illam .

L. III. P. I. fol. 18. „ Ex multis hominum sermonibus , quos audire Te contigerit ,  
pru-



prudenter secerne, ac relinque, silentioque fac premas, quæcunque dubia fuerint vel incerta: considerate vero fac proloquaris cetera, quamvis tibi certa videantur esse, tutoque dici posse; sic enim fiet, ut verbis quidem perraro pecces. Rursus ex multis rebus ac negotiis, quæ vulgo videbis suscipi, iis prudenter abstineto, quæ sunt cum periculo vel offensione conjuncta: caute vero Te geras & considerate reliquis etiam in rebus; sic enim fiet, ut raro Te rei vel temere susceptæ vel male gestæ pœnitudo subeat. Porro ubi tam præclara vitæ morumque ratio servabitur, ut quis *nec verbo* nisi forte rarissime offendat, *nec facti* nisi rarissime pœniteat, mihi crede per amplius census his tam caute considerateque vivendi artibus continentur: *Tantam* quippe prudentiam & virtutem publicæ dignitates, & qui cum his conjuncti sunt, census, *ultra* consequentur.

§. 172.

*Census* hoc loco dignitatibus adjunxit Quomodo philosophus: *qua* id cautela fieri debeat, *do respi-*  
& quantum illi officio concedant, *ciendi* *Census?*  
disertius indicat L. III. P. IX. fol. 115.

„ Serviens, uti servire par est, Regi, *ante*  
*omnia* & præ omnibus cordi habet, quæ  
sui muneris officiique sunt; ac *postponit*  
*his* censum suum, suæque stipendia. „

Adeo id quidem, ut & muneri & con-  
N 5 sequen-

sequenter censui renunciandum esse præcipiat, si monendo arguendoque nihil proficias.

Ita enim l. c. fol. 117. Philosophus: Si cupiam suppetunt vires ac facultates ad gerendam rempublicam: adeat sane munus publicum: non autem valens præstare, quæ sunt officii sui, sistat, & gradu, si quem forte obtinet, sese abdicet.,

## §. 173.

De Aucto-  
ritate &  
Modestia  
Magistra-  
rum.

Magistratum quidem dignitatem sollicite Sinenses tuentur: Ipsorum tamen primam virtutem postulat Philosophus modestiam, & submissionem animi. Accommoda est hæc coordinatio. Alterum subditi debent; alterum Magistratus: alterum officii est; alterum personæ: alterum cives coërcet; demulcet alterum & allicit. Quam id egregium est, alteram alteri virtutem respondere, alteram temperari altera. Ita fieri potest, ut neque lenitas in levitatem degeneret, neque, quod serium & severum est, grave fiat, aut rude. Debent Magistratui Cives Reverentiam: debet ille Civibus benevolentiam. Primum pertinet ad Auctoritatem officii: alterum involvitur in modestia personæ.

## §. 174.

Testimo-  
nia Sinica.

Utriusque rei specimina non e recenti gentis historia, sed ex antiquis Confucii præ-

*De Officiis Magistratum & Magnatum.* 203  
præceptis repetam. Posset alioquin pro  
declaranda *Magistratum auctoritate* alle-  
gari apparatus, quo jus dicitur; Eius-  
modi enim est, quod in singulis urbi-  
bus ante fores atrii Præsidis tria tormen-  
ta bellica collocantur, atque exoneran-  
tur, quoties Præfectus pro tribunali se-  
dens publicam dat, aut finit audientiam,  
quoties palatio egreditur & ingreditur,  
quoties magnum excipit hospitem, &  
abeuntem deducit, aut cursorem cum  
literis ad aulam expedit & Imperato-  
rem &c. Manebo in præceptis anti-  
quorum.

*De Auctoritate Confucius L. III. P. I. fol.*  
*18.* „Is, qui Magistratum gerit, quo-  
ties se dat in conspectum suorum, si  
cum decore & gravitate se gerat, nihil  
appareat in illo leve vel incompositum,  
nihil agreste vel inhumanum: tum sub-  
diti eum suscipient & reverebuntur.,  
*De Modestia insignis locus est L. III.*  
*P. VI. fol. 75. 76.* Ibi Confucius disci-  
pulorum desideria exquirat: Ei igitur  
„ *lu* respondet: *Mille quadrigarum*  
*dynastia* \* medio sita loco & conclusa  
sit quodammodo inter majora duo Re-  
gna.

---

\* Est hæc Regio, quæ ambitu centum studiorum Si-  
nensium, id est, octo leucarum Gallicarum con-  
tinetur, propria illa Regulorum: appellatur hoc  
nomine, quod belli tempore mille quadrigas bel-  
licas in campum educere Dynastæ tenebantur.

gna. Augeatur eadem & firmetur cum prælidiis bellicis, atque imprimis maioribus minoribusque militum legionibus: Inter hæc autem frequens adsit segetum frugumque fertilitas: ego autem in tali re ac tempore gubernator sim istius dynastiæ. *Spondere* ausim, quod vix dum exacto triennii spatio potero efficere, ut vel sic habeant subditi mei multum roboris & fidei constantiæque, simulque sciant præ oculis habere æquitatem suæ causæ, patriæque libertatem; & me duce locioque fortiter, ubi fuerit opus, pro eadem occumbere.,, *Confucius* hæc audiens *subrisit*. Causam risus, a condiscipulo non multo post quæsitus, hanc dedit: „*Administrandum est Regnum ex præscripto & norma officiorum ac Legum: In his vero primum obtinet locum modestia*, submissioque animi. Huius autem discipuli sermones non significabant ullam modestiam. Atque hæc fuit causa, cur subriserim.,,

## §. 175.

Quantum  
temporis  
spatium  
requiratur  
ad reno-  
vandam  
populum.

Quemadmodum vero universa Magistratum cura in renovando populo absolvitur: ita postulat *Confucius* quoque, ut elapso aliquo tempore intelligatur, factum esse operæ pretium in emendatione civium. *Primo* quidem anno graviora extirpari vitia; *tribus* post annis absolvi rem posse autumat; *Proverbio* quidem dici,

*De Officiis Magistratum & Magnatum.* 203  
dici, administrantibus Imperium probis  
*per seculum* Principibus, quamvis imma-  
nes & improbos posse ad frugem redu-  
ci, aboleri pœnas & mortis supplicia;  
amore scil. non terrore in officio subdi-  
tos cohibente; esse tamen id spatium  
longius; rara videlicet virtute & sapien-  
tia Principem *triginta annis* id posse effi-  
cere, ut nativa virtus nulli non indita  
feliciter efflorescat.

L. III. P. VII. fol. 93. „Si quis esset e Dy-  
naſtis ac Regulis, qui uteretur me, ope-  
ra mea & consilio, *annua periodo* men-  
ſium, nec amplius, jam perfecisse ali-  
quid, jamque pretium appareret aliquod  
operæ meæ; gravioribus saltem vitiis sub-  
latis. *Tribus vero post annis*, uti spe-  
rare ausim, jam foret res perfecta.  
Subjungitur his dictis Proverbium, quod  
diximus, & cetera. Sed nolim illa bis  
legi eodem loco.

§. 176.

Testimonium *Magistro* discipulus exhi- Exem-  
plum, or-  
do, & me-  
dia Confu-  
cii.  
bet L. III. P. X. fol. 146. 147. atque  
*methodum* describit, qua usus Confucius  
ditionem sibi concreditam florentem  
reddiderit, procurando copiam rerum  
vitæ necessariarum; introducendo di-  
sciplinam & bonos mores; præstando  
tranquillitatem internam atque exter-  
nam; alliciendo externos fama sui regi-  
minis; excitando populum in studio vir-  
tutis;

tutis; concordiam & amorem inter cives universalem introducendo; atque illa omnia non strepitu aut violento motu, sed blande & leniter, quo scil. modo occulta Cœlorum virtus, etsi plurima in terris perficiat, secretissima tamen oculos hominum, & plerorumque intellectum fugiat.

Magister meus, inquit *Cu cum*, nactus aliquando magnam ditionem pro ipso ditionis Principe administrandam, *numeros omnes* sapientis & benigni gubernatoris *hoc ordine* & modo explebat. *Primum* quidem, quod vulgo dicitur ac præcipitur Gubernatoribus, erige & sustenta populum, æqua scil. agrorum divisione & vigilantia industria, ne quid earum rerum, quæ ad victum cultumque corporis necessaria, desideretur. Confucio res administrante, protinus erigebatur populus, & instar culturæ segetis succrescebat. Hunc vero in modum suppetente rerum copia, quod *deinde* præcipitur verbis & exemplis tuis ad omnem recte honesteque vivendi rationem ac disciplinam manuducito & dirigito rudem populum: Confucio dirigente idem protinus lubens volensque sequebatur, & viæ, quæ monstrata fuerat, constanter insistebat. Constituta vero hunc in modum optimis legibus ac disciplinis republica, quod *postea* præcipitur,

pitur, procura quietem populo; sicut  
suo singuli loco & conditione contenti,  
in natali solo velut in Centro conquie-  
scant: Procurabat hanc quoque rara  
solertia prudentiaque Confucii. Proti-  
nus itaque exteri complures finitimis e  
terris tam optatæ quietis forma & desi-  
derio impulsī, turmatim ventitabant.  
Parta vero tranquillitate publica, quod  
*deinde* præcipitur, permovere & excita  
populum, & alijs industrijs, aliisque,  
studium virtutis, mutæque inter omnes  
caritatis & observantiæ renova; erige  
languentes, currentibus subde calcaria.  
Confucio quidem sic excitante suos pro-  
tinus vigeat inter omnes concordia, &  
quæ hanc comitantur ritus, officiaque  
colentium amantiumque inter se civium.  
Ad cumulum vero laudum istarum *acce-  
debat*, quod tanti fierent animorum mo-  
tus sine motu strepituve illius, qui mo-  
vebat: non aliter fere, quam tacita  
occultaque cœlorum virtus cum plurima  
perficiat in terris, secretissima tamen est;  
& non oculos modo, sed intellectum  
quoque immortalium fugit. *His aliisque  
de causis* fuit omnino *ipsius* vita per-  
quam gloriosa; ejusdem veromors per-  
quam lacrimosa, communi diuturno-  
que luctu, qui hanc consecutus est,  
*testante*, fuisse *ipsum* civibus suis haud  
secus ac *Patrem* suis liberis in honore;  
nec

nec aliter fere quam blanda Mater esse solet in deliciis & amore.

§. 177.

Boni Mi-  
nistri Ori-  
go.

*Ista potissimum generalia de Magistratibus præcepta fuerunt; nisi quod intermedio Confucii facto viam ad officia Ministrorum atque Regulorum specialia expediverimus. Nemo id sine voluptate leget, quam sollicitè ministrorum jura & officia & cautelas in monendo Principe Sinenses commendant; quantum probis pretium statuunt; quam sublimem illis originem adjudicent, & quousque illorum officia simul atque efficaciam extendant? Persequamur illa breviter, ubi decet philosophantem de Magnatibus.*

„Ita nimirum res habet (verba loquor Philosophi) L. III. P. IX. fol. 139. „*Quotiescunque Cælum* pacandis & instaurandis Imperii rebus Reges submittit ac Principes: Adjutores etiam Principum, qui horum conatus industria, virtute, sapientiaque juvent, benigne submittit. Unde etiam *Cheu* familiæ conditor *Vu* *vam* (sunt verba L. III. P. IV. fol. 50. § 1. gratulabundus sibi identidem dicebat: Ego habeo Regiminis mei adjutores, subditos decem homines. Et inter decem illos datur una mulier, inquit Confucius, Regina sc. *Ye Kiam* Imperatoris ejusdem uxor, quæ familiam regiam, resque



resque Palatii admirabili cum virtute ac sapientia regebat.

§. 178.

Mirum non est ipsum sibi Imperato-  
rem gratulari de felicitate ista, quæ cœ-  
litus beatus fuerat: sunt plura ejusmo-  
di specimina. *Eminet* præclaris docu-  
menti *desiderium* Principis *Mo-cum*, in  
primo statim libro classico scientia Vi-  
rorum Principum dicto, relatum ac  
commendatum a Philosopho. Non po-  
rest majus aliquid ab homine postulari,  
sed neque utilius quicquam commenda-  
ri Magnatibus: itaque integrum exhibeo  
locum, fulciendum deinde exemplis  
aliorum & encomiis Confucii.

Descriptio  
& Præteritum  
Magni Sen-  
tus admi-  
nistri.

Ita Lego L. I. fol. 31. „Suspiria hic sunt  
& vota *Mo-cum* Principis *Cin*, quibus  
vel unum aliquem probatæ integritatis,  
solidæque virtutis Virum sibi a Consiliis,  
& in Regni administratione adiutorem  
optabat; cui scil. omnium officiorum di-  
gnitatumque dispensationem tuto com-  
mitteret. Itaque Regni hujus *Cin*.  
Princeps suspiria & vota sua pro-  
ceribus notificaturus identidem di-  
cebat: *O si haberem* unum aliquem *Dy-  
nastam*, Virum integrum ac sincerum;  
cui tametsi nullum esset aliud talentum,\*

O

ejus

\* Equidem hoc fieri non potest; qui non ipse sapiens  
est, litteratus, probus, æqui & justitiæ amans,  
non

ejus tamen cor amplum & tranquillum, liberumve invidiæ esset. Hic talis si haberet eam animi omnes æque complectentis amplitudinem, *ut videns hominem habentem præclara talenta, animatus eundem amaret, tanquam si ipsemet ea haberet; vidensque alios sapientia virtuteque præditos, ipse ex corde gauderet, eosque non mere verbote-nus & velut a suo duntaxat ore profecta laude commendaret, sed vere ac sincere valeret admittere ejusmodi Viros a virtute & natura egregie commendatos, utendo eorundem opera ipsosque ad congrua ipsorum talentis munia & dignitates eve-hendo.* *Hujusmodi sc. Vir is esset, ut valeret tueri & conservare meos filios ac nepotes in stabili regni fortunarum-que possessione & affluentia; populum vero in pace, unione, & tranquillitate perenni: quid dico conservare? imo etiam esse lucro regno ipsi universo, & novo indies incremento.,,*

§. 179.

non ille sapientes, litteratos, probos, æqui & justi tenaces *eo, quo* hic dicitur, affectu unquam complectetur. Potest id demonstrari ex ordine modoque, quo seipsum unusquisque intuetur, quo ceteros, sibi collatos? Sed vero id facile Lectores excusabunt. Placebit opinor, *eiusque* inflammatum esse Principis animum, *ut præsuppositi* obli-rus, in *sola* hac Ministrorum virtute, difficili sane & excelsa, sed utilisima, videatur acquiescere.

## §. 179.

Nihil dubito *ejusmodi praecepta*, e generali Juris prudentiae principio superius enarrato, derivata *duplicem facile applausum* obtinere a Lectoribus, *alterum*, quod usus facti sit luculentissimus, *alterum*, quod inusitata nostris Philosophorum auribus conclusio; neque enim consuevimus, eo usque nostras extendere e generalibus effatis consequentias, ut tam prope ad remp. atque ejus administrationem accedant: verum aliter *Sina* faciunt, quibus hoc datum est, non negligere majora praeminoribus. Non sufficit reipublicae, *privatos mutuo* agere, *qua sibi* fieri velint, & ex sua ceteros persona metiri, aut ipsorum etiam verbo, nosse amare homines & odisse. *Regi illud & Magnatibus* commendant; Ita enim post priora Philosophus:

Argumen-  
tum rei ex  
Principio  
generali.

„L. I. fol. 32. 33. „*Solus* pius perfectusque Princeps est, qui *novit amare* homines, & *novit* item *odisse*: Videre seu nosse virum aliquem probum ac *sapientem*, & *non velle* evehere & uti illo, vel evehere quidem, sed tamen *non voluisse* id facere *citius*; est *injuriā* facere. Sed e contra videre *improbū* ac perniciosum reipublicae hominem in dignitate constitutum, & tamen *non velle* eum inde removere; vel removere quidem, sed admodum segniter & remisse; nec

velle remove longius; *crimen* est. Scire amare & scire odisse homines, est perfecte adimplere supra dictam illam probi *regis* normam & regulam, quae *populi affectus ex sua ipsius persona metiri* solet., Conf. si placet, in antecedentibus §. 50.

§. 180.

Exempla  
ejusmodi  
in promptu,  
gravi etiam  
Epicrasi  
ornata  
per Confucium.

*Exempla* utriusque rei luculenta sunt in promptu, gravi etiam *Epicrasi* ornata per *Confucium*.

L. III. P. VII. fol. 162. Cum vidisset a *Cum* *xe van çu*, Praefecto Regni *Guei*, domesticum ipsius ministrum *Si venditum*, ob egregias dotēs *adnitente domino* ad eandem cum ipso dignitatem evectum esse, & una cum illo ascendere in aulam regiam ad tractanda pariter negotia: Confucius meritam Viri laudem ex nomine ipsius petens, ita graviter edixit: „*Revera velex hoc uno capite dignus est illustri nomine, quod ei Rex quondam honoris gratia tribuit, dignus est, inquam, qui censeatur ac praedicetur Vir prorsus obsecundans rectae rationi, & ornatissimus virtutum laude.*„

Suspicit enim Philosophus, ita pergit Commentator Sinicus, ratam viri virtutem, apud quem *tantum* valuerit utilitas *publica*, ut *sui* quodammodo oblitus, non dubitarit, hominem usque adeo humilem ad eundem cum suo gradum *promove*re.

vere, Sequenti autem VIII. Parte fol. 113. alterum regni *Lu* Praefectum graviter reprehendit, ob factum prioris oppositum.,, Regni *Lu* Praefectus, *Cam ven chum* nonne ipse *furtim* & fraudulentem gerit Magistratum, ac tuetur dignitatem suam. Hic enim, cum perspectam habeat *Lien hia* *hoei* Viri nobilissimi sapientiam, & virtutem, & quanto is emolumento possit esse Reipublicae: Regi tamen eum non commendat, aut proponit, ut promoveatur.,,

§. 181.

Prolixe ista recensui, quoniam *Confu-* *Momen-*  
*cius* aliquando *solo hoc medio* felicem Reip. tum ejus-  
gubernationem obtineri praedicat. Cum modi  
enim quaereret discipulus de modo recte Exem-  
gubernandi, plorum.

L. III. P. VII, fol. 89. respondit: Fac, habeas praefectos minores, quorum opera & ministerio res perficias. Dissimula prudens & condona minora peccata. Evehe ad honores publicos, & admove gerendae reipublicae viros spectatae virtutis & sapientiae. Sic enim Tibi Tuisque praelare consules.,,

Didicit id Philosophus exemplo antiquorum. Parte enim VI. L. III. sententiam receptam a discipulo allegatam: *Evehe probos, negligi improbos, sic poteris officere, ut improbi fiant probi:* exemplo Imperatorum ita declarat fol. 85.

„*Xun* olim cum obtineret Imperium, matura usus deliberatione, selegit sibi unum ex omnibus, & evexit ad munus supremi adjutoris sui, sapientem sc. *Cao Yao*; qua re vulgata per Imperium improbus quisque seu expers virtutis tam procul fuit semotus, ut evanuisse crederes improbitatem. Similiter *Tam* Imperator, postquam obtinuit Imperium, selegit ex omnibus & promovit ad supremam dignitatem, sapientem *T' Yn*, & ecce improbus quisque vel ad frugem rediit, vel tam procul abscescit, ac si vivere desisset.

§. 182.

Præfectorum Vir-  
tutes qua-  
tuor.

Pergamus ad cetera ministrorum atque Præfectorum officia. *Quatuor* illorum *præcipuas virtutes* in exemplo prædicat Philosophus: primo loco moderationem, secundo fidem erga Principem; tertio beneficentiam quarto æquitatem & justitiam enumerat. Illis autem vel in uno præfecto obviis satis præsidii pro universa ditione contineri asserit.

L. III. P. III. fol. 22. 23. „Præfectus *Chan* habet proprias perfecti Viri virtutes *quatuor*. Nam ipse res agens suas ipsius, admodum moderatus, modestoque ac demisso est animo, nunquam se suaque laudat: idem tamen alios, qui probitate conspicui sunt, palam de prædicat, sibi que ultro præfert. Deinde ipse

ipse serviendo & obsequendo Principi ac Superioribus suis magna cum observantia se gerit, promteque & alacriter facit Imperata. Præterea ipse conservando tutandoque populo perquam est beneficus, quæ subditis suis commodo sunt & lucro, solícite procurans, quæ damno, arcens. Denique ipse gubernando populo & jure dicundo magnam adhibet æquitatem & justitiam, nemini favens impensius, neminem asperius, quam fas sit, tractans, æquus adversus omnes. Itaque Regnum *Chim* tametsi jaceat inter duo regna præpotentia *Cin* & *Cu* medio situm loco: tali tamen administro rerum suarum, egregie tuetur libertatem suam, vimque omnem & insidias vicinorum regnorum avertit. *Tantum* scil. præsidii est vel in unius Viri sapientia & virtute!

§. 183.

Si quis illa *generaliter* enunciari malit, Generaliter enunciatæ.  
non desunt effata Philosophi:

L. III. P. VI. fol. 82. „Quæsitus de modo gubernandi respondet: *Ante omnia* meditare, quæ Tui sunt officii, idque meditare constanter & sine inertia. *Deinde* tracta negotia publica, & aliis consule *eadem* cum veritate & fide, *qua* Tibi ipsi, profectuique Tuo consuluisti.”

§. 184.

Præcipue illa sunt eximii ponderis præcepta, De Officio monendi Principem

cepta, quibus hortatur magnates, ut *Principem* de officio *admoneant*. Argumenta sententiæ sane gravia sunt, asserit; eorum non monentium culpam esse, cum Princeps exorbitet; verum illum & fidelem ministrum non esse, qui Principem officii non moneat; si Princeps hortantem non audiat, audire patriam, audire posteritatem; satius esse mori, quam dissimulando in Regem & Patriam peccare. Moderationem tamen eo in negotio adhibendam, ne ægrum per sese animum quis exacerbet; ante omnia curandum esse, ut de fide monentis certus sit Princeps, eo enim facto auditurum, non vero, ubi de fide dubitaverit ministri. Dabo verba quoque, quoniam aliquando eleganter enunciata & exemplis illustria:

L. III. P. VII. fol. 99. *Quisquis amat*, potestne non exercere duris, quem amat? Rursus, *quisquis fidelis est*, verusque minister sui Principis, potestne non moneere eum officii sui? L. III. P. VIII. fol. 117. Confucius ministro caussanti, invito se dominum parare bellum injustum, inter alia sic respondet; quæro abs te: *Testudo rara artis*, aliave pretioso e lapide supellex, si damnum passa perijt, quamvis in arca medio reposita; damnum hoc cujus tandem erit crimen? Numquid ejus, cujus fidei



dei & curæ commissa supellex fuerat? „

## §. 185.

L. III. P. IX. *Pi can* tanquam insignis Exemplum illustre, sed lucuosum Sapientie *Pi can*.  
 Heros commendatur a Philosopho: E-  
 jus hoc factum recensent Sinensium mo-  
 numentis RR. PP. Editores fol. 133.  
 Hic *Pi Can* Imperatoris *Chen* patruus,  
 cum videret omnia pessum ire insolentia  
 & crudelitate nepotis, paulisper se-  
 cum ipse deliberans: „*Satius est*, inquit,  
*mori, quam dissimulando & in Regem & in*  
*patriam peccare. Omnino dicenda veritas est,*  
*licet odium & exitium paritura. Non au-*  
*diet tyrannus? At audiet Patria, audiet*  
*posteritas omnis.* Hoc dicto progressus in  
 conclave regium patria cum autoritate  
 nepotem admonet: resipiscat tandem  
 aliquando: sibi consulat, suisque. Mi-  
 nas addit, procul dubio futurum, ut ex-  
 petente poenas ipsomet cœlo, amittat  
 Imperium cœlitus collatum. Quocirca  
 expurget animum vitiis inquinatum; re-  
 vocet abjectum pudorem, revocet jura  
 & leges; sic enim placari cœlum pos-  
 se, & decretum, quod in ipsum jam  
 sanciverit, revocari., Sed vero tyran-  
 nus veritatis impatiens & monitione ipsa  
 efferatior ad circumstantes proceres: *Pi*  
*caniste, si nescitis, sanctum se esse arbitra-*  
*tur; Ego autem audire me memini,*  
*quod cordi cujusque Viri sancti foramina*

sint omnino *septem*: explorare nunc juvat, an ita res habeat? Effatus illa, trucidari patrum iussit, & adhuc spiranti cor extrahi.

## §. 186.

Exemplum  
aliud felicius  
Regine Cham  
sun.

Sed vero id luctuosum est facti specimen: Dabo *aliud* omnino elegans & *jucundum*. Imperavit seculo post Christum natum septimo *Tai* Cum bonus Princeps: eum aliquando offendit Colaus *Guei Chim*, crebrius importunitusque eum monens, jamque ab illius aditu & conspectu arcebatur. Inaudiit id Regina *Cham sun*, variis sapientiae documentis clara, adit extemplo conjugem, sed inusitato cultu, ornatuque corporis, & instar gratulabundæ. „*Audiui*, inquit, *sepenumero*, *mi Rex*, quod, ubi datur Imperii gubernator sapiens atque perspicax, subditi quoque dentur veraces & recti. Rectus & verax est Colaus Tuus, nimirum quia Tu ipse tam eximia es sapientia & perspicacitate: Hunc ego Tibi gratulatura venio.„ Placavit offensum opportuna dilectæ Conjugis gratulatio. \* Mortuo deinde Colao

\* Placet in memoriam sapientissimæ mulieris adungere testimonium, quo de mortuam Imperator honoravit, quod & merita Regine & amorem Regis, & Colai in monendo libertatem, & eminentiam Paterni amoris supra conjugalem demonstrat. ita autem Complectens in Tab. Chronol. Monarchiæ Sinicæ fol. 56. „Librum ipsa conscripserat de recta Gynecæi insti-

Colao illo, *elogium* fidissimi clientis scribit ipse Imperator, & sepulcro jubet incidi. Conversus autem ad suos, tenerima oratione sic ait: „*Tria sunt specula mortalibus; unum* ex ære, ad quod pileum suum vestemque suam apte componunt; *alterum* ex veterum libris & monumentis, in quo contemplantur ortus regnorum, & incrementum & occasus; *tertium* sunt mortales ipsi; quos si consideras attentius, facile discēs, quid ipse pecces, quid te fugere, quid prosequi par sit? Et ego tribus hisce speculis adhuc quidem sum usus: Et nunc pro dolor! *amisi tertium,* fun-

---

institutione triginta capitibus constantem: hunc, postquam exstincta est, lacrymabundus Imperator coram suis accipiens in manus: Norma, inquit, centum seculorum continetur hoc volumine; scio quidem luctum hunc tam acerbum Cæli nutu mihi evanisse, neque jam esse, quo illi medear: Sed enim dum reminiscor adiutricis tam fidæ, cujus præclara monita consiliaque nunquam posthac auditurus sum, an ego ferre desiderium, an temperare lacrymis possim? Amoris interim ac doloris magnitudinem Mausolæum declaravit, ipso illo, quod extruxerat suo Patri, magnificentius. Cum itaque die quodam Colaum Guei Chim in editiorem ducens locum, Mausolæum Conjugis eminus conspicuum digito monstravisset, Colaüs dissimulans abs se visum esse: *Existimabam*, inquit, o Rex, contemplari & indicare Te sepulcrum Patris: Nam Conjugis quidem diu est, quod vidi. Lacrymas elicit Principi vox ista, qui non ignarus, quid illa carperet, destrui iussit Reginæ Mausolæum. Usque adeo filiorum pietas vincit apud Sinas amorem Conjugalem! „

functum vita; *Colaum* designans suum... Idem aliquando de via videns sepulcrum *Pi Can Colai*, quem ante occisum obmonita memoravimus, ornavit ipsum titulo *Yn tai su*, id est, *Magni Magistri familia Yn*. Nimirum id in more positum est, ut ab Imperatore bene meritis, etiam post fata honores & tituli conferantur. vide Tab. Chronol. Monarchiæ Sinicæ f. 56. 57.

§. 187.

Exem-  
plum ter-  
tium, cum  
remunera-  
tione per  
Sigillum.

Sed vero & eorum exempla suppetunt, qui viventes ad huc præmia admonitionis suæ non proletaria obtinuerunt. Inter alia id *suave est*, quod in Chronologia Sinica fol. 81. legi, decimo quarto post Christum natum seculo factum. Imperator *Gin cum*, rei astrologicæ Sinarum more studiosus, cum nocte quæpiam observasset mutationem in stellis aliquam, accitis ad se Colais: actum est, inquit, de mea vita: meministis me passum esse multa ab invitis per annos 20. quando degebam in palatio orientali, sed fides vestra concordiaque me constituta est &c. Eo dicto *duobus* spectatissimæ fidei viris *sigillum* donavit, insculptis literis *Chum Chin*, id est, *minister fidelis & integer*. Illi *cum lacrimis* excepere pignus honoris extremum, eoque deinceps sigillo epistolas suas obsignarunt.

§. 188.

§. 188.

Diximus historice satis multa: *pauca* illis adjungam Philosophica. *Artificium*, quo illam sibi facultatem atque *monendi* *copiam* Magnates *acquirere* possint, Confucio iudice, illud est, ut fidem suam approbent Principi & populo: eo enim facto & illum tuto moneri, & huic imponi onera posse arbitratur.

Cuiam  
liceat mo-  
nere Prin-  
cipem?

L. III. P. X. fol. 141. inquit: „Quisquis gerit Remp. & administer est Principis, *Vir sit spectata fidei*, ac deinde fidenter *quidvis oneris* imponat ipsi populo. Quod si nec dum vulgo famam ejusmodi fidei obtineat: tum si quid oneris imposuerit, populus hoc ipso censebit, divexari sese, similiter *notus* jam a fide Tua, tum deinde fidenter *moneto* Principem: Audiet is monentem, colet & diligit. At, si nec dum fidelis audias, quia revera talis non sis: tum quamvis optima monentem, tamen averfabitur, & hoc ipso censebit, non tam monere, quam calumniari Te illum.,

§. 189.

De *Ministris* quoque *Exauctoratis* & *Officia* eorum officiis non male Confucius philosophatur: neque hic sine exemplis. *Exaucto-* *ratorum* *illegitime.* Præcipuum est Præfecti in Regno *Cu*, superius promissum nobis §. 56.

L. III. P. III. fol. 23. Discipulus *Cu Cham* querit ex Confucio. Gubernator regni *Ca*,

ter

ter ad officium promotus gessit supremum magistratum *Lim* In dictum absque ulla, quam vultu præferet, lætitiæ specie: *idemque exactoratus est, absque* ulla item, quam vultu proderet, indignationis specie: imo de præterita officii illius sui *Lim yn administratione* infallibiliter certiore faciebat novum, qui ipsi successerat, gubernatorem, ei sine ulla prorsus invidia, candide significans, *quicquid* usu didicerat prodesse vel obesse posse urbi feliciter administrandæ. Ecquid videtur dicendum de hoc Viro? *Confucius* respondet: *Vir sane fidelis & rectus fuit.* Instat discipulus: *Annon solida virtutis* Vir dici potest? Philosophus regessit: *Non dum scio*, quomodo enim scire possim, an ipse obtinuit solidam animi veramque virtutem?,,

§. 190.

& legiti-  
mc.

Ista pertinent ad eum casum, ubi illegitima est dignitatis privatio: aliud *L. III. P. VII. fol. 99.* exemplum est hominis *Pe xi*, cui ditionem trecentarum familiarum Princeps donaverat, & criminis cujusdam reo iterum ademerat. De illo Philosophus: *Pe xi* ex eo tempore redactus ad egestatem, adeoque vilescentiora viliori, tamen ad extremum usque ætatis suæ non protulit unquam iniquioris vel indignantis animi verbum.

Re-

Reputabat enim assidue, & quid abs se peccatum fuisset: & quæ quantaque essent alterius, qui sibi in ea ditione successerat, merita.,

§. 191.

Transio aliqua ejusdem generis alibi De Abdi-  
obvia. Cujusmodi est illa Philosophi sen- catione of-  
tentia L. III. P. VI. fol. 74. ficii, &  
emigra-  
tione.

„Quisquis dicitur magnus Administer &  
Consiliarius Principis, is omnino secun-  
dum id, quod jus & ratio poscit, ser-  
vit Principi. Quod si nequeat servire  
hoc pacto: tum desistit ac renunciat suo  
muneri.

Non tamen hic quicquam præcipitari  
vult, aut omnino *deseri ex tadio* patriam  
Philosophus concedit. Refertur L. III.  
P. IX. fol. 133. alicujus administri respon-  
sum his verbis:

„Eximius ille Vir *Lien hia boei*, agens in  
Regno *Lu* judicem causarum crimina-  
lium, iterum ac tertio dejectus fuit de il-  
la dignitate. Quodam igitur sic dicen-  
te: In hac perturbatione tanta rerum,  
bone Vir, an necdum jure possis renun-  
ciare Tuo muneri, & hinc alio migrare?  
Respondit ipse: Ego rectam viam nor-  
mamque teneo, & secundum hanc ser-  
vio Regi & hominibus: sed enim quo  
tandem commigrabo infelix, ubi fides  
integritasque non sentiat horum tempo-  
rum calamitatem? Atque adeo, ubi non  
tertio

tertio ac sæpius mea dignitate priver?  
quodsi induxero in animum, turpiter  
servire tempori, si perversa quadam ra-  
tione ac viã serviam hominibus: quora-  
sum opus est, obsecro, discedere ex Pa-  
trio Regno?,,

§. 192.

Officium  
Publicum  
vitæ Pri-  
vatæ atre-  
ferendum.

Referas huic illud quoque monitum,  
quo *privatum vitæ genus* graviter illis dis-  
suadet Confucius, quibus ad obeunda  
munera publica facultas obigit. Non  
potest divinari, unde argumentum Phi-  
losophus hauserit, aut quare illò usus sit,  
nisi occasionem contraverò, videtur  
enim disputare *ad hominem*, quod dici-  
tur. *Factum* igitur ita breviter accipe.  
Accidit, ut *Cu lu* Confucii discipulus  
iter faciens incideret in senem quendam,  
agriculturæ deditum, qui cognito ex ser-  
mone & moribus discipuli animo, etiam  
deduxit domum, & humaniter excepit,  
inter cetera quoque in conspectum ho-  
spitis produxit binos suos filios, mayo-  
rem & minorem natu, qui pro suo  
quisque ætatis gradu comiter ac rite ho-  
spitem salutarunt &c. *Audita* rei serie  
*Confucius* existimavit esse Virum hunc de  
numero Sapientum, sed qui occultus si-  
bi vacet: Eaque occasione ferente suam  
de ejusmodi privato vitæ genere senten-  
tiam exposuit. Eam L. III. P. IX. fol.  
136, ita leges:

„Non



„Non gerere Magistratum etiam hoc statu rerum, miserrimoque tempore, si modo sis idoneus, nec fas, nec ratio sinat. Enimvero si duorum fratrum majoris & minoris natu ordinem, mutuumque jus in fortuito nascendi tempore fundatum nefas est violare: *Regis ac subditi mutuum jus ac officium* quo tamen pacto violabitur? Desiderant quidem *boni isti Viri* consulere integritati, innocentique suæ personæ, ut ajunt: At non considerant interim, quod perturbant violentque, magnum illum generis humani ordinem, ætatisimunique vinculum, quo subditi suo Principi (maxime dum is periclitatur) & Cives laboranti patriæ obstringuntur. Idcirco Vir probus & sapiens perturbatis quoque rebus vel maxime Remp. gerit, & explet suum probi Civis munus; hoc ipso, quod mos Patrius & leges non vigent, jam intelligit hoc Civis probi ac sapientis munus, quod scil. est succurrere Patriæ etiam cum capitis discrimine, nec *senum istorum more* sedere otiosos spectatores ruinæ publicæ.,,

§. 193.

*Legatorum* hanc peritiam Philosophus <sup>Requisita</sup> requirit, ut muneris sui res ita perspetas habeant, ut possint suo Marte, & <sup>Legatorum</sup> ex tempore apta dare responsa ad quaesita regulorum, ad quos mittuntur,

P

ut

ut negligentia aut imprudentia sua non dedecorent Principis sui legationem seu negotia cum regulis pertractanda.

L. III. P. VII. fol. 92. „operoso labore ac studio perdiderit quispiam *odorum* trecentum capita; collatum fuerit eidem Reip. gubernandæ munus; nec istamen res muneris sui perspectas habeat, sicut si *legatus* eat ad *quatuor partes Imperii*, possit Marte suo & ex tempore apta dare responsa ad quæsitæ regulorum, ad quos mittitur. Huic homini, quamvis multa multo studio comparata, eccui tandem usui erunt? Inutilis est lubricatio, quam rebus nequeas factisque proferre., Atque iterum fol. 95.: qui a Principe suo legatus ad 4. Imperii partes negligentia vel imprudentia sua non dedecorat Principis sui legationem, seu negotia cum regulis tractanda: Is poterit dici vir eximius ac primarius.

§. 194.

**Officia Regulorum.** *Regulorum* denique, hoc est, eorum Imperii Vasallorum, quarum singuli quadrigas omnino mille tenebantur in promptu habere, & jubente Imperatore in aciem producere; regulorum, inquam, hæc *quinque officia* in primis necessaria Confucius recenset: *Sollicitudinem* in rebus omnibus, etiam minoribus; *fidem* in omnibus, sermone etiam, cum æquitate præmiorum & suppliciorum; *moderatio-*

*rationem largitionum, & sumtuum; amorem civium, præcipue afflictorum vere paternum; denique in operibus publicis opportune imponendis curam. Suavius ipsa sonant Confucii verba: Namque & argumenta præcepti continent & præclara quidem.*

L. III. P. I. fol. 3. 4. „Ut quispiam feliciter administret *mille quadrigarum regnum, quinque sunt inprimis necessaria. Primum* sollicite, considerateque tractet res omnes ditionis suæ: nihil, quamvis parvi momenti videatur esse, putet ab se negligi posse; memor ex una Principis inconsideratione provenire non raro calamitates, quæ & amplissimam ditionem, & multis quidem seculis affligant. *Deinde* colat fidem ac veritatem, sibi que persuadeat hanc esse pretiosiores gemmam suæ coronæ. Veri sint igitur, & sine ambiguitate sermones ejus, adeoque latentis in animo sententiæ indubii semper indices. Maxime vero in decernendis vel præmiis vel suppliciis, sectetur id, quod æquum est, justumque. Sic fiet, ut subditi vicissim quævis imperata faciant, & quidem alacriter & cum fide faciant. *Tertio* largitiones moderetur ac sumtus, inutiles superfluosque tollens: sic namque in ærario regio totoque regno opum semper affatim erit. *Item* amet homines

sibi subditos paterno prorsus affectu, opitulando omnibus, quos vel orbitas ac solitudo, vel inopia, & fames, alique casus aut ærumnæ affligunt. Sic enim subditi vicissim filiorum instar Principi suo morem gerent, enimque sic verebuntur, ut etiam diligant. Denique si quando subditorum manus, atque opera poscatur ad extruenda vel restauranda opera publica, imperet hæc subditis opportuno tempore; quo scilicet ruripassim vacatur, non eo, quo sementis eos, vel agricultura vel messis occupat: hoc pacto frugum atque alimentorum copia plerumque suppetet; operaque publica sine publico detrimento alacriter perficientur.,,

*Facilis a Regulo ad Imperatorem transitus: itaque festinamus ad sectionem Philosophiæ Sinicæ postremam de Administratione Imperii.*

# SECTIO SEPTIMA SPECIALIS.

DE

## ADMINISTRATIO- NE IMPERII.

§. 195.

**I**mperatorem *cœli filium* Sinæ appellant, Imperator  
quod ipsorum sententia, cœlitus ob- est Cœli  
tingat imperium, virtutis præmium, filius.  
præcipue obedientiæ filialis; exemplo  
Imperatoris Xùn, Legislatoris sui, de  
quo id diserte prædicat secundus scien-  
tiæ Sinicæ libellus classicus fol. 53.

Locum ante allegavimus §. 67.

Tum vero & illa dicti ratio est, quod  
soli cœlo in Imperatorem potestas sit;  
atque is ipse cœlo obedientiam tan-  
quam filius debeat. In quam rem ex-  
quisita est Imperatoris *Tai* Cum antea al-  
legati confessio:

„Vulgo dicitur Imperatorem maxime ve-  
rendum esse, nec habere, quod perti-  
mescat: At ego sane vereor providen-  
tiam Imperatoris Cœli, quæ ad nos uti-  
que pertingit, & simul vereor oculos

omnium subditorum ad me unum conversos: itaque sic angor, & sic invigilo mihi ipsi, ut qui nec Cœli voluntati, nec desiderio populi adhuc responde-  
rim. „vid. Tab. Chronol. fol. 55.

## §. 196.

Consulta-  
tiones  
& Ingra-  
visumz.

Inter antiquissima gentis monumen-  
ta sunt Consultationes & In sapientis,  
qui & durante luctu Imperatoris trien-  
nali Tutor pupilli *Tai Kia*, & Imperii  
eo tempore administrator fuerat, an-  
nis ante Christum natum 1750. Ex illis  
*specimen* dabo, ut salivam *Europæo* lecto-  
ri moveam, Consultationes illas, si  
fieri posset, integras evolvendi & per-  
discendi. Ita ille ad Pupillum:

„*Regia* persona *supra* quidem habet augu-  
stum cœlum, a quo respicitur; *infra*  
habet populum, a quo item respicitur;  
*ante* & *retro*, a dextris & sinistris assi-  
stunt Spiritus. Res sane maxime perti-  
nescenda. *Cœlum*, tametsi *Regem* uti  
*filium* habeat, tamen an semper fave-  
bit, an aliquando averfabitur, adimet-  
que Imperium, nondum quidem deter-  
minavit, adeoque hic non ducitur affe-  
ctu aut propensione determinata. At ve-  
ro si quidem *Princeps* noverit reveren-  
ter se gerere, & obsequi cœlo, si sibi  
attendere, si in omni motu, actione,  
sermone, cogitatione ita semper se ge-  
rat, ac si cœlum *Regem* intueatur, ipsi-  
que

que præsens assistat, adeoque *ne unicam* quidem cogitationem pravam admittere audeat; tum certe hujusmodi mens reverens & cogitatio penetrat ipsum cœlum, moxque cœlum amanter juvat, protegit, dilatatque a se delegatum Imperium. *Populus* item, tametsi mentem & oculos in Regem suum semper habeat intentos, spesque omnes suas in eo collocatas, non tamen populi indoli usque quaque fidendum, cum modo in bonam, modo in sinistram partem flexi queat; adeoque ejusdem subjectio debita non sit quid stabile & immutabile: verum *si Princeps* pietate foveat & protegat *populum*; *si filiorum* instar amet; nec patiatur vel unum vilem homuncionem & mulierculam, qui non gaudeat regia beneficentia: tum sane tam amplæ pietatis cor diffundetur in *populum*, qui adeo venerabitur, redamabit, seseque ultro submittere gaudebit tam pio & benigno Principi. Quæ cum ita sint, siquidem Rex in dignitate a Cœlo data constitutus vel unam cogitationem non rectam admittat, jam Cœlum Regem fastidiet & averfabitur: Si vel unica res amiserit debitum ordinem, jam *populus* hoc ipso alienabitur, A Cœlo igitur collata dignitas quam periculosa est & formidabilis! quamvis cum timore, & tremore, & cura assi-

dua indies virtutem accumules, non est tamen, quod tibi promittas felicitis exitus securitatem. *Sola* itaque *virtus* sita in veneratione, pietate, veracitate & fide firmat regna & regimen; hanc si negligas jam cœli indignationem, populi dissensionem, spirituum aversionem hoc ipso provocaveris,, &c.

§. 197.

Status  
Principi-  
pum ex  
sententia  
Imperato-  
ris *Tai*  
*Cum*.

Magnam profecto sollicitudinem Principi sapiens hic injungit: an id præter rationem? Accipe omnia verbis Sinicis: non enim ea mihi prudentia est, ut de meo hic philosophari possim, nec audacia, ut velim. Imperatoris *Tai* *Cum* dicta prius exhibui; addo novum ejus, atque omnino præstans effectum.

„*Est*, inquit ille, *Principi cor unicum*.

Sed qui hoc oppugnant plurimi: & alii quidem studio fortitudinis gloriæque bellicæ id oppugnant; alii deliciis & cupiditatibus; hi doctis contentionibus & cavillationibus, adulatione & blanditiis; illi dolis item, mendaciisque non pauci. Tam variis artibus machinisque pugnantium *una* fere cura est, ut gratiam Principis acquirant, adeoque opibus & honore augeantur: quisquis ergo de *perpetua* quadam *cordis vigilantia* paulum remiserit, quam primum erit a se vinci & perire, vid. Tab.

Chron. f. 57.

§. 198.



## §. 198.

*Summam* praeceptorum regendi aliquoties repetitam deprehendo, praecipue in sermonibus Imperatorum ad successores sive filios, sive alienos; Namque aliquando & alienos filiis anteposuerunt. Tale est factum antiquissimi Imperatoris, ejusdemque Legislatoris, *Tao*, qui audito, filium *Tan chu* indignari, quod alienum ipsi Pater praeferat, atque in Imperio successorem decernat, Xùn scilicet, respondit:

Quousque  
Populi sa-  
lus Supre-  
ma Lex  
fuerit.

„Malo uni male esse, ut bene sit toti populo: quam populo male esse, & uni filio bene.,,

Idem deinde factum imitatus Xùn, ipse etiam Legislator Gentis, suo quodam exemplo demonstravit, quousque populi salutem supremam Imperii Legem arbitretur.

## §. 199.

*Quinque* autem sunt bona Imperantibus commendata a Confucio: *quatuor* mala sollicitè cavenda. Desinunt pæne in hoc præcepto sermones Confucii: Tertius enim liber, qui *Lun Yu*, id est, sermones ratiocinantium inscribitur, isto quidem effato concluditur. *Ita* autem Confucius ad quæstionem de quinque bonis Imperantium: L. III. P. X. fol. 156. seq.

Quinque  
Bona Im-  
peranti-  
um.

„Gubernator Reipublicæ beneficus sit; &

P 5

tamen

tamen nihil expendat absumatve. Subditis oneri sit, & tamen non sit odio. Desideret, & tamen haut expetat cupide. Sit magnus, sit beatus ac florens, & tamen non efferatur superbia & fastu. Severus & gravis sit; & tamen non sit asper & truculentus.

§. 200.

Explicatio  
corum.

Satis ista Laconice! Sed vero *elegantior est explicatio* postulante lucem discipulo a Philosopho adjuncta; quam integram hic transcribo.

„ Constanter obsecundare, & favere iis rebus & artibus, quæ subditis lucro sint, commerciis & agriculturæ sc. aliisque hujuscemodi, & sic eorum lucra procurare; solerter tuendo & conservando communia illa cœli terræque beneficia; quo tandem fiat, ut magna sit ubique annonæ vilitas & rerum copia: Hoc nonne revera est esse beneficium, & tamen nihil expendere, vel privatæ rei vel publicæ? Similiter si habeas delectum eorum, qui pares sunt ferendo labori & oneri, & oneres illos duntaxat; si habeas justam & accuratam rationem temporis, ætatis, & virium cujusque ac facultatum, quotiescunque imperandum est aliquid oneris, operisve publici. *Ecquis hinc oderit vel imperata vel imperantem?* Quæ juris alieni sunt appetere, nefas ac turpe est: At  
vero

vero si *desideres* expetāsve veram *virtutem*, adeoque si tam laudabiliter expetitam adipiscare, expleasque numeros illius omnes: *quo modo* vitiose cupidus sis, aut cenſeri talis queas? Si Princeps inter flatus illos tam ſecundos fortunæ faventis conſtet ſibi ipſe, & non attendat magnopere ad frequentiam ſuorum vel paucitatem, ut hanc ſc. aſpernetur, illi deferat aliquid. Rurſus, ſi non attendat magnopere, gravis ne ſint momenti; an parvi res eæ, quaſhabet perficiendas, ſed pari fere cura res æque minimas atque maximas conſtanter tractet; nullusque ſit, quamviſhumilis & abjectæ conditionis homo, quem audeat habere deſpectui: qui hoc modo ſibi imperet ſeſeque contineat; nonne quamvis *multa* pace, *opulentia*, gloria beatus ac florens ſit, tamen *hauteffertur* ſuperbia? Gravitas denique & ſeveritas, ſi quidem modo careat, facile degenerabit in odioſam aſperitatem, & truculentiam: At vero ſi Princeps alienus ab omni affectatione hic fuerit mediocritate quadam contentus, e. g. ſi graviter & decenter compositam gerat ſuam ipſe veſtem & pileum; ſi modestia quadam reverentiaque imbuat ſuum ipſe os oculosque; ſi in omni motu, geſtu, ſtatuque corporis decorum ſervet: procul dubio cum reverentia place-

ne

ne singulari homines universi contuebuntur eum & verebuntur. Hoc autem nonne est *severum* esse ac gravem, & tamen *non esse asperum* & trüculentum? „

§. 201.

Quatuor  
Mala Im-  
peranti-  
um.

*Quatuor* autem *mala*, quæ removeri in recta administratione jubet Confucius, eodem loco ita explicat discipulo fol. 157.

„Non docere subditos accurate, quæcunque sunt juris publici, de officiis singulorum; & interim si forte die quopiam deliquerit, illico punire miseros, & prorsus inclementer occidere. *Hoc enim vero dicitur tyrannidem* exercere. Ubi quid operis operæque publicæ exigendum est, non ante præmonere subditos, & præparare quodammodo, quo commodius ordinativusque res fiant: sed obruere miseros derepente. & in ictu oculi videre velle præscriptum opus perfectum atque absolutum, inclementer instando operis & moras omnes severe castigando: *Hoc enim vero dicitur crudelis violentia*. Cunctanter frigideque imperare subditis opera publica; deinde vero repentina acceleratione contrahere præstitutum antea temporis spatium, ferociter & inexorabili cum severitate eadem exigendo. Hoc merito dicitur latrocinantis instar, & velut ex *insidiis oppri-*

*opprimentis* incautos, sic suis esse damno. Denique sordidum & illiberalem esse, e. g. certo quodam modo se gerere cum dandum est quidpiam aliis: e. g. cum sua militibus persolvenda sunt stipendia, suum operariis operæ pretium, sui census & honores conferendi sunt aliis: *Avara* scilicet lentaque & invita manu, nunc præmentis & porrigentis instar, nunc reposcentis ac retrahentis hoc ipso, quo dat, sordes avaritiæque prodere. *Tametsi* detur tandem aliquando, quod jus cujusque postulat; quoniam tamen sic datur, ut videatur extorqueri verius, quam dari: jam *istud nec gratias* quidem meretur, quod animo datum liberali magni muneris fuisset instar; adeoque non est hoc agere Principem, sed merito dicitur infimæ cujusdam notæ ministellum esse ærarii publici.,

## §. 202.

Alibi vero ostensurus, quomodo in ordine ad Imperium Princeps queat ad summam illam, Sinis maxime commendatam virtutem *Gin* pertingere: *quinque* iterum *regulas* præscribit; vigilantem sui ipsius observantiam; amplitudinem clementiamque animi; fidem atque veracitatem; assiduitatem ac diligentiam; amorem & beneficentiam; quas singulas a suo quamque fructu commendat,

Quinque  
Imperandi  
Regulæ.

uni-

universas summam absolvere virtutem  
prædicat. L. III. P. VIII. folio 125.  
126.

„Si geras Te graviter ac mature semper &  
ubique: jam non erit, qui te negligat  
aut contemnat; contra verebuntur om-  
nes & colent. Si magni, liberalis,  
clementisque animi fueris: jam obtine-  
bis omnes; omnium, inquam, studia,  
amores, voluntates. In verbis factis-  
que fidem si præstiteris: jam homines  
omnes tibi nitentur securi, tuæque fi-  
dei se pariter ac sua committent. Si  
velox, impiger, & acriter sedulus fue-  
ris in tractandis negotiis: jam habebis  
res perfectas; & ad exitum perduces  
optatum. Denique si fueris beneficus  
& amans tuorum: jam certe sufficiet hoc,  
ut imperes tuis felicissime.,

§. 203.

Exem-  
plum Im-  
peratoris  
Xün.

Atque hoc est, quod *antiquis* Sinæ  
*carminibus* prædicant; extollentes suum  
Xün, quod de omnibus bene merea-  
tur, populo quod suum est tribuens,  
tribuens & Magistratibus.

L. II. Scientiæ Sinicæ fol. 54. de Impera-  
tore Xün ita lego: „Oda ait: O omni-  
um encomiis laudandum jubilisque ex-  
tollendum perfectum Virum! O quam  
magnifice resplendet ejus præclara vir-  
tus! quæ *populi* sunt, tribuit populo;  
& quæ *Magistratibus* competunt, tri-  
buit

buit magistratibus. In omnes derivat virtutes suas, adeoque de omnibus bene meretur. Ideo nimirum amplissimos recipit Censuræ (Imperium intelligunt) a Cælo: conservat ac fovet Imperium; adeoque aliis & aliis beneficiis a cælo dimanantibus, bonisque omnibus cumulatur; & in longam posteritatem amplificatur.,,

## §. 204.

Ut autem ad *specialiora* successive trans- Officia et-  
eam: officia erga consanguineos, mi- ga Con-  
nistros & familias nobiles L. III. P. IX. sangui-  
fol. 138, ex antiqui Regis ad filium hor- neos, Mi-  
tatione enarrat Philosophus; *Utrisque* nistros, &  
quantum fieri potest *conservandis* inten- familias  
tum Regem esse vult; vetat alienare il- Nobiles.  
los, aut loco movere sine gravi causa;  
vetat ista abjici, *census* illis continuari,  
& *negotia* injungi *taliter* præcipit, quibus  
expediendis sufficiant.

„Vir Princeps ac sapiens non aspernatur  
abjicere suos *consanguineos* & affines:  
Non reddit idem præcipuos *Administros*  
regni sui alienos ab se justæ offensionis  
odiique causam præbens, quod eis non  
utatur; repente scil. eos privans digni-  
tate sua; vel ob exigua quædam pecca-  
ta; vel certe nulla eis facti sui & pœnæ  
tam gravis data ratione. offensiones, in-  
quam, hujusmodi vitat prudens: Intel-  
ligit enim male consultum iri toti cor-  
pori,

pori, cujus capiti cum membris suis haud conveniat. *Familias nobiles* ac pervertutas, nisi fuerit gravis & atrox causa, certe non abjicit, sed quotquot ex illis ad gerendam rempublicam sunt idonei, haud cunctanter admonet reipublicæ; qui vero idonei non sunt, suo tamen censu propter majorum merita potiri sinit. Sapiens rex non hoc exigit, ut *omnia* præsto sint *in uno* eodemque homine: sed onera cujusque viribus prudenter accommodans, suos haud secus ac *vasa* tractat, alios ex aliis usus pro singulorum capacitate petens.,

## §. 205.

Quomodo utendum  
Con-  
siliis monentium?

Quæ adversus recta Monentes magnates officia sint Principum, & qualia facti exempla prostant, superiori sectione ostendimus: præceptum §. 120. Exempla recensuimus §. 185. 186. 187. quomodo aliorum consiliis uti oporteat, *Xùn* Imperatoris facto declaratum invenio L. II. Scientiæ Sinicæ fol. 43. 44.

Ibi Confucius: „ *Xùn* Imperatoris illius quam magna fuit prudentia! si quidem ille non suo unius judicio & privata prudentia, sed consilio ac sapientia suorum fretus remp. administrabat. Itaque *Xùn* gaudebat de obviis quoque rebus *alios consulere*; & solebat seu gaudebat *examinare omnia*, quamvis obvia & vulgaria, suorum responsa; qui, *si forte* quid  
sug-



suggererent *rationi minus consentaneum*, sic eo non utebatur, ut tamen prudenter dissimulans occultaret, quod inerat mali, fovens hoc modo suorum fiduciam & candorem monendi, identidem Principem suum; consiliis vero, *quacum ratione* congruebant, sic utebatur, ut etiam deprædicaret, quod iis inerat boni, quo alacrius fidentiusque sensa animi sui declararent. Quod si dicta responsa *pau- xillum aberrarent* a medio, arripiebat sedulo illorum duo extrema, quibus ad rationis trutinam mature expensis, utebatur duntaxat horum medio in ordine ad populi regimen; quo fiebat, ut *non ex suo unius* tantum, sed ex suorum iudicio ac consilio semper res ageret. Atque *hæc illa* fuere, *propter quæ* factus est *Xun*, talis sc. ac tantus Imperator.,

*Rarum* & mirabile est, quod Annales Sinici memorant, Imperatorem hunc solitum fuisse in anteriori atrio palatii sui suspendere *tabulam*, in qua licebat subditis fidenter Regem suum cominonefacere & notare, si quid ab illo forte peccaretur.

§. 206.

Quæ circa justitiam administrandam Cura circa cura sit Imperatoris, id exemplo, quam admini- præcepto, demonstrare malo; ideo qui strationem Ju- dem, quod *strictius exemplum est*, quam stitiæ. ipsa dari præcepta solent. Ille, quem sæ-

Q

pe

pe nominavimus, *Tai* cum Imperator, constitutos a se iudices ac Magistratus munera vetuerat accipere, pœna capitis proposita: Exploraturus ergo suorum fidem, hominem adornat, qui munus præfecto offerat. Hic admittit: Fit ipse certior: jubet interfici. Verum *Colaus*:

„est ille quidem nocens, inquit, o Rex, sed neque tu innocens, qui eum per infidias ad violandam legem pellexisti.”

Pepercit reo Imperator. Altero post anno cum *Præfectus militum* supremus, munus e veste *serica* accepisset, cognita re Imperator ei magnam vim misit vestis *sericæ*: mirantibus vero aliis & ad supplicium deposcentibus hominem:

„Supplicium, inquit, acerbius ipsa morte suis illi rubor erit, hoc eum lente cruciari volo.”, vid. Tabulam Chronol.

*Complèti* fol. 54.

Neque minor est *hodierni Imperii* severitas circa hanc partem. Fecit ejus rei triste experimentum R. P. *Magaiellanus*, qui Chinam 1636. intravit Missionarius, ibidemque decessit A. 1677. Dedit is Lusitanico idiomate descriptionem Imperii Sinici, translata deinceps, & Gallice editam Parisiis A. 1688. Ex ea refert Autor *Diarum Gallici*; „Il fut fausement accusé d'avoir donné des présens en faveur d'un Mandarin privé de sa charge; ce qui est un grand crime dans ce pays-là.

là. On le mit deux fois à la question pour ce sujet, & bien, qu'il n'eut rien avoué, on le condamna à être étranglé; ce qui auroit été exécuté, si les Regens qui avoient droit de connoître de la Sentence, ne l'eussent renvoyé de l'accusation., v. Journ. des Savans 12. Juill. 1688. p. 164. edit. Amsteld.

§. 206 \*

*Populo omni duo debet Imperator: exemplum primo virtutis & amorem plane paternum. In utriusque efficacia prædicanda multi sunt Sineses Philosophi. Polari stellæ similis est Princeps bonus, quæ consistit prope immota, dum omnia illam sidera perenni motu circumacta respiciunt. Vitia ejus sunt, ut defectus Solis & Luna, qui latere non possunt. Igitur Principis virtuti primas deferunt in regendo populo: Et longo demum intervallo secundas concedunt Legibus, terrori & suppliciis. Illa dicunt regi populos cum pudore & metu filiales: Istis cum se vili metu, sine pudore, & sine criminum ipsorum odio.*

Quomo-  
do Popu-  
lus metu  
filiali re-  
gendus?

L. III. P. I. fol. 10. inquit Confucius:

„ Quisquis regit cum virtute, præclaro subditis suis exemplo constanter prælu-  
cens, plane est instar *Septentrionalis stel-  
læ*. Ipsa persistit, suo prope immota lo-  
co, cum interim reliqua omnia, quæ  
perenni motu circumaguntur, sidera  
illam respiciant: „ Atque iterum: A

Q 2 Rege

Rege aut Gubernatore, si dirigantur subditi, atque in officio contineantur *per solas Leges*, qui has tamen non observarint, nihilominus in officio contineantur *per terrores & supplicia*: Populus tunc quidem servili metu compulsus abstinebit sese a delictis gravioribus, sed profecto *more improbi* cujusdam *servi*, sine pudore scil. ac vero criminum odio: atque adeo *non diu* in officio persistet; persistet enim violenter, & timore magistro, qui utique *malus officii magister* est. *Contra* vero si regas illos per unam fere virtutem, virtutis ipsemet omnibus exemplum; ad hoc procul dubio se component omnes. Et quoniam non est eadem conditio omnium; neque esse par virtus potest; Tu siquidem prudentia atque humanitate Tuos contineas, si modereris subditos per sua quemque officia, atque ita socias omnes vinciasque; plane fiet, ut teneantur ipsi non modo *ingenuo* quodam *pudore*, *metuque filiali*, ne peccent, sed ultro quoque & alacriter ad omnem virtutis laudem contendent atque pervenient., Parte autem X. ejusdem L. III. inquit discipulus *Cu cum*: Viri sapientis, maxime Principis, peccatum est instat solaris lunarisque defectionis. *Peccatum* enim quod nec celat ipse, & sua quoque peccantis cellitudo prodit & dignitas,

dignitas, homines universi spectant :  
Ejusdem similiter *mutationem in melius*  
homines universi suspiciunt & læti de-  
prædicant.,,

Non illa in cassum promitti a Philo-  
sopho Imperantibus, exemplo testatus  
est antiquo avo populus Sinensis. Mor-  
tuo enim Imperatore *Tao*, uno e tribus  
Sinæ Legislatoribus, memoriæ prodi-  
tum est, quod *populus* illum *luxerit per*  
*triennium*, velut patrem solent atque ma-  
trem lugere. Et quæ alia sunt ejusdem  
affectus specimina. vid. Tabulam *Completi*  
*Chronologicam* fol. 3. in fine.

§. 207.

Intelligitur, eodem affectus Paterni <sup>Quomo-</sup>  
fonte scaturire præcepta *de suppliciis*, quæ <sup>do uten-</sup>  
*rara*, quantum fieri potest, & *temperata* <sup>dum sup-</sup>  
per clementiam esse volunt Philosophi <sup>pliciis?</sup>  
Sinæ. Malunt caveri peccata; bonis  
quidem exemplis præcundo; quam in-  
cidere in necessitatem puniendi. Est lo-  
cus, quo arbitratur Confucius, si inte-  
gro seculo imperium bonis administre-  
tur Regibus, posse eo provchi populum  
in virtutis studio, ut poenas liceat, &  
supplicia abolere. Dedimus illum in an-  
tecedentibus; Dabimus hic argumenta  
Philosophi, quibus suam de suppliciis  
theoriam confirmat.

L. III. P. VII. fol. 90. „ Ordine officio-  
rum, mutuaque omnium concordia non

vigentibus *pœna* ac supplicia *non* attingent scopum a legibus constitutum. Suppliciiis hoc modo a legum scopo aberrantibus; tum populus infelix, incertus quid prosequatur, aut fugiat, plane non habet, ubi tuto colloget pedes manusque.

„ Discipulus igitur Confucii *Cem fu* P. X. fol. 143. ad suum porro discipulum, *Tam fu*, iudicem criminum, & custodiæ publicæ præfectum, sciscitantem scil. qua ratione gereret injunctum sibi munus? ita respondet: „ *Hoc tempore* superiores Magistratus, quos oportet optimis exemplis præluere ceteris, passim deflexerunt a propria ipsorum recte vivendi & gubernandi via ac norma: Populus igitur quod item aberret, quod dispergatur studiis sententiisque male distractus, jam diu est. Si ergo, dum causas & crimina singulorum examinas, compereris, ea hoc modo se habere, id est, si Tibi constiterit de natura causis que criminum, quæ vulgo committuntur: tum, *licet* qui rei sunt, *non possint non pleâ*, semper tamen utere *commiseratione* & clementia, & nequaquam latere, quasi placens tibi ipse, qui latentia miserorum crimina callide detexeris: sed *memor* esto, *non omnem* culpam penes ipsos esse; utpote quibus ignorantia sua, nec non su-

pe-

periorum prava exempla fraudi fuerint. \* „

§. 208.

Portento simile est, quod de sapientem-  
te Chao cum Xe, Imperatoris Vu vum Mi-bile Exem-  
nistro Annales produnt, illum tanta fe-plam de  
licitate Captivis.

Q4

- Memorabile est, quod ad hunc locum annotant RR. Editores: „*Tria omnino millia criminum esse docet alibi Confucius, quibus sua pro cuiusque gravitate decreta sunt supplicia. Celebris est Xun imperatoris moderatio & clementia, qua Praesidibus populi alia atque alia dans praecepta, concludit identidem his verbis: Guei him Siô Çui, id est, eos a quibus poenas exigitis, miserari vos volo.* „ Equidem varie judicari potest de hac criminum multitudine. Potest illa cura enumerationis esse laudabilis, & apta cavendis criminibus non minus, quam delictis levioribus: potest esse captiosa, & illaqueandis innocentibus aut imbecillibus accommoda. Postremum hic non suspicor, ex theoria de suppliciis mitigandis leniora conjectans, & prudentiora. Vellem autem, ut *catalogus* exstaret in libellis nostris, addita simul historica relatione, quousque & quo ordine Civilibus judiciis licuerit illarum Legum observationi invigilare? Est hoc *maximi momenti* argumentum in negotio condendarum Legum Civilium, in quo considerari ut quum maxime debet, quousque naturalia assequi praecepta, & eorum curam quoque Civilem habere liceat. Non id prolixius hic edisseri potest, alieno loco: qui veram de Legislatione Civili, ad naturalem accommodanda, sententiam tenent, facile plura per se ipsos intelligant. Interim, si placet, vel hoc exemplo judicent lectores, an usui esse possit in Republica institutum, quod §. 9. ex Consilio *Viri Illustrissimi* indicavimus?



licitate & industria *Boreales* Regiones sibi commissas administrasse, ut sementis ac messis tempore e vinculis dimitteret reos omnes; & hi constituto revertendi tempore sua sponte ad carcerem redirent; etsi non deessent rei capitis vid. L. III. P. IV. fol. 50. Idem longis postea temporibus denuo accidisse sub imperio *Tai Cum* Regis, eorundem annalium fide in Tabula Chronologica fol. 55. R. P. *Completus* narrat: Septimo enim regiminis sui anno adiisse legitur custodias publicas, eas per seipsum lustraturus; dimisisse etiam trecentos & nonaginta capitis reos, addito, ubi messim collegissent, reverterentur in carcerem: Reversis ad unum omnibus admirabundum ac latum Principem cum vita libertatem donasse. Amplius hic conjectandi campus est: *An ideo reversi omnes, quod elabendi occasio negatur, in regno virtuti dedito? quod receptum nemo præstiturus fuisset? quod commendati, agnita culpa, poenam lubentes subeant? quod fallere Principis fiduciam noluerint? quod futuræ impunitatis spem ex sua sibi obedientia promiserint?* Non licet autem indulgere suspicionibus, ubi circumstantias nosse non contingit. Illud hoc loco attendere placet, *dimissos messes & sementis tempo-*  
*rei*



re: primum enim id est in populi cura,  
ut annonæ Princeps prospiciat.

§. 209.

Nihil dici aut cogitari potest tenerius, <sup>Officia</sup> illis Imperatorum quorundam factis at- <sup>tempore</sup> que effatis, quibus fame & inopia pres- <sup>famis, ex</sup> so succurrerunt populo. Imperatoris <sup>Imperato-</sup> *Tao* <sup>rum Ex-</sup> <sup>emplis.</sup> vox refertur: L. 1. fol. 21.

„Fames populi mei, mea est: peccatum  
populi mei, meum item est.,,

*Tai Cum*, cum locustæ grassarentur,  
jamque fames timeretur, ingemiscens  
ait:

„Ex messe, quam vos absumitis, pendet  
vita meorum; at quanto malim consumi  
a vobis viscera mea.,,

Eoque dicto, unam locustarum vi-  
vam deglutivit: Narrant autem anna-  
les, locustas eo anno stragem messi vix  
ullam intulisse. vid. Tab. Chronolog.  
fol. 54. Alius *Xi Cum* seculo post Chri-  
stum natum decimo, cum ingens esset  
sterilitas, jubet vendi orizam regiam vi-  
li pretio & nonnisi postea persolvendo:  
Dicentibus Præfectis, nunquam adeo  
pauperes fore solvendo:

„At, inquit Imperator, nescitis me Patrem  
esse, ipsos vero mihi filios? quis autem  
vidit patrem, qui filio fame laboranti  
opitulari nolit, nisi cum onere pretii re-  
pendendi? „Tab. Chron. fol. 67.

Denique *Gin Cum*, recentior, seculi  
de-

Qs

demum decimi quarti exeuntis Imperator, audiens in provincia aliqua laborari fame, protinus eo ire *Colaum* jubet, ut medeatur. Postulante illo, ut Concilia duo Regia prius consultantur:

„Faceſſant, *inquit*, moræ iſtæ ac deliberationes: Populo namque laboranti, tanta cum celeritate opitulandum eſt, quanta eoncurritur ad commune reſtinguendum incendium, vel repentinam aquarum illuvionem reprimendam.,,

Postulantibus aliis, ut ratio habeatur diverſitatis locorum & hominum magis minusve egentium:

„Habeatur, *inquit*, veruntamen ſic, ut a minutiis abſtineamus, & dum opitulandum eſt tantæ calamitati, non vereamur peccare quodammodo largitate. „v. Tab. Chron. fol. 81.

## §. 210.

Promptitudo Imp.  
Yu in audiendis affectis.

Elegans hæc feſtinatio eſt & teneri affectus index: neſcio tamen, an *ullum majus exemplum* eſſe poſſit alacritatis in jucunda ſubditorum & præcipue afflictorum cauſa ſupremæ & incredibilis, quam illud eſt Imperatoris *Yü*, cujus hæc ad filium verba hortantis recensentur: „L. III. P. IX. fol. 138.

„Scis, fili mi, quod ego *Ven vam* Regiſum filius, quod idem *Vu vam* Imperatoris frater, quod patruus ac tutor *Chim Tam* Imperatoris: & tamen cum talis ſim

sim ac tantus, non dubitavi, *ter* uno die *ex balneo*, ubi fortè corpus curabam, profilire, soluto etiamnum capillo, & inter eandem refectionem *ter*, ad signum, quod dabatur, *a mensa* surrexi, non alia de causa, quam ut meorum vel querelis vel postulatis aures præberem.,,

Nimirum, si fides est annalibus, *as campanum* iussit erigi Imperator Yù, in ipso palatii sui atrio: ad cuius primum pulsus suos auditurus alacer provolabat. Itaque accidit aliquando, ut *prandii unius* tempore *decies* a mensa surgeret: e balneo item, ubi corpus lavabat, semel iterumque ac tertio procurrerit; & quidem soluto & impexo etiamnum capillo, ut scil. ad primum campanæ signum suorum vel postulata vel querelas audiret. *Verba* dedi *Editorum*, qualia ex antiquis monumentis hausta *Tertii* libri *quarta* parti subjunxerunt fol. 52.

## §. 211.

Sed *finiamus* aliquando & in *præceptis* De Aera-  
quidem *magis politicis*. Pertinet eo cu-  
ra *ararii regii*. Generalia sunt: Probum  
Regem non in suo unius privato lucro,  
sed in sua & populi mutua æquitate &  
amore constituere lucrum; exornare di-  
vitiis personam, non divitias persona, id  
est, omnino satagere, ut populo sit  
opum satis, eoque ipsius regimen ce-  
lebre-

lebretrur, nequaquam corradere opes pro ærario, neglectis populi ærumnis & necessitatibus; eo autem facto & populum, Principi fidelem, habere regii ærarii divitias pro suis, ac velut suas in pace conservare, defendere in bello. Sunt hæc ipsa Philosophi Sinici verba L. I. fol. 35. obvia, neque igitur testimonium prolixius exscribere convenit.

## §. 212.

Modus augendi ærarii.

Specialiter, *augendo* ærario *regulas* commendat Philosophus non solum a vitio remotus, sed conjunctus etiam cum virtute; primo *vult* omnes occupari laboribus publico utilibus, nemine otioso; *vult* comedere paucos, hoc est, Censui erogari supervacaneos vetat; *vetat* imperari aliena, cum agriculturæ opportunum tempus adfuerit; *vult* denique adhiberi moderationem in sumptibus eam, qua *singulis* tribus annis *unius* anni redditus ærario supersint, auctarium futuri in posterum.

Verba sunt L. I. fol. 34. „*Augendi opes, facultatesque Regias* datur magna quædam & eximia *regula*: inprimis *si*, qui *pariunt* & augent illas, sint *omnes*, nemine otioso relicto, sed omnibus agricultura aut honesta negotiatione occupatis. Contra Præfecti ac Ministri, qui *comedunt*, seu redditus suos annuos percipiunt ex illis regii opibus, sint *pauci*,

ci, reſecta videlicet ſupervacanea officio-  
rum miniſtrorumque multitudine, quæ  
cenſu regio alitur. Præterea ſi, qui  
laborant & agros colunt, ſtrenue ope-  
rentur, congruo ſcilicet agriculturæ  
tempore non ad alia diſtracti, ſed in  
uno agriculturæ opere ſolenter occupa-  
ti. Si demum, qui utuntur illis, ſeu,  
qui *diſpenſant* regias illas opes, lenti  
moderatique ſint, *provida* ſcilicet *par-  
ſimonia* longius *in futurum* ita proſpi-  
ciendo & comparcendo, ut *qualibet*,  
e. g. *trieteride*, unius ſaltem anni cen-  
ſus ſuperſit, quem regio ærario in pe-  
renne auctarium adjiciant. *Hæc* quip-  
pe *ratione* futurum eſt, ut opes, facul-  
tatesque regię *ſemper* ſufficiant.,,

## §. 213.

Sunt illa pro ærario monita: *pro po-* Modus  
*pulo*, præcipue pro plebe, & negotia- pro pi-  
tione illi accommoda & conſervatio- ciendi ali-  
ne ejus, & facili alimentatione alia prio- mentis Po-  
ribus illico ſubjungit Philoſophus, Li- puli.  
bri editor, ex antiquo Præfecti cujus-  
dam conſilio; verbis, ad *Sinica officio-*  
*rum diſcrimina* attemperatis. Sunt enim  
alii Optimatum, qui *Tá ſu* dicuntur, qua-  
drigis, ſeu quatuor equorum curribus  
vehi ſoliti: Alii *Kím* dicti altiores prio-  
ribus, qui in officiis Parentalibus glacie  
utebantur: Alii eodem nomine *Kím*  
dicti, ſed potentiores, Satrapæ Regulo-  
rum,

rum, qui decem stadiorum Sinicorum ditionem vectigalem habebant, poterantque 100. curribus bellicis, cum necessitas erat, in campum prodire. Omnibus officia præscribit Philosophus. *Prioribus* negat negotiationes humiles, humili enim & modico quoque lucro vivere populus potest & solet: Transiente illo ad majores, eodemque censu regio fruenter, pluribus alimenta decedunt, neque accedunt divitiæ multis. *Posterioribus* grave monitum inculcat de vectigalium moderatione & causis.

Verba hæc sunt: L. I. fol. 36. „*Mém*  
*hien çu* inquit: *qui alant quadrigas*,  
 quandoquidem Regio vivunt censu, non  
 tractant gallinas & porcellos, magnam  
 scil. horum vim ac numerum in privata  
 domus suæ lucrum alendo, & præripien-  
 do suum *plebi*, cujus *hac est propria*  
*negotatio*. *Findentium* item *glaciem*  
 familia, quia ampliore, quam Optima-  
 tes gaudent censu, nec ipsa alat *boves* &  
*oves*, numerosos scil. bovium ovium-  
 que greges alendo, sordido quidem do-  
 mus suæ lucro, *damno* vero non medio-  
 cri miseræ *plebis*, quæ captato ex humi-  
 li ejusmodi negotiatione lucello vivere  
 solet. *Centum* denique *curruum fami-*  
*lia*, non alant, foveantque domi suæ  
*aggravantes vectigalia* ministros, qui  
 præ-

prætexto vectigalium nomine subiectum populum immaniter deglubant, suisque facultatibus exuant. Quod si ille latro-  
pa domi suæ forte habeat ejusmodi in-  
juste multiplicantem vectigalia mini-  
strum, satius illi foret habere *palam de-  
pradantem* gazophylacium, thesauros-  
que suos domesticos ministrum; *hic*  
enim *uni* duntaxat, *ille plurimis* nocet.  
Qui igitur fieri potest, ut communem  
ejusmodi *regni latronem*, populique san-  
guisugam, subditorum sudores & san-  
guinem crudeliter adeo haurientem, do-  
mi suæ patiatur?

§. 214.

Gravis hæc oratio est adversus nimi- De Exa-  
am vectigalium exactionem; namque ctionibus.  
exactiones omnes ita temperari volunt  
Sina; ut ne populo decedat opum abun-  
dantia, & in Principem fides. Ita enim  
fieri putant, ut facile populus ingruen-  
te necessitate sua omnia pro Principe &  
patria exponat. Eo pertinent verba §.  
211. indicata. Eo pertinet sermo di-  
scipuli satis abruptus, speciali scil. quæ-  
stioni responsum reddens generalem.  
Accipe illum, ut refertur L. III. P. VI.  
fol. 81. ibi:

„*Ngai-cum* duodecimus Regni *Lu* Regu-  
lus quæsit a *Confucii* discipulo *Ten-jo*  
dicens: Anni steriles sunt, & quibus fa-  
me laboratur, ad usus autem meos, non  
suppetunt sumtus necessarii: quid reme-  
dii?



ad virtutem debere antecedere disciplinam ordine sus-  
 militarem. cipienda?

L. III. P. VII. fol. 97. „Vir probus & integer, si doceat populum, quod officii sui est sive erga parentes, sive erga Principem, idque si doceat per 7. annos: hinc etiam poterunt cives & subditi rei militaris periti evadere. Adhibere autem nec dum probe instructum virtutibus populum ad rem militarem, id profecto jure dicitur abjicere suos & gravi periculo patriam exponere.,,

Postulat peritiam vero militarem quoque, & rei publicæ necessariam arbitratur, adeo quidem, ut de recta gubernandi ratione quæsitus, *tria hæc conjunxerit*: sit affatim annonæ: sit affatim militum, & rerum ad bellum necessariarum; inter populum & Principem vigeat fides. Conjunxerit, dico, sed & *subordinaverit*, ita quidem; ut si omnia obtineri possint, primo milites, deinde vel ipsam annonam potius, quam mutuum populi & Principis fidem dimitti posse & debere suaserit. Locum exhibuimus §. 34. ex L. III. P. VI. fol 80.

§. 216.

*In pace etiam de bello cogitant* — Cut in Pa-  
 dum esse, eleganti comparatione sua- ce cogi-  
 dent. Exemplum est illius, quem sæpe tan- lum de  
 dixi, *Tai Cum* Imperatoris, qui bellum ar- Bello?  
 bitratur morbum esse, cui semper atten-

R

di



di & remedia præparari conveniat. Dictum est Imperatore dignum; cum ita Ministros alloquitur:

„Rex est instar medentis morbo. Discordia, perturbatio, bellum Imperii est morbus, qui tametsi jam depulsus sit ab Imperio meo, magna tamen populi convalescentis habenda est cura, ne relabatur in pristinum morbum, & cui deinde nulla queat mederi industria. Pax alta nunc terras obtinet; parent nobis Barbari: nec tamen sollicitus esse desino, ut primis ultima respondeant, quocirca vos docete me, monete, reprehendite.,

Cordatum vero & prudens est quoque responsum Colai *Guei Chim*, superius jam allegati:

„Ego quidem, o Rex, non tam gaudeo de pace florentis Imperii, quam quod pacis tempore periculi vivas memor.,  
Vid. Tab. Chron. fol. 55.

§. 217.

Quomodo bellum  
geri debeat?

Bellum ipsum vero sic geri volunt, ut *abstineatur*, quantum fieri potest, *cadibus innocentium*. Philosophari etiam hic per exempla licet. Seculo post Christum natum decimo, imperante alio quodam *Tai Cu*, obsidebat *Cao Pin* Belli Dux Urbem *Nan Kim*; videns Imperator, non diu posse illam resistere, morbum simulat. Anxii Præfecti visunt decumbentem. Remedia alii alia coram suggerunt. Tandem ille:

„Non

„Non aliud morbo meo remedium magis præfens, quam ut juramento vos obstringatis, a civium cæde prorsus abstinere. „

Juratum est: Convalescit ipse: urbs capitur, nec sine vi & cæde, tametsi modica: Sed hæc ipsa Imperatori quoque elicuit lacrimas & hanc simul vocem:

„Miseranda conditio bellorum, quæ nusquam vacat cædibus etiam innocentium. „

Jussit igitur extemplo dispartiri in cives 100. mille modios orizæ.

§. 218.

Quomodo bonus Princeps *novum Re-* *Novum*  
*gnum* in se translatus susceperit, & col *Regnum*  
lapsum restituerit, exemplo Imperatoris *quomodo*  
*Vu vum* docet Confucius: *admini-*  
*straverit*

„Post vota solenniaque sacrificia Imperatori cælorum, reliquisque Spiritibus terrarum præsidibus rite persoluta, primum quidem arma omnia machinasque bellicas collegit ac reclusit: tum carceres & custodias pandi jussit, ac reos criminum dimitti: omni denique studio & industria conatus fuit opitulari populo fame, inopia, variisque calamitatibus laboranti: Eos interim, quorum insignia quædam existerunt merita, magnis *Beneficen-*  
augens honoribus opibusque; sic ut ve- *tia uni-*  
rissime dici queat, quod domus Impe- *veriali:*

R. 2

tatoria

ratoria *Chen* in exordio & fundatore suo exercuerit *erga omnes* omnium ditionum suarum homines *magnam* & inusitatam *liberalitatem* & beneficentiam; longe tamen maximam erga eos omnes, qui a fide, probitate, sapientiaque maxime commendabantur. Itaque *optimus quisque*, pergit Philosophus, *tunc* fuit *ditissimus*; amplissimis, inquam, honoribus amplissimoque censu instructus & ornatus.,

## §. 219.

Emenda-  
tione men-  
surarum &  
Legum.

Iterumque post pauca interjecta: „Non ignarus, quantum virii irrepsisset in rem publicam, ante omnia plurimum studii vigilantiaque posuit in *ponderibus* ac *mensuris* ad æquitatem normamque pristinam revocandis. Examinauit item *Leges omnes* & constitutiones, tam eas, quibus officia ritusque & jura civium, quam quibus res, artesque \* Musicæ continebantur.

- Jejunum id forte Nostratis videbitur, Musicæ re-  
stitutionem hic inter tanti ponderis merita referri.  
Alier statuer, ubi præceptum audierit Cū su di-  
scipuli Confuciani L. II. fol. 81. ibi: „Tamen si  
quispiam habeat Præcorum Regum dignitatem, si  
tamen careat eorundem virtute, ne is tantum sibi  
tribuat, ut audeat instituere novos ritus, & novam  
musicam, quia virtus est condendarum pia-um le-  
gum fundamentum; Tamen si etiam quispiam ha-  
beat regias illorum virtutes, si tamen careat regia-  
corum dignitate, item nec is arroganter ausit in-  
stituere

vinebantur. Ad aulam quoque & dignitatem pristinam *revocavit*, crexitque dejectos ac afflictos sub Impio *Chen* Præfectos Urbium & Provinciarum. Atque ita renovatis & constitutis præclare rebus quatuor regionum, id est, toti-

R 3

us

stituire ritus & musicam. Hoc enim spectat duntaxat ad eum, qui unâ sanctus sit, & Imperator. Non licet hic adjungere, quæ ad locum præsentem commentantur RR. PP. Editores, & quibus omnino illa luculentissime firmanur, quæ supra diximus de ratione Musicæ inter Sinas usitata, & influxu illius in animos humanos. Pauca saltem verba accipe: „Præcorum musicam instituentium cura omnis & studium non ad privatam Principum oblectationem referebatur, sed vel maxime ad juventutis & populi totius rectam institutionem, eratque tum aliarum virtutum, tum imprimis concordie subditorum inter se suoque cum Principe suavis & domestica magistra. Quo vero illa plus auctoritatis haberet & fidei, non ab aliis quam ab ipsis Imperatoribus institui poterat & vulgari: sed inter hos quoque non unicuique Principum tas erat, rem tantam suscipere, sed iis duntaxat, qui eximiam plane virtutem cum Imperatoria dignitate conjunxissent. Et illa quidem quanto mox in præstigio haberetur, hinc potest intelligi, quod ad spectatæ virtutis Regulos deinde missa magni cujusdam muneris instar obtineret. Is autem, cui componendæ Musices, & in lucem usumque publicum edendæ, nec non statis temporibus coram Principe & Optimatibus Imperii decantandæ cura demandabatur, haud quaquam humilis aut mediocri conditionis vir erat; ad Mandarinos superioris ordinis, & quidem vitæ integræ, sapientiæque non vulgaris Viros cura ista pertinebat., &c.

us Imperii Administratio optatissimum  
cursum habuit.,

§. 220.

Restitu-  
tionem fa-  
miliarum  
Nobili-  
um, & sapi-  
entum.

„Restauravit *extinctas* ab antecessore  
*satrapas*, & restituit dominis legitimis.  
Revocavit *pervetustas*, sed pene deletas  
*prosapias* priscorum Imperatorum *Hoam*  
*ti*, *Tao*, *Xun*, & *Tu*, hoc agens, ut tam  
illustris maximorum hominum proge-  
nies non tantum ipsa quam diutissime  
floreret, sed memoriam quoque mayo-  
rum suorum maximo cum splendore &  
usitatis cum officiis muneribusque pa-  
rentalibus rite pieque conservaret; ad-  
eoque mortuis quoque parentibus filio-  
rum tamen pietas & observantia semper  
viveret ac perennaret. *Erexit* præterea  
admovitque gerenda Reip. jacentes &  
latitantes *viros virtute ac sapientia insignes*:  
sed qui ultro dignitati suæ renuncian-  
tes, ex superiore illa tempestate pertur-  
bati Imperii ad otium privatae vitæ, ceu  
portum cauti perfugerant.,

§. 221.

Effectus  
hujus soli-  
tudinis.

Effectum curæ hunc exhibet Philoso-  
phus: „Hunc autem in modum consu-  
luit optime Rebus Imperii totius, po-  
pulus subdidit sese ultro & ex animo, eo-  
que promptius voluntates suas ac studia  
cum studiis optimi Principis omnes con-  
jungere, quo felicius sibi cum illo jam  
convenire, ceu membris obsequentissi-  
mus

mis cum suo dilecto capite intelligebant.,

Prolixior adhuc locus est, quam ut integrum describere liceat, ad finem propterantibus.

## §. 222.

Unum hic speciale præceptum adiungo, coronidem deinde operi impositurus, generali iterum consilio. Est inter Nostrates Philosophos Theoretice Politicos controversia: Num *crescens vicini Principis potentia* legitimum inferendo bello argumentum præbeat? *Negat* id *Confucius* & servando regno inter alia, etiamsi præpotentia intermedio regulas & artificia præscribit minus violenta. Cum enim discipulus sui Principis factum in suscipiendo adversus finitimos bello tueretur eo colore, ditionem bello petitam esse fortem & munitam posse in dies munitiorem evadere; nunc quidem infestam non esse vicinis regionibus; posse id futuro tamen tempore usu venire; itaque cum tempus & fortuna fauveat, prospiciendum esse rebus & occupandam illam a Domino suo, antequam filiis & nepotibus sit exitio: illi Philosophus inter cetera hæc opponit L. III. P. IX. fol. 117.

Remedium contra Vicini potentiam.

„Audi. quid sentiam. Ego sic audiui semper, eos qui habent Regnum vel Dynastiam, vel qui habent amplam splend-

R 4

didam.

didamque familiam, si quidem probi sint ac sapientes, non solere angī animo & discrucīari paucitate subditorum, quibus imperitant; sed discrucīari & angī, quod non obtingat suum cuique, prout jus & ratio postulat: audiui item, non angī illos, quod penuria rerum laboret sua ditio, sed angī & affligi, quod non fruatur optata pace & concordia. Et merito sane, quippe si tollantur expensæ inutiles, si luxus immodici prohibeantur, & cuique tribuatur, quod æquitas postulat, quamvis alii aliis opulentiores futuri sint, non erunt tamen inopia vel mendicitate laborantes. Ubi item viget concordia, ibi nulla est paucitas, ibi vastitas nulla. Quamdiu vero fruuntur concordia, fruuntur & pace, quæ ex illa nascitur. At vigente pace & tranquillitate, nullus erit ruinæ locus, vel gravioris cujusque calamitatis periculum.,

Videtur mihi non tam ad ipsam questionem respicere Philosophus, quam ad fontem ejus. Quis enim nescit hanc esse conquæstorum sententiam (der Conqueranten) ut nunquam desint speciosæ & justificæ, quas vocant, bellandi causæ. Exhibet tamen & Philosophus exemplum, quod proprie ad vicinorum potentiam pertinet.

## §. 223.

Simile enim priori consilium facto Phi-  
 losophus complectitur L. III. P. VII. fol. 99. ubi de Regno *Chim*, ait, esse id  
*modicum & inter duo prapotentia Regna*  
*Cin & Cu* situm medio loco: virtute au-  
 tem ac prudentia Principis sui *Hien Cum*  
 dicti & fide, concordia, solertiaque Mi-  
 nistrorum feliciter conjuncta non invi-  
 ctum modo perstare adversus ambitio-  
 nem potentiamque vicinorum; sed  
 etiam pace opulenciaque florens & bea-  
 tum.

## §. 224.

Non est illud nostris moribus homi-  
 nis *Scholastici* munus, ut indulgeat sibi,  
 & de rebus ejusmodi largiter peroret.  
 Memini dictum *Hannibalis*, qui Sophi-  
 stam coram se de bello fabulantem au-  
 diens, multos se insanientes senes vidisse  
 profatus est, nullum, qui audacia præ-  
 sentem vinceret. Itaque abstineo a ju-  
 diciis, atque in universa hac sectione  
 transeo epicrises.

## §. 225.

*Confuciana* illam sententia coronare licet:  
 eaque opusculum obsignare. *Novem*  
 sunt *regulae* a Confucio commendatæ Re-  
 gibus. Dico commendatæ; quoniam  
 & utilitatem earum prolixè explicat, &  
 media tradit, quibus eas observari atque  
 exerceri possint. *Longior locus est, sed*  
 R 5 omnino



omnino *talis*, ut universam eo tractationem nostram liceat absolvere. Ita autem ille L. II. Scientiæ Sinicæ fol. 63. & seqq. „Quicumque moderatur orbis Regna, habeat has novem regulas, & præcepta vulgaria quidem, sed observatu necessaria; Videlicet 1. Excolat virtutibus *seipsum*: 2. Colat *sapientes* & probos viros. 3. Observet & amet *parentes*: 4. honoret & in pretio habeat *præstantiores Ministros* & præcipuum Magistratum gerentes; 5. Accommodet sese ad voluntatem reliquorum Ministrorum, seu *Præfectorum minorum*; quos ut membra sua autumet: 6. Filiorum instar diligat *populum* ac vulgus promiscuum, congruendo gaudenti, condolendo dolenti: 7. accersat plurimos omnis generis *artifices* ad commune Regni emolumentum: 8. Benigne ac comiter excipiat & protegat e longinquo *advenas* & adventantes hospites: 9. Denique amanter ac impense foveat & cordi habeat Imperii *Regulos* & Dynastas, quo fiat, ut concilietur eorum erga Regem & amor & fides. „

## §. 226.

Utilitas  
Regula-  
rum ex  
Confucio.

„ Si igitur rex novem prædictas regulas observet, *plurima* equidem toti regno *emolumenta* consequentur: Nam si 1. excolat virtutibus *seipsum*, mox Lex & Regula illæ universales Regis exem-

exemplo vigeant: Si 2. colat Sapientes, adeoque horum multo usu consilioque utatur, jam non hæsitabit perplexus in negotiis suscipiendis & perficiendis: si 3. observet & amet parentes, jam & inter reliquos consanguineos, e. g. patruos, fratres majores natu & minores non erunt querelæ aut similitudines; sed concors amor in bonum totius familiæ conspirans: si 4. veneretur & in pretio habeat præcipuos Ministros, jam non caligabit, nec erit anxius trepidusque in Regni sui administratione, tametsi forte discrimen aliquod ingruerit; aderunt enim atque opitulabuntur Principi suo spectatæ virtutis invictique roboris Viri, non consilio tantum, sed manu quoque prompti: si 5. gregales Magistratus, sese iis accommodans, veluti corporis sui membra autumer, jam & hi, & qui erunt Ordinis superioris Præfecti reddent, obsequia sua impensius cumulatiusque, & universi corresponsdebunt Regi cum omni fide & sinceritate: si 6. filiorum instar amet populum, tunc populus animabitur, atque excitabitur vicissim ad redamandum tam beneficium sibi parentem: si 7. fama tanti Regis accersiti adveniant plurimi cujuscunque generis artifices, tunc & divitiarum ad utendum, & rerum ad communes usus necessariorum affatim erit: si 8. benigne excipiat  
e lon-

e longinquis regionibus adventantes advenas, mox circumjacentium quatuor terrarum populi ultro ad ipsum se conferent, & gaudebunt subesse tam humano & benigno Principi: Si 9. impense diligat ac foveat Regulos, hos vicissim habebit sui amantes, sibi que devinctos, adeoque auctus ipse tantis opibus, tantaque potentia, jam toto orbe formidabilis erit.,

## §. 227.

Modus  
eas obser-  
vandi.

*Confucius* enumeratis fructibus, qui ex novem predictis Regulis nascuntur, tradit hic modum, quo eadem ad praxin reducantur, dicens: „1. Si Rex a vitiis abstineat, si purus & immaculatus interius, & exterius gravi & se digno cultu induatur; si illicita, & quæ repugnant rationi, non attingat; hæc nimirum ea sunt, quibus Regia excolitur persona: 2. Si procul repellat a se detractores, & procul absit a venericis; si vilipendat opes ac facultates, & magnipendat virtutem; hæc ea sunt, quibus animantur, & excitantur ad imitationem sapientes virtutum sectatores: 3 Si in pretio habeat ac veneretur & foveat suorum parentum dignitatem, suo Regio censu augeat eorum privatos redditus, eadem amans & odio habens, quæ illi amant aut oderunt; hæc ea sunt, quibus animantur reliqui ad amandos item parentes ac propin-

pinquos: 4. Si Præfectorum inferiorum magnum numerum habeat, & qui majoribus subordinati ex officio minora quæque negotia administrent: hoc est id, quo animantur superioris ordinis Præfecti, ut illorum opera industriaque usi munus suum felicius exequantur: 5. Si suis Rex ministris fidat & credat, & pro cuiusque meritis ampla conferri jubeat stipendia, hæc ea sunt, quibus animantur regii ministri ad impensius suo Principi serviendum: 6. Si tantum congruis temporibus (non iis scilicet, quibus aut agri colendi sunt, aut messis colligenda) occupet populum, & moderetur vectigalia, hæc ea sunt, quibus animatur populus ad amorem promptamque obedientiam: 7. Si quotidie examinet, & quovis mense per se ipse exploret, an operariorum merces & alimenta ex regis educta horreis respondeant operi, hoc est id, quo animantur opifices ad impensius laborandum: 8. Si Rex debitis officiis prosequatur abeuntes advenas, & benigne ac comiter excipiat adventantes collaudando aliorum præclaras dotes, quando his instructi sunt, utendo illis ad munia publica, & miserando aliorum, qui forte tenuiores sunt, imbecillitatem, hoc est id, quo benigne tractantur e longinquo advenæ ac peregrini: 9. Si usque & usque perpetuare

seu

seu conservare studeat Regulorum intereuntes jam prope familias substituendo alterum ex eadem familia in demortui locum & dignitatem; Si insuper studeat erigere & in pristinum statum restituere, eorundem collabentia regna, moderando compescendoque seditiones vel tumultus obortos, & propulsando sistendoque imminetia pericula; Item si, dum celebranda sunt Regulorum Comitia, & excipiendæ eorundem Legationes, juxta statuta dumtaxat tempora id faciat (non immutando communem in hoc praxin, ne sit oneri Regulis); Si item laute ac splendide tractet abeuntes, & non cupide, sed regia cum moderatione excipiat adventantium munera (quod erat Regum priscorum dictamen) hæc eadenique sunt, quibus amanter foventur clientes Imperii Reguli.,

§. 228.

**Conclusio  
sectionis.**

Sufficiant illa vero ad institutum præsens; quoniam, nisi fallor, intelligi ex istis potest, quæ fuerit Sinarum in doctrina Morali & Politica sollicitudo? quam arcte Imperio virtutem & virtuti auctoritatem conjunxerint? Utinam plura gentis prudentissimæ documenta inter Nostrates exstarent; fieri enim non posset, quin subinde præceptis aut exemplis aliqui excitarentur ad virtutem. Scio, quam non omnia ad nostra quadrent tem-

tempora : sed vero neque illud ego postulaverim, ut Sinas nostri imitentur simpliciter ; neque illud quisquam negaverit, posse plurima leviter inflexa adhiberi utiliter, aliqua etiam longius a nostris recedentia moribus ad nostros tamen usus reduci, Sed ego Prudentioribus illa facile relinquo ; quibus ubi conatum approbavero meum, sufficiens id operæ meæ pretium existimabo.



EPILOGUS  
DE  
COMPARATIONE  
DOCTRINÆ SINICÆ  
CUM  
PHILOSOPHIA ET  
THEOLOGIA MORA-  
LI NOSTRA.

§. 229.

Excusatio  
brevitatis.

**E** Narravi hætenus, etsi *breviter* & in specimine solum, quæ *præcipua* mihi visa sunt Scientiæ Sinicarum moralis & politicæ præcepta e tribus primis eorum libellis classificis, Confucii dicta & facta complexis, petita. Possent illa *cultius* proponi, atque in formam elegantiores transfundi; possent explicari planius, & fulciri argumentis, & defendi ab objectionibus, & ornari conscriptariis, & amplificari collatione

latione aliarum sive gentium sive Sectarum philosophicarum. *Non id hac vice* licuit festinabundo, & in promulside tantum exhibenda versanti: Liceret, si integro Systemati condendo operam applicare, & subsidiis frui amplioribus & liberiori oratio contingeret. *Malo* autem, ut brevitatem Lectores accusent, & requirant plura, quam ut indignentur prolixitati. *Memcium* totum oportuit præterire sicco pede; rationem dedi §. 19. Solum hic *Confucium* potui attendere: sed multum sane abest, quo *minus* illum hic *exhaustum* putes. Quicquid hic vides, jam dixi, specimen est, non tamen pessima complexum, neque tantum vulgatissima. Exhibui præcepta ex optimis: Superfunt *alia* tamen *ejusdem* meriti & ponderis. Effet operæ pretium, ut *novam* libellorum illorum *editionem* aliquis curaret: etsi non negem, plurimam nostris nausæam creaturas esse, repetitiones creberrimas, & confusio-

S ne

---

\* Scio quid *Bernierius* pro excusatione dixerit illius confusionis, in *Journaux des Savans* 1688. 7. Jun. pag. 37. ubi a *Doctore* scholastico *Legislatorum* distinguit: arbitror autem, id nostris non satisfacere Lectoribus. Scio, *Doctiss. Crösam* id *Logico Systemate* P. IV. ch. III. §. 3. p. 1390. affirmare, quod dentur libri, quos præstet non scribi ordine. „Il y a des livres, qu'on ne lireit pas si



274 *Epilogus de Comparat. Doctrin. Sinica*  
neque illam acuminibus dictorum ubi-  
que compensatam. Vid. §. 23.

§. 230.

**Excusatio** Si ab initio succurrisset animo, quid  
**encomio-** in nostra hac tractatione vituperari (ju-  
**rum Sinis** re, an injuria?) possit: non ego *ratio-*  
**tributo-** *fies excusationum* usque ad libelli finem  
**rum.** distulissim. Si pleraque probō, pauca  
improbo Sinica; si etiam illa affero, &  
prædico, quæ inter nos vulgata sunt &  
communis; si pronus videor ad eadem  
nostris anteferenda, ubicunque id fieri  
posse videtur; si optimos præceptorum  
sensus venor; si gaudeo exemplis vir-  
tutum præstantibus, & applaudo: Me-  
mineris, difficulter contineri animum  
a favore antiquitatis, in remota gente  
præsertim, & ab omni cum Europæis,  
& iis, quas nostri moratiores dixerunt,  
commercio seclusâ, quis est, qui neget,  
esse præcepta quædam virtutum & ex-  
empla, ex iis, quæ diximus, singula-  
ria? Atque si semel in rebus etiam vul-  
gatis

---

si souvent, ni avec tant de plaisir, l' ils étoient  
écrits avec plus d' ordre : & on se les rendroit en-  
tièrement familiers d' une première ou d' une se-  
conde lecture, & dès là on n' y trouveroit plus  
rien, dont on seroit frappé,, Addidit ille verò *li-*  
*mitationem*, quam in textu indicavimus. „Mais  
il est nécessaire, que chaque partie soit brillante,  
& renferme un grand, sens, si on veut, que l'  
ouvrage, qu'elles composent, n' ait pas besoin de  
tirer aucun prix de leur liaison,,

gatis præstantia, nostris neglecta, deprehenderis; (talìa non pauca putem in antecedentibus allegata esse:) num in ceteris, etiam prima fronte vulgaribus, suspicari aut quærere rariora non licet? *Sed vero* si binos Sinis oculos adjudicavi; num ideo Europæos privavi altero? Si qua in re Nostris defectum imputavi, & aliquando cum ex Sinicis suppleri posse indicavi; num ideo ubique Sinas eminere judicavi? num ita locutus sum, ut cum injuria Nostratium extraneos ornaverim? Quin æqui sumus, & virtutem amamus, ubicunque efflorescit! Non ego meritis nostratium invideo: an tu meritis Sinensium? Age, colligamus illa in fasciculum, & quæ Sinarum prærogativæ sint, quæ nostrorum in Philosophia æque & Theologia morali, indice quasi digito commonstreemus!

§. 231.

Placet Sinas habere *Libros* per Universum late patens Imperium *classicos*, *cos-*  
demque *morales*: officia non civilibus saltim negotiis, sed universæ vitæ & actionibus hominum omnibus præscribentes. *In Europa* scribuntur jura Civibus, & feruntur Leges sane, sed Civiles, publica auctoritate: officiis hominum naturalibus publico Imperio inculcandis parcius opera impenditur: Pri-

Prærogativa Philo-  
sophiæ  
Sinicæ præ  
Nostra.

vatorum id est, scribere compendia, compaginare Systemata, & conclusiones auditoribus proponere magis, quam præire. Prærogativam igitur Sinicam hac parte agnosco. Agnosco & *alteram*, cum video, Sinas *exempla* postulare *magis*, quam acquiescere præceptis: fortius enim illa & facilius persuadent; ostendi rationem dicti non unam § 70. *Asiatica* ludibrio habemus ingenia, servilia per contentum appellari solita: Nescio, an id satis Asiaticum sit, postulare, ut Leges ferantur exemplo Principis, non decreto solum? Nescio, quid hic abjectum sit & humile, si Philosophiam nitari derivare ex dictis Imperatorum? si quærere præceptis tuis auctoritatem e factis Regum? si perpetuum Legis atque operis connubium firmare? Quis Philosophorum nostrorum ita strenue & constanter urget illud antiquum: Regis ad exemplum &c.? Quis populo ita solenniter & sæpe inculcat imitationem Exemplorum Virtutis a Majoribus præstitorum & Potentibus? *Tum* vero velim considerare, an Sinæ emineant in præceptis quoque *Politicis* uni semper *virtuti* superstruendis, accommodandisque, & ex ea limitandis. Primum & supremum veræ, intimæque imperantium animis, virtuti locum concedere in regendis Civibus; *Supre-*

*num* Regiminis *finem* constituere populi ad integritatem cordis & solida *virtutis studia* renovationem puto esse ejusmodi, ut superet meritis curam externæ tranquillitatis & pacis publicæ, nescio, quibus utilitatum motivis persuaderi solitam. *Præterea* velim attendas, *uti* Sinarum Sapientes *theoria*, quam steriliter alii exponunt, de origine Civitatum & familiis. Num illi præctice intelligunt, quodnam in sollicita *liberorum educatione* momentum sit repositum? quodnam *Imperii* & paterni tum juris, tum affectus connubium suaderi, & obtineri possit ac debeat? quis Europæus dedit exquisitam adeo *Patris Patriæ* interpretationem ac in antecedentibus ex Confucio retulimus. §. 50? Velim *porro* advertas animum illi quoque Sinensium sollicitudini, qua Philosophi præcipiunt intimis animi motibus invigilandum esse. Quis enim nescit, esse ex *Nostris*, qui id aut insuper habuerint in Philosophia, aut omnino negaverint in disciplina Morali attendendum esse? Contrariantibus tamen alijs, & veritatem argumentis æque ac suffragio suo fulciantibus. Sed vero inter Sinas id *ἐξαιρετικόν* est, classicis libellis inculcatum, & graviter: dedimus rei specimina in superioribus. Velim *denique* illorum quoque præceptorum rationem habeas in Tua

278 *Epilogus de Comparat. Doctrin. Sinica*  
 comparatione, *qua* aut omnino Philosophi negligunt aliqui, aut non satis pro dignitate inculcant. Ejusmodi plura meditantibus succurrent, Consulere alios in re dubia aut ancipiti, *querere* familiaritatem & consuetudinem Sapientum, imitari eorum facta & agendi artificia &c. *Consiliorum* loco habentur vulgo, cum *praecepta* sint, eademque ex praestantissimis. Erit fortassis, ubi eam rem plenius enarrare dabitur. Hic unum addo officiorum genus: de officiis *erga* amicos & inimicos specialibus rarum esse in compendiis moralibus sermonem, nemo inficiabitur, atque id eousque, ut praeter recentissimas *Philosophiae moralis* institutiones *VVolfianas*, non meminerim libelli, in quo *diserte* exponantur officia erga inimicos. Quam egregie se hac parte Confucius gesserit, diximus suo loco: quantum tamen eo ipso infra Religionis Christianae perfectionem adhuc substiterit, dicemus illico.

§. 232.

Unde tanta Sinis Prudentia?

Illud hic silentio praeterire non possum, inquirenti, quae causa sit, aut ratio, *quare* Sinis contigerit sublimiores in morali doctrina regulas, & efficacius inculcare? succurrisse aliquam, non minima veritatis specie commendabilem. Intellexi argumentis & experientia, *si quis* operam in aliquo studio suam

ita

ita ponat, ut meditationi exercitationem, & exercitationi meditationem *conjungat*, multo illum supra istos ascendere industria, quos aut mera juvat speculatio, aut exercitatio sola occupat; pertingere illos, quo nunquam penetraverint homines aut practici solum, aut tantum theoretici. Quam id vulgatum est in rebus *mechanicis*? quam in *medicis*? Num in *moralibus* idem valeat, facile dijudicaverit, qui argumentum rei e prioribus hisce exemplis generale didicerit. Non ego hic, alieno loco, metaphysicam ingredi disquisitionem instituo, etsi utile id Lectoribus fore existimem, si rei memoratae ipsi attenderint, sanioribus antea Principiis metaphysicis imbuti. *Unum hoc urgeo*: Num fieri non potest, ut, dum serio animum virtuti & constanter applicas, aliquando id possibile esse Tuo ipsius facto cognoscas, quod theoretice examinatum nemo ausus fuisset vel sperare. Specimina officiorum, quæ huc pertineant, aliqua exhibuimus; attende, si placet, factis Imperatorum, qualia memoravimus: &, quæ modo insinuavimus de amore inimicorum, superius enarrata ex instituto. Quicquid videatur aliis; ego hanc *divina providentia partem* esse existimo, & veneror; qua Deo placet *dare habentibus*, non in natura minus,

quam gratia. Atque hæc inter præcipuas causæ est, quare Sinicam super antiquas omnes Philosophiam, moralem & politicam, intenso voluntatis affectu prosequar.

## §. 233.

Prærogativa Philosophiæ Nostratis supra Sinicam.

Fateor tamen, *Nostratis* etiam Philosophiæ *supra Sinicam* Prærogativas esse. Itacertum est, discrimina officiorum multo curiosius investigata esse a Nostratibus: diversos rem eandem considerandi modos, & differentiarum illarum momenta plerumque scrupulosius perquisita esse, & proposita sollicitius: pleniorum esse officiorum enarrationem in haud paucis: Responsiones quæstionibus accommodari præcisius: Objectionibus applicari solutiones distinctius: demonstrationes officiorum theoreticas elaborari exactius: disciplinas practicas, atque theoreticas, (priorum fundamenta) subordinari exquisitius: scientias easdem theoreticas tantum non desiderari inter veteres Sinas, saltem non ultra mediocritatem assurgere, neque ad persuadendam virtutem adhiberi frequentius; quantum id ex libellis nostris classicis judicare datum est. Et quæ sunt similia, quibus immorari non lubet. *Nescio*, an illud quoque inter prærogativas nostras collocare liceat, quod *in pietate positum est Philosophica*. Ostem-

di in Commentatione Philosophica de  
*origine & permissione mali*, sect. IV. §. 472.  
473. quid intersit inter virtutem natura-  
lem, & pietatem Philosophicam? &  
quam id sit sublimius, sumere motiva  
actionum ex divinis attributis atque fi-  
nibus, quam ex ipsa & sola rerum &  
consecutionum naturalium considera-  
tione. Quod si hanc partem Sinæ neglexis-  
se dici possunt, multum ea parte con-  
sistunt infra Nostros, præsertim recen-  
tiores illos, qui eam rem distinctissime  
evolverunt. Nescio autem, quid assè-  
verare liceat? *Non est multa* Dei men-  
tio in libellis Sinicis; ejusdemque inter-  
pretatio inter Europæos quosdam con-  
troversa: Est *aliqua tamen*, & ejusmodi,  
ut videatur ad hanc rem facere; ita  
enim præcipitur, ut primævam, a Cœ-  
lo inditam, innocentiam nitamur re-  
staurare, ut veneremur Cœlum, ut ne  
cogitatione quidem admittamus, cujus  
consciū esse Cœlum nolimus, ut unius  
Cœli arbitrio acquiescamus &c. *Du-*  
*bius*, an ad medullam Sinæ penetrave-  
rint, & assecuti sint, quæ loco citato  
enarravi, malo nihil diserte hic statue-  
re, & aliorum admittere monita, quam  
præcipitare sententiam, & impingere.  
Hoc facile patet: Si inter antiquos Si-  
nas floruit eacognitio; multum illi Græ-  
cos & Romanos hic antecedunt: Si de-



232 *Epilogus de Comparat. Doctrin. Sinica*  
fuit; multum illi infra nostros subsistunt  
hoc loco Philosophos,

§. 234.

Præroga-  
tivæ  
Theolo-  
giæ Mora-  
lis præ  
Philoso-  
phia Mo-  
rali, etiam  
Sinpica.

Longius etiam ab *Theologia Morali*  
eminentia abest *Sinenfium* Sapiencia. Plu-  
rima sunt hujus rei documenta; enar-  
rabo breviter, quæ sufficiant. Si ad  
*Philosophiam* non Sinicam solum, sed  
*universam* pertinent: Nolim id vitio mi-  
hi verti, quod hoc loco illa edisseram.  
*Sunt, qui* Religioni Christianæ putant  
detrahi, quicquid præstantiæ tribuitur  
Philosophiæ, præsertim inter illos ob-  
viæ, qui vero Dei cultu non utuntur;  
Obyiam illi præjudicio eundum est,  
verioræ momentorum æstimatione. *Pri-*  
*imum* hic locum occupat, quam primo  
ordine omnes allegant, notitia verior  
& plenior *de corruptione hominum*, & il-  
lius rei caussis & momento. Ut enim  
inconstans & mobile cor hominis accu-  
sent *Sina*, certum est, illos veram inti-  
mæ corruptionis, & consequentium  
tam effectuum, quam pœnarum noti-  
tiam non habere. Dabo unicū facti  
specimen. *Immortalitatis poculum* somnia-  
runt Sina, eidemque obtinendo mul-  
tam plurimū, etiam Imperatores, ope-  
ram, & spem, & pecuniam inepto au-  
su impenderunt. Hic primus Philoso-  
phiæ defectus est, & Religionis præ-  
stantia; *Secundam* hanc habet. *Sunt præcepta*  
in

*cum Philosoph. & Theolog. Moral. Nostra* | 283  
in Theologia Morali *sublimiora*, quam  
inter Sinas deprehendo. Ejusmodi bi-  
na in superioribus allegavi. *Primos* etiam  
*motus* in vitio ponit Theologia, non ef-  
fectus tantum iis pullulantes. De Sinis  
illud asserere non licuit, deficientibus  
documentis, vid. §. 62. *Inimicorum amo-*  
*rem* Religio præcipit Christiana; Num  
ultra vindictæ moderamen Sinæ ascen-  
derint, non ausim affirmare, vid. §. 78.  
& seqq. Illud extra dubium est, non  
Sinicæ solum, sed *universa* Philosophiæ  
respectu, deesse illis ex gr. præcepta,  
quæ pertinent *ad communionem Sanctorum*,  
externam respectu Ecclesiæ, & inter-  
nam respectu unionis cum Capite &  
membris in Spiritu sanctissimæ. Doleo  
non evolvi frequentius hæc officia, &  
distinctius, & specialius; Trahunt illa  
momentum in praxi non minus, quam  
in judicio de quæstionibus satis cetera,  
si non nimium frequentibus. Si Philoso-  
phia Societatis Civilis officia præcipit,  
peculiariora, & a naturalibus distincta,  
quidni officia sacre societatis Theolo-  
gia præcipue commendet, atque incul-  
cet. Transeo, quæ de obligatione cre-  
dendi fusiùs edisseri possent; namque  
hic jam vides specimen præceptorum  
Theologiæ propriorum, & supra cete-  
ra societatum officia sublimiorum: In  
præceptis cum Philosophia communi-  
bus

284 *Epilogus de Comparat. Doctrin. Sinica*  
bus *tertio* loco magna isthæc Theologiæ  
prærogativa est, quod liquido Dei te-  
stimonio *perspicue præcipit*, & persuadet,  
quæ nonnisi longis ratiocinationum ca-  
tenis philosophi assequuntur. Diximus  
in eam rem pauca in Commentat. alle-  
gata §. 468. Neque id parvifacere licet,  
novum assensus Principium, idemque  
sublimius ex illo Dei testimonio speciali  
accedere veritatibus practicis, etiam na-  
turaliter intelligibilibus. *Quartum* illud  
est, quod *exemplum* Servatoris Christi,  
in Theologia Christiana propositum,  
sit purissimum, & Confuciano in im-  
mensum perfectius, errore nimirum &  
defectu omni vacuum; cum vel ipse  
Confucius sequi se virum sanctum, sed  
e longinquo solum, confessus sit, at-  
que a discipulis quoque suis de errore  
practico, (nimia ex morte discipuli tri-  
stitia) admonitus, eundem agnoverit,  
& correxerit; ut omnino constet, nec Si-  
narum *judicio* exemplum ipsius undequa-  
que parum esse. *Quintum* ad *motiva* per-  
tinet, Philosophiæ & Theologiæ *com-*  
*munia*, sed *illustriora* tamen in revelatio-  
ne Christiana. Quam id *difficile* est, &  
notitiæ Philosophicæ profundioris opus  
*demonstrare*, quod exemplum Dei ita sit  
norma nobis & regula agendorum, ut  
v. g. *ideo* amare oporteat inimicos, *quo-*  
*niam* Deus pluviam indulget non piis  
so.

solum, sed & impiis? Quam id *parum* est, quod Philosophia tradit de statu animarum post hanc vitam, & quanto efficacior hic est notitia cœlitus revelata, promissionibus stipata & minis, uti gravissimis, ita ex divino testimonio certissimis? Accedit *sexto*, quod *nova etiam*, nec rationi aut Philosophiæ communia virtutum *motiva* ex redemptionis atque sanctificationis œconomia peti possint, eminentissimaque illa & fortissima. Si summa *Philosophia* perfectio illa est, cum supra societatis humanæ generalis & Civilis necessitatem atque utilitatem ad divinas assurgit perfectiones, *motiva* officiorum ex iisdem repetendo: subsistit illa tamen intra considerationem Dei *Creatoris*; Ad redemptionis gratiam, & quæ illi innititur sanctificationis œconomiam non penetrat. Atqui vero *hic abundat* attributorum divinorum gloria & demonstratio hominibus facta: *Hoc* præcipuum est Theologiæ Moralis Christianæ argumentum, quo Naturam omnem transcendit, & Philosophiam anteit longissime. Si quis hoc negligit aut parvi pendit, næ ille nervum doctrinæ Christianæ nondum cognovit! Suppar illi alterum est, *septimo* loco commemorandum, quod *criminis admissi remedia* nulla sint Philosophis, Præcipe, si placet, exquisitis-

simas

286 *Epilogus de Comparat. Doctrin. Sinica*  
simas vitæ regulas; & sequere, ut po-  
tes: quis culpam olim commissam ani-  
mo exuit? quis avertit pœnam priori-  
bus debitam, & connexam peccatis?  
Scilicet hoc Theologiæ est: Christia-  
nismus hac parte triumphat: ille potest  
sauciatam restituere in integrum, & tur-  
batam serenare conscientiam; & solus  
potest. Nihil hac parte ratio valet: Ni-  
hil igitur Sinarum prudentia. Denique  
*oétavo media* velim consideres, *verbum*  
*Dei & Sacramenta* divino plena spiritu.  
Si *tanta rituum* ab hominibus instituto-  
rum efficacia est, quantam Sinæ in re-  
verentia erga majores & Magistratus  
suos plantanda ipso facto experti sunt:  
*quanta* erit illorum *actuum*, quibus divi-  
na interior gratia efficax conjungitur!  
Non hic externis monemur tantum; sed  
intima animo virtute percellimur; ut  
nostrum non sit, sed Dei opus, quic-  
quid in nobis perficitur. Nimirum *il-  
lud super omnia* eminet Religionis Chri-  
stianæ ex divino favore beneficium; quod  
dejectas naturaliter vires erigere, restau-  
rare amissas, & deficientes supplere san-  
ctior Dei Spiritus & valeat & velit e  
Christianorum doctrina. Deficit id auxi-  
lium, ubi philosophamur solum, natu-  
ræ beneficio: accedit denuin indul-  
gentiæ, divinitus dispensari solitæ.

§. 235.

Non licet nobis hic esse prolixioribus: Conculsio  
dictorum,  
 alioquin explicari posset, *quid in unaqua-*  
*que* harum considerationum attendi ad  
 vitæ emendationem præcipue possit &  
 debeat, & *quomodo* illud usurpare liceat?  
*Sufficit* instituto præsentī, *ostendisse*, quod  
 nostra Sinarum encomia nihil religioni  
 præjudicent; *ostendisse*, in quo maxime  
 Theologiæ moralis officium, & præro-  
 gativæ consistant; *ostendisse*, quā fiat, ut  
 excelsiora virtutum specimina depre-  
 hendantur inter eos, quos divino regi  
 spiritu contingit, quam inter ipsos Si-  
 narum Imperatores. *Etsi non diffitear*,  
 videri mihi aliquando, antiquissimos  
 gentis sive conditores, sive Legislato-  
 res, diluvio propinquos, non ab omni  
 divino cultu, & sanctioris Spiritus re-  
 gimine alienos fuisse; \* donec invale-  
 scente postmodum idololatria suis ferri  
 ingeniis occæperint, pristinaque felici-  
 tatis

---

\* Equidem sunt Eruditi, qui multo hic determinatius  
 loquuntur; malui autem in re nondum ad liqui-  
 dum deducta hæsitante dicere sententiam. Certe  
*Vvhifoni* sententiam, quod NOACHUS post di-  
 luvium in Sinas concesserit, ipseque ille FOHI,  
 celeberrimus gentis Sinensium Auctor, extiterit,  
 multis rationibus adductus confirmatum ixit *Hen-*  
*ricus Barham*, Eq. & Soc. Reg. Angl. Sodalis, in  
 Tractatu de Bombycibus, *An Essay upon the Silkworm*.  
 Vid. Acta Eruditorum Lipsiensia ad An.  
 1721. m. April. p. 183.

tatis & notitiæ reliquias ad externa magis magisque transtulerint: Eo quidem, ut fieri solet, successu, ut sensim sensimque a veri Dei agnitione ad idola conversi tota tandem via aberraverint. Id hodierna & tristis comprobatur experientia; non emendanda, nisi divino auxilio, & Christianorum Cultu Chinæ illato; quod institutum utinam Deus purum præstet, & fortunatum faxit!

§. 236.

Testimonium Sincicum.

Diximus antecedentia *omnia Sinicis* fulti testimoniis: itaque Sinico etiam efato universam hanc opellam absolvemus. Legitur in *Declaratione Proœmiali RR. PP. Editorum* fol. XIII. Virum sapientia Sinica, & per illam parta dignitate post Imperatoriam suprema perillustrem, sed Christianis virtutibus, Sapientiaque cœlesti illustriorem, nascentis Ecclesiæ columnen, *Sin*, Colaum Imperii, cum ab eo quis sciscitaretur, *ecquid essiceret nova illa*, quam Europæi homines afferrent, *doctrina?* proprio gentis Sinicæ Laconismo respondisse voce, & scripto: *Pu ju; Cive fe*; id est: *supplet illa defectus Philosophia nostra; superstitionem atque idololatriam evertit.*

FINIS.

Ap.



APPENDICIS LOCO  
SEQUITUR  
DE  
LITTERATURASI-  
NENSI  
DISSERTATIO EX-  
TEMPORALIS.

§. I.

**C**uriosula quædam hic adjungere non Occasio  
inconsultum puto, postquam ex-disserta-  
pediivpractica. Neque enim omni-tiuncula  
no deludere licet expectationem co-præsentis.  
rum, si qui fortassis, audita Sinarum  
mentionem, præter alimenta virtutum,  
curiositatis quoque pabula requirunt.  
Ut varietate opusculum aliqua gaudeat,  
*litteraria* hic potius attendere quam Po-  
litica, placet: Non quasi publico harum  
deesset rerum notitia, ab aliis dudum  
vulgata; ipse enim *alienis* hic oculis vi-  
deo: Sed ut *inter nostros* fiat vulgarior;  
nescio enim quo fato rariores sint libel-  
li a d Sinica pertinentes, sic, ut frustra  
T ple-



plerosque quæsierim, etiam recentissime editos.

## §. 2.

Amplitudo rei litterariæ Sinensis.

Absit vero, ut existimes, esse mihi constitutum exponere, aut indicare solum, *quicquid ad rem litterariam ex doctrina Sinensium vera aut fabulosa pertinet*, de Deo & Spiritibus, de rebus Naturalibus, Cœlestibus aut terrestribus, de morbis & remediis, de antiqui temporis historia, & similibus. Fateor quidem, si postules, *non id plane nihil esse*, quod mihi innotuerit de Theologia gentis, de Physica, Astronomia, Medicina, Historia, passim ab eruditis traditum: *Nequaquam tamen* illud co-sufficit, ut ausim id, quicquid est, notitiæ in publicum protrudere; ut putem, id efficere partem non contentibilem eorum, quæ jam tum Europæis publice innotuerunt; minus etiam, ut existimem, id rei ipsius amplitudini collatum non evanescere. Facile judicio *Illustri Fourmontii*\* accedent, quicunque argumenta Viri pensitabunt. Rem Litterariam Sinensem asserit pæne immensam

\* Exhibetur illud in commentariis Trivultianis (*Mémoires de Trévoux*;) ad A. 1722. mense Septembri, Artic. XCIV. quo dissertationis *Fourmantiana* de literatura Sinica, d. 14. April. 1722. in Academia Regia *Inscriptionum* recitatæ, summa quædam capita brevissime recensentur, p. 1577.

fameffe : fateri illud vicinas gentes, *Siamenses, Tunchinos, Japones, & Tartaros*: Neque id insolens videri debere, sed omnino naturæ conveniens haberi. *Chinam* esse imperium regione vastissimum, habitatoribus frequentissimum, civili cultu instructissimum, idemque omnino antiquissimum. Omnem in Eruditione *Nobilitatem* consistere: Munera & *Dignitates* conferri ex merito, eodemque litterario. *Typographiam* ex immemorabili temporis spatio obtinere. Præsto esse monumenta *Philosophorum, Poëtarumque & Historicorum* ex omni ævo. „Contende illa vero nostris moribus, quicumque velis, & facile amplitudinem judicaveris, in quam Sinica res litteraria diffunditur; ut opus non sit uti argumento a *Bibliothecis* deducto, e quibus unicam ex R. P. *Trigantii* testimonio memorabimus; refert ille in monte *Lung-muen* reperiri 30000. Auctorum Sinicorum Bibliothecam, quæ *Synus* dicatur, a Præfecto ejus nominis inchoata. Vid. *Theophili Spizelii* de Re Litteraria Sinenlium Commentarius Sect. III. p. 37.

## §. 3.

Constituimus, illud solum obiter Instituenarrare, quod ad *litteraturam* propriè <sup>tum præ-</sup> pertinet, ad *Linguam* scilicet sive pro-<sup>sentis</sup> nunciatam, sive scripto, aut typis ex-<sup>opellæ,</sup> pressam

pressam; & perstringere ex ea occasione, quæ de libello plusquam hieroglyphico Conditoris *Fohi* succurrent. *Extemporalem* vero operam polliceor, qualis præstari in hac festinatione potest, cum excusis pæne omnibus antecedentis opusculi plagulis id demum Consilii inire contigit, ut libello epimetron aliquod adjungam.

## §. 4.

Paradoxa  
de sermo-  
ne Sinico.

Incipiam a sermone *Sinenſum*, & quæ maxime a nostris recedunt idiomatis, percurram. *Paradoxa* facile omnia expectabunt Lectores, si R. P. *Ludovicile Comte* exordium audiverint. Linguæ Sinicæ asserit in principio Epistolæ ad *Archiepisc. Rhemensem*, \* cum nulla ceterarum convenire: nihil illi commune esse cum reliquis in sono verborum; nihil in pronuntiatione vocabulorum; nihil in idearum dispositione. Possé sonos omnes bihorii spatio edisci, & pluribus tamen annis vix obtineri, ut Sinico quis sermone. uti queat. Possé Te eo proficere, ut Libros omnes & legere valeas, & a Te lectos intelligere, sic tamen, ut nihil intelligas, cum eosdem alius prælegerit. \*\* Possé accide-

re,

\* Vid. *Nouveaux Memoires sur l'Etat present de la Chine* par le R. P. *Louis le Comte*, de la Comp. de Jesus Tom. I. p. 266.

\*\* Obiter admonco, idem Europæis quoque Linguis

re, ut litteratus scribat eloquentissime, qui idem tamen in vulgari sermone fensa animi sui satis explicare nequeat. Posse hominem mutum, sed characterum scriptio-  
 nis gnarum, digitis sine scriptione ita celeriter loqui, ut id sine molestia fiat Auditorum, an Spectatorum? Esse eorundem sonorum significationes oppositas, sic ut a duobus aut diversim enuntiati venerationem modo, modo injuriam contineant, &c. Mirum hoc videbitur: sed non sine argumento dictum esse intelligent, quicunque ad sequentia attenderint.

## §. 5.

*Dialectos* excutere Sinicas & diversitas enarrare, neque ego possum, neque Lectoris interest. Esse in vastissimo Imperio non unam, facile omnes con-  
 jiciant. *Viginti linguas* satis inter sese discrepantes reperiri, eminere tamen ceteris *Mandarinam*, quæ ceu polita & erudita toti regno communis sit, in curia & aula Regis usitatam, atque ejus pretii habitam, cujus in Hispania censetur *Castellana*, *Toscana* in Italia, ex

De Lingua  
 Sinarum  
 Mandari-  
 ca.

T 3

Eru-

guis pluribus accidere. Novi, qui Libros Gallicos & Anglicos intelligant a sese lectos, non intelligant, ab alio prælectos, neque Gallis aut Anglis prælegere valeant intelligibiliter. Rationem facti & grammaticam & metaphysicam reddere non est arduum.

Eruditissimi Patris *Athanasii Kircheri* China illustrata pag. 235. refert Vir Litteratissimus *Augustus Pfeifferus* Criticæ Sacræ C. X. §. 12. n. 2. p. 313. Non illam a plebejis intelligi, ab iis tamen, qui legendi artem calleant etsi cum multa difficultate apprehendi, didici ex *Spizelio* sect. 17. pag. 103. *Antiquitatem* ejus Linguae variis Latinorum, Arabum, Persarumque & Sinensium Auctorum testimoniis comprobasse scribitur Dominus *de Fourmont*, l. c. Comment. Trivult. p. 1578. De Sinarum gloriatione, & 70. *Vebereri* Angli conamine, quibus Sinicam faciunt linguarum omnium antiquissimam, nihil addo: Transeo ad naturam illius sermonis, quantum mihi innotuit, enarrandam.

## §. 6.

Inopia  
vocabulo-  
rum.

Non id rarum est, laudari Eloquentiam Sinarum. Atqui præter *trecenta & triginta* forte vocabula non habent: eademque omnia tantum *monosyllaba*, aut ita saltem enunciari solita, ut unam tantum syllabam vox unaquæque referat. Exhibet vocabula illa *unice* inscripta *tabula*, ut universam uno oculi ictu linguam pervidere liceat, *Ludovicus le Comte* l. c. *Magna* hæc inopia est, non sine magnis in vita humana incommodis: nisi medium detur, quo sensum multiplicari sine sonorum multitudineliceat. Equidem

dem id rarum non est, varietatem paucis quibusdam elementis infinitam induci posse, artificiiis quam pluribus : Est vero aliud alio commodius; maxime obvium est, quod simplicium compositione perficitur. Id pluribus commune est linguis, illis præsertim, quas maxime divites vocum habere consuevimus, Græcæ & similibus. Nequedeest Sinis *compositio* vocum, ut quando Deum vice simplicis cujusdam dictionis, *Tien chu* Cœli dominum designant. Præter id tamen & aliud illis inopiæ remedium adhibere placuit inusitatum nobis; *uberum* illud, sed difficile.

## §. 7.

Addunt sonis *tonos* quoque, & *accentu* Remedium inopiæ ex Accentu. significationes Sinæ distinguunt. Admittit vox ( seu, quod idem est, syllaba ) unaquæque accentus *quinque*, prout acutius enunciatur, aut remissius, significatura aliud atque aliud: adeo, ut *Musica* quandam speciem & harmoniæ genus præ se ferat Sinica elocutio. *Primo* quidem tono pronunciationem uniformem tribuit *le Comte*, quasi primam nostræ Musicæ Notam aliquandiu continuare: *Secundo* elevationem vocis sensibilibiter altiore, *Tertio* valde acutam: *Quarto* subitum ex acuto lapsum in tonum gravem: *Quinto* descensum adhuc profundior, bassi quandam speciem

experimentem. Monet tamen, id nisi in exemplo non satis comprehendi. Advenarum commodo, præsertim missionariorum quinque *notas* significandis illis tonis destinatas, invenit R. P. *Jacobus Pantoja*, quas vocavit accentus Sinicos, qui vocibus (Sinicis scilicet, sed nostro more per literas designatis) adscripti doceant, quomodo inter proferendum sonus moderandus sit, uti ex *Kirchero* refert *Pfeifferus* l. c. pag. 318. & *schema* etiam quasi *Musicum* exhibet in adjuncta illi loco tabula, cujuscum narratione *Comtiana* comparisonem, conciliationemque ipsis relinquo, & commendando Lectoribus.

## §. 8.

Alia multiplicatio-  
nis media.

Equidem id remedium est ejusmodi, ut *facile multiplicet* vocabulorum significatus, exhibita eorum non vulgari copia. Nimirum ope 330. simplicium sonorum, sed diversis quinque tonis enunciatorum, significatus obtinentur omnino 1650. \* Nondum id sufficit tamen.

*Asps-*

---

\* R. P. *Le Comte* in Tabula sua voces exhibet solum 328. Inde facta per quinarium multiplicatione oriuntur, 1640. Sed ubi calculum ipse init, p. 268. commentariorum suorum; simplices sonos 333, assumit eoque numerum vocum, attentâ simul tonorum variatione extendit ad 1665. \* *Cel. Pfeifferus* omnia ait Sinarum vocabula vix esse 1500. eademque, ut ante diximus, monosyllaba, uni-  
versa

*Aspiratione* singulis addita vocibus, aut intermissa illa & continua sonorum pronunciatione facta, jam altero tanto numerus augetur: Augetur, uti §.6. diximus, *syllabarum compositione* tali, qualem nos literarum, syllabarum & vocum simplicium combinationem usurpamus. Augetur *phrasium* quoque integrarum *collocatione*, ut sensus etiam oppositos eadem formula admittat, prout sequitur, aut antecedit aliam atque aliam. Satis id diversitatum est, ut paucitatem sonorum supplere tonus, aspiratio, compositio, collocatio possint: maxime si attenderis, quanta permutationum ex diversa collocatione oriundarum ubertas deprehendatur combinatoriæ artis calculo. Non possum hic enarrare *specialia*, prædeditus linguæ ignorantia: igitur, quæ hic nosse datum est, ad *signorum* potius *regulas* examinare placet, quam nihil dicere.

T 5

§. 9.

---

versa in vocalem desinentia, aut aliquam consonantibus *m*, *n*, *ng*: quod ultimum ex allegata quoque tabula conspicitur. nisi quod terminatio, in *ng* nulla occurrat. Cl. Waltonus apud Spizelium p. 107. „Vocabula habent Sina paucissima, omniaque monosyllaba; nomina enim non agnoscunt ultra 326. nec in universum ultra 1228. vocabula.„ Facile autem est, in his talibus variare & calculum, & scribendi rationem, nostris expressam characteribus: fortassis etiam dubitare licet, an omnibus sonis applicent omnes quinque accentus? &c.



Quid sit  
ars Se-  
mantica?

Scio *Semanticam* Artem, sive genera-  
lem & abstractam, sive specialem &  
applicatam fatis hucusque neglectam ef-  
se, in libellis publice prostantibus. \*  
Voco *σημαντικὴν* \*\* Artem illam, quæ de  
signis præcipit, docens, quomodo si-  
gna *naturalia* observare, atque ex illis  
ad rerum ipsarum cognitionem penetra-  
re; *arbitraria* autem invenire, combi-  
nare, & usurpare liceat quam optime.  
Sunt hujus disciplinæ species subalter-  
næ *Ars inveniendi sonos* exprimendæ ani-  
mi sententiæ, & *characteres* indicandis  
scripto sonis istis idoneos: Utriusque  
illius *summa* saltim *genera* liceat hic *attin-  
gere*. Pertinet autem utraque ad partem  
*Semantices* illam, quæ de signis agit ar-  
bitrariis, sive instituendis demum, sive,  
cum

\* Nolim tamen mireris eam negligentiam speciali-  
ter. Commune hoc fatum est eorum omnium,  
quæ pendent ex regulis sapientiæ, quas notum est  
specifice nondum excussas esse, & vulgatas.

\*\* Equidem receptius vocabulum fuisset, si *characte-  
risticam artem* dicere voluissem; sed vero chara-  
cteres non consuevimus usurpare pro signis in ge-  
nere; ad descriptionem illos potissimum referri in  
usu est. Ita *signum* expositi ad vendendum vini  
Hederam dicimus, non characterem. *Signum* ob-  
latæ pacis olivam; *signum* venerationis nudatio-  
nem capitis nos quidem, Sinæ capitis obrectio-  
nem; *signum* orientis solis aurotam saluramus,  
& sic porro: *characteres* non appellamus commu-  
niter.

cum instituta sunt, dijudicandis. Arbitraria ubi signa dico, ea intelligo, quæ ab Entium intelligentium voluntate & arbitrio ita dependent, ut eorum loco alia iisdem rebus significandis, aut eadem rebus aliis designandis adhiberi possint: Non tamen eo facto absolute indifferentia illa facio, & regulis, sapientem signorum institutionem dirigentibus, locum præcludo; quin potius ubi artem nomino, altera alteris signa subinnuo commodiora, & convenientiora. *Fundamenta* autem illius congruentiæ majoris aut minoris *duplici* potissimum *fonte* dijudico in generalibus. Cum enim signum nihil aliud sit, quam res, quæ præter ideam sui simul in animo ideam excitat rei cujusdam alterius, ut præsentis, præteritæ, aut futuræ: Inde pro dirigenda signorum arbitrariorum institutione, aut *ad rem ipsam* respicio, quæ signi loco assumitur, aut *ad vim significandi*, quæ illi adjungitur. Considerationem rerum significatarum, tanquam a prioribus sejunctam, non allego, quoniam illæ præsupponuntur in ipsis spectatæ; sin easdem consideres ut significandas, videntur præcepta ad secundam, quam dixi, partem referri aut debere, aut posse saltim: Nondum tamen hic quicquam determino, sed majori illud otio, & considerationi repetitæ

titæ relinquo, an aut oporteat, aut expediat, *tertiam* prioribus partem adungere separatam?

## §. 10.

Regulæ  
artis Se-  
mantica  
generales.

Regulæ, quarum *hic* applicatio requiritur in judicanda Sinarum Lingua & Scriptura, facile sequentes occurrunt. Ad *primam* partem pertinet, 1. ut signa facile addisci queant. Num illa esset Lingua usitatis perfectior, quæ vocibus non nisi heptasyllabis & longioribus uteretur, sesquipedalibus impedita circumlocutionibus, quotiescunque animorum latitantes sententiæ forent collocutoriis propalanda? 2. ut *facile memoriate* neri. Quis probat characteres Chymicis usurpatos, atque omnino tales, ut, nisi continuo illos usu teras, difficillime teneantur memoria. 3. Ut *facile usurpari*. Num placet Tibi impeditum illud scribendi genus, quo populi quidam antiqui, pingere magis quam scribere visi sunt, integras aves, serpentes, ceteraque animalia vice characterum adhibentes? Quid de illo lusu videtur, cum Patrum nostrorum ætate vocibus intermiscere rerum simulacra & icones aliqui consueverunt? Cujus quidem rei specimina sub lepido & nihil sonante *Rebus de Picardie* titulo a Dn. Accordio (*Le Sieur des Accords*) publicata vidimus, non omnia æque honesta: Sunt aliqua etiam apud

apud Cl. *Wagenfeilium* in *Chirone*. 4. Ut facile observari usurpata. Quis pro vulgari usu commendaverit minutum illud scribendi genus, quo nonnulli pictores v. g. capillos faciei appingendos, aut linearum in illa ductus repræsentare an-nisi sunt sententiis ita tenuiter descriptis, ut legi sine microscopio non possint? An præstat in *Analyfi* cum *Cartesio* scri-

bere  $a$ ,  $a$  &c. an cum antiquioribus  $aaaa$ ,  $aaaaa$ ? cum *Illustri* *Leibnitio*  $dx$ ,

$ddx$ ,  $dx$ ,  $dx$ , an cum antagonistis

$x$ ,  $x$ ,  $\ddot{x}$ ,  $\ddot{x}$ ,  $\ddot{x}$ . 5. Ut ne sint molesta facultati illi, ad quam pertinent; ut neque visa aciem obtundant oculorum, neque audita lædant, vel offendant audiendi vim &c. neque facultatem usu debili-  
rent, aut ad alia sui objecta reddant minus dispositam & liberam: Ut 6. potius eidem, cum fieri potest, grata accendant; ut oblectent illam potius, quam fati-  
gent; ut perficiant magis, quam destruunt. 7. Ut rerum pro signis adhibitarum differentia petatur ex fonte domesti-  
co potius quam alieno, ex ipso facultatis illius, ad quam signa pertinent, usu, moderatione, & regimine. Puto convenientius esse, si eadem characterum figura oculis objecta res diversimodas signi-

significare volueris, ut v. g. id diverso colore fiat, quam differentia fortassis, quam tactu solum aut odore, non visu liceat discernere. 8. Ut *signa*, cum fieri potest, *imitentur res ipsas*. Talia esse possunt & debent v. g. illa, quibus salutationum ordinem & genera Magistri repræsentant. Tales esse solent repræsentationes sylvarum, montium, fluminum, civitatum munitarum &c. in chartis Geographicis. Tales picturæ rerum & actionum omnes. 9. Ut *diversi generis signa* eidem rei designandæ destinata, *relationem* inter se aliquam aut inferant, aut admittant. Ita præstat verba esse ejusmodi, ut scribi sine ambiguitate possint, & ex scripto iterum pronunciari, characteres ejusmodi ut facile scribi & typis excudi possint &c. Et quæ sunt plures ad hanc classem pertinentes regulæ.

## §. II.

Continua-  
tio Regu-  
larum.

Ad *secundam* partem, vim sc. significandi ipsam, refero, ut 1. *res distinctæ distinctis* etiam signis repræsententur. Quid ea lege observata liceat proficere, & quantum imaginatio intellectum adjuvet eo casu, norunt, qui calculum & figuras tractare Mathematicas didicerunt. Ut 2. *signa rerum* significatarum *relationes*, quantum fieri potest, universas, saltim præcipuas, simul exhibeant. Fa-  
cit

cit hoc artificium ex signis mere rememorativis *scientifica*: ut proprietates etiam non ante cognitae eorum ope liceat eruere & intelligere. Siquis in exemplo rem perpendere velit, designatam in globo artificiali, vel etiam in charta coeli terræque faciem allego & similia. Ut 3. *signa* ordinem aliquem & *uniformitatem* servant, non vero idem signi accidens diversa designet, hic aut alibi recurrens. Sunt elegantia uniformitatis specimina in Notis v. g. Musicis; difformitatis exempla molestissima in Grammaticis v. g. diversorum generum (masculini, foeminini, &c.) signis: ut necessum non sit isti regulæ immorari. Ut 4. *signa* semel electa, quantum fieri potest, *cum ratione significant*, hoc est, ea simplicium conditio sit, & combinatio-  
num ratio, ut licet prima ex arbitrio significant, composita tamen ex combinationis ratione suam significandi vim ita obtineant, ut simplicia & primitiva nonnisi pauca sint, composita vero, etsi plurima sint, ex prioribus illis valeant intelligi. Non potest facile exquisitius præcepti specimen occurrere illo, quod in nostra scribendi ratione deprehenditur: admonebo id, cum insequentibus ea recurret tractatio. Ut 5. *signa tantum significant, quantum possunt*. Perfectius id signum est, quo plura distincte pos-

possum designare, quam alterum, quo nonnisi paucissima. Præcepti autem hujus exemplum, quo non facile melius vidi, occurrit in decantatis olim, & hodie vapulantibus, vocabulis Logicis sono barbaris, sed significatione uberissimis, quibus syllogismorum modos & reducendi artificium Veteres concluderunt, &c. Scio, memoratas hoc loco regulas esse alias aliis *potiores*, non pro generali solum consideratione, sed in specialibus quoque argumentis, quin etiam pro casibus aliquando individua- libus: sed illud argumentum hic ingre- di non licet, neque *exceptionibus* facien- dis regulas hic præscribere instituti est. Agimus *hoc unum*, ut fundamenta præ- sto sint aliqua, comparando Sinensium sermoni cum nostro idiomate subser- vientia. Eademque de causâ in pleris- que locuti sumus generaliter. Ita fre- quens illud *facile*, quod initio regula- rum ponitur §. 10. diversâ denotat. De- signat, *ab ineunte ætate*, brevi tempore, sine operosa attentionis vi, sine perpe- tuis Magistris, sine sumtibus prægran- dibus, sine odiosa repetitione, & sic porro. De quibus omnibus speciatim hic exponere non licet.

## §. 12.

Examen  
Monosyl-  
laborum

Non ego diffiteor, placere mihi *sim- plicitatem*, in *Monosyllabis* affectatam a Si- nensibus

nensibus; placere variationem in *tonis* ex regulis  
 quæsitam: si generaliter utramque at- *enarratis,*  
 tendero. Non dubito facilius edilci hæc  
 vocabula; facilius retineri memoria;  
 facilius usurpari enunciando; satis faci-  
 le observari enunciata; non illa aures  
 fatigare, aut linguam, observo etiam  
 in gratos aliquos & asperos exesse so-  
 nos; ita carent Sinæ canina r, \* eadem-  
 que in exilium acta asperitatem linguæ  
 non minimam evitant. Gratas igitur  
 auribus voces dicerem, nisi & de perpe-  
 tua *monosyllaborum serie* dubitarem, &  
 enunciationis aliquas molestias intercur-  
 rere monerent rerum gnari. Non ego  
*auribus neutris* utor; adsuevi nostro idio-  
 mati, quod polysyllabis vocibus immi-  
 fceat monosyllabas: Igitur & *sesquipedalibus*  
*offendor,* & *monosyllabis* meris.  
 Accipe illud tritum: *Conturbabuntur Con-*  
*stantinopolitani innumerabilibus sollicitudi-*  
*nibus,* & fac, integram talibus oratio-  
 nem componi: quam illa suavis erit!  
 Accipe vero & alterum in versiculis con-  
 sultissimi olim *Thoma Lansii* Nostratis,

U

solis

\* (Carent & alii, *Pfeifferus* ex *Martinio* Sinis deesse  
 memorat sonos, qui respondeant nostris r & d,  
 ex *Trigantio* addit b, & *Ludovicus le Comte* tradit,  
 Sinas nunquam pronunciare a b d o r x z, quo sc.  
 sono ex literæ inter Gallos enunciari contingat,  
 neque illos perfecte assequi, etiam admonitos & vo-  
 lentes. Vid. uterque ll. cc.)



solis monosyllabis bona hominum enarrantis, & mala quoque in fasciculum collecta. *Lex, Rex, Grex, Res, Spes, Jus, Thus, Sal, Sol, (bona) Lux, Laus. Mars, Mors, Sors, Lis, Vis, Styx, Pus, Nox, Fex, (mala) Crux, Fraus.* Si similitudini sonorum sibi succedentium imputare offensionem contigerit: dispone versiculos, namque id potes, ut succedant sibi dissimiles; aut construe, si placet, alios. Satis opinor ad *prima* partis praecepta accedunt Sinarum vocabula; illud enim hic attendi vix potest, ut sonus imitetur rem designatam; etsi non ignorem elaborasse aliquos in eo, ut v. g. literis *Ebrae* Linguae singulis ejusmodi significatus assererent, sono pronunciationis congruentes, & significatum in vocabulis quasi elementa. Difficilius cum *secunda* classis praeceptis conveniet monosyllabis istis. Quoniam pauca sunt, ideo rebus omnibus distinctis distincta non respondent signa, nisi aliunde fiat multiplicatio: Facta illa est a Sinis quoque; quo successu, mox edisseram. Interim id molestum est, habere vocem *eandem significatus* plusquam viginti, eodemque diversissimos, quin etiam *oppositos*. *Relationes* rerum significatarum difficillime exprimas signis *simplicibus*; composita hic omne meritum absolvent. Pendet a monosyllabis sine dubio,

bio, quod *Flexionibus* carent *Grammaticis* Sinæ. Allegant specimen Cel. *Pfeifferus*, ubi eadem vox significat *diem* & *dies*: *antiquam* & *antiquos*: *potest* & *possunt*: *descendere* & *descendit*: *Est*, *sunt*; *fuit*, *fuere*, *fuera*, *erat*. Vid. loco allegato p. 318. 319. Intellego sane, quomodo obviam iri incommodo possit salvis monosyllabis, saltem ex parte maxima: Non autem de illo quærimus, quid in mentem nobis venire queat? attenditur illud, quod in mentem Sinis venit? Est hic aliquod *prudentia* specimen in linguis adhibitum *Europæis*, sed plurimo tamen *defectui* obnoxium. Quæ de Uniformitate diximus, & combinatione simplicium signorum attendam in sequenti potius paragrapho, quoniam id in præsentia non possum, ex rei partim natura, partim mea sermonis inſcitia.

## §. 13.

Transco ad iudicium de *tonis*, ſignificatum multitudini velificantibus. *Placet* differentiam ex ipſa pronuntiatione ſumi, domesticam elocutioni vocum, & , niſi nimia tonorum varietas confuſionem inferat, facile obſervabilem. An grata ſit auribus illa cantillatio? an moleſta audientibus? non dixero. Hoc præcipue attendi velim: primo quidem, an ordo aliquis & uniformitas obſervetur in ea ſignificationum varietate ex tonis

Examen  
variationis  
per  
Accentus;

pendula. Ita eundem sonum *ya* memorat Doctiss. *Spizelius* pro quinque illis diversis accentibus significare *Deum, murum, excellentem, stuporem, anserem*. Vide *Diff. alleg.* p. 106. Vellem, ut præsto mihi essent exempla hujusmodi plurima, ut inquirere possem, an aliqua hic uniformitas regnet? an secus? *sufficeret* sane, illam imaginationis judicio talem esse, etsi non semper intellectus: illam in plurimis faciliem esse aut naturalem, etsi affectatam & coactam in paucioribus; neque enim eadem rebus omnibus uniformitas accommodari potest. Vereor tamen, ne plurima casui hic debeant Sinæ, adeoque parum ordinis in ista variatione obtineat. Secundo memorabile est, *summam* Linguæ difficultatem ex eo tonorum discrimine enasci, exteris præcipue molestam. Teneantur illi cantillare scrupulosissime; si vel leviter a tono aberrent, alia omnia dicunt: Voluisti *Dominum* appellare collocutorem Tuum: appellasti *bestiam* eodem vocabulo, sed tono nonnihil differententi; v. *Lud. le Comte* *Memoir* T. I. p. 270. Narrare constituit Italus Sacerdos Sinensi, Naves in Europa reperiri, quæ turres majores magnitudine exæquent. Vocabulo, quo *Navem* designare volebat, attribuit accentum, quo id *regalam* significat. Mirabuntur id Sinæ,

næ, & re velut fidem superante elusa, petebant, cuinam tandem rei utilis hæc regula foret, ingentemque eam fornacem esse debuisse, in qua isthæc cocta fuerit. v. *Theoph. Spizelius* l. c. pag. 104. Opinor Lectores *Ludovico le Comte* potius quam *Magalhano* accessuros, quorum ille difficilem, hic facilem esse Sinicum sermonem ex eodem fonte conficere studet. Num facile succurrit, quo accentu unusquisque sonus enunciandus sit, vel etiam, quæ unicuique sono, ut sic dicam, accentuato idea respondeat, si nunquam illos scripto comprehensos conspiciere datum est; si sola imaginationis vi apprehendi, & locuturo vel audituro absque aliis subsidiis in mentem celeriter redire debeant? Num facile est omnibus assequi voce sua sonos & tonos, quos utcunque sibi imaginatione repræsentent? Quid exemplo eorum colligitur, qui Linguas exoticas numquam exacte discunt pronunciare? Quid eorum, qui subtile sonorum differentias distinguere nullo aurium iudicio valent? Quid ex eo infero, cum ex *Ludovico le Comte* oculato teste audis, Doctores Sinicos aliquando in colloquio familiari, ut se mutuo intelligerent, eo esse redactos, ut characterem sono respondentem digitis aëri quasi inscriberent, quoniam pronuntiatio-

ne sola sensum determinare nequiverint? Vid. *Memoir*, T. I. p. 272.

## §. 14.

Examen  
variatio-  
nis ex col-  
locatione  
vorum.

Accedunt *alia difficultates* ex aliis significatuum multiplicandorum mediis. Diximus, diversos vocum sensus esse, prout alia aliam antecedit aut sequitur: prout aliqua initio phrasidis posita fuerit, & sic porro. Ex eo pendet, quod *Ludovicus le Comte* monuit egregie: si quis peregrinus Gallicam utcunque linguam balbutiat, etsi vocibus mutile enunciatis, etsi miserrime transpositis, etsi omissis pluribus & intrusis superfluis, modo pauca recte enunciaverit, facile illius mentem assequi homines Linguae gnaros; secus id esse in Sinico sermone, ubi unica vox male enunciata aut collocata integram phrasin reddat non intelligibilem; & phrasidis una in principio sermonis male intellecta efficiat, ut integram discursus seriem nequeas comprehendere. Pendet ex eo alterum paradoxigenus, quo memorat, si quis conventum accedat eo tempore, quo jam tum de negotio aliquo collocuti sint ceteri, accidere, ut satis magno temporis intervallo nihil sermonis coram ipso continuati intelligat, dum successive filum quasi discursus divinare, atque ita se in sententiam dictorum penetrare discat. Vid. *Memoir*, T. I. p. 271.

## §. 15.

## §. 15.

Fallor, an ex hisce omnibus consequitur, *præstare* linguas v. g. *Europæas* Sinicæ? quandoquidem & facilius videntur edisci posse, & sine scrupulosa audientium attentione intelligi, & paucioribus subesse ambiguitatibus, & plures rerum relationes suis flexionibus exprimere, & scripto consignari facilius, & minoribus sumtibus typo excudi & ab unoquoque discursui accedentium comprehendendi, & quæ sunt similia Fateor tamen, si cui metaphysico cum laborem imponi contingeret, ut de Linguis etiam Europæis ageret *Philosophice*, \* posse plurimos harum quoque nævos facile detegi, & nisi Magister loquendi

Compara-  
tio Lin-  
guæ Sini-  
cæ cum  
Europæis.

U 4

usus

- 
- \* Obiter moneo: aliud est linguam condere *philosophicam*; aliud est, linguam condere *philosophicè*. Prioris generis specimen dedit *Caramuel*, in Libello, cui titulum fecit *λεπτίτα:ος*, sive *subtilissimus*, Linguam complexo metaphysicam, de cujus sive instituto, sive executione plurima dici ab illis possent, qui metaphysicarum idearum gnari, earum designationes ad *Semantica* Artis præcepta examinare dignarentur. Saltem illa *magis philosophicè* condita est quam ea, quam communiter uti solent Philosophi; neque enim *technica* ipsorum lingua melior est aut distinctior in quamplurimis, in nonnullis est etiam ob ambiguitatem suam confusior eo ipso, quæ vulgus utitur, sermone. Sed veto de illis hic non intendimus differere specialiter: loquimur de sermone generaliter, quatenus *cum ratione*, id est, *philosophicè*, instituendus est.

*usus* obstaret, facili medela emendari. Et si illud obstaculum non esse penitus insuperabile, Sinico etiam exemplo edocti fateamur. Constat enim ex *Ludovico le Comte* Tom. II. Memoir. p. 15. Imperatori Sinico facultatem esse, non solum *characteres* immutandi veteres, creandi novos; *nomina* provinciarum, civitatumque & familiarum mutandi, sed & abdicandi *usum* certorum *terminorum*, effingendi alios, atque in conversationem, scripturam & libros invehendi; ut omnino appareat, quem nos sine necessitate tyrannum ferimus, loquendi usum cedere Legibus, cum id Imperantes voluerint. Tum vero, quod institutum est *Academiarum* excolendis Linguis destinatarum, si naves non licet corrigere? Num minus licet pro Linguæ, ut sic dicam, regularitate obtinenda, quam fieri solet pro elegantia? &c.

## §. 16.

Characte-  
res & scri-  
bendi mo-  
dus Sini-  
cus.

Transeamus ad scriptionem Linguæ. Non sunt usitatae inter Sinas *literæ*, quibus *nostri* utuntur ad consignandas scripto-sententias animi: Characteres puto ejusmodi, qui immediate significant sonos quosdam, sive seipsis enunciabiles, vocales vocant Grammarici; sive aliis consonantes; & mediantibus demum sonis designent ideas rerum. Habent illi,

illi, & usurpant *Characteres*, quibus, ubi scripto agendum est, non minus *immediate res ipsas* designant, atque certis sonis illas significare nobiscum solent, ubi viva voce agitur. Non desunt nobis exempla characterum ejusmodi, quorum enumeratione declarari potest institutum Sinensium. Tales sunt, quibus *hodie nos Europæi* \* utimur ad designandos Numeros, Ciphras vulgo appellare consuevimus, 1. 2. 3. 4. 5. &c. quibus *Astronomi* ad significandas Planetas & Zodiaci signa: quibus *Calendariographi* ad indicandos aspectus, & discernendos dies venæsectioni, scarificationi &c. instituendæ accommodos: quibus *Chimici* ad signandas operationes & materiam Chemicam: quibus *Geographi* \*\* quidam ad denotandas Metropoles, civitates munitas, sedes Episcopales, Por-

U 5

tus,

\* Dico, *Europæi*. Sinisenim id portento simile visum est, ubi ex R. P. *Riccio* primum audiverunt, posse computationem scripto fieri: *Ipsi* machina utuntur satis simplici, cujus ratio non multum ab illo computandi modo abludit, quem calculis nostri (mit Rechen-Pfennig) absolvunt. Typum ejus æri incisum cum descriptione operationis vid. apud Spizelium p. 215. 216.

\*\* Quoniam id nondum universale est institutum, placeat eorum duos nominare, Gallum unum, alterum Germanum, *Guil. sc. Marcellum*, qui eodem artificio usus est etiam in tabulis suis Chronologicis, & *Benjaminum Hederich* in sua ad scientias historicas Introductione, P. I.



tus, freta &c. Quibus *Algebraiste* in calculis utuntur suis: quibus *Musici* ad significandas modulationum differentias: quibus *Critici* ad notandos obelo, Lemnisco, antigrapho, ceraunio &c. libellos, quibus *Heraldici* ad designandos colores insignium: quibus *Magistri Artis saltandi*, *Feuilleti* Galli exemplo ad depingenda saltationum genera & modos: & quæ sunt alia illius instituti exempla, quæ particulatim Nostri, Sinæ universaliter usurpant. Scribunt vero characteres istos suos, vel pingunt potius (utuntur enim penicillo, non calamo) neque ab læva ad dextram deducto ordine, ut Europæi consueverunt, neque ut aliæ Orientis Gentes a dextra ad sinistram, neque *Βερεφονδόν*, id est, bonum more sulcos ducentium, ut linea incipiat secunda, ubi desinit prima, quem antiquissimis Græcis modum placuisse ex *Pausania* docet Cl. *Spizelius*, sed a summo ad imum, quod genus Græci *Ταποcon*, dixere apud *Festum*: quem etiam morem plerisque *Indis* usitatum esse *Spizelius* memorat, & de antiquis Insulæ *Taprobana* Incolis probat *Diodori Siculi* testimonio. Vid. Ipsius comment. de re litter. Sinensium, pag. 46.

## §. 17.

Nolim hic excurrere in illud argumen-  
 tum, ut perquiram, an aliæ gentes co-  
 dem usi fuerint scribendi instituto? Præ-  
 stitit id Vir Clarissimus, quem dixi, *Theo-  
 phil. Spizelius* p. 61 --- 103. ubi Aegyptio-  
 rum *Hieroglyphica & Gymnosophistarum &  
 Druidum & Hermetis Trismegisti* literas :  
 & *Pythagoricorum* Symbola, & *Zoroastris  
 & Orphei* : & *Ebraorum* Cabbalam cum  
 Sinicis contendit literis, & de Roma-  
 norum arte Notaria, \* & de *Mexicana-  
 rum* gentium, & *Peruanorum & Japonum*  
 scriptione, ex instituto & erudite disseri-  
 rit promore suo. Maneamus intra præ-  
 sens negotium. Illud facile Lectores  
 prævident, secuturas de *formidabili cha-  
 racterum numero* querelas. Duplex copiae  
 ratio est, altera, quod subinde chara-  
 cteres immutati sint: altera, quod sin-  
 gulis rebus singuli characteres fuerint ex-  
 cogitati. Quod ad primum attinet,  
 vetustioris literaturæ septendecim gene-  
 ra numerat Spizelius, l. c. p. 52. & seq.  
 Accipe ipsa viri verba: *Primum* & anti-  
 quissimum ab ipso FOHIO Imp. Sinico  
 inventum ex serpentibus & draconibus  
 confectum est, & serpentes mire intri-  
 catos, inque varias formas transforma-  
 tos

\* Adde, si placet, quæ prolixè disserit Matthias Mar-  
 tinus in Lexico Etymologico ad voces Notæ, No-  
 taria & Notarius.

tos continet, unde & liber ille, quem de rebus mathematicis & Astrologicis FOHIUS conscripsit, *Draconum liber* appellatur. Hodie vero figurarum harum utpote nimia vetustate deperditarum, apud Sinas usus fere nullus est. *Alterum* genus ex Agriculturæ rebus concinnatum est, usurpatumque a Sinico Imp. XINNUNG in annotandis illis, quæ ad Agriculturam necessario requiruntur. *Tertium* ex Alis avis FUMHOAN adornavit Imp. XAU-HOAM, edito peculiari de volucris hisce literis libro. *Quartum* notarum genus ex *Ostreis* & *vermiculis* compositum est. *Quintum* ex *Herbarum radicibus*, quo prisci in voluminibus etiam conscribendis usi sunt. *Sextum* ex decurtatis avium vestigiis, hocque Regem CHOAM Autorem habet. *Septimum* ex Testudinibus constat, YAO inventore. *Octavum* Aves & Pavones exhibet. *Nonum* Herbas & Alas exprimit. *Decimum* a *Co* Tabularum quarundam autore memoriæ saltem gratia adornatum est. *Undecimum* stellas & Plantas Literarum loco ponit. *Duodecimum* literis Edictorum, Privilegiorum & magnarum Compositionum peculiaribus absolvitur. Ad *Decimum Tertium* literæ *Yeu çau chi cien Tao* pertinent. *Decimi quarti* generis notæ vocantur literæ quieris, latitiæ, scientiæ, discursus,

obscuritatis, claritatis. *Decimum quintum* pisces continet. *Decimum sextum* propter obscuritatem nondum innotuit. *Decimum septimum* in sigillandis literis aut inscriptionibus splendidis usurpatur, cuius specimina aliquot exhibet *Athanasius Kircherus* Oed. Aegyptiac. Tom. III. Theatr. Hieroglyphic. c. 2. Recentiores vero *Sinae*, non figuratis amplius characteribus, sed certis quibusdam linearum ductibus utuntur, qui tamen figuratas antiquorum literas non obscure referunt.,,

## §. 18.

*Numerus* characterum *hodie* usitatorum *Numerus* diversimodè iniri solet. *Petrus Farricus* & diversitas hodiernorum, in thesauro rerum Indicarum numerat 40000. *Kircherus* in Oedipo 50000. e quibus tamen decem millia ad idioma perdiscendum sufficiant. *Alii* numerum extenderunt ad usque 120000. Vide Pfeifferum l. c. p. 314. & Spizelium l. c. pag. 50. 51. ubi simul indicat, omnes Sinarum characteres descriptos reperiri, in vocabulario magno, quod *Halpien* nomen, id est, *Oceanum*, intellige characterum. Illustris Dominus *de Fourmont* cum *Ludovico le Comte* & plerisque aliis numerat 80000. & loco ante allegato memorat, ex mandato Serenissimi Aurelianensium Ducis PHILIPPI, & auspiciis Illustrissimi Abbatis Bignonii eorundem

dem characterum plusquam 25000. milia jam tum cælata fuisse, inservitura Dictionario Sinico, cui elaborando *Hoamge* \* insudaverit, & post ejus mortem ipse nunc invigilet. Differunt vero non solum diversarum rerum characteres à se invicem, sed & ejusdem rei characteres diversi pro *diverso scribendi genere*. Quatuor video recenseri scriptorum genera: In eorundem declaratione non videntur perfecte Autores consentire. R. P. *Semedo* apud *Spizelium* p. 58. refert,, *primum* genus esse antiquum & a literatis intelligi solitum, sed non usurpari, nisi in Titulis & sigillis insignium loco: *Secundum* esse usitatus tam in Manuscriptis, quam impressis codicibus: *Tertium* in Negotiis publicis, ad eum ferre modum, quo & inter Nos Notarii & Scri-

---

\* Erat hic *Hoamge* Natione Sina, quem Illustrissimus *Episcopus Rosaliensis* secum ex oriente adduxerat, & LUDOVICUS XIV. Galliarum Rex Dictionario Sinico elaborando admoverat. Mortuo illo *Serenissimus Aurelianensium Princeps*, Gallici regni Administrator laborem cum DN. *Fourmontio* imposuit, ut chartas defuncti examinaret, quæ ad intelligendam linguam Sinicam facerent, extraheret, & continuaret Dictionarium. Monet vero DN. *de Fourmont*, opera ab *Hoamge* relicta non ascendere ultra 5000. Characterum, atque ipse de suo promittit volumina omnino duodecim (*douze ou quatorze in folio*) complexa diversi generis Dictionaria, Grammaticas, Dissertationes, Notas. Vide *Mém. de Trevoux*, loc. cit.

& Scribæ publici nonnihil a communi  
 scriptione differant. *Quartum* adeo a  
 ceteris differre tum literarum ductibus,  
 tum abbreviaturis, ut seorsim illud ad-  
 discere necessum sit. Ita vocem *Sie*, quæ  
 gratiarum actionem notet, tribus di-  
 versissimis modis scribi., R. P. *Le Com-  
 te* ita quadruplicem illum ordinem ex-  
 ponit, ut „*primi* generis literas neget in  
 usu esse, & solius antiquitatis amore &  
 honore conservari. *Secundas* minus ve-  
 tustas non adhiberi nisi in Inscriptioni-  
 bus publicis atque Dictionariorum ope  
 investigari & intelligi. *Tertias* multo pul-  
 ciores & magis regulares inservire Im-  
 pressionem & scriptioni ordinariæ, sic ta-  
 men ut moram in scribendo faciant du-  
 ctus earum artificiosius formandi. Ita-  
 que *quartum* genus inventum esse, cu-  
 jus magis cohæreant ductus, & minus  
 distincti sint, atque adeo ad festinatam  
 scriptiorem accommodatiores. Vocari  
 ideo *currentes* literas. Atque hæc tria  
 scriptiõnis genera multum inter se simi-  
 litudinis habere, & respondere nostris  
 Uncialibus sive Romanis grandiusculis,  
 literis typographicis, & scriptiõni or-  
 dinariæ., Vide Nouveaux Memoires  
 sur l' Etat present de la Chine, Tom. I.  
 P. 277. 278.

Incom-  
moda  
multitudi-  
nis Chara-  
cterum  
intelligen-  
dorum &  
pingendo-  
rum.

Quid de hoc scribendi modo sentien-  
dum sit, ex *Semantica* Artis præscripto  
judicandum erit. Sunt *commoda* ejus  
scriptionis; sunt *incommoda*. Quæritur,  
utra sint majora? &, si incommoda præ-  
ponderent, an illa evitari queant, ser-  
vatis commodis? an secus? an omnino  
emendari sic, ut majora etiam commo-  
da accedant? *Decidi* negotium, nisi  
omnibus perpensis, non potest. *Nescio*  
ego omnia rei momenta: igitur, quic-  
quid dixerò, particularibus tantum con-  
siderationibus absolvetur. *Incommodum*  
est sine dubio, & *gravissimum* illud qui-  
dem, quod infinitos pæne characteres  
nosse necessum sit, dum legere scripta  
queas, aut pronunciata scripto consigna-  
re. Hanc *ignorantia* inter Sinas obviæ  
*originem* esse putat *Ludovicus Le Comte*,  
quod omnem pæne vitam in addiscen-  
da characterum Lectione & Scriptione  
consumendo, scientiis ipsis minimam  
ejus partem valeant consecrare. Nam-  
que, ut & hoc addam, non sufficit,  
characteres nosse, & pingere posse: re-  
quiritur, ut *bene pingas*. Sunt Sinae An-  
tipodes eorum, qui putant *doctos male*  
*pingere*; atque id eousque, ut ad pri-  
mum litteratorum gradum (Baccalau-  
reis illum nostratibus comparant Auto-  
res) non admittantur, nisi qui prius ex-  
hibuerint

hibuerint specimina ſcriptionis elegantioris. Quin etiam character unicus male formatus in aliquo opusculo haberi dicitur pro errore gravi; & quoniam ſæpè addita aut mutata unica lineola integrum mutari ſenſum contingat, ſufficere id unum, ut in examine alicui gradus negetur doctoralis, conſequenter omnis fortunæ ſplendidioris ſpes præcidatur: Ita fieri, ut Magiſtratus omnes (*Mandarinos* vocamus) eleganter pingant, atq; ipſe etiam Imperator,\* ut in aliis, ita & hac parte ceteros antecedit. Vid. *Lud. le Comte* p 278. 279. Velim tamen, attendant hoc loco Lectores, quod *non* magis *neceſſarium* ſit Sinis, *noſſe* characteres Linguae ſuæ *omnes*, ac inter Europæos neceſſarium eſt, noſſe omnia alicujus Linguae vocabula,

## X

## Quis

- \* Præbet hujus rei ſpecimen illuſtre Tabula, *King Tien* dicta, ob litteras inde enatas celeberrima. Inſcripſerat illi binos iſtos characteres Imperator CHAMHI A. 1675. d. 2. Julii in Cella RR. PP. *Ferdinandi Verbieſti*, & *Ludovici Buglii*, cum viſitaverat magna Aulicorum copia ſtipatus Monasterium RR. PP. Jeſuitarum. Quoniam vero iſtæ litteræ non ſatis eleganter expreſſæ videbantur Imperatori Maximo, redux in Palatium, alteri Tabellæ majori duos & dimidium cubitos altæ eodem Characteres majori diligentia & accuratatione inſcripſit, addito etiam ſigillo Regio, atque ad eodem Patres tranſmiſit. Vid. Breve Riſtretto delle Notizie circa l' uſo delle Tabelle colle parole Cineſi KING-TIEN, pag. IV,



Quis eruditorum, etiam Criticorum, novit omnia Græcæ Latinæ Linguæ vocabula? Et intelligimus tamen auctores, & cum necessum est, enunciamus sententiam nostram istis idiomatis? Quis Gallus aut Germanus novit omnia vernaculæ suæ vocabula? Num ideo non sermocinamur, & scribimus Gallice aut Teutonice? Num enunciata aut scripta non intelligimus? Non est igitur id præter ordinem, nec desidiæ in Sinis argumentum haberi potest, cum dicitur *vix quemquam* Eruditorum plures *dimidia* parte characteres animo tenere: notitiam eorum rarius ultra quindecim aut viginti millia assurgere; communiter eos numero multum minori acquiescere: sufficere etiam aliquot millia ad usum scribendi quotidianum. Fit eo, ut multum *imminuatur difficultas*, vel etiam, ut ex impossibilitate res deprimatur ad difficultatem. Sed vero *suppone, decem millia* Eruditis saltim clarioribus, esse necessaria: ingens hoc opus est, addiscere decem mille characteres, nulla rerum analogia cohærentes, & in minutis tantum lincolis differentes, neque cum laborem, sine detrimento studiorum realium quisquam subeat, nisi compendiis adjutus, atque artificiis omnino insignibus.

## §. 20.

*Duplicis illa generis esse possunt. Aut* <sup>Modus</sup> *enim ad sonos significantos attemperan-* <sup>immi-</sup>  
*tur characteres ea methodo, ut eorum* <sup>nuendi</sup>  
*simpliciter significantium parvus solum* <sup>multitudi-</sup>  
*numerus sit, multitudo obtineatur per* <sup>nem Eu-</sup>  
*combinationem. Aut ad res* <sup>ropæus.</sup> *immedia-*  
*te ipsas accommodantur, sed simili cau-*  
*tela. Primum Europæis characteribus in-*  
*est artificium, mirantibus Sinis: Secun-*  
*dum dicitur obtinere in Sinensibus. Me-*  
*morat Ludovicus Le Comte p. 274. non*  
*comprehendere Sinas, quo modo id*  
*fieri possit, ut figuris paucissimis, iis-*  
*demque nihil singulatim significantibus,*  
*omnes exprimi, & designari ideæ, con-*  
*di volumina, & impleri Bibliothecæ*  
*possint: Incognitum ipsis id artificium*  
*esse, etsi ceteris gentibus communissi-*  
*imum, sive quod nunquam cum vici-*  
*nis commercia coluerint, sive quod in-*  
*venta peregrinorum omnia habuerint*  
*contentui. „Neque vero isthæc admi-*  
*ratio barbariem testatur, aut probat Sini-*  
*cam: Admirantur nostrum scribendi ar-*  
*tificium, quibuscunque datum est phi-*  
*losophari de signis; quin & regulas ex*  
*hoc exemplo generales eruunt, qui cum*  
*ratione potius quam ex sola consuetudi-*  
*ne hic agunt. In omni characteristica,*  
*secundum artem exercita, id observa-*  
*tum est huc usque, ut simplicia simpli-*  
X 2
cibus

cibus & arbitrariis, adeoque per sese nihil significantibus characteribus exprimantur; *ut* characteres simplices tot inveniantur, quot sunt simplicia signis istis denotanda; *ut* pro obtinenda multitudine modus excogitetur combinandi simplices characteres, *ut* combinationis ordo exprimat, quantum fieri potest, relationem, quæ est in simplicibus per characterem designatis. Optime id Græci, Latini, Germani nostri, & non paucae gentes aliæ executæ sunt in literis suis. \* *Primo* magna cum sollicitudine & accuratione distinxerunt Inventores antiqui sonos, sive scipulis sonantes &

Voca-

- 
- Memento sermonem hic esse generalem: *specialia* non attendi. Alioquin hic disserendum esset de discrimine v. g. Linguarum occidentalium & orientalium quoad vocales; de modo immutandi sonum literæ per additamenta, ut per dagesch &c. de modo designandi intervalla sonorum, per scriptiorem vocum nonnihil separatam, per si gna distinctionum; de modo indicandi elevationem aut depressionem vocis, aut enunciationem citatam, gravem, morosam, &c. de literis, quæ sunt aut videntur superflue in Lingua Gallica, Anglica, Polonica, &c. Excutiendum quoque esset discrimen scriptiionis ad Linguam jam introductam applicandæ, aut introducendæ cum Nova Lingua; scriptiionis ab initio inveniendæ, aut corrigendæ solum & emendandæ &c. quæ tantum *eo fine* indico, ut intelligas, quanta adhuc messis in herba sit, cum de Philosophica Linguarum & Literarum consideratione quaeritur.

vocales adeo, sive prioribus consonantes; sed simplices. Fieri id sine sollicita aurium, oculorumque & organorum loquelæ destinatorum consultatione non potuit: unde etiam accidit, ut successive accesserint, quæ omiſſa fuerant a prioribus. Ita ego rem intelligo, ubi *Cadmus* invenisse, *Palamedem*, *Epicharmum*, *Simonidem*, &c. addidisse literas aliquas lego in antiqui temporis documentis. *Secundo* illis significandis invenerunt characteres ex arbitrio sane, sed tales tamen, ut admittant combinationem in scriptione, qualem soni habent in elocutione. Ita factum est *tertio*, ut relationes, quæ in sonis observantur omnes, aut plerasque & præcipuas, exprimere signis suis potuerint. Est hoc ultimum præceptum ex præcipuis in arte characteristica, atque illud hoc loco observatum satis feliciter, modo *memineris*, considerari hic literas non ut signa rerum sonis denotatarum, sed ut signa sonorum. Ita enim certum est, suppositis characteribus simplicibus, quos ex arbitrio assumi posse monui, omnia, quæ in sono vocabuli discernere licet, in scriptione etiam illius deprehendi, & eodem ordine. Non licet pressius persequi id artificium; sequantur hoc filum, quibus placet. Sufficit, intelligere lectores, *quantum sit nostrum*

scribendi compendium, & in quo consistat ejusdem *artificium*. Sane enim ad sonos verborum designandos vix ullum aliud præstantius excogitari potest: etsi suis non careat *incommodis*, ubi ad res ipsas designandas adhibetur; ejusmodi illud est, quod pro diversis sonis, quibus eadem res appellari inter diversas gentes solet, characteres alii atque alii eandem rem designent, *non* intelligibiles *universaliter*; ut enim *latinis* omnia literis scriberentur, alii characteres sunt, ubi scribitur: canis alii, cum scribitur: Chien, Dogge, Kyon, Cheleb &c. &c. Hoc *primum* fuit *artificium* evitandi molestiam ex multitudine characterum oriundam, sed *particularissimo* prægnans, ut scripta a Gallo intelligi a Germano non possint.

## §. 21.

Modus facilitandi  
copiam  
characterum Sini-  
cus.

*Secundum* hoc foret *artificium*, si characteres non ad sonum immediate significandum adhiberentur, sed *ad res ipsas*; ea tamen *cautela*, ut simplices iterum pauciores essent, ceteri certo ordine e simplicibus compositi, sic, ut nonnisi simplices nosse & earum combinandarum regulas tenere oporteret, ad exprimenda scripto animi sensa; quemadmodum id in *ciphris* experimur vulgaribus. Bina hic disquisitio institui potest; *historica* altera, altera *Philosophica*;

*sophica*; illa ut intelligatur, an Sinæ uniformitatem in characteribus servant significationi eorundem respondentem; *hæc*, ut inquiratur, quomodo inveniri queant characteres ejusmodi reales, ut quam commodissime res repræsentent? quod *ad Sinas* attinet, dubium non est, esse in ipsis characteribus aliquam convenientiam & differentiam, quæ sub generali schemate queat concipi; Id enim nisi foret, Dictionaria condi nulla possent, in quibus characterum valor investigari posset. Quis enim uniuscujusque characteris causa tot mille characteres percurrat, ut ejus significationem venetur? Non itaque id dubium esse potest, esse genera aliquot & species ex characterum ductibus distincta, sub quibus illi comprehendantur, tanquam sub suis classibus. Sed vero id nonnisi inquirendi in Lexico laborem minuit; nondum juvat memoriam, nisi & respectu significationum aliqua observetur uniformitas posita in combinatione aut colloca-tione ductuum simplicium. Non ego hic meis video oculis: nitor fide aliorum. Nota sunt eruditis magnifica A N-DREAE MULLERI, Greiffenbagii promissa. Clavem ille Sinicam pollicitus est, cujus auxilio Sinicorum characterum lectio facile, & facilis, quam ullius alius Scriptura expediri, totaque legendi ratio exa-

*Elisime cognosci possit.* Describo hæc ex Actis Eruditorum Lipsiensibus 1687. Mense Martio p. 131. ubi ex ejusdem Viri opusculo sequentia illius verba exhibentur: „Nihil autem est, quod amplius promittam, nisi quod soluto, sub cautione, præmii dimidio (alioquin, ne in sinistras manus post fata deveniat, nihil de struenda clave laborans) Deo dante, intra semestrem aut citius clavem concinnaturus, posteaque quemcunque, etiam mulierculas & pueros intra paucos dies docturus sim, ut nihil non integrorum contextuum, ex quibuslibet libris, aliisque congrue scriptis chartis, non Sinice quidem, sed Latine, vel Germanice, vel Anglice, vel Gallice, vel Belgice vel alias legant., Sunt hæcejusmodi, ut, quantumcunque promissor præmium postulet, nimium esse non possit, ubi verbis facta responderint. Quanta utilitatis foret ita scribere, ut epistolam Turca non minus, quam Belgæ, Aethiops & Indus legat sua unusquisque vernacula? Quanta commerciorum epistolicorum in universo orbe facilitas? Sed vero caremus & clave & commodis. Quousque tamen ex vero aliquid *Müllerus* promisit, consueque intelligitur, uniformitatem significationis aliquam obtinere in characteribus Sinicis. Quoniam id definire non licet, an multum sit, an exiguum, pla-

placet recentius testimonium allegare *Illustris* FOURMONTII. Non ego sine voluptate legi sententiam viri in *Comment. Trivultinus*, qua testatur Sinas in compositione characterum suorum observasse ordinem Philosophicum plane & exactum; elucere ex illa summum ingenium, & humanæ artis quendam apicem in illis conspici, ad quem non assurgat systema physicum quodcunque.\*

## §. 22.

Fortassè id nimium videbitur aliquibus, comparari artem in characteribus inveniendis positam cum scientiis, & æquari illis aut anteferri: Tollam facile id scandalum, sequenti paragrapho 24. Hoc loco *specimen* adjungo *ordinis* aut connexionis *inter* characteres quosdam *Sinicos*. Unicum mihi innotuit, quod ex

Specimen  
Characterum  
Sinicorum.

X § Atha-

\* Accipe Verba, ut habentur in *Comment. Trivult.* A. 1722. l. c. „La Lecture (des Chinois) est quelque chose d'immense, puisqu'il y a 80000. caractères, que chaque être a le sien, & que ces sont proprement des Hieroglyphes. Mais selon Mr. de Fourmont le bel ordre, que les Chinois ont gardé dans la composition de ces caractères, ordre philosophique & geometrique; & en fait des Langues le plus analogique, qui fut jamais; cet ordre, dis-je, diminue de beaucoup les difficultés, qui se présentent d'abord par ce nombre infini des caractères. Mr. de Fourmont soutint, que la composition des Caracteres Chinois est le plus noble effort de l'humanité, & qu'il n'y a point de Systeme physique, qui y approche.,,



*Athanasio Kircher*o repetit *Augustus Pfeiffer*us in *Critica sacra*, & nonnihil variatum exhibet *Theophilus Spizelius* in *Commentario*: Idem \* igitur & hic legi, sine characteribus tamen adjunctis, nemo gravabitur. Verba *Pfeifferi* hæc sunt: „Characteres isti symbolici *Sinarum* non tumultuarie instituti sunt, sed ingeniose excogitati, adeo ut in ipso characteris sæpe lateat arguta rei descriptio, aliaque arcana, quæ *Sinæ* per omnem vitam non nisi indefessis vigiliis addiscunt. Sic e.g. figura crucis ✝ apud *Sinas* exprimit *denarium* numerum, perfectionis symbolum. Huic si subjiciatur alia linea, efficitur character, qui significat *terram*, quasi omnis perfectionis basin: si addideris superius aliam lineolam inferiori parallelam, efficitur character significans *Regem*, quasi terræ Dominum, vel qui est supra terram: apposita lineola a latere efficit characterem, qui exprimit *gemma*m, quasi ornamentum regium: denique si supra ponatur character alias *hominem* exprimens

---

\* *Eadem hæc scena* est, quam & *Arithmetici* ludunt in *Logarithmicis*: omnes uno utuntur exemplo, *novenarii* nimirum, ubi processum investigationis *Logarithmorum* ostendere instituunt. Scilicet id primus, quem scio, *Adrianus Vlacqius* exhibuit in declaratione usus tabularum c. 1. Ex eo ceteri transcribunt, etsi novum aliud computare non tam difficile sit, quam operosum. Hic tamen non osecitantia intercedit mea, sed notitiæ defectus.

mens notatur *omnibus numeris perfectus*, quasi dicatur *homoregius*, sive inter omnes excellentissimus. --- Alia quædam hujus generis dabit *Kircherus in China illustrata* parte VI. c. 2. 3. Verum plura & certiora peti possent ex oculari inspectione *Hai-pien* sive oceani, id est, magni vocabularii Sinici. „ Hactenus *Pfesserus*: Atque ita est sane, qui de ordine characterum sermonicari ex sua scientia vellet, comparare illos magno numero, & quæ in illis communia deprehenduntur, sigillatim annotare deberet: Id vero eorum est, quibus nosse characteres & contendere datum est.

## §. 23.

Nobis hoc loco illud potius adjungere placet: Recte illos, qui characteres *Sinicos* existimaverint adhiberi posse *locoscriptura universalis*; Cessat enim hic incommodum particularissimi, quod ante allegavimus §. 20. Quemadmodum *Ulyssipone* non minus, quam *Viennæ* & *Holmiæ* legi, diverso sermone, numeri ciphris designati possunt, quoniam non voces, sed numeros illæ designant: ita in ceteris characteribus omnibus fieri idem potest, si rebus immediate significandis adhibeantur. *Reales* ejusmodi characteres vocant Eruditi: Memineris tamen, id duplici significato dici posse. Sensus alter est, quo characteribus opponuntur

Quid Character universalis, realis, nude significativus?

nuntur illis, qui sonos designant immediate, & mediantibus demum sonis res ipsas. Ita enim *Reales* illi dicuntur, qui rebus immediate ipsis adhibentur denotandis. Hanc viam ingressi sunt omnes illi, qui *Scripturam* invenire aut persuadere *æcumenicam* annisi sunt. Notum est, *Casparis Schotti* testimonio *Athanasium Kircherum* elaborasse in aliquo ejusmodi instituto, ejusdemque editionem intendisse Anno 1663. sicutamen, ut nonnisi pauca imprimi debeant exemplaria, Principibus communicanda. \* Neque minus *aliud* ejusmodi

- 
- \* Titulum Libello *Kircherus* hunc fecit, a *Schotto* exhibitum in *Technica Curiosa* p. 482. „*Athanasii Kircheri* e Soc. Jesu *Polygraphia nova & universalis*, ex combinatoria arte detecta: qua quivis etiam Linguarum quantumvis imperitus, triplici methodo; *prima*, vera & reali, sine ulla latentis arcani suspitione, manifeste; *Secunda* per technologiam quandam artificiose dispositam; *Tertia* per steganographiam impenetrabili scribendi genere adornatam; unius vernaculæ linguæ subsidio, omnibus populis & linguis clam, aperte, obscure & dilucide scribere & respondere posse docetur, & demonstratur: In tria Syntagmata distributa, in Principum gratiam & recreationem inventa, & in lucem edita felicibus auspiciis LEOPOLDI Rom. Imp. semper Augusti. Romæ ex Typographia Varesii, MDCLXIII. Superiorum permissu., Dedit *integrum* opusculi titulum, qualem ex Epistola Kircheriana *Schottus* exhibet; ut de Consilio Viri constet apertius: Nescio enim, an ille revera editus sit libellus, nec ne?

modi artificium *Mercurii Mono-pangloti* nomine ex *Hispani* cujusdam *Jesuita* invento tradit idem *Schottus* in *Technica Curiosa* p. 483. & seqq. Additque auctorem A. 1653. Romæ in uno solum expanso folio illud edidisse sub hac Epigraphæ: *Arithmeticus Nomenclator Mundi omnes nationes ad Linguarum & sermonis unitatem invitans Autore lingua, (quod mirere) Hispano quodam, vere, ut dicitur, muto.* Tertium est *Jo. Joachimi Becheri*, *Spirensis*, cujus summam exhibet idem *Schottus* L. VII. c. 11. p. 505. & seq. neque ego diffiteor, plurima hic ex artis præscripto observari, etsi non dubitem posse in non paucis addi utilia, in aliquibus superflua demi, alia etiam non incommode variari. *Jo. Wilkinsii* Angli conatus perpendere non licuit; edidit ille Librum, quem inscripsit *Tentamen alicujus Characteris Realis, & Linguae Philosophicæ, An Essay towards a Real Character, and a Philosophical Language*, London. 1668. fol. plag. 153. Si aliorum stare testimonio liceat, realem ille characterem eo sensu dicit, quem hactenus persequimur, neque ad illum assurgit, quem §. 24. exponam. Idemque institutum tenet *Vir Clarissimus, Davides Solbrigius*, cujus de scriptura oecumenica, ciphris scilicet numericis præstanda significationem exhibent *Miscellanea*

*lanca Berolinensia*, Continuatione prima p. 28 --- 39. *Accedere* id institutum ad Becheri meditationes, salvis tamen differentiis specialibus, ex comparatione intelligas, ita enim de consilio suo Cl. *Solbrigius* p. 35. „Paucis nunc tantum dicimus: Numeros ad millenarios sat multos suo ordine esse conscribendos: singulis singulas res, quas significant, vocabulis non ambiguis affigendas: conficiendos ex his duos libros, qui claves sint scripturæ œcumenicæ, synthetica altera ad exarandam & componendam hanc scripturam, altera Analytica ad eandem recludendam & intelligendam: constituendum porro Alphabetum œcumenicum, quo non novæ fingantur literæ, vel nostræ aliis obtrudantur, sed ratio ostendatur, qua nomina propria & soni alii, quicunque sic scribantur, ut quælibet gens suis ea literis legat: utendum etiam aliquo subsidio, quo efficiatur, ut numeris abrogata, ubi opus erit, rerum significatione, vis sua numerica redeat.,, Equidem *isti omnes* accommodant characteres ipsis immediate rebus significandis, sed *arbitrario* ordine, siquidem aut alphabetum sequuntur, aut classes rerum utcunque ordinant, & congerunt, quæ v. g. ad elementa pertinent, ad cœlum & cœlestia, ad intellectualia, ad statum secularem, Eccle-

Ecclesiasticum, artifices, instrumenta affectus & habitus, religionem, confessionem sacramentalem, tribunal, militiam, medicinam, bruta animantia, aves, reptilia & pisces &c. Vide *Schottum* in *Technica* p. 485.

## §. 24.

*Aliud institutum est, cujus meminit Leibniti*us in epistola ad Virum Illustrem *de Remond*. Postulat ille characterem *hoc sensu* realem, ut tanquam per analysin speciosam generalem omnes, si a factis & historia discesseris, veritates crui, quasi per calculum, possent. Loquitur Vir magnus, ut in *anigmate*: ait, in epistola 10. Januar. 1714. Viennæ data: „si junior foret, si minus implicitus laboribus, si opera sociorum adjutus, sperare se, quod speciosam Generalem vellet exhibere, in qua omnes veritates liceret ad instar aliquod calculi revocare: fore illam simul *speciem* quandam *lingua & scriptura universalis*, sed mirum quantum diversæ ab illis omnibus, in quibus huc usque elaboratum sit ab aliis; characteres enim ipsas & vocabula directura cesserationem; & errores omnes, præterquam in factis, non fore nisi errores calculi. Difficillimam fore ejus *lingua characteristica* inventionem; sed semel inventam posse addisci facillime, & sine Dictionariis. Eandem ad judicandos ve-

Quid Character universalis, realis, & scientificus?

*rosimilitudinis* gradus inservituram, ubi  
 sufficientia desiderentur data pervenien-  
 di ad veritates certas, atque ad detegen-  
 dum id, quod pro obtinenda certitudi-  
 ne adhuc suppleri oporteat. Vid. *Re-  
 cueil de diverses Pieces sur la Religion,  
 la Philosophie & les Mathematiques*, par  
 M<sup>r</sup>. *Leibniz, Clarke, Newton*, Tom. II.  
 pag. 130. 131. Et in altera ad eundem  
 epistola 14. Mart. 1714. itidem Viennæ  
 data, inquit: „se de *speciosa sua generali*  
*locutum esse cum Illustrissimo Marchio-*  
*ne Hospitalio*, & aliis: non illos tamen  
 isti rei animum applicuisse magis, quam  
 si somnium ipsis aliquod narrasset. Ad  
 approbandum aliis consilium intelligere  
 se, quod specimine opus esset, in quo  
 usus conspiceretur palpabilis: fieri id au-  
 tem non posse, nisi prius partem *sua*  
*Characteristica* aliquam elaboret, quod o-  
 mnino sit difficile, eo saltem statu, quo  
 ipse collocatus sit, vid. loc. cit. p. 139.  
*Videor* mihi intelligere *generaliter*, quid  
 postulet aut promittat Vir doctus? *Si*  
*quis* summa rerum omnium genera &  
 principia simplicissima cruat & conge-  
 rat; *Si quis*, earum relationes omnes  
 investigat, & in classes referat; *si* cha-  
 racteres rerum & relationum ejusmodi  
 inveniat, ut combinari ex simplicibus  
 secundum ipsas rerum connexiones  
 compositi possent; *si* regulas excogitet,  
 qua-

quarum ope possent æquipollentia sibi mutuo substitui: Credo illum prope abfuturum ab instituto Viri Illustris. *Possē illud fieri*, successivo labore, nequaquam despero. Certum enim est, esse quædam universalia rerum genera & principia, essentiam, existentiam, substantias, modos, ordinem, similitudinem, &c. Esse & relationes atque cohæsiones rerum omnium generales, connecti omnia invicem ut principia & principjata, causas & effectus, subjecta & adjuncta, conatus, actiones, resistantias & passionēs, facultates & objecta, coexistentia & succedentia, & si quæ alia hic attendi, atque in classes digerī merentur. Quod si ista *characteribus* & signis repræsentari contigerit *ejusmodi*, ut ex simplicibus fieri possent compositi; (quemadmodum v. g. ex simplici abscissorum per x & semiordinatarum per y notatione, positradiametro 2a, & abscissis a centro computatis, character circuli compositus evadit,  $yy = aa - xx$ ) si deinde ex natura relationum erueretur substituendi æquipollentia methodus, respondens in suo genere illi, quem ex sua magnitudinum relatione invenerunt Analyseos speciosæ Autores: possent metaphysicæ veritates calculo non minus subijci, quam huc usque mathematicæ; sed

Y

cal-



calculo tamen sui ordinis. *Calculus* enim in genere dicit methodum substituendi characteres æquipollentes: patet autem æquipollentia latius magnitudine, & characteres quantitatibus. Si quis characterem *judicis* compositum haberet, quo idea ejus distincta, sive jura & officia exprimerentur, si similem *conscientia humana*; si ex natura objectorum, & facultatis vel actionum circa isthæc versantium, regulas teneret substituendi sibi mutuo characteres æquivalentes: posset ille *calculo* eruere, *quam* Dei attributa valeant ex *hac* idea inferri. Similiter si quis characterem *universi* haberet talem, ut ille ideam ejus distinctam & completam, hoc est, definitionem referret, si characterem *causa efficientis*; si ex relatione causarum & effectuum regulas nosset substituendi characteres æquipollentes: posset *calculo* definire, *quam* ex *hac* Dei notatione queant perfectiones concludi. Nolim plura *hoc loco*: Putem intelligi, non id impossibile esse, ut aliquis metaphysice - Algebraista, aut Algebraice - metaphysicus, sed otio & patientia præditus, & ingenio florens feliciori, novæ characteristicæ & calculi specimina Eruditis exhibeat. Sufficit id vero, ut agnoscas, *quid* sibi velit *appellatio* characteris universalis, realis, & scientifici: *Universalis*

*salis* foret, quatenus Linguarum, idiomatis nequaquam alligatus; *realis*, quoniam & rebus immediate significandis adhibitus, & earum quoque relationes exprimens; denique *scientificus*; quatenus ad eruendas computo conclusiones accommodatus & idoneus.

§. 25.

Exposui duo characterum *realium* genera: *cuiusmodi* eorum accenseri oporteat Sinicos, dixerint rerum gnari. Spero illos meliores esse, quam ut ad primam tantum classem omnes pertineant: *Me-* *tuo* autem, ut in classis secundæ requisitis deficiant, saltem quoad relationes rerum eas, quæ calculum fundare possint regularem. Optarem tamen, extarc illos publice, ut, si quid adminiculi ad characteres rerum scientificos condendos afferre possent, eo res Litteraria diutius non destitueretur. Facit testimonium *Illustris Fourmontii*, ut non pauca *expectem*, quæ ad rerum connexiones signis & characteribus exprimendas utilia esse possint; semper etiam illud certum puto, facilius emendari antiqua, & inventis addi, quam ab initio omnia erui. Itaque id pro rei publicæ literariæ bono, & incrementis scientiarum præoptamus, ut otium Viro Illustri, & subsidia præsto sint, ad perficiendum, cui incumbit, laborem; & demonstrandum

dum publico ordinem, quem splendide commendavit. Vid. §. 21. in nota. Redeamus ex diverticulo in viam, & quænam *alia* Sinicæ scriptiōis *commoda* fuerint, enarremus.

## §. 26.

Typogra-  
phia Sini-  
ca.

*Typographiam* a Sinis primum inventam esse & ex longissima temporis intervallo inter ipsos florere, communis fert sententia \* Videor mihi illius rei *oc-*  
*casionem*

- 
- \* Vide, quæ pluribus in hanc sententiam disserit sæpe laudatus *Spizelius* in Comment. Sect. III. p. 34. & seqq. Renititur quidem Vir doctissimus *Renaudotius* in notis suis ad vetera duo Itineraria a duobus *Mohomedanis* scripta, & ab ipso ex Arabico Sermone translata in Gallicum, & Parisiis edita An. 1718. Contendit, *perperam* vulgo Chinesibus tribui inventionem artis typographicæ, Pyxididis nauticæ, pulveris pyrii, globorum cælestium &c. ipsorumque scribendi rationem censet ostendere simplicitatem eorundem, cum Europææ gentes scriptura multo meliori magisque artificiosa utantur. Vid. Acta Lips. in supplem. Tom. VII. Sect. V. p. 228. Fateor autem, decessisse magnum auctoritati *Renaudotianæ* in rebus Sinicis pondus, ex quo *Fourmontius*, etiam sodalis *Renaudotii* in Academia Litterarum elegantiorum, & ejus post fata etiam reverens, testatus est, defuisse Viro notitiam Lingue & Historiæ Sinicæ. Ut non dicam extare & R. P. *Dubalde* epistolam, qua refutat ideam de Sinensibus iniquam *Interpretis* duorum Tractatum Arabicorum, itemque Autoris *Libelli: Gyro del Mondo*. Editæ est Epistola in collectione XV. Recueil XV. des Lettres edificantes & curieuses des Missions Etrangères par quelques Missio-

*caſionem* in ipſo ſcribendi genere Sinico deprehendere. Dabo coniecturæ argumentum, ubi typographiæ Sinicæ rationem expoſuero. Memorat *Ludovicus le Comte* Tom. I. p. 279. 280. Siquis edere libellum velit, primo curare, ut quam elegantiffime deſcribatur: ſculptorem deinceps unumquodque folium agglutinare tabulæ lignæ politiffimæ; & ſequi ſcalpro ductus ita fideliter, ut characteres exacte reſpondeant exemplo ſuo; idque eoſque, ut ſi eodem atramento & papyro uſi fuerint in ſcribendo & excudendo, diſcerni a manuſcriptis impreſſa non poſſint; unde etiam accidat, ut excuſa ſint magis miniſve elegantia pro ratione ſcriptionis, quam ſculptor imitatus fuerit: Tabulas ita multiplicari pro numero paginarum: integra ad aſſervandas illas conclavia requiri, ſi quod volumen majus edi debeat; ex adverſo neque correctoribus opus eſſe in typographia, quoniam rariffime ſculpendo errent; neque omnia eodem tempore exemplaria excudi, ſed pro ratione venditionis diverſo tempore & numero; minori igitur & periculo & ſumtu poſſe plura eorum millia ſucceſſive imprimi., Satis iſta conſentiunt *ini-*

*ziii* typographiæ *nostratis*. Notum est, in principio nondum singulas literulas ex metallo fusas esse, & combinatas demum & constituendas syllabas & voces; sed ligno integras voces, periodos & paginas fuisse incisas. Vidi ipse exemplum ejusmodi Tabulæ antiquæ ad prima Geneseos capita pertinentis, quam in Bibliotheca sua instructissima Francofurti asservat *Per-Illustris Dominus de UF-FENBACH*. Majoris id ingenii fuit ex disjectis literulis combinare orationem ea methodo, quam hodie sequuntur, maximo operæ compendio, *Nostrates*: igitur facilius inciderunt nostri & Sinæ in simplicius alterum. Quod *hi citius nostris*, *poteſt* ex antiquiori litterarum cultura ducere originem: *poteſt* ex eo, quod Sinici Characteres fere grandiusculi facilius inſculpi ligno poſſunt, quam tenuiſſima noſtrorum elementa; *poteſt* ex eo, quod ſingulas voces uno charactere ſignant, non plurimis mutuo compoſitis; involvitur enim hic incommodum, quod ante & modo diximus: *poteſt* ex eo, quod atramentum, quo Sinæ ſcribunt, inſervit etiam impreſſioni, Noſtratibus novum invenire neceſſum fuit: *poteſt* ex fortuita occaſione id conſilium enatum eſſe: *poteſt* ex deliberata meditatione & amore multiplicandi volumina publico utilia; de quibus nihil determinatum li-  
cet

cet asseverare. Puto tamen non absurde colligi ex enarratis, *Sinicum* scribendi genus *faciliorem* aperuisse viam ad typographiam istam: *Nostrum*, inventa semel typographia, esse magis commodum, & *minus sumptuosum* Typothesis. *Illam* typographiæ rationem esse simpliciore: *nostram* artificiosiore. Ita commodum *ex suis* characteribus Sinas, *ex nostris* etiam Nostrates percipere, *utrinque* limitatum & affixis quoque incommodis temperatum. §. 27.

Illud nescio, quo argumento Sinicæ An ex ore dictantis excipi Sinica possint? sive pronuntiatiōi, sive scriptiōi imputet *Spizelius* in Comment. Sect. VI. p. 105. „Quod a loquentis ore scriptio nulla excipi possit ab audientibus excipienda, neque liber ullus ab audientibus, cum prælegitur, intelligi, nisi librum eundem præ oculis habeant, ut æquivoci vocum soni (quæ aurium iudicio minime distinguunt) oculorum figuras intuentium fide, innotescant., Equidem *videri posset*, quoniam non soni exprimuntur characteribus, sed res: *non* posse, ut inter nostros, excipi dictata alterius, *nisi intellecta*, hoc ordine, ut auditus ex ore dictantis sonus excitet ideam rei, idea rei in memoriam revocet characterem, qui scribendus sit. Sed vero neque illud necessarium est: potest idea characteris cum idea soni sic

conjungi exercitio & consuetudine, ut audito sono redeat notitia characteris, sine distincta rei ipsius interveniente idea aut notitia; quemadmodum apud illos, qui linguas discunt exoticas, uti cum Germanus Gallicam, primo quidem idea soni Gallici excitat ideam soni Germanici, & hæc demum ideam rei designatæ; postmodum vero, accedente exercitio, idea soni Gallici ideam rei ipsius animo præsentem sistit sine distincta soni Germanici idea interveniente. Non igitur natura characteris intercedit, quo minus scribi dictata, & intelligi lecta possint: etsi facile confitear, nostram scribendi rationem (exceptis tamen literis similiter sonantibus, aut prope ad similitudinem accedentibus) hac parte commodiorem esse; sonos enim ipsos exprimit. Tum vero, si ad illud *Vir doctus*, uti videtur, respicit, quod ob mutatum accentum significatus variet, & consequenter alius scribi character debeat: difficultatem illud sane indicat, impossibilitatem non infert. Si intelligi loquentes possunt; possunt etiam legentes: si intelligi dictantes possunt; possunt eorum dictata scribi. Quis dubitet? Sed vero hæc de descriptione sufficiant.

## §. 28.

Transco, quæ ad *fata* pertinent *rei* Libri Si-  
*literaria* Sinensis, maxime illud infame narum  
 factum Imperatoris *Xi Hoam ti*, qui li- Classici  
 teras delere omnes constituerat; \* &  
 artificia, quibus elusum est consilium  
 Tyranni literarum, & conservata poste-  
 ris librorum copia, vid. si placet *Spize-*  
*lium* Sect. III. p. 40. & seqq. Unicum  
 superest, de quo dici ex §. 3. oportet.  
*Mysterium* illud *Sinicum* tantopere prædi-  
 catum Sinis, & inter nostros contem-  
 tum. Ut id ordine fiat, accipe notitiam  
*librorum China antiquissimorum*. Vene-  
 rantur illi, ut antiquissima & maximæ au-  
 toritatis monumenta Libros *U Kim*, id  
 est, quinque volumina dictos, & *Su xu*,  
 id est, tetrabiblion. Præstant illi auto-  
 ritate & antiquitate: *Il* usu frequentio-  
 ri & utilitate. Memorat enim R. P.  
*Completus* in Proœmiali declaratione fol.  
 XX. „Quisquis ad literarios gradus &

Y 5

laureas

- 
- \* *Duplicis* facto memoriam posteris suam commen-  
 dare instituit. Anno Imperii 24. *Murum* extruxit ce-  
 leberrimum, 400. & ultra Leucarum, contra irru-  
 piones Tattarorum: Anno 25. *libros* omnes præter  
 medicos & judiciales cremari: Anno 26. plurimos  
*litteratos* sepeliri vivos jussit. v. R. P. *Completi* Ta-  
 bulam Chronologicam fol. 16. 17. Ita scil. in uno  
 homine conjungitur & institutum *Demetrii Phale-*  
*rei*, cujus nimium occuparunt spatium statux ter-  
 centum, & sexaginta Athenis positæ, & ingenium *He-*  
*rostrati*, quos lepide olim Illustris contendit FONTE-  
 NELLIUS, *Dialogues des Morts Anciens*. Vol. 2. Dial. 1.



laureas adspiceret, eum debere de quinque voluminibus unum duntaxat, quodcunque velit, callere: quatuor alteros debere totos memoria & intelligentia complecti., *Primum* **QUINQUE VOLUMINUM** Libris sex comprehendit res gestas Imperatorum *Tao* & *Xun* Legislatorum gentis, Imperatoris *Yu*, qui diluvii Sinensis aquas magno labore & industria in mare derivavit, Imperiumque divisit in IX. provincias, suas illis constellationes a Cœlo assignavit, tributa ordinavit &c. facta Imperatorum secundæ familiæ *Xam* & *Yn* dictæ, præcipue fundatoris *Chim tam*, consultationes de ejiciendo impio *Kie*; documenta Colai *Chum hoci*; Monita Colai *Y Yn*, de quibus specimen exhibui sectione opusculi ultima, & quæ vel ideo digna Europæorum Principum auribus & oculis judicat *Completus*, quod annis circiter mille ante urbem conditam prolata fuerint; oratio Imperatoris *Puon Kem* de transferenda obeluviones fluminis *Hoam ho* sede Regia: Documenta & monita Colai *Fu Yve*, Principis *Vi-Cu-Ki*, & Colai *Cu-y*: Gesta item familiæ Imperatoris tertiæ, *Chen* dictæ, cum orationibus Imperatoris *Vu Vam*, itemque fratris ipsius, *Chen cum* & reguli *Ki-Cu*, præter multa alia multorum documenta ad rectam subditorum gubernationem, ad

ad religionem, & alias virtutes spectantia. *Secundum Volumen* absolvitur odis & Poëmatibus, quorum pleraque sub tertia *Chen* familia condita traduntur: agunt autem de moribus & statutis regnandi: multa in illis laus & commendatio virtutis: multa graviter, severe, & sapienter dicta: aliqua etiam, quæ ab interpretibus ut spuria rejiciuntur & fabulosa: quædam etiam impia & consequenter apocrypha, si fides est *Confucio*, qui totam odarum doctrinam ait absolvi hoc præcepto, *ne quid prævum aut turpe vel cogitetur*. *Tertium* est illud mysteriosum *Ye Kim*, de quo hic dicere constituimus, enumerato prius, sed brevissime, ceterorum ordine. *Quartum* est a *Confucio* admodum sene conscriptum *Veris & Autumni* titulo, in quo variorum Principum res gestas, vitia, virtutes, poenas & præmia narratione prosequitur historica. Titulum a simili petit, quoniam cum virtute sapientiaque Principis efflorescit amœnissimi *Veris* instar respublica, cum ejusdem stultitia & improbitate, ceu *autumnali* cœlo frondes & flores, tota diffluit, marcescit & consenescentis instar emoritur. *Quintum* est Memoriale rituum & officiorum, e variis Præcorum libris collectum a *Confucio*, & decem libris comprehensum, quibus enumerat ritus antiquos tum sacros,

cros, tum profanos, officia sub tribus  
 prioribus familiis observari solita erga  
 parentes, conjuges, amicos, hospites,  
 convivas &c. vasa & victimas in sacri-  
 ficiis; ritus parentales; Musicam, ar-  
 tem militarem, jaculandi, regendi cur-  
 rus &c. Ajunt hunc libellum sentire fa-  
 ta sub Imperatore *Xi Hoam Ti* tolerata.  
 Sunt hæc quinque voluminum conten-  
 ta. TETRABIBLI *Primus* liber inscri-  
 bitur *magna scientia*, & regendi artem  
 comprehendit, Autore *Confucio*, Com-  
 mentatore & Editore *Cem Cu* secundo  
 ejus discipulo: Hic primus est scientiæ  
 Sinicæ, a RR. PP. *Jesuitis* editæ, quem  
 etiam hoc nomine citare soleo in opuscu-  
 lo præcedente. *Secundus* dicitur *de me-  
 dio sempiterno*, opus quidem Confucii,  
 sed a *Cu su* ipsius ex filio nepote, *Cem-  
 cii*que discipulo & magistro *Memcii* vul-  
 gatus atque auctus. Hunc secundititu-  
 lo citavi in opusculo præsentis. *Tertius*  
 dicitur *Ratiocinantium colloquia*, totus  
 ex Apophthegmatis Confucii & Disci-  
 pulorum ejus compositus. Hunc Ter-  
 tium vocare soleo. *Quæ libellorum isto-  
 rum merita* sint, facile ex allegationi-  
 bus superioribus intelligant Lectores.  
*Quartum* de natura, ritibus, moribus  
 & officiis disputantem debemus *Mem-  
 cio*. Nemo priscorum propius ad no-  
 stram philosophandirationem dicitur ac-  
 ces-

ceſſiſſe Memcio. Acutus ille & copioſior prædicatur, facundiaque ſuperior Confucio, non item innocentia vitæ, modeſtia, ſeveritate & probitate. *Eum videre & conſulere librum mihi non licuit.* Sequuntur enumeratos proxime, ſed longo tamen intervallo libri *Kia Yu*, id eſt, domeſtici ſermones, *Siao hio*, id eſt, parvulorum documenta, *Hiao Kim* de obedientia, *Chum Kim* de fidelitate, quorum pars Confucio & ejus diſcipulis tribuitur, ſic tamen ut cum grano ſalis legendi ſint. Vid. de his omnibus *Phil. Completus* in declarat. Proœmiali §. 1. fol. XV --- XXI.

## §. 29.

Nihil de ceteris adjungo : *Tertium* ex primis quinque Voluminibus obſcuritate ſua celebrius eſt, quam ut hoc loco negligi poſſit. *Ye Kim* dicitur, & Auctori FOHIO adſcribitur, primo gentis fundatori, quem ante hos 4000. Annos vixiſſe tradunt Sinæ, cujuſque id inſtitutum fuiſſe putant, ut rerum creatarum mutuos vel nexus & ſocietates, vel diſſociationes & pugnas, adhæc influentias, ordinem, viciffitudinem mortalibus ob oculos poneret, & per iſtos veluti gradus rudem Sinicæ gentis infantiam ad ſui principii ultimique finis, ſupremæque ſpiritus intelligentiæ noti-  
tiam paulatim manuduceret. Conſtat  
Liber Ye Kim qualis ſit?

Libellus figuris sive *lineis duplicis* generis, integris — & interruptis — —: prioribus *perfectum* significari, posterioribus *imperfectum* credunt: *Illis* Cœlum designari, solem, ignem, diem, masculinum, calorem primigenium, prosperam valetudinem, fortunam: *posterioribus* terram, lunam, aquam, frigus, noctem, foeminam, humorem nativum, morbos, calamitates: *Perfecti* proprium esse, manifestare se, prodire foras, movere, dilatare, rarefacere, ascendere, augere, aperire; *imperfecti* vero abscondere sese, introire, quiescere, restringere, condensare, descendere, imminuere, claudere. Ex horum principiorum singulis *alia* duo *subalterna* existere: *duo* quidem ex perfecto, alterum perfectum majus, ———, alterum imperfectum minus, — —, *duo* etiam ex imperfecto, scilicet perfectum minus — — & imperfectum majus — —, quas vocant *quatuor* imagines. Ex illis addita nova lineola *octo* exsurgere *figuras*, quarum hæc est facies, ordo & significatio:

Cœlum    Aquæ Montium    Ignis    Tonitrua



1

2

3

4

Ven-

Vēti	Aqua	Montes	Terra
— — —	— — —	— — —	— — —
— — —	— — —	— — —	— — —
— — —	— — —	— — —	— — —
5	6	7	8.

Ex illis geminatis sedecim, tum tringinta duæ, tandem sexaginta quatuor figuræ prodeunt, quas in tabula *Completus* exhibet. Combinantur figuræ hoc ordine

1 & 1, 8 & 8, 6 & 4, 7 & 6, 6 & 1, 1 & 6, 8 & 6, 6 & 8 :  
 5 & 1, 1 & 2, 8 & 1, 1 & 8, 1 & 3, 3 & 1, 8 & 7, 4 & 8 :  
 6 & 4, 7 & 5, 8 & 2, 5 & 8, 3 & 4, 7 & 3, 7 & 8, 8 & 4 :  
 1 & 4, 7 & 1, 7 & 4, 2 & 5, 6 & 6, 3 & 3, 2 & 7, 4 & 5 :  
 1 & 7, 4 & 1, 3 & 8, 8 & 3, 5 & 3, 3 & 2, 6 & 7, 4 & 6 :  
 7 & 2, 5 & 4, 2 & 1, 1 & 5, 2 & 8, 8 & 5, 2 & 6, 6 & 5 :  
 2 & 3, 3 & 5, 4 & 4, 7 & 7, 5 & 7, 4 & 2, 4 & 3, 3 & 7 :  
 5 & 5, 2 & 2, 5 & 6, 6 & 2, 5 & 2, 4 & 7, 6 & 3, 3 & 6.

scil. hic est *liber Mutationum*, *Ye Kim* dictus, sive Tabula figurarum sexaginta quatuor, quam ex hoc indice componas facillime; ita enim scribitur v. g. figuradecima quinta, hic 8 & 7. Terra notata, & in explicationibus — — 6  
 subsequentibus numerantur lineæ, ut signavimus ab infima — — 5  
 ad summam. — — 4

Montes  
 — — — 3  
 — — — 2  
 — — — 1

§. 30.

Quodnam libelli institutum sit, aut sensus mysteriorum, diversimode existimari videas. Fuerunt inter Sinas antiquissimos, Explicatio-  
tiones My-  
sterii Ye  
Kim Sinicæ.

mos, quid *ad auguria & divinationes* illum adhibuerunt; fuerunt, qui *morum regulas* ex eo venati sunt. Omnium primus eam tabulam explicare conatus est Rex *Ven-Vam*, seculo ante Christum natum undecimo: Interpretatus est figuras singulas, sed admodum Laconice, adeoque & perobscure. Ita figuræ *decima quinta*, quam humilitati tribuunt, hæc explicatio est apud ipsum: „Humilitas virtus est quæqua patens latissime; Vir perfectus tamen si principio lateat jaceatque, obtinebit tandem successum exitumque prosperum.„ Secutus est in officio interpretis Patrem *Ven vam* filius *Cheu cum*; copiosius ille quidem & felicius aliquanto quam Pater singulas seorsim lincolas explanans, non sic tamen, quin pleraque etiam ænigmatice. Accipe exemplum quoque, etsi prolixius: „*Linea prima* (memineris ab imo duci ordinem) designat virum humilem, iterumque humilem, adeoque probum & perfectum: Hujusmodi ergo Viro dum virtuti dat operam trananda & enaviganda sunt spatiosa & magna flumina certaminum & laborum. Animo tamen ne cadat; quippe tandem feliciter pertinget ad portum meritorum. *Secunda* designat hominem, cujus jam patescit ac sermonibus hominum celebrari incipit humilitas, quæ,

quæ, si pura & sincera fuerit, ut lucem hanc & famam non sectetur, nec expetat, tum quidem præclare agetur cum illo. \* *Tertia* docet nos, si quis magnis meritis erga Regem & Populum conjungat humilitatem, vir perfectus sine fastu insolentiaque perseverans, is procul dubio serius ocius prosperum habebit exitum rerum suarum & dignum labore præmium. *Quarta* Virum nobis designat, qui proxime antecedentem virtute quidem vincat & dignitate: veruntamen nullis dum de Republica meritis insignis sit; Ipse tamen ex nulla re non proficiat; quoniam vero se meritum expertem esse intelligit, magis & magis prodit ac manifestat modestiam suam animique demissionem; adeoque nullo vel iracundiæ vel invidiæ motu concitatur. *Linea quinta* (illis tribui solita, qui imperant) docet, quod

Z

Prin-

---

\* *Unicam* hoc loco addam explanationem *Confucii*. Ita ille sententiam interpretis persequitur: „Quod, uti imago significat, pateat & celebretur humilitas illa, quod pura & germana sit ac solida; quod præclare agatur cum illo, qui ea sit præditus: ideo fit, quia in medio corde, & non in ore duntaxat, vel exteriori quadam specie inani virtutis simulacro illam obtinet., Ceteras *Confucii* expositiones, congruas illis, quas *Chen cum* dederat, vitandæ prolixitatis causa liceat sicco hic pede transire. Quid interest, eandem rem bis legi eodem loco?



Princeps illa moderatione animi modestiaque præditus, non expendat opes & vires Imperii, ut suos habeat sibi devinctos & obsequentes, quia scil. tanta virtus, liberalitate quamvis profusa, & robore militari quovis potentior, omnium animos & studia & voluntates ipsi conciliat ac subdit. Quod si tamen existant, qui exuant humanitatem, abjiciant jus omne, tantæque virtuti parere nōlunt: tunc certe par erit adhibere opes & arma domandis & frangendis rebellibus; & tunc quidem nihil non perficiet armata virtus, & virtus tanta. *Suprema* linea designantur privati Principis; magna quidem illa & qua late resplendeat & celebretur, humilitas; ceterum, quod ad usum spectat, limitibus angustioribus conclusa, privata: scil. modicæque ditionis: quippe cum cœlum ei non destinet supremam dignitatem, quæ propria Imperatorum est; caret utique amplitudine illa tam opum, quam terrarum, & clientum ac subditorum multitudine, quæ omnia sequi solent Imperatoriam majestatem. Quocirca, si quando statuat is, e re sua esse conscribere militem, habere exercitus in armis: non alio sane consilio id faciet, quam ut debeller rebelles, contineatque in officio suæ ditionis & regni  
po.

populos.,, Nolo *Confucianum* addere *Commentarium*; namque & is expoſuit eundem libellum, ſecutus anteceſſorem *Chen cum* copioſe & moraliter, ſic tamen ut ipſi ſibi non ſatis fecerit, in ſenio adhuc ſuo *novam* in hæc myſteria commentationem animo agitans, ſed non perficiens. Explicantur omnia morali & politico ſenſu, ſic proſus, ut univerſa, quæ ſpectant ad mores & officia Principum, Clientum, Parentum, Liberorum, Conjugum, quæ item adverſus hoſpites externos, hoſtes ſervanda; qualis denique & quanta veneratio ſpiritibus debeatur; quanta cum religione & conſtantia par ſit obtemperare cœlo enumerentur, alia quidem aliis copioſius, ut tamen nulla non attingantur. Ita *Complectus*, ex quo *priora omnia* deſcripſimus, in Declar. Procœmiali §. 8. fol. LIII. cujus etiam narratione conſtat, *Confucium*, etſi concedat exiſtimari ſe Priſcos „eam rebus quibusdam inditam eſſe vim & naturam, qua eventus rerum vel fauſtos vel infauſtos diu ante mortalibus enunciare valeant, ipſum tamen nulla fortium vel auguriorum habita ratione, non ſecus, ac ſi vanum quid eſſent & inutile, certe quidem ad ſe neutiquam pertinerent, rationis uni-  
 us ductu & lumine contentum, de una

& sola virtute laborasse, & huic uni dedisse operam; quin etiam in Commentario suo testari, Priscos sanctos eo maxime *consilio* librum istum scripsisse & illustrasse commentis suis, non ut auguriis & divinationibus esset usui, sed (uri *Cham* Colaüs exponit) ut cognoscerent homines, quam a Coelo naturam acceperint, eamque ceu ducem & magistram sequerentur; deinde vero & cœli mandatum seu supremi Numinis providentiam, a qua natura processerit, perspectam haberent. Vid. Declar. Procem. §. 6. fol. XLV. & XLVI.

— §. 31.

Expositio  
mysterii  
Leibnitio-  
Bouvetia-  
na.

Ista quidem ex sententia Sinarum, magna in figuris istis aut mysteria, aut virtutum documenta quærentium. Mutata est inter *Europæos* scena, Illustris quidem *Leibnitii* factio. Invenerat ille superiori exeunte seculo *Arithmeti- cam*, quam vocat, *Dyadicam*, qua mediantibus duabus tantum figuris 1. & 0. docuit numeros scribere omnes, & computationum genera omnia absol- vere, majori quidem, quam in deci- mali arithmetica fit labore, sed facilio- ri longe artificio. \* Exponit id calculi ge-

---

\* Ne quis *Arithmetica ignarus* miretur, posse omnes numeros scribi duabus ciphis, meminerit, arbi- trarium

genus in Epiftola ad *Sereniſſimum Ducem Luneburgo - Guelpherbytanum* RUDOLPHUM AUGUSTUM, 2. Jan. 1697. data, atque in eo memorat, ſe non ita pridem illud communicaffe cum R. P. *Grimaldi*, Præſide Tribunalis Mathematici in Imperio Sinenſi, quo cum olim Romæ verſatus fuerit, eo quidem ſine, ut fortaffis Imperator Maximus, quem audiverit a *Verbeſto* Arithmetica magna cum voluptate noſtrateni didiciſſe, eo quaſi ſymbolo crea-

Z 3

tio-

---

trarium eſſe, quot figuras adhibere ad ſcribendos numeros velimus? Uſus *decem* introduxit, & proportio decimalis, in collocatione figurarum quoad earundem ſitum obvia, ſequitur ex hoc aſumto. Idem in Arithmetica ſua *Tetraſtica* Celeberr. olim *Weigelius*, ſed alio inſtituto, annotavit de figuris ſive ciphtris quatuor. Neque id hodie vel tyronibus difficile eſt, ſcribere Numeros omnes, etſi duas ſolum, aut tres, aut quatuor, vel quot velis, ciphras adhibere jubeas. Non paritur hic locus plura. De Arithmetica Dyadica, ſive binaria, vid. *Leibnitium* in Memoir. de l'Academ. 1703. p. 105. 117. Ill. *Fontenellium* in Hiſtoire de l'Acad. 1703. p. 71 -- 75. Celeberr. Du. *Dangicourt* in Miſcell. Berolin. A. 1710. p. 336. & ſeqq. Et, qui in ſpeciem diſſentiunt, Viros Eruditiffimos, Jo. Bernh. *Witeburgium* in Diſſertat. de Præſtantia Arithmetice Binarie præ Decimali, Jenæ A. 1718. 16. April. habita, atque Jo. Frid. *Weidlerum*, in Diſſ. de Præſtantia Arithmetice Decadicæ præ Tetraſtica & Dyadica, Witebergæ 1719. VII. Non. Jan. deſenſa.

tionis \*\* ad Christianæ Religionis præstantiam meditandam excitetur. Eandem Arithmeticam transmisit ad R. P. *Bouvetum* Jesuitam Gallum, Pekini commorantem: Ille clavem hanc interpretatus est figurarum FOHI: atque in Literis ad Leibnitium datis Anno 1701. 14. Novemb. magnam illam sexaginta quatuor figurarum tabulam communicavit; quæ, *Leibnitio* iudice, dubium non relinquit, quin vera sit hæc interpretatio & *Bouvetus* solverit ænigma antiquissimum, ope scil. eorum, quæ primus ipse tradiderit. Vid. *Memoires de l'Academie Royale des Sciences* 1703. p. 110. & 111. edit. Amstel. Equidem idcertum est, si Lineam non interruptam interpreteris per l, interruptam vero per

O, con-

---

\*\* *Creationis* symbolum ideo *Leibnitius* vocavit arithmeticam suam, quod ex nihilo omnes per solam unitatem numeri exsurgant: eidemque rei ad posteros propagandæ numum destinaverat *Serenissimus Dux*, RUDOLPHUS AUGUSTUS; intercedente ipsius fato non excusum. *Typum* ejus non inelegantem exhibet Celeberrimus Jenensium *Mathematicus*, JO. BERNHARDUS WIDEBURGIIUS, in fronte dissertationis de præstantia Arithmeticæ Dyadicæ. Explicationem ejus, ab ipso traditam Leibnitio, legas in Epistola ante citata, quam excudi curavit Vir Doctissimus, HENRICUS KOEHLERUS, additamentis *Monadologiæ Leibnitianæ* ab ipso editæ Anno 1720. p. 103. & seqq.

O, *consentire figuras Sinicas cum scriptio-*  
*ne Dyadica numerorum ab 1 ad 64. ex*  
*amissim, quin & ordinem octo figura-*  
*rum superius exhibitarum convenire ex-*  
*actissime.* Incipiendo enim a figura  
 octava & pro interrupta ponendo ci-  
 phram, pro continua linea unitatem,  
 ordo idem erit, qui est in Arithmetica  
 Dyadica, ubi ab nihilo numeramus ad  
 septenarium. Fateor itaque, ad *maxi-*

000	0	<i>num hęc probabilis gradum</i>
001	1	<i>assurgere; neque dubitarem,</i>
010	2	<i>id pro certo habere cum Ill.</i>
011	3	<i>Leibnitio l. c. &amp; celeberr. VII.</i>
100	4	<i>deurgio in Diff. cit. §. 12. p.</i>
101	5	<i>23. Si uberiori de isthac ta-</i>
110	6	<i>bula cognitione gauderem, ut</i>
111	7	<i>liceret intelligere, num is or-</i>

*do figurarum 64. perpetuus sit, quem ex*  
*Completo tradidi in antecedentibus §. 29.*  
*Non enim illa numerationi Dyadica Ta-*  
*bula quoad ordinem consentit, etsi perfe-*  
*cte respondeat quoad figuras.* Puto autem  
 figuras varie a Sinis collocati; ut de  
 octo prioribus id Coupleti testimonio  
 cognovi; non igitur argumentum, a ne-  
 glecto in *Completi*ana tabula ordine Dyadi-  
 co ductum detrahare interpretationi *Bon-*  
*vetiana.* Si vera hæc est, ut sane est verosi-  
 millima, expositio; si Sinis illa approbari  
 potest: dignationem Europæis concilia-  
 bit

360 *Appendix de Myſterio Ye Kim.*  
bit in oculis eorundem; ſiquidem de-  
perdita inter ipſos, & infeliciter multis  
quæſita conatibus, explicatio myſterii  
antiquiſſimi non poteſt reſtitui ſine ve-  
neratione Inventorum in Gente omni-  
um adverſus antiquitatem religioſiſſi-  
ma. Vereor autem, ut valere juiſſis  
myſteriis annuant interpretationi nimi-  
um ſimplici & planæ. Sed de illo vi-  
derint, quorum intereſt! Ego  
manum hic de ta-  
bula!

F I N I S.





# INDEX

## RERUM PRÆCIPUARUM.

A.

- A** *Quiſcentia* in arbitrio Cœli pag. 110. §. 95.  
p. 116. §. 100. p. 144. §. 125.  
*Actiões* externæ, ſint invicem temperatæ,  
animique commendent virtutes, p. 124.  
125. §. 108. careant ruditate & affectatione,  
p. 126. §. 109. p. 152. §. 131. officia circa eas,  
p. 158. 159. §. 136.  
*Adoleſcentum* officia p. 179. 180. §. 153.  
*Ærarium* regium quomodo conſtituendum p. 251.  
§. 211. ſeqq.  
*Affectiões* privatæ improbantur p. 108. §. 94  
*Affectus* (v. Perturbatio.) eorum recta conſtitutio  
p. 75. §. 64. reguntur à Voluntate emendata p. 106.  
§. 91. accommodandi ſunt ſtatui noſtro p. 109. §. 95.  
Non eradicandi, ſed regendi, p. 113. §. 99. Inter-  
viunt virtuti p. 117. §. 102.  
*Alimenta*, quomodo populo ſint ab Imperante procu-  
randa? p. 253. 254. §. 213.  
*Amicitia* quibuſcum & quomodo colenda p. 135. 136.  
137. 138. 139. 143. §. 122. Officia amicitiz p. 140.  
141. §. 120.

A a

Amor;



## I N D E X.

*Amor*; ejus universalitas p. 88. 89. 90. §. 76. 77. ejus subordinatio p. 91. 92. 93. §. 78. 79. erga hostes p. 94. §. 80.

*Anima* hominis post mortem superstes. p. 50. §. 47.

*Animus* aliorum quomodo dignoscatur? p. §. 6. 7. §. 8. 9. §. 51. 52. motibus animi primis iisque minimis sollicite est attendendum p. 73. §. 63. ejus perturbatio quid efficiat? p. 107. 108. §. 92. 93.

*Annales* Sinici p. 21. §. 22. eorum cum Lll. Virali Chronologia convenientia p. 166. §. 141.

*Appetitus* quem modo dirigendus p. 109. 110. §. 95.

*Arithmetica* dyadica p. 356. §. 31. Sinica p. 313.

*Artes* Sinarum liberales sex p. §. 1. §. 48.

*Auctoritas*, qualis debeat esse p. 125. §. 108. p. 141. §. 121. herilis p. 195. §. 165. *Magistratus* p. 202. §. 173. 174.

### B.

*Bellum* (v. Militia.) cur de eo in pace cogitandum p. 275. §. 216. quomodo gerendum p. 2 18. §. 217.

### C.

*Calculandi* modus Sinis usitatus p. 313.

*Captivi* e carcere dimissi redeunt p. 247. 248. §. 208.

*Ceremonia* (v. Actiones externæ. v. Ritus) æstimandæ sunt ex virtutibus eas peragentium p. 119. §. 103.

*Character* scribendi universalis realis nude significativus p. 331. §. 32. seqq. Scientificus p. 335. §. 24. seqq. Sinicus p. 339. 340. §. 25.

*Charitas* v. Amor.

*Civitatum* origo p. 165. 166. seqq.

# I N D E X.

- Clarum* esse & dici quid differant p. [155](#). [156](#). §. [133](#).  
*Commentatorum* morbus p. [35](#). §. [25](#).  
*Confucius* p. [14](#). [15](#). [16](#). §. [18](#). memorabile ejus dictum  
 de *Sancto* in occidente p. [47](#). §. [44](#). comparatus cum  
 Cynicis, Stoicis & Aristippo p. [127](#). §. [110](#). & *Epi-  
 curo* p. [134](#). §. [115](#).  
*Conjuncti* officia p. [168](#). [169](#). [170](#). §. [142](#). [143](#).  
*Consensus*, v. *Harmonia*.  
*Consentaneum*, quid sit secundum Confucium p. [42](#).  
 §. [41](#). p. [75](#). §. [64](#).  
*Conversationalis* recte instituendæ necessitas p. [123](#).  
 §. [106](#).  
*Cor* hominis & cor rationis quid? p. [66](#). §. [57](#). sollici-  
 te regendum p. [67](#). §. [57](#). ejus rectitudo est funda-  
 mentum virtutum p. [71](#). [72](#). §. [61](#). [62](#).  
*Criminum* tria millia numerant Sinae p. [247](#). §. [208](#).  
*Cultus* mortuis a Sinis exhiberi solitus qualis p. [190](#).  
[191](#). §. [161](#). Cultus DEI apud antiquissimos Sinas  
 purior p. [287](#). §. [235](#).

## D.

- Demonstratio* præceptorum moralium desumpta ab  
 exemplis Regum, p. [30](#). §. [30](#).  
*Diaria* litteraria p. [10](#). §. [12](#).  
*Discientium* officia p. [62](#). §. [54](#).  
*Dives* (v. opes) improbus descriptus p. [146](#). [147](#).  
 §. [126](#). [127](#). [128](#).  
*Divisio* Philosophiæ moralis Sinicæ. p. [23](#). §. [24](#).  
*Docentium* officia ex Confucio p. [59](#). §. [53](#).

# I N D E X.

## E.

*Educatio* juventutis curæ sit tam Magistratui , quam  
ipsis parentibus p. 161 , 162 . §. 138 . ejus regulæ  
p. 179 . 180 . 181 . §. 153 .

*Encomia* Sinis tributa excusantur p. 274 . §. 230 .

*Errorum* causæ p. 87 . §. 74 . 75 .

*Eruditus* quis p. 182 . 183 . §. 154 .

*Examen* sui ipsius serium p. 83 , 84 , 85 . §. 71 . 72 .

*Exempla* excitant animum ad imitationem p. 8 . §. 11 .

Regum exempla sunt argumenta virtutem persua-  
dencia p. 30 . §. 30 . exemplis virtus alitur & accen-  
ditur p. 32 . §. 32 , p. 80 . §. 69 . causæ , cur exempla  
præceptis præstent , p. 81 , 82 . §. 70 .

## F.

*Fama* popularis , quid de ista statuendum ? p. 153 .  
§. 132 .

*Familia* regimen & Imperii iisdem subest legibus  
p. 168 . §. 141 . qui familiam recte regit , ille magi-  
stratui gerendo aptus censetur p. 195 , 196 . §. 166 .

*Famis* tempore quæ Principis officia ? p. 249 . §. 209 .

*Fides* in conversatione commendata p. 141 , 142 .  
§. 121 .

*Finis studiorum* p. 32 . §. 33 .

*Fortitudo* Australium , Borealiū , & sapientiæ stu-  
diosorum quid differat ? p. 96 , 97 . §. 82 . 83 . belli-  
ca p. 99 . §. 84 .

## G.

*Gaudium* ex virtutis studio capiendum p. 68 . §. 58 .  
p. 145 , 146 , §. 125 , 126 .

Glo-

## I N D E X.

*Gloria* virtutis motivum, p. 31. §. 31. simulatis virtutibus nixa facile ruit. p. 157. §. 134.

### H.

*Harmonia* affectuum & appetituum cum statu, quo quis degit, ad perfectionem requiritur p. 109. 110. §. 95.

*Herilis* status, qualis p. 193. 194. 195. §. 164. 165.

*Historia* philosophica quomodo instituenda p. 2. §. 2. p. 7. §. 9. *Ejus defectus* p. 3. §. 34. p. 4. §. 5. ejus usus p. 8. §. 10. 11. p. 9. §. 12. p. 11. §. 13. 14. p. 12. §. 15. requisita ejus. p. 13. §. 16.

*Hostes* amandi p. 94. §. 80. p. 93. §. 79.

### I.

*Jesuitæ* librorum Sinicorum Editores, p. 17. §. 19. p. 19. §. 21.

*Imbecillitas* male pro causa neglectæ virtutis allegatur, p. 70. §. 59.

*Immortalitatis* poculum p. 282. §. 234.

*Imperator* est Filius Cœli p. 229. §. 195. quid observare debeat p. 230. 231. 232. §. 196. Status ejus & conditio p. 232. §. 197. Ejus suprema lex, p. 233. §. 198. Virtutes ei peculiare p. 233. 234. 235. §. 199. p. 237. §. 202. Vitia p. 236. §. 201. ejus officia erga consanguineos, Ministros, & familias nobiles, p. 239. 240. §. 204. Officia erga monentes p. 240. §. 205. Cura ejus circa justitiæ administrationem p. 241. 242. §. 205. Officia circa egenos & efflictos p. 249. 250. 251. §. 209. 210. ejus novem regnandi regulæ p. 265. seqq.

# I N D E X.

- Institutorum* antiquorum ratione vestium & *conversatio-*  
*onis* observatio p. 152, 153. §. 131.  
*Intellectus*; ejus emendatio præcedit emendationem  
 voluntatis, p. 37. §. 37. Dubia nostratum hac de  
re; p. 38. §. 38.  
*Justitia* quid & unde? p. 91, 92. §. 78.

## L.

- Legatorum* *requisita*, p. 225, 226. §. 193.  
*Liberorum* officia p. 174. §. 147. Eorum est alere pa-  
 rentes cum reverentia p. 174, 175. §. 148. Solli-  
 citudo in observatione officiorum eis competens  
 p. 177, 178. §. 151. 152.  
*Libri* Sinarum classici, p. 17. §. 19. p. 345. §. 28. Con-  
 fuse scripti p. 273. §. 229. p. 22. §. 23.  
*Lingua Sinica*; ejus paradoxa p. 292. §. 4. Mandarinæ  
 p. 293. §. 5. inops vocabulorum p. 294. §. 6. ad re-  
 gulas semanticas examinata. p. 304. seqq. compara-  
 ta linguis Europæis p. 311, 312. §. 15.  
*Litteratura Sinica* est amplissima p. 290. §. 2.  
*Longavitas*, p. 21, §. 22. Filialis obedientiæ premi-  
 um p. 79. §. 67.  
*Luctus Sinicus* p. 184. seqq.

## M.

- Magistratus* idoneis viris committendus p. 197, 198.  
 §. 168, 169. an & quando magistratum ambire li-  
 ceat? p. 199, 200. §. 170, 171.  
*Medium*, in ejus observatione consistit virtus p. 74.  
 §. 64. quid sit p. 75. §. 64.  
*Mem cius* celebris Sinarum Philosophus p. 17. §. 19.

*Me*

## I N D E X.

*Metempsychosis* a Sinis quibusdam defensa. p. [50.](#)  
[§. 47.](#)

*Methodus*, qua Sinæ tradunt Philosophiam suam p. [22.](#)  
[23.](#) [24.](#) [25.](#) §. [23.](#) [24.](#) [25.](#)

*Metu* filiali populus regendus est, non servili p. [244.](#)  
§. [206.](#)

*Militia* (v. Bellum) quo ordine populus in ea sit instituendus, p. [275.](#) §. [215.](#)

*Minister* status, qui ille, & quæ officia ejus; p. [208.](#)  
seqq. ejus propriæ virtutes p. [214.](#) §. [122.](#) Principem moncat. p. [215.](#) [216.](#) §. [184.](#) p. [221.](#) §. [188.](#)  
dignitate motus, quomodo sese gerat p. [221.](#) [222.](#)  
§. [189.](#) [190.](#) quando abdicare officium possit & debeat p. [223.](#) §. [191.](#)

*Mores*, v. Instituta.

*Motiva* Virtutis a gloria sumta p. [31.](#) §. [31.](#) ab exemplis p. [80.](#) §. [69.](#)

*Munus* publicum vitæ privatæ præferendum p. [224.](#)  
§. [192.](#)

*Musica* a Sinis magni æstimata p. [52.](#) §. [48.](#) p. [120.](#)  
[121.](#) §. [104.](#) p. [260.](#) [261.](#) §. [219.](#) ad excitandas  
virtutes adhibita p. [117.](#) [118.](#) §. [102.](#) [103.](#)

*Mysterium Te Kim* quid? p. [349.](#) §. [29.](#) seqq. ejus expositio Leibnitio-Bouvetiana p. [356.](#) §. [31.](#)

## N.

*Natura* effectus & phænomena sunt virtutis & vitiorum consecraria p. [79.](#) §. [68.](#)

## O.

*Obedientia* civium erga Magistratum pendet ab obedientia  
A a [4](#) dien-

## I N D E X.

- diſciplina* erga parentes p. 160. §. 137. exercenda erga parentes etiam moroſos, p. 175. §. 146. p. 177. §. 149. 150. Media inculcandæ obedienciæ p. 183. §. 155.  
*Odium* an & quo ſenſu locum habeat p. 92, 93. §. 79.  
*Officiorum* diſtinctio Sinica p. 24. 25. §. 25. Comparatio p. 33. 34. 35. §. 34. p. 41. 42. §. 41. ſons & principium p. 52. 53. 54. 55. §. 49. 50. (v. *Munus.*)  
*Opes* quomodo adminiſtrandæ p. 143. §. 123. 124. quid circa earum acquisitionem obſervandum. p. 147. 148. §. 128. quid circa earum diſpenſationē. p. 148. §. 129.  
*Ordo* v. *Methodus.*

## P.

- Parentum* officia, p. 171. 172. §. 145. *Auctoritas* eſt ſepes magiſtratum p. 192. §. 162. & liberorum communicatio quouſque extendatur. p. 193. §. 162.  
*Paſſiones* v. *Affectus.*  
*Pauperes* animo facile deſiciuntur. p. 147. §. 127. officia erga illos. p. 149. 150. §. 130.  
*Penuriam* populi Imperans ſubleuet p. 249. §. 209.  
*Perſectio* homini concreata quidem, ſed deperdita p. 44. §. 42. p. 85. §. 73. p. 111, 112. §. 197.  
*Perturbatio* animi repugnat principio actionum generali p. 107. 108. §. 92. 93. perturbationum quatuor claſſes p. 111, 112. §. 97. Earum diſtributio ſecundum ætates. p. 112, 113. §. 98.  
*Philoſophia* veterum quomodo inquiri ſoleat p. 1. §. 1. ejus applicatio ad negotia publica. p. 2. §. 2. p. 4. §. 5. p. 5. §. 6. *Europæ* p. 5. §. 6. curratio copuletur cum prudentia rerum gerendarum p. 5. §. 7.

# I N D E X.

- promovetur a Magnatibus p. 6, 7. §. 8, 9. consili-  
um de Philosophia gentium ad temp. applicata p. 7.  
§. 9. Sinica p. 14. §. 17, 18. p. 20. §. 22. ejusdem de-  
finitio p. 25, 26. §. 26. Sinica collata cum nostra  
p. 275. seqq. ejusdem prærogativa præ nostra p. 275.  
seqq. nostræ præ illa p. 280, 281. §. 233. præroga-  
tiva Theologiæ moralis præ philosophia morali Si-  
nica p. 282. seqq.
- Philosophus* sine virtute non est verus; p. 26, 27. §. 26,  
27.
- Politica*, p. 23. §. 24.
- Populus* corruptus, quanto temporis spatio renovari  
& corrigi possit. p. 204, 205. §. 175. quomodo id  
fiat p. 205, 206. §. 176. quomodo metu filiali re-  
gendus p. 243. §. 206. alendus, p. 253, 254. §. 213.  
famis & penuriæ tempore curandus. p. 249, 250, 251.  
§. 209.
- Potentia* vicini Principis quomodo coercenda p. 263.  
§. 222.
- Praxis* sine theoria manca est. p. 279. §. 232.
- Principium* philosophiæ moralis p. 52, 53. §. 49. ejus  
applicandi modus, p. 54. §. 50.
- Prudentia*, quid p. 100, 101, 102. §. 86. ejus comites  
p. 103. §. 87.

## R.

- Ratio*; Sinorum de ipsa sententia p. 41. §. 41. iis rebus ex-  
colatur, quæ factis exprimi possunt. p. 37. l. 37.  
p. 41. §. 41. rationis consentaneum, s. dictamen,  
s. conscientia p. 42. §. 41.
- Regnum* novum, quomodo administrandum. p. 259,  
260. §. 218. 219.



# I N D E X.

*Regulorum* officia, p. 226, 227. §. 194.

*Rex*. v. Imperator.

*Ritus* (v. *Actiones* externæ, v. *Ceremoniæ*,) funerales Sinici; p. 188, 189. §. 159 160. videntur civiles, non religiosi apud Sinas, p. 190, 191. §. 161.

## S.

*Sanctus*, quis p. 44, 45. §. 42. 43.

*Sapiens* Sinicus quis p. 44, 45. §. 42. 43.

*Scientia* sine virtute nil prodest p. 42. §. 41.

*Scriptores* de philosophia veteri, p. 1. §. 1. eorum triplex officium p. 1. §. 2. Defectus eorum p. 3. §. 3, 4. p. 4. §. 5.

*Scriptura* Sinica p. 312. seqq. Europæa p. 323. seqq.

*Seclæ* Fœ Kiao p. 48. §. 45. p. 50. §. 47. Me & Yam p. 181. §. 153.

*Semantica* quid? p. 298. §. 9. ejus regulæ generales p. 300. seqq.

*Sermo* factis respondeat p. 130. §. 112. ejus officia miscellanea p. 133, 134. §. 114.

*Servorum* officia, p. 194. §. 165.

*Sina*, non sint athei? p. 47, 48, 49. §. 45, 46. eorum æstimatio apud Europæos p. 36. §. 36. Unde eorum prudentia p. 278, 279. §. 232.

*Solandi* modus Sinicus p. 115, 116, 117. §. 100. 101.

*Subtilitates* philosophicas Sinæ negligunt. p. 25. §. 26. p. 29. §. 29.

*Supplicia* quomodo adhibenda p. 245. §. 207.

# I N D E X.

## T.

*Taciturnitatis* motiva, locus & tempus, p. 130, 131,  
132, §. 113.

*Temeritas* detestanda, p. 99, 100, §. 85.

*Temperamentum* virtutum; p. 102, 103, 104. §. 87, 88.  
externarum actionum p. 124, 125. §. 108.

*Theologia* nostræ moralis prærogativæ præ philosophia  
moralis Sinensi p. 282, 283. seqq.

*Theoria*. Eam Sinæ negligunt fere p. 29, 30. §. 29.  
theoria Sinarum de natura rationali. p. 41, 42. §. 41.  
sine praxi parum prodest. p. 279. §. 232.

*Typographia* Sinica, p. 340. §. 26. seqq.

## V.

*Vestimenta* : Officia circa illa p. 152, §. 131.

*Virtus* alitur gloria p. 31. §. 31. exemplis p. 32.

§. 32. melius de ea ratiocinantur Sinæ, quam o-  
lim Græci p. 65. §. 55. debet esse interna p. 66.  
§. 56. ea homo gaudere debet. p. 68. §. 58.

Tres sunt eorum classes, qui virtuti student. p. 70.

§. 60. Ejus fundamentum est rectitudo cordis.

p. 71, 71. §. 61, 62. Ejus regulæ generales &

divisiones p. 71, 72. §. 62. Consistit in tenendo

medio p. 74. §. 64. ejus pretium. p. 76, 77. §. 65.

ejusdem confectaria & præmia p. 77, 78. §. 66, 67.

Naturalia quoque phænomena virtutis sunt con-

fectaria, p. 79. §. 68. Media queis virtus ac-

quiritur & conservatur. p. 83. §. 71, p. 85, 86.

§. 73. Impedimenta virtutis. p. 87. §. 74. est

homini concreata, sed jam deperdita p. 44. §. 42.

pag.

# INDEX.

pag. 85. §. 73. ejus amplitudo p. 88. §. 76. virtutes cardinales sex p. 102, 103, 104. §. 88. virtutes exteriores v. Actiones externæ.

*Vitiorum* causæ. p. 87, 88. §. 74. 75. Emendatio p. 104, 105. §. 89.

*Voluntatis* emendatio pendet ab emendatione intellectus p. 24. §. 35. ab ea deinceps pendet affectuum regimen p. 106. §. 91.

*Uxoris* recens nuptæ officia p. 170. §. 143. cui eloquenda p. 171. §. 144.







# ERRATA.

Pagina	§.	Linea.	Lege
303.		1. 2.	prorememorativis l. memoria- libus
305.	Not.	1.	aliis.
308.		ult.	tegulam:&; mirabantur
311.	Not.	10.	quâ
345.	Not.	1.	duplici.

Adl

178153

# ERRATA,

quæ sensum impedire possunt, ita  
corrigent Lectores Benevoli.

Pagina	§	Linea.	Lege.
18.		4 <sup>a</sup> line	pro <i>regia</i> l. <i>gia</i> .
41.	40.	5.	continet
46.		15.	lego, &
74.		ult.	pro <i>sen</i> l. <i>sed</i>
80.	69.	1.	apposita
89.		2.	post <i>tueri</i> fiat <i>comma</i> ,
93.		8.	benevolentia
95.		3.	pro <i>non</i> l. <i>on</i>
99.	84.	2.	deleatur : <i>de</i>
108.		6. & 13	Tum vero; & : optata modo
151.		7 <sup>a</sup> fine	pro <i>del.</i> &
168.		10.	teneritudo
192.	162.	4.	quantam
203.	Not.	1.	stadiorum
208.	177.	13.	ut decet
220.	187.	12.	invidis
240.	210.	4.	juvanda
ibid.		6.	sic lege : illud est Principis <i>Chen</i> <i>cum</i> seculo A. Chr. No. XII. & alterum adhuc antiquius , Imperatoris <i>Yü</i> seculo A. Chr. N. XXII. Prioris hæc
ibid.		ult.	<i>Chim Vam</i>
295.	6.	ult.	Uber





